

215.4

E

ND



71
—
71
—
2



Feb. 13. A. 13



~~204. 16. A. 19.~~
A. R. P.


**FR. MARCI
SERRAE:
ALCODIANI.**

**Sacrae Theologiae Magistri.
ORD. PRÆDIC.**

**S V M M A
COMMENTARIORVM
In Secundam Secundæ S.Th.
T O M V S I I.**



R O M A E,
Apud Franciscum Caballum, 1653.
Superiorum permissu.



I N D E X
Q V A E S T I O N V M
A R T I C V L O R V M,
E T D V B I O R V M.



Q V A E S T I O L X V I I .

De Iudicis iniustitia.



A R T I C V L V S I .

Vtrum quis possit
iuste iudicare eum,
qui non est sibi sub-
iectus. pag. I

Dub. An debeat

Iudex habere potestatem in eum,
quem iudicat. ibid.

Art. 2. Vtrum Iudicij liceat iudica-
re contra veritatem, quam no-
uit, propter ea, quae in contra-
rium proponuntur. 10

§ 2

Dub.

Dub. An Iudex reum, quem priuata scientia scit esse innocentem, possit secundum allegata, & probata ad mortem condemnare. *ibid.*

Art. 3. Vtrum iudex possit aliquem condemnare, etiam si non sit aliquis accusator. 26

Dub. 1. An possit Iudex ex propria, & priuata scientia aliquem sine accusatore, aut testibus, aut loco defensionis non concesso, condemnare. *ibid.*

Dub. 2. Quanam requirantur, vt Iudex rectè procedat vsque ad sententiam, & condemnationem rei. 33

QVÆSTIO LXVIII.

De pertinentibus ad iniustam accusationem.

Art. 1. Vtrum homo teneatur ad accusandum. 59

Dub. 1. Quando teneatur homo ad accusandum. *ibid.*

Dub. 2.

Dub. 2. Quæ crimina possit quis accusare, vel denunciare. 75

QVÆSTIO LXIX.

De peccatis, quæ sunt contra Iustitiam ex parte Rei.

Art. 1. Vtrum absque peccato mortali possit accusatus veritatem negare, per quam condemnaretur. 83

Dub. 1. An reus iuridicè interrogatus à Iudice teneatur sub mortali veritatem fateri etiam contra caput suum. 84

Dub. 2. An reus, qui iuridicè interrogatus semel negavit veritatem, postea sub mortali eam fateri teneatur. 96

Art. 2. Vtrum accusato liceat calumniosè se defendere. 101

Dub. 1. An liceat reo crimina testium excipiendo prodere, & dicere accusatorem mentiri, & calumniari. *ibid.*

Dub. 2. An liceat reo, ut se à tormentis

tis liberet, se ipsum infamare, confitendo crimen, de quo non iuridicè interrogatur. 106

Art. 3. Vtrum reo liceat iudicium per appellationem declinare. pag. 117

Art. 4. Vtrum liceat condemnato ad mortem se defendere, si possit. pag. 119

Dub. 1. An liceat innocenti condemnato ad mortem secundum allegata, & probata seipsum defendere. 120

Dub. 2. An iuste condemnatus ad mortem possit fugere, & carcerem, ac vincula frangere. 124

Dub. 3. An damnatus ad sumendum venenum possit illud sumere; & damnatus vt pereat possit non comedere cibos sibi oblatos, pag. 133

QVAESTIO LXX.

De Iniustitia pertinente ad Perso- nam testis.

**Art. 1. Vtrum homo teneatur ad
testimonium ferendum. 137**

**Dub. 1. Quando testis interrogatus
à Iudice teneatur testimonium
ferre. ibid.**

**Dubium 2. An aliquādo teneatur
quis testimonium ferre à Iudice
non vocatus. 152**

**Dub. 3. An testis ratione testimo-
nij præstiti, vel ommissi teneatur
ad restitutionem : 157**

**Art. 2. Vtrum sufficiat duorum, aut
trium testimonium. 164**

**Dub. An iure naturæ requiratur, &
sufficiat duorum, vel trium testi-
monium ad reum condemnan-
dum. ibid.**

QVÆSTIO LXXI.

*De iniustitia, quæ fit in iudicio
ex parte aduocatorum.*

Art. 1. Vtrum Aduocatus teneatur
præstare patrocinium causæ pau-
perum, 172.

Artic. 3. Vtrum Aduocatus peccet
si iniustam causam defendat,
177.

QVÆSTIO LXXII.

*De verborum iniurijs, quæ inferun-
tur extra iudicium.*

Art. 1. Vtrum Contumelia consistat
in verbis, 185.

Dub. quid, & quotuplex sit contra-
melia, ibid.

QVÆSTIO LXXIII.

De detractiōe.

Art. 2. Vtrum Detractiō sit peccatum mortale, 193.

Dub. 1. An reuelare crimen occultum vniviro prudenti, qui retinebit secretum, sit peccatū mortale, ibid.

Dub. 2. An solius, & cuiuscumque peccati mortalis narratio, etiam si non assertiua, sed ex auditu, & sub dubio sit, tanquam mortale detractiōis peccatum ad restitutionem famæ obliget, 201.

Art. 4. Vtrum audiens, qui tollerat detrahentem, grauiter peccet, 216.

QVÆSTIO LXXIV.

De susurratiōe.

Art. 2. Vtrum susurratio sit grauius pecc.

peccatum , quam detractio ,
pag. 220.

QVAESTIO LXXV.

De derisione .

Art. 2. Vtrū Derisio possit esse peccatum mortale , 223.

QVAESTIO LXXVI.

De maledictione.

Art. 1. Vtrum liceat maledicere aliquem , 226.

Art. 3. Vtrum maledicere sit peccatum mortale , 230.

Art. 4. Vtrum maledicere sit gravius peccatum, quam detractio , 233.

QVAB.

QVAESTIO LXXVII.

De fraudolentia.

Art. 1. Vtrum licite aliquis possit vendere rem plusquam valeat, 237.

Dub. 1. quid sit emptio, & venditio; quid, & quotuplex contractus, ibid.

Dub. 2. quomodo constitui, & taxari debeat pretium iustum rerum venalium, 247.

Dub. 3. An sit aliquando licitum maiori pretio vendere, & minori emere, quam communiter valeant 254.

Dub. 4. An liceat vendere carius ob dilatam solutionem, & emere vilius ob solutionem anticipatam 266.

Dub. 5. An liceat pro minori pretio emere pagas acerbas, hoc est debita solvenda in posterum, pag. 283.

Dub. 6. An qui emendo, aut vendendo decipit alium citra dimidium

dium iusti pretij, peccet, & ad restitutionem teneatur, 292.

Art. 2. Vtrum venditio reddatur illicita propter defectum rei venditæ, 295.

Dub. An si res habens defectum non minus bona sit, ac valeat, quam alia, quæ communiter venduntur, possit eadem pretio, quo alie vendi, ibid.

Artic. 3. Vtrum venditor teneatur dicere vitium rei venditæ, 299.

Dub. 1. An si venditor minuat de pretio quantum oportet, possit tacere vitium occultum rei, quæ vendit, 300.

Dub. 2. An venditor, qui scit pretium rei, quam vendit mox minuendum ob copiam mercium, superuēturam, teneatur hoc emptoribus exponere, vel de pretio minuere, & non vendere pretio corrente, 305.

Art. 4. Vtrum liceat negotiando aliquid carius vendere, quam emere, 313.

Dub. 1. An cambiorum lucra sint licita negotiatoribus, ibid.

Dub.

Dub. 2. An in contractu societatis mercatoriae sit licitum, lucrum certum exigere, salva sorte, 335.

Dub. 3. An liciti sint contractus af-
securationis, fideiussionis, & lo-
cationis, 342.

Dub. 4. An sit licita emptio, & ven-
ditio censuum, 351.

QVAESTIO LXXVIII.

*De peccato usurae, quod committi-
tur in mutuis.*

Art. 1. Vtrum accipere usuram pro pecunia mutuata sit peccatū, 374

Dub. 1. quid, & quotuplex sit usu-
ra, & quo iure sit prohibita, ibid.

Dub. 2. An sit licitum mutuanti spe-
rare aliquid ultra sortem, illudque
acceptum retinere, 379.

Art. 2. Vtrū liceat pro pecunia mu-
tuata aliquam aliam commodi-
tatem expetere, 383.

Dub. 1. An qui mutuatur possit absque
peccato in pactum deducere ami-
citiae signa, condonationem iniu-
riae,

ria, & remunerationem, & ut qui mutuum accipit in eius Molendino molat, & alia huiusmodi, 384.

Dub. 2. An liceat mutuantibus ratione damni emergentis, & lucri cessantis aliquid exigere ultra sortem, 392.

Dub. 3. An alia ratione liceat mutuantibus aliquid exigere ultra sortem, 399.

Dub. 4. An mons pietatis, cui mutuatarii ultra capitale aliquid reddunt pro stipendio ministrorum, & aliis sit usurarius. 406.

Art. 3. Vtrum quidquid de pecunia usuraria quis lucratur fuerit reddere teneatur, 410.

Dub. 1. An usurarius acquirat dominium usurarum, ibid.

Dub. 2. An omnia bona usurarii sint obnoxia, & obligata restitutioni, 415.

Dub. 3. An heredes, vxor, filij, famuli, & cooperatores usurarii teneantur ad restitutionem, 419.

Art. 4. Vtrum liceat pecuniam accipere mutuo sub usuris, 425.

QVAE.







QVÆSTIO LXVII.

De Iudicis Iniustitia.

ARTICVLVS PRIMVS.

*Vtrum quis possit iuste iudicare
eum, qui non est sibi subiectus.*

Conclusio est negans.

*Dubium, An debeat Iudex habere
potestatem in eum, quem iudicat.*



ARS negans probatur i. Le-
ges, & sententię latę a ty-
ranno valide sunt, & vim
habent obligandi Cives Rei-
publicę per tyrannidem ab
eo occupatę: at nullam habet

a † in

2 QVAESTIO LXVII.

in illos potestatem, ergo, &c.

Secundò, Iudex, qui crimen admisit, ob quod ipso iure est priuatus officio, non habet potestatem in eos, quos iudicat: at omnia eius acta sunt valida, ergo &c.

Tertiò sententia, & cætera acta iudicis excommunicati valida sunt: at caret potestate, & iurisdictione in eum, quem iudicat talis Iudex; ergo, &c.

Quartò, Iudices sæculares sæpe iudicant clericos: at non habent in eos potestatem, aut iurisdictionem; ergo, &c.

Dicendum tamen est: Necessarium esse in iudice potestatem iurisdictionis in eum quem iudicat. Docet hoc expresse D. Th. hic ubi, concludit: *Et ideo manifestum est quod nullus potest iudicare aliquem, nisi sit aliquo modo subditus eius, vel per commissio- nem, vel per potestatem ordinariam.*

Probaturs deinde ratione eiusdem S. Doctoris: sententia iudicis debet habere vim coactiuam, per quam constringatur vtraque pars ad seruandam sententiam, alioquin iudicium nõ esset efficax: sed nisi index haberet prædictam potestatem in eum, quem iudicat sententia eius non haberet talem vim coactiuam; ergo, &c.

De iudice, qui talis est, quod aliqui propria sponte se illi subiiciunt, de quo agit D. Thom. in solutione secundi, difficultas est, quam & vnde auctoritatem, ac potestatem habeat? De iudice, cui se subiceret Papa; sicut se subdidit Leo Papa Imperatori, vt hic ad 2. ait D. Thom. & habetur 2. quæst.

ARTICVLVS I. 3

quæst. 7. cap. Nos Caietanus hic: §. *Ad primum dubium* inquit *Quod cum potestas iudicis, ut in littera dicitur, sit aut ordinaria, aut per commissionem, & in proposito constat, quod iudex non possit ordinaria potestate iudicare Papam: consequens est, quod potestas ista per commissionem est accepta, ab ipsomet. Papa scilicet; quo iudex prædictus, proinde non est superior simpliciter, nec habet vim coactivam simpliciter respectu illius, sed solum secundum quid, quantum scilicet ad hanc sententiam. Dicit deinde Caiet. §. *Ad secundum dubium*, Papam licet in quibusdam possit se subijcere in foro iudiciali alterius iudicio; non tamen in omnibus, ut colligitur ex D. Thom. in 4. dist. 19. q. 1. artic. 3. qu. 3. ad 3. ubi ait *Sicue nullus in se ipso sententiam dare potest excommunicationis, ita nec alteri committere se excommunicare. Et idem dicunt Ricardus in eodem 4. dist. 18. art. 5. q. 1. ad 2. & Paludanus ibidem q. 2* In quibus autem se possit Papa alteri subijcere, explicat Caietanus, & ait: *Quod in omnibus quæ Papa potest per se ipsum iudicare, potest se alteri subijcere. Et in nullo potest se alteri subijcere, quod per ipsum iudicare non potest. Unde cum Papa non possit se ipsum excommunicare, deponere, suspendere; non potest alteri committere, ut ipsum excommunicet, deponat, suspendat. Quia tamen Papa potest per se ipsum iudicare causas iniuriæ inter ipsum, & alios, potest etiam huiusmodi causas committere alteri, illi-**

4 QVÆSTIO LXVII.

que subijcere : non quidem : vt ipsum puniat , sed vt suo emendet iudicio , quod iniuste fecit rapiendo , infamando , occidendo , &c. v. g. sicut , & ipse Papa suo iudicio poterat , & debebat hoc emendare , & quod tenetur restituere . Cuius sententia proinde parere tenetur Papa ex iustitia commutatiua , alias enim iniustus esset . Quod intelligendum est respectu partis læsæ , cui est iustitia commutatiua tenetur satisfacere , non respectu iudicis delegati , nam semper habet ius reuocandi sententiam eius , vt hic dubio 3. con. 5. asserit M. Bañes . Qui & con. 6. inquit , doctrinam Caietani intelligendam esse de iudicio in foro exteriori , non in foro conscientia : nam vt ait D. Thom. loco citato ex 4. sent. *In foro conscientia potest alteri committere suam absolutionem , qua ipse uti non possit .* Rationem autem differentiæ assignat M. Bañes . Vide illum , & D. Thom. loco citato .

De iudicibus arbitris idem dicendum esse insinuat Caietanus , habere scilicet potestatem per commissionem acceptam , ab illis videlicet qui in eos compromittunt , qui non seipsos illis subiciunt , vt ipsos puniant , sed vt iudicent , quod ipsi iudicare poterant , quis sit debitor alteri , eique debeat satisfacere . M. Soto lib. 3. quæst. 4. artic. 6. ait , arbitros iudices quodammodo habere publicam auctoritatem , & iure gentium habere vim per suam sententiam ligandi .

Ad

ARTICVLVS I. 5

Ad 1. autem factum in principio M. Soto libro 3. de Iustitia, quæst. 4. art. 6. negat maiorem absolutè, ait enim: *Quod qui per tyrannidem regnum inuasum occupauit, neque legem ferre ullam potest, neque ius dicere, quod ullo pacto ciues in conscientia obliget, nisi forsan præscriptione, aut Reipublica consensu legitimi fuerint tandem princeps: ut de Francis apud Gallos legitur, & apud Hispanos de Gothis.* Oppositum docet M. Victoria Relect. De potestate ciuili, quem sequuntur M. Bañes hic dubio 1. & alij, sic enim habet: *Certè videtur quod leges quæ sunt conuenientes Reipublice obligent etiam si ferantur à tyranno, non quidem quia à tyranno lata, sed ex consensu Reipublicæ, cum sanctius sit, ut seruentur leges à tyranno lata, quam quod nullæ seruentur.* Et profecto esset in apertam Reipublicæ pernitiem, si Principes, qui non habent iustum titulum, acceperunt regnum, quod nulla essent iudicia, nec aliquo modo possent malefactores puniri, & coerceri, cum non sit tyrannus iudex legitimus si leges eius non obligant. Vnde partim quasi inchoatè tyranni sententiæ, & leges habent vim à iure naturali, quod supposita tali oppressione Reipublicæ, rerumque statu, dicat esse ei obtemperandum ob bonum commune, alioquin omnia essent plena furtis, & latrocinij, & parim, & quasi cõplete à Republica, quæ vel durante illo statu, quodam tacito consensu dat tyranno auctoritatem, vel certè approbat tacite eius leges, sententias, & iudicia iusta, & utilitati communi conue-

6 Q V A E S T I O L X V I I .

nientia . Propter quod tyrannus malefactores secundum ordinem iuris ad mortem condemnando, & interficiendo non peccat peccato homicidij, quia respublica tacite ad hoc tribuit illi auctoritatem, dum consentit, & cupit, vt ita faciat . Peccat tamen gerendo se, vt reorum Principem, & Principis potestatem sibi vsurpando, quoties iudicat, imo assidue, donec tandem, vel sponte à regno suscipiatur, vel longo temporum interuallo tandem nascatur præscriptio : assidue enim iniuriam insert, & opprimit Rempublicam, quæ eius tyrannidem inuita suffert, & numquam tyrannum, vt rerum principem recognoscit . Tamen Caietanus in sum verbo . *Tyrannus*, docet : *Quod excusantur a peccato inducendi tyrannum ad actum, & opus sibi illicitum petentes ab illo iustitiam, quia non petunt actum illicitum, sed iustitiam actus illiciti.* Vnde in forma distinguenda est maior, vt proficiscuntur à tyranno, nego maiorem; vt proficiscuntur à voluntate interpretatiua Reipublicæ, concedo illam . Respublica tamen auctoritatem, ac potestatem legitimam habet in ordine ad suos ciues.

Ad 2. M. Soto vbi supra dicit : *Quod qui semel legitime magistratum adeptus est, etsi postea crimen commisserit, ob quod merito sit ab illo abdicandus, tamen quousque iuris ordine priuetur, sententia eius ligat.* Dixerat autem lib. 1. q. 6 art. 6. con. 1. legem poenalem ob id, quod dicat ipso facto, vel ipso iure, aut

ARTICVLVS I. 7

aut quid simile, non obligare ad penā ante sententiā à Iudice latam. Sed quid de hoc sentiendum sit dictum est à nobis 1. 2. q. 96. artic. 4. dubio 3. Demus modo iudicem ob crimen admissum priuatum esse officio ante sententiā contra ipsum latam, de hoc afferendum est, quod Caietanus in Sum. verbo *Absolutionis impedimenta*, ait: *Quod est iure communi secundum sententiā communem ex L. Barbarius, ff. De officio pratoris, tenent gesta per huiusmodi iudicem, ubi duo simul concurrunt, scilicet communis error facti, & titulus*. Sunt autem valida huiusmodi acta absque iudicis prædicti potestate; quia Respublica legitimam habens auctoritatem, ea approbat.

Ad 3. respondetur: Si excommunicatio talis iudicis est occulta, validam esse sententiā, & cætera eius acta; Et quamuis non peccet usurpatione iudicij, peccare tamen contra Ecclesię præceptum, quo iubetur ab huiusmodi communione, & potestatis exercitio abstinere. Si vero excommunicatio est publica, seu notoria, toleratur tamen excommunicatus ab Ecclesia; etiam sunt valida eius acta. In Concilio enim Constantiensi sub Martino 5. statuitur, tantum esse vitandos nominatim excommunicatos, & notorios percussores clericorum. De alijs vero excommunicatis dicitur, *Misericordis & indulgentis, quod nemo deinceps a communione alicuius, in Sacramentorum administratione, vel receptione, aut alijs quibuscunque diuinis, vel extra*

8 QVABSTIO LXVII.

prætextu cuiuscunque sententia, aut censura Ecclesiastica à iure, vel ab homine generaliter promulgata teneatur abstinere, vel aliquem vitare. Cuius decreti tenorem refert M. Soto in 4. dist. 22. quæst. 1. art. 4. cum S. Antonino 3. p. tit. 25. cap. 2. Quæ concessio, cum sit in commodum fidelium, non est verosimile, Ecclesiam eos, quos adire permittit, ita priuare usu iurisdictionis, ut inuvalida sint eorum gesta: talis enim concessio illusoria, & noxia esset, nisi valida essent talium excommunicatorum acta: nam, multi per ea deciperentur, & cum magno multorum damno omnia hæc deberent rescindi, vel retractari. Vnde tacite videtur Concilium sustulisse suspensionem iurisdictionis, quam olim excommunicatio continebat, Cum tamen Concilium non cogat, sed solum concedat, ut possimus cum iudice excommunicato habere communionem, nemo teneretur iudicem excommunicatum admittere, sed potest contra illum excipere, quod sit excommunicatus, ut patet Cap. *Exceptionem*, De exceptionibus. Cum etiam hæc concessio facta fuerit in gratiam Christi fidelium; non vero in fauorem excommunicatorum; peccant ij iudicando, non propter usurpationem iudicij, sed propter communionem. An vero peccent mortaliter, sunt due sententiæ. Prima est. solum peccare venialiter, ut colligitur ex Caietano in Sum. verbo *Excommunicatio*, §. *Vbi scito*, & docent alij receptiores. Secunda est com-

ARTICVLVS I. 9

munior, peccare mortaliter contra Ecclesie præceptum; nisi forte illum excuset à mortali materia leuis, vel functionis breuitas, aut ignorantia, vel inconsideratio, aut iusta necessitas, quia quæ facit, Reipublicæ, aut partibus necessaria sunt. Si denique excommunicatus non sit toleratus ab Ecclesia, iudicando peccat usurpatione iudicij, & omnia eius acta irrita sunt vt colligitur ex Cap. *Ad probandum*, 24. De sent. & re iudic. & ex cap. *Audiuimus*, & ex cap. *Miramur*, 24. q. 1. & ex alijs similibus, vbi indices excommunicati priuantur auctoritate iuris dicendi, & exercendi quoscunque actus iudiciales. Vnde si de his sermo sit in argumento, neganda est maior.

Ad 4. respondetur, peccare usurpatione iudicij iudices sæculares iudicantes clericos, qui sunt exempti ab eorum iurisdictione tam in civilibus quam in criminalibus, vt patet ex Concil. Trident. Sess. 25. cap. 20. De reformatione, & ex alijs Sacris Canonibus, & Concilijs, quæ omnia ibi Concil. Trident. innouat. Cui exemptioni clerici non possunt renuntiare, vt dicitur in cap. *Si diligenti*. De foro competenti, vbi, & ratio redditur: *Cum non sit beneficium personale cui renuntiare valeat, sed potius toti Collegio Ecclesiastico publice sit indultum.* Docet tamen M. Soto lib. 5. de Iustitia, quæst. 4. artic. 1. circa finem: *Nihilominus liberum esse quibuscunque Sacerdotibus Iudicem sibi arbitrium constituere, cui parere tenentur.* Quod

IN QVÆSTIO LXVII.

enim illis interdicitur, non est nisi, ut non consentiant in secularium tribunalibus sisti. Quomodo autem possit potestas secularis comprehendere, & detinere clericos Republicam perturbantes, donec oportune suis praelatis tradat, immo, & quandoque ad tranquillitatem Reipublicæ punire tales clericos, si in Ecclesia non esset possibilitas puniendi illos, explicat M. Bañes hic, dubio 2. Vide illum etiam dubio 4. ubi de iudiciis extrahentibus subditos suos ab Ecclesijs agit, & iudicium usurpare ostendit.

ARTICVLVS II.

Vtrum Iudici liceat iudicare contra veritatem quam nouit, propter ea quæ in contrarium præponuntur.

Conclusio est affirmans.

Dubium. An iudex reum, quem priuata scientia scit esse innocentem, possit secundum allegata, & probata ad mortem condemnare.

P Artem negantem tenent Lyra. in illud Exodi 23. vers. 7. *Insonnem, & iustum non occides*, & alij relari à M. Soto

ARTICVLVS II. 11

Soto lib. 5. de iustitia, quæst. 4. ar. 2. tam pro prima, quam pro secunda opinione, quos sequuntur P. Lessius lib. 2. capit. 29. dubit. 10. numer. 78. & alij recentiores. Probant 1. ex prædicto testimonio. Confirmantque, nam ibidem vers. 1. dicitur: *Non suscipies vocem mendacis, & vers. 2. Non sequeris turbam ad faciendum malum, nec in iudicio plurimorum acquiesces sententiæ, ut à vero detries, & vers. 6. Mendacium fugies.* Ex his enim rectè colligitur prohiberi iudici ne se iungat mendacibus testibus ad interficiendum innocentem. Item, cui potius, quam iudici incumbit illud Prouerb. 24. v. 11. *Erue eos qui ducuntur ad mortem.* Et quæ obseruasse Iob. dicit cap. 29. vers. 17. *Conterebam molas iniqui, & de dentibus illius aufereram prædam.* Et illud Psalm. 81. vers. 7. *Eripite pauperem, & egenum de manu peccatoris liberate.* Ergo &c.

Secundo, nam cap. Cum æterni. De sent. & re iudic. in Sexto Innocentius 4. inhihet iudicibus, illum condemnare, quem æterni iudicis tribunal reum nō habet, & illius imitari monet exemplum, qui quærelas populi tabernaculum ingressus ad Dominum referebat, vt secundum eius imperiū indicaret. Item cap. Qui scandalizauerit, De regulis iuris dicitur: *Vtilius fraudulum nasci permittitur, quam veritas deseratur.* Et 3. q. 7. cap. Postulatus, ex Beda in cap. 8. Ioan. *Antequam iudicemus, monemur in conscientia nostri fratris delictum quantum possumus excusare,* Et cap. Tunc vera, 11. quæst. 3. Tunc

ARTICVLVS II. 31

liter ū ſciret factum non mereri poenam iuxta legem; ergo neque etiam poterit, quando certo ſcit reum eſſe penitus innocentem: ad condemnandū enim aliquem morte non minus requiritur veritas criminis in eo, quam vera poteſtas in iudice, & vera æquitas in lege, ſecundum quam debet iudicari.

Quarto, innocentem occidere, eſt deſtruere rem, quæ in dominio eſt ſolius Dei ſine ipſius facultate; vita enim innocentis non ſubeſt poteſtati Reipublicæ, quæ non poteſt pro ſua ſalute tyranno occidendum tradere inuitum innocentem; ergo non poteſt iudex illum falſis teſtibus conuictū occidere. Confirmatur 1. Iudex non rectè occidit, niſi quando lex iuſta occidit, dicitur enim cap. *Si homicida*, 23. quaſt. 5. *Cum homo iuſte occiditur, lex eum occidit, nō tu.* Atqui lex innocentem nō occidit, quia æterna vetat, eaque vetante nulla iubere poteſt; ergo, &c. Confirmatur 2. Mendacium præſertim pernicioſum in iudicijs vitandum eſt etiam iudici, non tantum in verbis, ſed etiam in facto: ſed occidere innocentem tanquam nocentem eſt mendacium pernicioſum; ergo, &c.

Quinto, fieri poteſt, vt ipſe iudex accuſatorem, & falſos teſtes appoſuerit, & poſtea non poſſit illorum impetitionem impedire, poterit ne etiam tunc illum condemnare? Confirmatur 1. fieri poteſt, vt multorum conſpiratione integrum Monasterium accuſetur, & teſtibus conuincatur
de

14 QVÆSTIO LXVII.

de proditione Reipublicæ, de idolatria, de sodomia, & similibus; & iudex certo sciat illorum innocentiam: quis non horreat dicere, illum tunc posse, & teneri viros innocentissimos equis dicerpere, vel flammis tradere ob calumnias, & minas perditorum? Confirmatur 2. Si aliqua lex statueret, vt qui per calumniam oppressus est condemnaretur, etiam si iudex sciat illum innocentem esse, talis lex esset iniqua, & æquas aures offenderet; ergo illud ipsū opere exequi, est iniquum.

Dicendum tamen est primo: Iudicem posse, & debere secundum allegata, & probata ad mortem condemnare reū, quem priuata scientia scit esse innocentem. Docet hoc D. Thom. hic, vbi vniuersaliter ait, Iudicem, quando contrarium veritatis, quam nouit, probatur per instrumenta, & testes, & alia huiusmodi legitima documenta, debere quidem districtius probationes inductas discutere, vt possit earum defectum inuestigare. *Quod si eas nō possit de iure repellere, debet sicut dictum est, eas in iudicando sequi.* Idem docent S. Raymūdus lib. 1. Sum. tit. De iuramento, & per iurio §. 3. Caietanus hic, M. Soto lib. 5. de iustitia. quæst. 4. art. 2. vbi, & pro hac sententia citat Alex. de Hales, Ricardum, Petrum de Tarantasia, Bartholum, Ioannem Andream, Paludanum, & alios; Syluester verbo *Iudex*, 2. q. 5. vbi ait hanc sententiam esse antiquorum Theologorum, & Canonistarum, & omnes discipuli Diu. Thom.

ARTICVLVS II. 15

Thom. hic, præsertim M. Bañes, qui dubio
ait hanc sententiam non solum esse pro-
babiliorē, sed etiam esse veritatem mo-
raliter demonstratam.

Probatur. 1. ex illo Deuterom. 17. v. 6.
*In ore duorum aut trium testium peribit, qui in-
terficietur. Et c. 19. vers. 15. In ore duorum,
aut trium testium stabit omne verbum.* Qui-
bus verbis præcipitur, vt iudices secundū
allegata, & probata per testes iudicent &
neminem ad mortem condemnēt, nisi per
duos, aut tres testes conuincantur reum
esse mortis, seu aliquid dignum morte
commisisse; in ore quorum duorum, aut
trium testium: *Stabit omne verbum*: Hebræa
non habent *Omne*, sed *Stabit verbum* Sen-
susque est: accusatio ipsa erit firma, & sta-
bilis ac valida, aut actio confirmabitur,
vel statuta res erit, vt de ipsa sententia iudi-
cis pronuntiari possit; quod est nostrum
assertum.

Secundo, probatur ex cap. *Iudices*, 3.
quest. 7. vbi dicitur: *Bonus iudex nihil ex
arbitrio suo facit, sed iuxta leges, & iura pro-
nuntiat, nihil paratum, & mediatum de mo-
defert, sed sicut audit, ita iudicat.* Sed hoc
est iudicare secundum allegata, & proba-
ta, vt hic in argumento *Sed contra*, ait D.
Thom. & nisi secundum hæc iudicaret, nō
iudicaret sicut audit, & ex arbitrio suo ali-
quid faceret, aliquidque paratum, & me-
ditatum de mo deferret, liberare scilicet
reum probatum nocentem, quem vt per-
sona priuata scit esse innocentem; ergo,
&c.

16 **QVÆSTIO LXVII.**

&c. Confirmatur 1. ex cap. *Quamuis*, 11. quæst. 3. vbi dicitur: *Quamuis vera sint quædam, non tamen iudici sunt credenda, nisi cor- tis inditijs demonstrentur*. Et ex cap. *Si quis*, 30. q. 5. vbi additur: *Nisi que manifesto iudicio conuincuntur, nisi que iudiciario ordine publicantur*. Ex quibus, & alijs quæ ibi ci- tat Glossa, colligit, iudicandum esse secun- dum allegata, & non secundum conscien- tiam Iudicis. Idem colligitur ex L. *Illicitas*, ff. de officio præsidis. Confirmatur 2. ex cap. *Pastoralis*, De officio iudicis delegati; vbi dicitur, cum executio sententiæ ordi- nario demandatur: *Ordinarius, etsi sciat sen- tentiam illam iniustam, exequi nihilominus te- netur*. Ergo similiter licet iudex, vt perso- na priuata sciat iniustam, & falsam esse accusationem, & testimonium depositionem, tenebitur innocentem condemnare, si in- flet accusator, & ipse testes repellere non potest.

Tertio probatur ratione D. Thom. hic: *Iudicare pertinet ad iudicem secundum, quod fungitur publica potestate*. Ergo informari de- bet in iudicando, non secundum id, quod ipse nouit tanquam priuata persona, sed secundum id, quod sibi innotescit tanquam persona publi- ce. Quale est, quod allegatur, & probatur, secundum, quod proinde potest, & debet ad mortem condemnare, quem priuata scientia nouit innocentem. Si dicas hinc solum sequi iudicem ex priuata scientia nō posse auctoritate iudiciaria condemnare, & absoluerē; non tamen eum teneri sequi pu-

ARTICVLVS II. 17

publicam scientiam in condemnando, quādo nouit illam scientiam nihil esse aliud quam iniquum errorem, & calumniam. Contra hoc est, nam ut argumentatur M. Soto ubi supra argum. 2. Si ergo non potest innoxium absolvere, sed debet perpetuis vinculis adseruare: & perpetua vincula mori equi-
parantur: gratis profecto negatur quin possit eum lotis ab eius sanguine manibus lege in ipsum agere. Præterea ut hic §. Ad hoc, ostendit Caiet. Persona, quæ est iudex, tenetur uti officio suo parte, & populo instante. Ergo, & tene-
tur sequi publicam scientiam in condem-
nando. Actus namque sententia damnantis est actus publicus, & propterea debet per se causas habere publicas, scilicet personam, potestatem, scientiam, & voluntatem. Vnde manifestum est, iudicem non posse uti officio suo, quod est publicum, nisi se-
quendo scientiam publicam, quam si se-
quatur, condemnare debet, quem prius-
ta scientia nouit innocentem.

Quartò probatur cum Caietano hic: Si supremo iudici casus hic accidat scilicet quod sciat innocentiam, & pars atque populus petat iustitiam, quid facere debet Princeps? quo se-
uertet? Iudicare contra innocentem non potest secundum istos: absolvere non potest secundum iura: super sedere non potest parte, & populo instante: delegare non potest secundum istos; erit ergo perplexus Rex, aut Imperator in hoc casu, nisi renuntiet regno, aut imperio secundum istos. Confirmatur ut cum M. Soto ubi supra: Si certum esset duorum, videlicet Petrum, aut

18 QVAESTIO LXVII.

Paulum heresim seminasse, lazeret tamen ut er eorum id fecisset, & Petrus unus reus confite- retur Sacramentaliter in aurem iudicis heresi- ce prauitatis, & postea Paulus innocens defer- retur de illo crimine, cuius utique innocentia eidem Inquisitori constaret: tunc profecto Inqui- sitor perplexitate teneretur anceps. Nam si Paulum condemnare requireret, secretum confes- sionis reuelaret: fieret enim inde compertum Pe- tri crimen.

Dicendum est 2. ut possit, & debeat iu- dex ad mortem condemnare, quem nouit innocentem, debere prius omnem suam prudentiam, sollicitudinem, scientiam, potestatem, &c. adhibere, ut liberet illū, in hoc omnes conueniunt. Quid autē facere teneatur, explicat S. Raymundus, ubi supra; si enim iudex perpendat testes fal- sos velle deponere, inquit: *Debet niti ex officio suo, etiam si accusatus taceat, ad repel- lendum illos à testimonio, vel quia sunt ignoti, vel infames, vel grauius opinionis, &c.* Si hoc modo non potest repellere, subdit: *Tunc cum iudex debeat esse persona communis, pote- rit iuramentum eorum recipere, & tunc si in narratione facti inuenerit, eos deniare à vero, subtiliter examinet, & inuestiget, ut per pru- dentem inuestigationem possit inuenire causam ad repellendum eos, sicut fecit Daniel, &c.* Idem docet D. Thom. hic, & supra q. 64. artic. 6 ad 3.

Si nō inueniret causam ad eos repellen- dum, inquit M. Soto, ubi supra: *Si citra scandalum, optimaque dissimulatione id fieri posset*

ARTICVLVS II. 19

posset, liceret ei carcere aperto secreto dimittere, ut innocens se in pedes conferret.

Si id fieri non posset, ait Caietanus hic: *Deberet coram populo iurare, quod sibi constat oppositum, & propterea non iudicat, & indicare modum, quo constat sibi, puta, quia vidi in tali loco, &c.*

Si nihil horum proficiat, & est iudex inferior, inquit D.Tho. supra q. 64. ar. 6. ad 3. *Debet eum superiori relinquere iudicandum.* M. Bañes hic dubio 2. con. 2. & 3. asserit hoc debere fieri de consensu vtriusque partis: nam si altera pars instet, vt faciat iudicium, & iustitiam, non potest remittere causam superiori: quia tenetur seruare ordinem iuris in procedendo ad iudicium: ordo autem iuris est, vt in tali tribunali fiat prima instantia, ergo tenetur illum seruare. M. Soto, vbi supra ait: *Mox remedium illud tenuissimum est, immo inane: quoniam cum superior rei nesciat innocentiam, non posset ob testimonium inferioris eum absolvere, sed deberet alicrum testium iuriurando stare: & ideo perinde esset superiori remittere, ac supplicio conferre.* Sed si faceret inferior iudex, quod hic ait Caietanus, nempe si, quod sibi constat oppositum, significaret superiori. Re-
vel hic habendo ipsum inferiorem iudicem pro uno teste, innocens adiuvetur coram superioris iudicio, non videtur remedium inane. Et quamuis tale sit. consulit S. Raymundus: *Remittat ad superiorem, ut siue ille ferat, siue præcipiat, alleuetur ex hoc conscientia eius.*

Si autem hoc non potest efficere, aut ob instantiam partium, aut quia non habet iudicem superiorem, sed ipse suprenus est, dicunt nonnulli, & colligitur ex Syluestro verbo *Iudex* 2. q. 5. debere officio cedere, ac renuntiare, illudque dimittere. At hoc non placet M. Soto, ubi supra: *Tum quia remedium illud inutile est: tum precipue, quod nemo tam ingenti suo incommodo damnum, quod ipse non dedit, tenetur in fratre cauere. Etenim quod homo, qui officio suo vivit, debeat tantam iacturam facere, durum creditu est.* Non placet etiam Mag. Bañes hic dubio 3. con. 1. quia nemo vtens iure suo facit alteri iniuriam. Iudex autem iure suo vtitur. Et cum iudex ex suo officio teneatur seruare leges communes, & providere paci, & tranquillitati Reipublicæ; etiam si inde sequatur præter intentionem mors alicuius innocentis, non tenetur cessare ab officio suo: sicut nec dux in bello tenetur cessare ab impugnatione ciuitatis, etiã si aliqui innocentes ibidem occidendi sint per accidens. Vnde D. Thom. nunquam dixit teneri iudicem ad cedendum officio, sed post verba citata ex q. 64. art. 6. ad 3. subdit: *Si autem hoc non potest, non peccat secundum allegatam sententiam ferens: quia ipse non occidit innocentem, sed illi, qui eum afferunt nocentem.*

Ad argumenta autem facta in principio respondetur. Ad 1. ibi sermonem esse de illo, qui insons, seu innocens est in iudicio; vnde Chaldaica Paraphrasis ait:

Eum,

ARTICVLVS II. 21

Eum, qui fuerit iustificatus, & exierit iustus à iudicio, non occides. Publicis etiam potestatibus, ut ait M. Soto, ubi supra: *Non ille reputari debet insons, quem publica testimonia fontem faciunt.* Sicque iudex, qui iudicat quatenus fungitur publica potestate, non dicitur innocentem occidere, sed illi, qui asserunt eum nocentem, ut patet ex verbis D. Thom. proximè citatis. Ad confirmationem dico, ex illis solum colligi, prohiberi iudici, ne se iungat testibus mendacibus, quos tales in iudicio deprehendit, ad interficiendum innocentem, qui talis fuerit in iudicio. Quæ adiunguntur vero incumbunt iudici, illaque præstare debet, si potest iuris ordine seruato, non contra illum.

Ad 2. responderetur tantum abesse verba cap. Cum æterni, fauere oppositæ sententiæ, ut Glossa ex illis nostram colligat, nam ait: *Nota ex isto textu, quod iudex debet iudicare secundum allegata, & probata* Subdit etiam: *Non enim secundum conscientiam simpliciter iudicare debet, sed informare debet eam secundum allegata, & probata.* Quod & asserit D. Thom. hic ad 4. *Debet informare conscientiam suam secundum ea, quæ in publico iudicio sciri possunt.* Inhibet ergo Innocentius iudicibus, illum condemnare, quem æterni tribunal indicis reum non habet, nõ quidem in foro interno, quod etiam respicit supremum illud tribunal, illud namque supremum tribunal, sicut & alia tribunaalia inferiora, qui sunt eius participes.

22 **QVÆSTIO LXVII.**

tiones, in foro externo reum habet innocentem probatum nocentem, alias etiam iudex humanus ignorans innocentem esse condemnaret, quem æterni tribunal iudicis reum non habet. Ad cap. *Qui scandalizauerit*, respondet Caiet. hic ad 2. *Quod iudex in casu isto nullam deserit veritatem, quam debeat amplecti: quia dat operam rei licite, & per accidens in detrimentum veritatis consistentis in facto, actio sua vertitur; Veritas etiam practica, quam iudices sequi tenentur in iudicio, non est, quam ipsi sciunt, sed quam ab ore testium veniunt, illicq. veritas ea censetur, quæ in ore duorum, vel trium testium consistit. Ad cap. *Postulatus*, respondetur, solum probare, quod in 2. con. diximus, Iudicem conari debere innocentem liberare. Ad cap. *Tunc vero*, dico, præsidem, cum iudicat secundum allegata, & probata, interni iudicis sequi arbitrium. Denique ad D. Aug. dico, potius fauere nostræ sententiæ, nam ait de iudice: *Constringit enim eum, & ad hoc officium pertrahit humana societas, quam deserre nefas ducit. Et inferius: Hac ergo, quam diximus, miseria, certe hominis, sed non malitia sapientis. Quod vero inquit, ignorantiam iudicis esse calamitatem innocentis, intelligi potest de ignorantia, quam habet, vt persona publica. Et quamuis de ea, quam habet, vt persona priuata, intelligatur, solum sequitur, scientiam priuatam esse salutem innocentis, quatenus illa cogitur iudex nullum lapidem immotum**

relinquere: vt innocentem liberet, sicut diximus con. 2.

Ad tertium respondetur cum Caietano hic: *Occidere innocentem per se, ita quod intendatur occisio innocentis, est contra omnia iura, sed occidere innocenteem per accidens, dando scilicet operam rei licite, & necessaria, vt facit utens publ. co officio, non est contra ius naturale, diuinum, aut scriptum.* Explicat hoc Caietanus exemplo eius, qui suum inuasorem occidit, aliter se saluare non potens, subditque, iudicem, de quo loquimur, non intendere occisionem innocentis, sed hanc sequi per accidens ex hoc, quod publico. vtitur officio. Idem asserit M. Soto, vbi supra.

Exemplum autem adductum in argumento non est simile: nam cognoscere non suam conuenit homini, vt est priuata persona, sicque priuata scientia informari debet, & non potest contra propriam scientiam ad illam accedere. At teste D. Tho. hic: *Iudicare pertinet ad iudicem secundum quod fungitur publica potestate. Et ideo informari debet in iudicando, non secundum hoc, quod ipse nouit tanquam priuata persona, sed secundum id, quod sibi innotescit tanquam persona publica.* Ad 1. confirmationem dico, nunquam esse euidentis iudici iudicium fore iniustum, si sequatur probata, & allegata; cum potius, si ea non sequatur, constet iniustum fore iudicium, & a veritate, quam in iudicio debet sequi, discedere. Si autem probata, & allegata sequens aliquando

24 **QVAESTIO LXVII.**

do discedat à veritate facti; hoc per acci-
dens est, vt diximus. Ad 2. confirmatio-
nem neganda est consequentia. Differen-
rentia est; quia auctoritas iudicis non
pendet ex dicto ignorantium, aut iniquo-
rum, sed consequitur eius officium, & su-
perioritatem. Idem est de æquitate, &
bonitate legis: solum enim pendet ex cõ-
formitate ad legem naturæ, & meritum
personæ ex conformitate ad legem talem
pœnam impotentis. At veritas facti in
publico iudicio pendet ex testibus, in ore,
quorum stat omne verbum. Vnde sicut
quando ignorat rei innocentiam, vt illum
condemnet, non requiritur veritas crimi-
nis, quæ est in re, sed quæ talis censetur in
iudicio: ita & quando rei innocentiam cer-
to cognoscit.

Ad 4. respondet M. Soto, vbi supra: *Iudi-
ci in tali casu publica, idoneaque testimonia
ius faciunt occidendi innocentem*: nam illum
in iudicio nocentem esse ostendunt. Licet
autem vita innocentis cogniti non subsit
potestati Reipublicæ: bene tamen vita
innocentis, cuius innocentia in iudicio ne-
scitur, & ipsum nocentem, ac peccatorem
esse in iudicio probatur. Ad 1. confirma-
tionem nego minorem, si intelligatur de
innocente probato nocente in iudicio: nã
lex diuina mandat, vt secundum allegata,
& probata iudicetur, dum dicit Deut. 17.
v. 6. *In ore duorum, aut trium testium peribit,
qui interficietur*. Ad 2. confirmationem ne-
go minorem, si intelligatur de innocente,
qui

qui in iudicio probatus est nocens: illud enim non est mendacium, cum vere nocens in iudicio censeatur, qui talis in eo probatus est.

Ad 5. respondetur, illud non esse inconueniens: sicut nec esset, si iudex apponeret accusatorem, & falsos testes contra aliquē, quem ipse solus nocentem sciret, aut an esset innocens ignoraret, & postea, vijs omnibus tentatis, non posset illorum petitionem impedire. Quamuis enim, apponendo accusatorem, & falsos testes, grauissime peccaret: non tamen postea vtendo suo officio, parte, & populo instante. Ad 1. confirmationem dico, neque illud esse inconueniens: quid enim si vnus, aut plures secundum allegata, & probata condemnentur?

Ad secundam confirmationem dico, legem illam fore iniquam, quia statueret, vt condemnaretur, qui in iudicio est innocens, illudque proinde exequi esset iniquum. Leges autem præcipientes, vt secundum allegata, & probata iudicetur, non statuunt id, sed vt condemnetur, qui in iudicio nocens inuentus fuerit.



ARTICVLVS III.

Vtrum iudex possit aliquem condemnare, etiam si non sit aliquis accusator.

Conclusio est negans.

Dubium. An possit iudex ex propria & priuata scientia, aliquem sine accusatore, aut testibus, aut loco defensionis non concesso, condemnare.

PArtem affirmantem, tenet Couarruias lib. 1. variar. capit. 1. num. 7. vbi licet non approbet sententiam, quam ibi refert, cuiusdam Quidonis afferentis, posse iudices supremi Senatus ferre sententiam contra allegata, & probata, ex propria, & priuata scientia: afferit tamen ipse, Principem supremum posse sententiam dicere iuxta propriam, & particularem scientiam, tametsi contrarium in iudicio probatum sit. Multoque magis proinde id efficere poterit, si contrarium in iudicio non fuerit probatum, sed solum omissa fuerint acta publica, in quibus sine accusator, & testes, & reo defensionis locus concedatur.

Probatur hæc sententia: quia supremus Prin-

ARTICVLVS. III. 27

Princeps, sicut potestatem habet leges cōdendi, ita & conditis derogandi: sed condemnare aliquem ex priuata scientia, sine actis publicis, aut contra fidem taliū actorum, solum est contra leges ciuiles; ergo supremus in aliquo casu, quo id expediens esse iudicauerit, poterit efficere: nempe si ipse solus sciat, aliquem eius vxori, aut filix vim intulisse, iudicetq. valde expedire auctorem puniri, & rem non vulgari ob infamiam conuictam.

Dicendum tamen est: nullum iudicem, etiam si supremus sit Princeps, posse aliquem ex propria, & priuata scientia condemnare sine actis publicis, aut contra fidem actorum publicorum. Docet hoc Caietanus in Sum. verbo *Homicidium*, quem sequuntur Nauarrus cap. 25. num. 9. & communiter recentiores, quamuis nonnullis opinio Couarruiz non videatur improbabilis, vt P. Lessio lib. 2. c. 29. dubitat. 11 num. 96.

Probatur 1. ex loco Act. 25. v. 16. hic adducto à D. Thom. *Non est consuetudo Romanis damnare aliquem hominem, priusquam, is, qui accusatur præsentes habeat accusatores locumque defendendi accipiat ad abluenda crimina.* Vbi S. Chrysostomus Hom. 51. ait: *Impossibile est, ita simpliciter damnare.* Quasi dicat, non solum secundum consuetudinem, & leges Romanorum, sed etiam absolute, & simpliciter impossibile est ita damnare, vt pereat, seu dānare hominem aliquem, sine accusatore scilicet, & non

b † a sibi

28 **QVÆSTIO LXVII.**

sibi concesso loco defensionis .

Secundò, nam vt hic ad 3. ait D. Thom.
*Homo non potest simul esse accusator, & testis.
& index, sicut Deus .* At si ex priuata scien-
tia, sine actis publicis , aut contra fidem il-
lorum Princeps aliquem condemnaret -
ipse esset simul accusator , & testis , & iu-
dex ; ergo, &c.

Tertiò , quod est contrà ius naturale ;
nulli est licitum , nec in eo potest aliquis
dispensare : sed condemnare aliquem ex
priuata scientia sine accusatore , aut testi-
bus, aut loco defensionis ei non concesso ;
est contra ius naturale ; ergo nulli iudici,
quantumuis supremus Princeps sit , est li-
citur . Minorem docet, & probat Caieta-
nus, vbi supra his verbis : *Nec hoc est de iu-
re positiuo, vt possit Princeps legib. solutus nō ser-
uare, sed est iuris naturalis . Exigit nāq. natura
actus publici (qualis est iusta occisio hominis ex
publica potestate) vt sit ex publica voluntate, &
publica scientia: alioquin nec cause sunt sibi in-
uicē cōmensurate effectus, dū actio potestatis pu-
blica ponitur exire à scientia priuata .* Proba-
tur deinde eadem minor . Quod attinet
quidem ad accusatorem : quia condem-
nare aliquem sine accusatore , est contra
reum sibi ipsi iustitiam facere , aut certè
nulli ; cum nullus sit alius , qui eam petat ;
quod est contra naturam , & rationem iu-
stitiæ, quæ non est ad se ipsum, sed ad alte-
rum : *Et ideo oportet, quod Index inter ali-
quos duos diiudicet .* Vt hic insert D. Tho.
Vnde Arist. 5. Ethic. capit. 4, iudicem vocat
me-

ARTICVLVS III. 29

medium, & mediatorem. Nec dici potest de homine, quod de Deo asserit D. Thom. hic ad 1. nam homo non potest vti conscientia peccantis, quasi accusatore, cum ipsi lateant cogitationes, nec euidencia facti, quantum ad ipsum factorum occultorum euidencia, solum ad Deum clamet. Quod attinet etiam ad testes, patet ex illo Deut. 19. v. 15. *In ore duorum, aut trium testimonium stabit omne verbum.* Quod non est solum de iure positivo diuino veteris legis, sed etiam naturali, cum sit præceptum nõ ceremoniale, aut iudiciale, sed morale: teste autem D. Thom. 1. 2. q. 100. ar. 1. *Omnia præcepta moralia pertinent ad legem naturæ.* Quod denique attinet ad locum defensionis, patet ex illis verbis Clementinæ Pænoralis, versus finem: *De crimine præsertim sic graui delato defensionis, (qua à iure prouenit naturali) facultas adimi valuisset: cum illa Imperatori tollere non licuerit, quæ iuris naturalis existunt.* Si autem Imperatori non licet, non concessa facultate defensionis, aliquem condemnare, cui Principi licet?

Quartò , Respublica nulli potest concedere facultatem iudicandi, aut condemnandi alterum ex privata scientia; ergo nullus quantumvis supremus, ac prudentissimus Princeps eam habet . Consequentia patet, quia nullus Princeps habet maiorem auctoritatem ea , quam in ipsum transtulit Respublica . Antecedens probatur, Respublica non potest ob unius testimonium,

30 QVAESTIO LXVII.

aliquem ad mortem condemnare, nā hoc
esset contra legem Deut. 17. v. 6. & capit. 19.
v. 15. & contra ius naturale; ergo nec po-
test alicui dare facultatem, vt ob solam
suam scientiam alterum condemnet. Con-
firmatur, nulli priuatæ personæ licet occi-
dere malefactorem etiam ex Reipublicæ
concessione. peccaret enim contra præce-
ptum Decalogi *Non occides*. At si Princeps
ex priuata scientia condemnaret aliquem
ad mortem, illum vt priuata persona oc-
cideret; ergo, &c.

Quæ diximus, intelligenda sunt de con-
demnatione pro delictis magni momenti:
nam vt ait Mag. Soto lib. 5. de Iustitia q. 4.
art. 3. *In leuioribus non opus est stricta accusa-
tionis forma, vt habetur L. Leuia ff. de accu-
sationibus ubi leuia audire, & discutere de plano iubentur.*
At vero grauius crimina, quæ sine delinquentis
infamia puniri nequeunt, nempe ubi carceri-
bus opus est, neque in monachorum clau-
stris vindicari possunt, nisi accusatione præ-
uia.

Aduertendum tamen est, non semper
ad condemnandum aliquem opus esse ac-
cusatore formali, nam hic solum requiri-
tur, quando iudex procedit via accusatio-
nis, & ad instantiam partis: quando autem
procedit via inquisitionis, & ex officio,
sufficit accusator virtualis, hoc est aliquid
supplens vicem accusatoris. Sunt autem
multa, quæ locum accusatoris supplent.
Caietanus hic tria colligit ex D. Thom. in
responsione ad 2. Primum est, publica in-
fa-

ARTICVLVS HI. 31

famia , ait namque Diu. Thom. Publica infamia habet locum accusatoris . Secundum est, manifesta rebellio ad Ecclesiam eius, cuius peccatum denuntiatur Prælato . vt patri ; de hac enim dicit D. Tho. Quia est manifesta , tenet locum accusatoris . Nam quamuis talis denuntiatio ex natura sua ordinetur ad bonum peccantis , eius scilicet emendationem , & non punitionem , propter quod in principio non eget aliquo supplente locum accusatoris ; ex rebellionem tamen denuntiati vertitur in sententiã punitiuam propter commune bonum , & pœna infertur propter rebellionem , quæ locum accusatoris tenet . Tertium est, publicum iudicium ordinatum , Quod tenet locum accusatoris, vt inquit D. Thom. Hoc-que intelligit Caietanus : Vel quando crimen coram iudice, & alijs committitur, vt cum iudex cum suis audit blasphemare, vel videt occidere, &c. Nisi forte quis dicat, quod auctor de quadam inquisitionis specie loquitur: quia iudex ex eo, quod ipse vidit: paulatim inuestigat ex officio. Alia, quæ suppleant accusatoris locum vide apud Iulium Clarum in Practica criminali.

Idem dicendum est de testibus: nam si adsit euidencia facti communis, & publica, sine testibus formalibus potest iudex punire delinquentem; ait namque Glossa in Cap. Licet Heli, De simomia: In notorijs non est accusator, vel testis, vel inquisitio, vel denunciatio, nec est purgatio indicenda. Et

Caietanus in Sum. verbo *Homicidium*, postquam dixit, nulli licere, sine iudicio, & actis publicis hominem condemnare, & occidere, subdit: *Nec propterea damnamus iudices, qui repositos in fragranti crimine notorio, ut latrones in vijs, & huiusmodi, statim suspendi iubent. Interuenit siquidem ibi notorium facti loco accusatoris, & testium faciens publicam scientiam, & excitans publicam voluntatem, & potestatem ad publicum iustitia actum.*

Ad argumentum autem factum in principio pro sententia Couarruniae respondetur negando minorem, ostensum est enim illud non solum esse contra leges ciuiles, sed etiam contra ius naturale. M. Soto lib. 5. de Iustitia quest. 4. art. 3. inquit: *Ius naturale id expresse non prohibere.* Sed cum ibidem asserat, esse naturali iuri apprimè consonum, non condemnare aliquem sine accusatore, & absque iudicii forma, indicat, sic condemnare, prohibitum esse iuri naturali saltem implicite, sicut & multa alia, quæ mediatè opponuntur principijs iuris naturalis. Et hoc sufficit, ut nulli sit licitum.



Dubium secundum . Quanam requirantur , vt iudex rectè procedat , vsque ad sententiam , & condemnationem rei .

TRibus viis , seu modis procedere potest superior contra crimina , & excessus , vt colligitur ex Cap. *Licet* , De fimonis : Per accusationem videlicet , denuntiationem , & inquisitionem ipsorum . Sed quia denuntiationis via procedit superior , vt pater , & denuntiatio iuridica , quæ fit superiori , vt iudici , ad inquisitionem pertinet , vt inquirendi viam aperiens ; ideo satis est nobis duas vias distinguere , inquisitionis scilicet , qua ex officio procedit iudex , & accusationis , qua procedit ad instantiam partis .

Triplex etiam distingui solet inquisitio . Prima omnino generalis , quæ scilicet talis est , tam ex parte personæ , quam criminis , vt cum inquiritur , an sint aliqua crimina ; & criminosi aliqui . Secunda omnino specialis , quæ videlicet talis est , tam ex parte personæ , quam criminis , vt cum inquiritur , an Petrus commiserit tale homicidium . Tertia mixta , quæ scilicet generalis est ex parte personæ , & specialis ex parte criminis ; vt cum requiritur , quis commiserit tale homicidium : vel è contra generalis ex parte criminis , & specialis

34 QVÆSTIO LXVII,

ex parte personæ, vt cum inquiritur, an Petrus sit flagitiosus.

Dicendum est 1. Vt iudex procedat ad inquisitionem omnino generalem, nullam in eo requiri notitiā rei, aut criminis alicuius in particulari: probatur in Iure, tam ciuili, quam canonico præcipitur superioribus, vt certis temporibus visitationes, & inquisitiones generales faciant, vt patet ex cap. *Perniciosam*, De officio Ordinarij, & ex L. *Congruit*, ff. De officio præsidis: sed non semper, quando tales visitationes, & inquisitiones generales fiunt, præcedit notitia criminis alicuius, aut rei; ergo, &c. Confirmatur, licet absque tali notitia procedat iudex ad inquisitionem generalem, nulli facit iniuriam, & bono communi prospicit; ergo sine illa potest procedere.

2. Dices, delinquentibus occultis facere iniuriam, dum præcipit, & quandoque sub pœna excommunicationis, vt quisque denuntiet crimina, quæ scit: nam occasione præbet, vt manifestentur occulta. Sed respondetur negando, tale præceptum occasionem præbere reuelandi crimina occulta: nam, vt ait Caietan. Tom 1. Opusc. Tractat. 31. Resp 5. ad 1. *In communi præcepto inquisitionis, si quis, &c. subintelligitur, seruato ordine iuris.* Vnde tale præceptum solum obligat ad ea denuntianda, quæ extra talem inquisitionem subditi denuntiare tenentur, vel possunt. Quod si ab eis occulta crimina detegantur, id non pro-

ue.

ARTICVLVS III. 35

uenit a generali inquisitione, sed ex imperitia eorum, à quibus generaliter inquiritur, qui nescientes iura putant se teneri ad manifestanda occulta. Nec propter hoc debet iudex talem inquisitionem omittere, cum hæc secundum se nulli iniuriam irroget, & bono communi maximè sit necessaria. Vide D.Tho. supra q. 33. artic. 7. ad 5.

An verò iudex teneatur, monere subditos, ne occulta denuntient contra ordinem charitatis, & iustitię, sub lite est. Quibusdam videtur ad hoc teneri, si subditi sint rudes, & imperiti, maximè, si non ita facile possunt consulere peritos, ne detur eis occasio manifestandi, quę non debent. Alij dicunt, hoc non esse licitum iudici, ne reddat illum suspectum corruptelę, & fauoris in criminosos. Alij denique (quorum sententia mihi magis placet) docent, si absit scandalum, & occasio suspicandi prædicta de iudice, vt communiter abest, posse subditos de hoc admonere, non tamen teneri, sed solum concedere tempus necessarium ad consulendum peritos, si quis illud petat, vt suę consulat conscientię.

Dicendum est 1. Vt iudex procedat ad inquisitionem omnino specialem, requiri in eo notitiam infamiz rei, & criminis. Probat ex Cap. Cum oporteat, De accusat. vbi dicitur. *Mandamus, quod nisi super prædictis famam ipsius lafam noueritis, vos ad inquisitionem illorum non subito procedatis.* Cō-

36 QVAESTIO LXVII.

firmatur ex Cap. *Inquisitionis*, eodem titulo, ubi habetur: *Nullum esse pro crimine, super quo infamia, seu clamorosa insinuatio non praeceperit, puniendum, quinimo super hoc depositiones contra eum recipi non debere, cum inquisitio fieri debeat solummodo super his, de quibus clamores aliqui praeceperunt.* Quod adeo necessarium est, ut si duo, vel plures iurati affirmant, aliquem ipsis videntibus crimen aliquod commisisse, de quo aliqua non laborat infamia, non sit contra eum inquirendum, ut ibidem dicitur, & notat Caiet. infra q. 69. ar. 2. Ex quo Mag. Bañes ibidem dubio 1. con. 1. insert contra ipsum Caietanum, & M. Soto, non sufficere ad inquisitionem inditia expressa sine infamia, quia si non sufficiunt duo, aut tres testes iurati, & oculati, quanto minus sufficient inditia?

Secundò probatur ex Cap. *Qualiter*, & quando, 2. De accusat. & Cap. *Licet Heli*, De simonia, ubi idem asseritur, & colligitur ex Auctoritatibus novi, & veteris testamenti. Vnde nonnulli cum Nauarro Rubrica De iudicijs, num. 95. affirmant, contra legem divinam, & naturalem esse, procedere ad inquisitionem specialem sine praemia infamia: quia contra talem legem est, proximo detrahere, & illum infamare. Alij tamen cum M. Soto Relect. de ratione tegendi secretum, membro 2. quest. 6. con. 1. dubio 2. dicunt: esse quidem valde consonum iuri naturali, & diuino, ut praecedat infamia inquisitionem specialem: proprie

prie tamen solum esse de iure humano in prædictis capitibus constituto; alias enim non posset consuetudine abrogari, & nullæ possent esse de hoc exceptiones, quod statim falsum esse patebit. In casibus in quibus iudex non præuia infamia ad inquisitionem licite procedit, non est detractor, aut inordinate infamans: quia habet iustam causam id faciendi: sicut nec talis est, qui ad iudicem defert crimen, quod testibus probari potest, quando accusare, aut denuntiare ei permittitur.

Si quæras, quomodo iudici debeat esse nota rei infamia? Respondent communiter Doctores, iudicem, antequam procedat contra aliquem, debere prius recipere informationem de infamia; quæ ut ait Nauarrus Rubrica de iudicijs num. 19. probari debet saltem per duos testes asserentes, ita publicè dici, & audiuisse à tali, & tali persona. Ex quo patet, infamiam notam debere esse iudici per informationem iuridicam. Iulius tamen Clarus q. 6. Practicę criminalis dicit, quicquid sit de iure, contrarium communiter observari: simul enim, & eodem contextu iudex assumit informationes super veritate criminis: & super diffamatione, subditque: *Neque ego unquam vidi fieri aliquem processum, qui incipiat ab huiusmodi diffamatione.* Vnde multi cum Sylvestro verbo *inquisitio*, l. 2. q. 8. existimant, satis esse, infamiam notam esse iudici per simplicem in-

38 QVAESTIO LXVII.

informat ionem , per quam verè , & certo
sciat, reum esse infamatum; quia fama ipsa
denuntiat, locum tenens accusatoris; etiam
si nullus eam accuset , aut de ea iuridice
deponat .

Sunt tamen aliqui casus, quibus licitum
est iudici ad specialem inquisitionem pro-
cedere absque infamia , & clamorosa infi-
matione, vt patet ex S. Antonino 3. part.
tit. 9 cap. 7. § 3. Syluestro verbo *Inquisitio* ,
1. q. 4. & M. Soto Relectione de ratione te-
gendi secretum , membro 2^o quæstione 6.
conclus. 3. vbi septem numerat cum Bar-
tholo .

Primus est : *Quando in inquisitione non
intenditur condemnatio, aut pœna inquisiti, sed
evitatio erroris, aut damni.* Exemplum po-
nit M. Soto, cum inquiruntur merita per-
sonæ antequam assumatur ad dignitatem:
aut cum inquiruntur impedimenta matri-
monij, ne scilicet aliqui contrahant in gra-
du prohibito . Idem est, quando fit inqui-
sicio ad conferendum alicui habitum Reli-
gionis, aut beneficium aliquod: etenim
licet nulla præcedat infamia, potest inqui-
ri de illo, an sit homicida , sur, & sic de
alijs criminibus; si tamen ad rem perti-
neat , & illum faciant indignum tali habi-
tu, aut beneficio . Quod multi verum es-
se existimant, etiam si subditus non se, vo-
luntarie offerat, & postulet beneficium.
sed illud Prælati vocet: nam cum præla-
tus teneatur beneficia non conferre indi-
gnis, censetur illum vocare cum conditio-

ne tacita, vt se subiiciat huic particulari inquisitioni. Alij dicunt, vocato à prælato aperiendas esse conditiones requisitas, & defectus, qui possunt esse impedimento, vt ipse de ipso iudicet. Quod si his non obstantibus voluerit beneficium, eo ipso censetur renuntiare iuri suo, quod habet. ne quis defectus eius occultos manifestet.

Secundus est: *Quando quis publicè confessus est crimen proprium extra ordinem iuris: nam propria confessio abunde suppetit pro infamia.* Quod M. Soto intelligendum esse dicit, cum quis in publico coram multis crimen proprium confitetur, non coram vno, aut duobus, immo etiam coram prælato. Alij cum Nauarro in Rubrica de iudicijs, num. 86. dicunt, non sufficere confessionem extra iudicium, etiam coram multis, nisi ex illa orta sit infamia: bene verò eam, quæ fit in iudicio coram paucis, vt coram iudice, & notario: non tamen coram solo iudice.

Tertius est: *Quando index procedit ex mero officio, aut ad denuntiationem publici officialis.* Hic casus duos continet: alterum de iudice procedente ex mero officio: alterum de iudice procedente ad denuntiationem publici officialis. Vterque autem non caret difficultate. Primum negat Iulius Clarus q. 6. Practicæ criminalis, sicque impugnatur: Nam quando proceditur ex mero officio, tunc magis necessaria esse debet diffamatio, quia succedit loco accusatoris. Illum tamen præter Bartholum admittunt Angelus iuris

peritus in L. *Si vacantia* num. 177. S. Antoninus, & Syluester vbi supra. Immo illum insinuat Caietanus hic ad finem commentarij, & forte de illo loqui asserit D. Thom. cum ad 2. dicit: *Ex eo, quod ipse iudex videt, non potest procedere ad sententiam, nisi secundum ordinem publici iudicij; quod tenet locum accusatoris.* Vnde ad argumentum Claridici potest, quando iudex procedit ex mero officio, locum accusatoris tenere publicum iudicium ordinatum, sicque ad hoc non esse necessariam diffamationem. Iura autem, quæ illam requirunt, loqui videntur, quando proceditur, non ex mero officio, sed ad instigationem aliorum, de quibus potest esse suspicio, an ex malitia, vel ex passione moueantur, vt colligitur ex capitibus citatis. Secundum negat M. Soto vbi supra, sicque impugnat: *Non video, quod amplius priuilegium habeat denuntiatio publici officialis, quam denuntiatio priuata personæ.* Illum tamen præter Bartholum admittunt S. Antoninus, & Syluester vbi supra, & Iulius Clarus, quæst. 7. Pract. crim. Vbi num. 4. explicat, quis dicatur publicus officialis, ille scilicet, qui olim constituebatur à Magistratu, nunc verò præsertim in Italia per Parrochias siue Castra constituitur ad denuntiandum delicta. Et num. 5. dicit: *Licet Canonistæ communiter afferant, huiusmodi officiales non posse denuntiare, nisi delicta notoria: Sed quicquid sit de iure, contrarium seruatur de consuetudine. Et hoc etiam admittit stylus Curiarum Ecclesiæ.*

saasticarum. Et tandem num. 7. inquit: *Non modo officiales ad hoc deputati, sed etiam alij admittuntur ad denuntiandum*. Propterquā praxim, & consuetudinem, quam damna-re durum videtur, cum seruetur communiter videntibus Sum. Pont. & Episcopis, P. Lessius lib. 2. cap. 29. dub. 15. num. 132. & seq. & alij recentiores non pauci probabile esse dicunt, ad denuntiationem publici officialis, immo, & cuiuscumq; alterius priuatæ personæ posse iudicem procedere ad inquisitionem sine infamia præuia. Nam modus procedendi ad inquisitionem specialem præuia infamia solum est de iure positiuo, vt M. Soto fatetur; ergo consuetudine approbata, & præscripta, qualis esse videtur, quam refert Clarus, mutari, & aboleri potest.

Quartus casus excipitur propter incidentem cognitionem, vt si iudex, inquirendo vnum crimen, detegit aliud, tunc potest inquirere de illo. Hoc intelligendū esse docet M. Soto, quando peccata sunt ita connexa, vt vnum sit inditium, vel circumstantia alterius, quale est sacrilegium respectu concubina-tus, cū, inquirendo concubina-tum, iudex inuenit, concubinam esse monialem: non tamen quando sunt omnino disparata, qualia sunt concubina-tus, & homicidium; sicque si ille, qui inquiritur de concubina-tu, inuenitur occultus homicida, non potest de homicidio fieri inquisitio, sed opus est, vt præcedat de illo infamia. M. Bañes infra quæst. 70. art. 1. dub. 1. con. 4. cum Navarro

in cap. *Inter verba*, num. 675. & seq. docet, etiam si crimina sint disparata, posse fieri inquisitionem de crimine detecto in processu inquisitionis. Subditque, hanc esse communem sententiam Iurisperitorum, vsumque communem, quo derogari potest ius positivum, ex quo solo habetur, requiri infamiam ad inquirendum, ut sentit M. Soto. Et quamvis infamia esset necessaria, detectio criminis in iudicio sufficiens ter infamat hominem.

Quintus est: *Quando Iudex, aut Prelatus in inquisitione generali comperit, aliquem deliquisse, potest tunc ad specialem inquisitionem descendere absque infamia.* Hoc non credit M. Soto, quamvis delictum detectum probati posset; si tamen non esset in perniciem publicam, aut praedudicium tertij; solum enim posset fraternaliter corrigi. Alij cum Navarro Rubrica de iudicijs, num. 87. non solum id credunt, sed etiam addunt, iudicem teneri ad inquisitionem criminis detecti in generali inquisitione, quāvis peccauerit, & imprudens fuerit, qui illud detexit: nam eo ipso, ac crimen deductum est in publicam iudicis notitiam bene, vel male, tenetur illud inquirere, & punire: sicut, & teneretur, si privatus quispiam extorisset crimen alterius per iniuriā, & deduceret illud in publicum, vel in iudicium. Ita P. Lessius lib. 2. cap. 19. dub. 15. nu. 125. Non desunt tamen, qui opinionem M. Soto probabiliorē esse affirmant: quia iura generaliter dicunt, requiri infamiam, &

præ-

ARTICVLVS III. 43

prædicta exceptio nullo iure probatur. Sic. P. Sanchez in conf. 2. p. lib. 6. cap. 3. dub. 19 num. 9.

Sextus est : *Propter atrocitatem criminis , ut patet in crimine læsæ maiestatis . Patet etiã in crimine hæresis, vel apostasiæ . Addunt etiam Iurisperiti , quando facinus esset contra Episcopum commissum . Cuius rationem assignat M. Soto vbi supra : Nam non a leuè est de iurè natura requisita infamia ad inquisitionem, quo minus possit in hoc dispensare ob rationabilem causam, qualis est in criminibus atrocibus .*

Septimus est : *Quando crimen commissum esset in iudicio , aut in conspectu iudicis . Hoc de quocunque crimine commissò in iudicio verum esse dicunt multi cum Nauarro in Cap. Inter verba , Corol. 62. num. 88. Sed M. Soto solum verum esse credit de criminibus, quæ sunt in præiudicium tertij, qualia sunt calumniatoris , falsi testis , & iniqui tutoris , Crimina autem, quæ sunt in præiudicium tertij , etiam si extra iudicium committantur, inquiri possunt absque infamia, si tamen sunt in fieri, & damnum perdet in futurum . Immo, etiam si sint in facto esse, est opinio multorum, inquiri posse absque infamia ad quærelam partis offensæ, nolentis suscipere onus probandi ; de quo vide Clarum q. 10. Pract. crim. Alios casus vide apud S. Antoninum, & Syluestrum , vbi supra .*

Quæ diximus de inquisitione omnino speciali , intelligenda sunt etiam de inquisitione :

44 QVAESTIO LXVI.

sitione mixta, quando ex parte personæ est particularis. Vnde nisi præcedat infamia, non licet extra casus supradictos inquirere, an Petrus sit flagitiosus; nec an ipse commiserit tale homicidium, aut furtum, quod commissum esse constat, sed solum potest inquirei generaliter, quis fecerit.

Dicendum est 3. Vt iudex procedens via inquisitionis possit, acceptis testium sub iuramento, vel præcepto depositionibus, reum interrogare iuridicè, necessariū esse ad minus infamiam plenè probatam esse, exceptis casibus, in quibus ad inquirendum non requiritur infamia. Prima pars colligitur ex parabola villici Lucæ 16 ex qua Cap. *Qualiter*, De accusat. colligitur modus procedendi seruāndus ab inquirente iudice. Non enim dixit illi dominus eius, *Quid hoc audio de te?* Quod est ipsum interrogare; nisi postquam apud ipsum est diffamatus.

Probatur deinde ex Diu. Thom. infra quæst. 69. artic. 2. dicente: *Veritatem ab eo (reo scilicet) potest, & debet inquirere iudex secundum ordinem iuris: puta cum præcesserit infamia super aliquo crimine, vel aliqua expressa indicia apparuerint, vel etiam cum præcesserit probatio semiplena.* Quod quidem intelligendum esse dicunt, vt singula suis proprijs vijs accomodentur: infamia quidem viæ inquisitionis; indicia verò, & semiplena probatio viæ accusationis, ita M. Salon ibi controuersia 6. vbi & addit, *et rase*

rasse Caietanum, & Soto ista promiscue accipientes. Si dixissent, ista simul requiri, quacunque via procedat iudex, errassent utique. Quod vero dicant, vnum ex his tribus requiri, & sufficere, vt iudex, quacunque via procedat, reum interroget, nullus est error, quin potius id indicat aperte D. Thom. indistinctè, & cum disunctione loquens. Intelligendum tamen est, si vnũ ex his tribus adsit vltra accusatorem, aut suppletẽ vices accusatoris. Cũ autem infamia in processu inquisitionis vices accusatoris suppleat, videtur præter ipsam aliquid aliud requiri ad interrogandum reum. Quidam requiri affirmant, vt sit adminiculata aliquo teste, saltem minime idoneo de veritate criminis deponente, aut aliquibus indicijs non ita manifestis criminis à reo patrati. Sed quia D. Thom. nullam adminiculorum mentionem facit, mihi videtur, solam infamiam sufficere, dum tamen plenè probata fuerit. Ad inquisitionem quidem, & testium interrogationem de veritate criminis sufficit, aut simplex informatio de infamia, vel ad summum eius probatio per duos testes asserentes, ita publicè dici, & audiuisse à tali persona, vt patet ex dictis con. 2. Hoc tamen non sufficit ad interrogationem rei, sed vltèrius requiritur, vt plenè probetur: ita vt constet esse vocem publicã, & frequentem, non discolorum, sed proborum, ab hisque nõ ab illis ortam ex coniecturis vel risimilibus, aut per totam ciuitatem, aut

viciniam, vel maiorem illius partem sparsam, huiusmodi enim vox est propriè infamia. Id autem non constat ex priori probatione, & yt constet, opus est, vt duo saltè testes deponant, se audiuisse à maiori parte vicinæ, & esse vocem proborum, quia tales sunt illi, à quibus ipsi audierunt, & à probis ortam fuisse, quia sciunt, tales esse primos talis vocis auctores, & ortam fuisse ex coniecturis verisimilibus, quia sciunt, quibus moti sunt, & non esse leues, sed verosimiles. Si hoc modo probata fuerit infamia ipsa, non solum supplebit vices accusatoris, sed etiam sufficiet ad interrogandum reum, sicut, & euidentia facti. Si vero nec in principio, nec postea sic plenè probata fuerit infamia, sed solum primo modo, adminicula supradicta erunt necessaria.

Secunda pars patet: nam sicut in illis casibus nõ requiritur infamia ad inquirendum, ita nec ad interrogandum reum, quam sufficeret, si plenè supradicto modo probata esset. Poterit ergo iudex inquisitor reum interrogare, si præter id, quod gerit vicem accusatoris, denuntiationem iuridicam v. g. habuerit contra eum, vel aliqua expressa indicia, vel semiplenam probationem.

Indicium vt notat Caiet. infra quæst. 69. ar. 2. hic non sumitur communiter pro quocumque signo, sed propriè, vt Iuristæ indicij nomine vtuntur, apud quos etiam multi testes singulares, nisi aliquis eorum sit

om.

ARTICVLVS III. 47

omni exceptione maior, non faciunt vnum perfectum indicium, & volunt ad indicium requiri duos testes. Regulariter autem, non sufficit vnum indicium, nisi forte sit vrgentissimum: vnde D. Th. non singulariter, sed pluraliter dixit, *Indicia*. Hęc vero indicia debent esse, non quęcunque, sed manifesta, vel vt ait D. Th. *Expressa*. Quod ad tria referri inntelligit Caiet. *Primo ad factum cuius est indicium, ita quod manifeste indicent tale factum. Secundo ad personam, ita quod indicent, quod ipsa perpetravit tale facinus. Tercio ad processum, ita quod indicia huiusmodi manifestentur reo.*

Semiplena probatio, vt ibidem ait Caiet. est, quam efficit vnus testis omni exceptione maior, qui scilicet non est actor, nec secretus depositus, sed vere testis iuratus, non particeps criminis, & ad iudicium concurrens vt testis, hoc est, qui vltra accusatorē, vel id, quod tenet locū accusatoris testetur, nō quomodocunque, sed directe de visu commissionis criminis ab isto, tali loco, & tempore.

Si quęras, an iudex, antequam reum interroget, teneatur illi hęc omnia manifestare, copiamque tribuere informationis? Respondetur, teneri, si vult, vt reus non possit iuste veritatem negare; nam, non ostensa reo copia informationis, excusatur reus, & non peccat, si non confiteatur veritatem, ob ignorantiam facti, vt ait Caietanus vbi supra: quia, quamuis iudex reo dicat, hęc contra illum haberi, dum illi copiam

eorum non ostendit, non tenetur credere, sicque non scit, se esse in tali articulo constitutum, ut teneatur obedire iudici precipienti, & extorquenti veritatem. Si tamen alicubi sit praxis comuniter recepta, ut iudices non ostendant delinquentibus copiam informationis ante eorum confessionem, etiam excusarem à peccato iudicem id facientem, durum est enim, praxim comuniter receptam condemnare. Si talis praxis non sit, valde errare, & miserrime falli iudices, talem copiam non ostendentes dicunt Diana 3. p. tract. 5. miscellaneo. Resol. 91. & alij quos ibi refert.

Dicendum est 4. Si reus iuridice interrogatus, non fuerit crimen confessus, aut de eo conuictus, posset illum torturæ tradere, dum tamen reus torqueri possit, & crimen sit graue, & copiam actorum reo postulanti iudex concedat, De hoc vide Clarum q. 49. & 64. Pract. crim. Et quidem licitum esse iudici seruatis seruandis reum subijcere torturæ ad veritatem indagandam, manifestum est, immò contrariū asserere temerarium censetur, de quo vide M. Bañes q. 70. art. 2. dub. 2.

Non esse vero torquendum reum, si interrogatus, crimen confessus fuerit, sed solum si negauerit, patet: nam tortura introducta est in subsidium probationis; ergo cum reo confitente nulla maior requiratur probatio ad illum puniendum, non poterit torturæ tradi.

Idem est, quando reus est de crimine
con-

ARTICVLVS III. 49

conuictus legitime per testes, etiam si nolit crimen fateri: quia, vel potest legitime: obtinere beneficium appellationis, vel non. Si non, nihil amplius requiritur ad eum condemnandum, & puniendum: Si potest obtinere, iniuria ei fit, si tormento cogatur confiteri, sicq; beneficium appellationis amittere. Vnde Nauarrus cap. 18. num. 59. ait, se non audere excusare à peccato, eos, qui reos de suis delictis conuictos testibus torquent, vt confiteantur, quo beneficium appellationis amittant. M. Bañes vbi supra conc. 2. ait, hoc licitum esse, quando iudex intelligit, expedire bono communi.

Illicitum etiam esse, torturæ tradere reum, qui torqueri non potest ob privilegium, vel aliam rationabilem causam, certum est; fieret enim reo iniuria. Qui autem fiat, qui de iure torqueri non possunt, explicat Clarus q. 49. Pract. crim. num. 15. & seq.

Non posse autem iudicem, tradere reum torturæ, nisi crimen sit graue, inde constat: quia si pro quibuscunque criminibus torqueri posset reus, sæpe maior poena ei irrogaretur, quam ea, ad quam confessus condemnaretur, quod est ab æquitate alienum.

Denique, reo postulanti, dandam esse copiam actorum, est communis Doctorum sententia, & patet; nam, tali copia concessa, potest reus aliquid allegare, quo probato, non sit ad torturam procedendū;

c + ergo

50 **QVÆSTIO LX VII.**

ergo illam ei concedere tenetur iudex, ut se à tormento liberet, si potest. Immo afferunt multi, teneri ad hoc, etiam si reus non petat, quando hic non habet aduocatum, & ob imperitiam nescit, quid oporteat eum facere.

Si quæras, an reus possit sæpius torqueri, Respondetur: si neget, non posse, nisi indicia sint vrgentissima, aut nisi noua superueniant. Si confiteatur crimen, & postea neget extra tormenta, torqueri iterum potest, non tamen vltra tertiam vicem. De quo vide P. Lessium lib. 2. cap. 29. dubit. 17. num. 168.

Dicendum est 5. Ut iudex reum iam conuictum, aut confessum possit interrogare de complicibus, requiritur, ut de illis possit inquirere: vnde si nullus eorum laborat infamia, non potest de aliquo in particulari reum interrogare, nisi in casibus, quibus potest sine illa specialiter inquirere: potest tamen illum in genere interrogare, qui fuerint illius complices.

Prima pars probatur: quia cum reus interrogatur de complicibus, non interrogatur, ut reus, sed ut testis: ergo cum testes interrogantur, & examinantur, sit inquirere; ut possit iudex reum interrogare de complicibus, requiritur, ut possit de illis inquirere.

Secunda pars ex prima colligitur: cum enim reum interrogare de complicibus sit de complicibus inquirere. & ut iudex procedat ad specialem inquisitionem de aliquo,

ARTICVLVS III. 51

quo, requiratur infamia, nisi in casibus con. 2. adductis, non poterit iudex reum interrogare de aliquo ex complicibus in particulari, si non laborat infamia nisi in prædictis casibus.

Tertiam partem docet Caietan. Tomo 1. Opusc. Tract. 32. Resp. 5. his verbis. *Quemadmodum in communi præcepto inquisitionis, si quis scit &c. subintelligitur seruato iuris ordine: ita, cum quis inquiritur in genere de complicibus, subintelligitur, secundum iura reuelandis: quia non potest plus prælatus seu iudex præcipere. Et propterea non peccant prælati, seu iudices de complicibus inquirendo.*

M. Salon infra q. 69. art. 2. controuersia 8 ad finem distinguendum esse putat. Aut delictum, quod confessus est reus, aut de quo est conuictus, prudenter iudicatur iuxta suas circumstantias, habere complicēs, ut contingit, quando reus homo plebeius occidit virum nobilem, cum quo nunquam fuerat rixatus, prudenter enim creditur, illud homicidium iussu alterius esse factum. Aut delictum illud iudicio prudentis non solet habere complicēs, ut contingit, quando reus plebeius occidit alium plebeium, cum quo fuerit rixatus. Si delictum est prioris generis (inquit) recte sentit Caietanus. Si vero est secundæ generis, falsum est, posse iudicem interrogare reum de complicibus etiam in genere: nam quo fundamento? Non est infamia, non est accusator, nec crimen ipsum

52 QVÆSTIO LXVII.

tale insinuat; ergo temerario, & iniqua erit interrogatio.

Sed hoc non obstante sententiam Caietani veram esse existimo, etiam si crimen regulariter sine locijs committi soleat: nam cum inquisitio, seu interrogatio in genere de complicibus intelligenda sit de reuelandis secundum iura, sicque, vt ibi ait Caiet. *Non peccant inquisiti, si omnino occultos tacent, aut dicunt, se non habere complicis aliquos, habendo occultos tantum.* Quia occultus non sunt reuelandi secundum iura: nulli facit iniuriam iudex sic generaliter interrogando reum: sicut nec alicui facit iniuriam, cum inquisitione omnino generali præcipit, vt quisquis denuntiet crimina quæ scit, vt patet ex con. 1. Et sicut præceptum generale inquisitionis non fit sine fundamento: ita nec prædicta generalis interrogatio: fit enim ob commune bonum, ad compescenda crimina, & Rempublicam purgandam.

Si quæras, an etiam tormento possit iudex reum interrogare de complicibus? Respondetur, posse, si reus simpliciter interrogatus non vult eos detegere, cum tenetur. Tenetur autem detegere, quando specialiter interrogatur de aliquo laborante infamia de eius societate: & quando generaliter interrogatur, qui fuerint illius complices, si fama est socios habuisse, aut crimen est tale, vt saltem regulariter sine socijs non committatur. Si vero non tenetur socios detegere, non potest tormento

in.

interrogari etiam in genere. Ratio est, quia cum tortura sit pœna, præsupponit culpam: vnde cum, quando non tenetur socios detegere, non peccet eos non detegendo, non potest tormento interrogari; etiam si absque tormento interrogari possit, vt contingit, quando generaliter interrogatur de complicibus, quos crimen ipsū non indicat etiam in genere. Vnde recte Nauarrus cap. 18. num. 19. inquit, se non audere excusare à peccato mortali, *eum, qui tormentis cogit reos ad reuelandum socios, etiam in casibus, in quibus interrogare permittitur, quando nulla fama, neque indicium, nec præsumptio legitima dicat, eos habere socios.*

Dicendum est 6. vt iudex procedat ad sententiam, illaque condemnet reum ad pœnam ordinariam, requiri, reum esse conuictum, aut confessum: Probatur 1. nam 2. q. 1. cap. 1. dicitur: *Nos quemquam sententiam ferre non possumus, nisi aut conuictum, aut sponte confessum.*

Secundo. Nam ad condemnandum reum ad pœnā ordinariam, debet iudex esse certus, crimen commissum fuisse à reo, hocque plene probatum habere, debetque præsertim in criminalibus probationes esse luce meridiana clariores, vt patet ex L. *Sciant cuncti*, C. De probat. Sed nisi reus sit conuictus, aut confessus, hæc non habentur; quantumvis enim sint indicia, quæ dicuntur indubitata, non habetur certitudo, sed solum inde capitur violentissi-

ma praesumptio, vel suspicio, non vero plena probatio, quae sit luce meridiana clarius; ergo non potest iudex condemnare reum ad poenam ordinariam. Poterit tamen ad poenam extraordinariam illum condemnare, minorem, & mitiorem, prout iudici videbitur, & causa postulabit. Vide Clarum q. 65. & 66, pract. crim.

Dicendum est 7. Posse iudicem sententiam ferre secundum opinionem probabilem, & non requiri, ut eam ferat secundum probabiliorem. P. Vazquez 1. 2. q. 19. art. 6. disp. 64. cap. 2. dicit, Iudicem supremum ferre debere sententiam secundum opinionem, quam ipse putat probabiliorem esse, nec satisfacere muneri suo, si iuxta opinionem aliorum, quam putat esse probabilem sententiam ferat: quia hoc ipso, ac constitutus est iudex, iudicio ipsius committitur causarum definitio, prout ei melius, & magis consentaneum rationi videbitur; ergo contra id, quod ipse iudicat esse iuri, & rationi magis consentaneum, non poterit, sequens aliorum opinionem, sententiam ferre. De iudice autem non supremo, sed inferiori inquit, eum posse secundum opinionem aliorum iudicare, quando aliorum opinio magis recepta in praxi est, ne sententia, quam ipse ferret secundum suam opinionem, notari posset minus prudens ab alijs supremis iudicibus. Differentia haec, ac distinctio inter iudicem supremum, & iudices inferiores falsa, & absque sufficienti fundamento videtur

ARTICULVS III. 55

detur M. Lorca ibidem disp. 39. membro 2. & D. Montefino disp. 29. quæst. 5. §. 5. num. 211. Quare arbitrantur indistincte, posse iudicem iuxta probabilem opinionem proferre sententiam: quia non est disparitas inter exterius, & interius forum: at in foro interiori pœnitentiæ tam sacerdos inferior, quam supremus potest ferre sententiam absolutionis, conformando se opinioni alterius, etiam si contrariam ipse probabiliorem, ac tutiorem putet; ergo idem dicendum est de iudice etiam supremo in foro exteriori. Cur enim non poterit iudex supremus sicut, & inferior habere iudicium secundum regulas prudentiæ, quod possit se aliorum sententiæ probabili conformare? Quod si habuerit, id ei melius, & magis rationi consentaneum videbitur practice, quamvis speculatiue suam opinionem magis esse rationi consentaneam putet. Ex quo, & nostra conclusio probata manet, & ratio pro sententia P. Vazquez soluta.

Secundo probatur: Nam quamvis M. Soto lib. 3. de iustitia quæst. 6. ar. 5. ad 4. de iudice dicat: *Necessarium semper est, sententiam secundum probabiliorem opinionem subscribere, etiam si altera sit probabilis*. Et quamvis alij discipuli D. Thom. vt M. Salton supra, quæst. 63. artic. 4. Contro. 2. M. Alvarez 1. 2. quæst. 19. art. 6. disp. 80. num. 12. M. Martinez ibid. dub. 6. con. 2. & alij asserant, iudicem posse quidem sententiam ferre secundum opinionem mi-

nus probabilem ex parte iuris; non tamen ex parte facti: nam iudex debet iudicare secundum merita causæ; qui vero melius probat factum, habet maiora merita causæ. At omnes in hoc conueniunt, posse iudicem in causis criminalibus sequi opinionem, quæ magis fauet reo, etiam si minus probabilis sit tam ex parte iuris, quam ex parte facti: quia ut dicitur in Regula 11. ex Regulis iuris in Sexto: *Cum sunt partium iura obscura, reo fauendum est potius, quam actori.* Ergo saltem tunc non erit necessarium, ut iudex ferat sententiam secundum opinionem probabiliorem, sed eam ferre poterit secundum eam, quæ probabilis est.

Tertiò probatur: Nam non est improbabile, tam in causis ciuilibus, quam criminalibus, posse iudicem sequi ex opinionibus probabilibus ex parte iuris, aut facti, quam maluerit, non solum si æque probabilis sit, ut vult Bonacina, Tom. 2. disp. 2. quæst. 4. puncto 9. num. 15. sed etiam si sit minus probabilis, si tamen probabilis sit. Quia, quam maluerit opinionem sequendo, prudenter agit, & opinio, quæ quibusdam videtur probabilior, alijs videtur minus probabilis, immo eisdem vna opinio modo videtur probabilior, & postea videtur minus probabilis. Vnde si teneretur iudex semper secundum probabiliorem opinionem iudicare, maximis præmeretur angustijs ad indagandum, quænam sit opinio probabilior, Nec est verum

ARTICVLVS III. 57

rum, partem illam, pro qua stat opinio probabilior, ex parte iuris, aut facti maiora merita causæ habere; nam hæc non pendent ex hominum opinionibus, sed ex ipsa re. Et quamuis vnus melius probet factum: si tamen alius bene, & sufficienter probat, non propterea ille merita maiora habet, cum possit, factum solum bene, & sufficienter probatum, maioris esse meriti ad causam, de qua agitur, quam factum aliud probatum melius: & licet omnino idem esset factum, nihil aliud requiritur ad sententiam ferendam, quam bene, & sufficienter probatum fuisse. Regula autem iuris citata loquitur in casu dubij, vt colligitur ex Glossa ibi, non quando sunt opiniones probabiles ex vtraque parte; quod & expressius asserit Bonacina vbi supra. Denique licet, vt diximus con- præcedente, ad condemnandum reum, debeant probationes esse luce meridiana clariores, sufficit tamen, vt tales sint secundum opinionem, & estimationem iudicis: quæcunque autem opinio probabilis asserens, factum esse bene, ac sufficienter probatum, existimat probationes suas esse luce meridiana clariores. Ex his autem omnibus nostra patet conclusio. Vide, quæ diximus 1. 2. quæst. 19. art. 6. dubio 4.

Dicendum est 8. Vt Index via accusationis recte procedat, ante omnia opus est, vt accusatio iusta præcedat. Probatur: nam iudex non debet, nec potest pro-

58 **QVÆSTIO LXVII.**

cedere à se ipso ; ergo vt rectè procedat hac via, opus est , vt accusatio prædicta præcedat, quæ ei viam aperiat .

Debet autem accusatio , vt ab ipsa tanquam à principio, sicque via accusationis legitimè iudex procedat, esse iusta: non quidem necessario in foro conscientiz, sed in foro exteriori. Nam vt docet M. Bañes infra q. 70. art. 1. dubio 1. & est communis omnium doctrina , potest contingere, vt accusatio sit iniusta in foro conscientiz, eo quod accusator poterat , & tenebatur corrigere delinquentem , & ita providere bono communi : & nihilominus iudex teneatur illam admittere, si accusator instat, quia est iusta ipso foro exteriori, vt sit vero talis, debet esse libera ab omni calumnia , præuocatione , & tergiversatione: docet enim D. Tho. infra quæst. 68. ar. 3. accusationem reddi iniustam propter hæc tria .

Quod diximus de accusatione , dicendum est etiam de denuntiatione , aut quacunq; alia via procedat iudex absque præiudicio infamiz : nam denuntiatio, & idem est de quærela partis, debet esse iusta: talis autem non est, si crimina falsa imponat, & occulta propalet, quæ nullo modo probari possunt.

Alia, quæ requiruntur, vt iudex hac via usque ad sententiã rectè procedat, eadem sunt ac ea, quæ, vt rectè procedat via inquisitionis , requiri diximus.

Circa articulum 4, nihil se offert dicendum.

ARTICVLVS III. 59

dum. Vide M. Soto lib. 5. de Iustitia, q. 4. art. 4. Covarruiam lib. 2. variar. cap. 9 M. Bañes. & alios expositores hic.

QVÆSTIO LXVIII.

*De pertinentibus ad iniustam
accusationem.*

ARTICVLVS I.

*Utrum homo teneatur ad accusan-
dum.*

Conclusio est affirmans.

Dubium 1. *Quando teneatur ho-
mo ad accusandum.*

Summa Angelica verbo *Accusatio*, nu. 1. dicit, si sermo sit de accusatione proprie sumpta, nunquam teneri ad accusandum: Immo (subdit) *Videtur, quod accusare, sit contra preceptum diuinum, dum dicit, dimitte nobis debita nostra, &c.* Hoc ridiculum esse ait Caietanus hic. Alij vt M. Salon hic controuersia 1. con. 1. periculosum, & erroneum esse asserunt: nam deinde est accusationem aliquando esse licitam. Sed quicquid sit de hac censura,

omiffaque Angelicæ Summæ doctrina, vt faliffima .

Dicendum eft 1. Quando crimen vergit in detrimentum Reipublicæ, homo tenetur ad accusandum, non tamen fi crimen tale non fuerit . Vtramque partem docet D. Thom. hic, vbi fic habet : *Si crimen fuerit tale, quod vergat in detrimentum Reipublice, tenetur homo ad accusationem . Si autem non fuerit tale peccatum, quod in multitudinem redundet, non tenetur homo ad intentandum accusationem .*

Probatur deinde prima pars : vnusquisque tenetur bono communi succurrere ficut pars toti, vbi viderit fcleribus corrumpi : at criminibus, quæ vergunt in detrimentum Reipublicæ, bonum commune corrumpitur, illique succurritur per accusationem, qua talia crimina deferuntur ad iudicem, & hic ea puniendo quietem Reipublicæ procurat, nam poenæ meru mal in officio continentur, ne commune bonum perturbent: ergo fi crimen fuerit tale, quod vergat in detrimentum Reipublicæ, tenetur homo ad accusandum .

Secunda pars etiam probatur : nam fi peccatum non redundat in multitudinem, fed tantum vergit in detrimentum particulare, poteft quisque proprium damnū remittere, cum fit bonorum fuorum etiā fame, & honoris dominus; ergo non tenetur homo ad intentandā accusationem; vt particulari bono succurat .

Si quæras, quæ peccata vergant in detrimento

trimentum Reipublicæ? Respondet M. Soto lib. 5. de Iustitia, quæst. 5. art. 1. con. 1. ad 1. *Haec omnia peccata sic in detrimentum censentur Reipublica, ut sint necessario, vel denuncianda, vel accusanda, vel tanquam talia inquirenda: sed illa tantum, quorum proximum obiectum est commune bonum, quod illis expugnatur, & contriubatur.* Huiusmodi (inquit) sunt hæresis, qua communis religio contuitur, proditio ciuitatis, compilatio ærarij publici, & crimen læsæ maiestatis, quibus etiam adiungit crimen latronum, qui regias vias obsident, & assessorum.

Mag. Bañes hic dub. 2. con. 4. docet, ciuem particularem, non solum teneri accusare crimina, quæ immediate lædunt bonum publicum; sed etiam illa, quæ fiunt contra priuatas personas, quæ redundant in malum publicum, & per punitionem prouidetur bono publico. Quod, & ratio facta pro prima parte conclusionis cõuincit: tenetur enim quilibet succurrere bono cõmuni, quomocunque lædatur. Vnde, si frequentia essent crimina in Republica, pacem illius propter frequentiam perturbãtia: si etiam ex homicidio priuatæ personæ grauis seditio sequeretur in populo, quæ sedari non posset, nisi punito delinquente, tenetur, qui probare posset, talia crimina accusare.

An vero quando quis accusare tenetur aliquod crimen, suæ obligationi satisfaciatur, illud denunciando iudici, explicat M. Soto ubi supra, & ait: si sermo sit de denuncia-
tio.

62 QVABSTIO LXVIII.

tione, non quidem fraterna, & euangelica, sed de iudiciali. hanc sufficere: est enim hæc pene accusatio, hoc solo differens, quod denuntians non tenetur probare, sed iudex tunc tenetur inquirere: vnde illam forte D. Thom. hic nomine accusationis comprehendit. Subdit tamen Mag. Soto. *Tamet si ubi crimen esset valde perniciosum, & contagiosum, ille, qui testes posset asserre, accusare quoque teneretur, & crimen probare, ut iudicem labore inquirendi in re tanti momenti releuaret.* Quæ limitatio alijs non videtur necessaria: nam quid perniciosius hæresi? Quam tamen denunciare Inquisitoribus hæreticæ prauitatis sufficit. Vnde, ut quis a periculo deficiendi in probationibus liberetur, satisfecisse videtur, si denuntiet, nec tenetur iudicem à labore inquirendi releuare, si tamen per denuntiationem æque malo communi occurrì potest: nam si iudex nihil ex officio esset facturus, accusatio esset necessaria.

Aduertendum etiam est, D. Thom. & nos hic loqui de accusatione per se sumpta, quatenus ordinatur ad punitionem peccantium; per accidens enim teneri possumus ad accusandum, vel denuntiandum peccatum, quod non vergit in detrimentum Reipublicæ, sed personæ particularis: nempe aut ad liberandum innocentem, ab iniusta morte, ut docet D. Thom. infra quæst. 70. ar. 1. aut ad restaurandum interesse, censum, aut honorem amissum, sine quo non potest homo familiam alere, aut
finet,

ARTICVLVS I. 63

timet facile peccaturum; aut propter officium, aut pactum, vel iuramentum præstitum, qua ratione fiscales, & custodes mortuorum, & tributorum, & ministri iustitiæ tenentur accusare, vel denuntiare peccata contra personas particulares: aut denique ob præceptum superioris superueniens, quo subditi iubentur denuntiare aliqua delicta contra personas priuatas, quæ licitè denuntiare poterant, quamuis non tenerentur, ante tale præceptum. Perse autem, & ex meritis peccatorum sola illa sunt necessario accusanda, vel denuntianda, quæ vergunt in detrimentum Reipublicæ.

Dicendum est 2. Quando prædictum crimen non potest homo probare per testes idoneos, & sufficientes, non tenetur ad illius accusationem. Docet hoc D. Th. hic his verbis: *Si crimen fuerit tale, quod vergat in detrimentum Reipublicæ, tenetur homo ad accusationem, dummodo sufficienter possit probare, quod pertinet ad officium accusatoris. Si sufficientem probationem adhibere non possit, non tenetur ad intentandam accusationem: quia ad hoc nullus tenetur, quod non potest debito modo perficere.*

Secundò probatur ex 2. q. 8. can. 2. ubi sic dicitur: *Sciant cuncti accusatores, eam se rem deferre debere in publicam notionem, qua munita sit idoneis testibus, vel instrumentis, apertissimis documentis, vel inditijs ad probationem indubitatis, & luce clarioribus expedita: ergo qui hoc præstare non potest, non tenetur ad accusandum.*

Si

64 **QVÆSTIO LXVIII.**

Si quæras, sit ne idem dicendum de iuridica denuntiatione? Respondetur duas esse de hac re Doctorum sententias. Prima est negans, quam tenent multi, quos refert, & sequitur Diana 1. p. tract. 4. resolut. 1. Probant: quia denuntiatio hæc differt ab accusatione, quod denuntians non tenetur probare, quod denuntiat; ergo si crimen vergit in detrimentum Reipublicæ, etiam si illud non possit homo probare, tenebitur denuntiare. Confirmant ex praxi Tribunalis S. Officij, iuxta quam in casibus pertinentibus ad illud Tribunal denuntiatio est facienda, etiam si delator crimen probare non possit.

Secunda est affirmans, quam tenent Summa Angelica verbo denuntiatio, n. 6. Nauarrus cap. 17. num. 134. & capit. 18. num. 61. & cap. 25. n. 46. & alij recentiores, quos refert Diana ubi supra. Probant: qui non potest crimen probare, si illud reuelet, peccat contra iustitiam, exponens reum manifesto periculo infamix, incertus an iudex possit illum convincere, aut eius confessionem tormentis extorquere, sicque illum punire; ergo non solum non tenetur, sed nec etiam potest tale crimen denuntiare. Confirmatur 1. sicut denuntiatio falsi criminis est iniusta, ita, & denuntiatio criminis occulti quod probari non potest: *Nam iure quicquid idoneis testibus, vel instrumentis innotescere nequit, falsum reputatur*, ut ait M. Soto lib. 5. de iust. q. 5. art. 3. ergo qui crimen probare non potest

test, non tenetur, immo nec potest illud denuntiare. Confirmatur 2. nam vt con. i. diximus cum M. Soto, denuntiationem iuridicam forte D. Tho. hic nomine accusationis comprehendit; ergo idem dicendum est de illa, ac de accusatione. Quamuis enim denuntians nō teneatur probare, tenetur tamen testes idoneos, & sufficientes iudici insinuare, vt colligitur ex forma denuntiationis, quam refert Clarus qu. 7. Prac. crim. sicque requiritur, vt probare possit. Ex quo ad argumentum primæ sententiæ responderi potest. Ad confirmationem Diana vbi supra, ex doctrina Fagundez, & Granado dicit: Præsum S. Inquisit. fundari in probabilitate contrariæ opinionis, non tamen tollere probabilitatem huius. Mihi tamen prima securior videtur.

Dicendum est 3. Quando crimē est iam emendatum, aut probabilis, ac moraliter certa spes est emendæ per correctionem fraternā, nullus tenetur illud accusare, vel denuntiare, immo nec potest, non præmissa correctione fraternā. Primam partem negant nonnulli, quos refert Diana vbi supra resol. 3. quia (inquiunt) accusatio, & idem est de iuridica denuntiatione, non tendit ad correctionem, sed ad punitionem delinquentis. Illam tamen docent communiter discipuli D. Thom. & alij. M. Soto lib. 5. de iust. q. 5. ar. 1. circa finem corp. sic ait. *Crimina si omnino sint emendata, cuiuscumque sint generis, nemo tenetur illa denuntiare,*

66 QVÆSTIO LXVIII.

*tiare, vel accusare, sed tantum testis esse, si
eius testimonium in particulari legitime postu-
latur. Hoc postremum examinabimus in
fra q. 70. ar. 1. Illo supposito, quidam no-
stræ cōclusionis primam partem probant.
Ponitio criminis, ad quam accusatio, &
denuntiatio iuridica ordinatur, non potest
experi in homine iam emendato, nisi ob
aliorum exemplum: sed hoc non spectat
nisi ad iudicem; ergo licet, quando quis
iuridice interrogatur a iudice de crimine
emendato, teneatur respondere, vt testis:
non tamen tenetur, vt accusator, vel de-
nuntiator viam iudici aperire, illumque
ad puniendum mouere.*

*Secundo probatur, nam vt hic ait Diu.
Thom. Poena presentis vite, non perse expe-
tuntur, sed in quantum sunt medicinales con-
ferentes, vel ad emendationem peccantis, vel
ad bonum Reipublicæ. Sed quando crimina
sunt omnino emendata, vtrumque con-
sequutum est, cum tam peccatum delin-
quentis, quam damnum publicum cessa-
uerit; ergo non est necessaria accusatio, vel
denuntiatio ad punitionem, & poenam
delinquentis ordinata. Ex quo patet solutio
argumenti Auctorum oppositæ sententiæ.
Confirmatur, nam vt constat ex con. 1.
quia peccata vergūt in detrimentum Rei-
publicæ, ideo sunt accusanda, vel denun-
tianda: sed peccata emendata iam non
vergunt in detrimentum Reipublicæ, ergo
non tenemur illa accusare, vel denuntiare:
Nam quamuis ex hoc, & illorum puni-
tione*

tionem aliquo modo promoueretur bonum publicum, metu pœnæ deterritis hominibus: nemo tamen particularis tenetur ad omnem promotionem boni publici, sed solum ad eius defensionem, & ad succurréndum illi, cum impugnatur peccatis vergentibus in detrimentum Reipublicæ.

Quando autem delinquens censendus sit iam emendatus, variè explicant Doctores. Quidam afferunt, confessionem sacramentalem probare aliquem esse emendatum. Alij consequutionem iubilei. Alij bonam vitam per trienium. Alij id arbitrio boni viri remittendum esse dicunt. De quo vide Dianam vbi supra.

Secunda pars conclusionis probatur; nam quamuis D. Thom. in 4. d. 19. q. 2. art. 3. q. 1. ad 4. eius oppositum probabile censcat; vnde in 2. solutione argumenti dicit: *Quod in accusatione non agitur ad emendationem peccantis, sed ad bonum commune, scilicet iustitiam conservandam per punitionem delinquentis: & ideo accusatio in iudicio bona conscientia potest fieri, etiam si admonitio non precedat: nec est contra præceptum Domini, quod intelligitur, quando agitur ad emendationem peccantis: Nostræ tamen conclusionis partem secundam ipsi magis placere indicat, dum in prima illius argumenti solutione inquit: Quod etiam ad accusationem procedi non debet secundum forum conscientia monitione non premissa, nec emendatione expectata, nisi forte maiori periculo obuiandum videatur.*

Vn-

68 *QVÆSTIO LXVIII.*

Vade hoc communius eius discipuli amplectuntur.

Secundò probatur : qui cum nullo proximi detrimento potest succurrere bono communi , tenetur sic , & non cum detrimento proximi succurrere : sed per accusationem , vel denuntiationem iuridicam succurritur bono communi cum detrimento proximi , per correctionem vero fraternam , qua emendatur proximus , sine vilo proximi detrimento succurritur bono communi ; ergo non potest licite accusari , vel denuntiari iuridice , si probabiliter , ac prudenter speratur emendandus per correctionem fraternam , hac non præmissa . Confirmatur , non potest licite aliquis alteri famam auferre sine causa , & necessitate : sed qui alterum accusat , vel denuntiat iuridice non præmissa correctione fraterna , qua emendandus certo speratur , sine causa , & necessitate illi , famam auferit , cum bono communi aliter quam per accusationem , vel denuntiationem iuridicam , qua proximus infamatur , possit succurri , nempe per correctionem fraternam ; ergo hac non præmissa , non est licita accusatio , vel denuntiatio iuridica . Nisi forte maiori periculo obuiandum esset , vt subdit D. Thom. Si enim periculum nocimenti Reipublicæ immineret , & non tam cito esset emendandus proximus , statim ad accusationem vel denuntiationem iuridicam esset procedendum , prætermissa correctione fraterna

ob

ob periculum, quod est in mora.

Si quæras, an qui non præmissa correctione fraterna alium accusat, vel iuridice denuntiat, peccet contra iustitiam? Mag. Soto lib 5. de iustitia quæst. 5. art. 1 dicit. *Si ille, qui resciverit, certissimus omnino sit, quod per suam admonitionem sic frater emendabitur, ut damnum publicum omnino scriptum cessabit, necessaria est admonitio. Et hoc non solum lege charitatis, verum etiam iustitiæ: quia post lens ille scelerosus adhuc habet possessionem honoris sui, ob idque, si satis potest occurrere malo publico sine eius lésione, non est in publicum traducendus.* Ex quo M. Bañes hic dubio 1. infert, illum, qui per correctionem fraternam poterat corrigere delinquentem, ita ut bonum commune nihil pateretur, si accusat, teneri ad restitutionem totius damni, quod patitur accusatus: peccat enim non solum, contra charitatem, sed etiam contra iustitiam, inferendo damnum proximo, sine causa. Alij cum M. Salon hic controu 4. con. 2. & 3. dicunt, hoc solum esse verum, quando crimen non est notorium notorie, tate iuris, nec probabile per idoneos testes: si enim iuridice probari possit, non peccat contra iustitiam, sed solum contra charitatem, qui illud sine causa, & non præmissa correctione fraterna reuelat in iudicio per accusationem. Cuius rationem assignant: quia committens crimen, quod in iudicio probari potest, licet maneat illud occultum, iam non habet ius in suam famam; sicque reuelans illud in iudicio, quam

quamuis peccet contra charitatem, quia expoliat illum re ipsi utili, & necessaria, sua scilicet fama: non tamen peccat contra iustitiam, quia non expoliat illum re, ad quam habeat ius, cum iam non habeat ius in suam famam, qua expoliatur, & ita ad nullam tenetur expolians restitutionem. Contra hanc tamen sententiam est: nam ex illa sequeretur, non peccare contra iustitiam, nec ad restitutionem famæ teneri illum, qui alium infamat per detractiōnem, reuelando alijs extra iudiciū crimen, quod coram duobus, vel tribus commisit, sicque in iudicio probabile: consequens est falsum; ergo &c. Maior patet, nam si committens crimen in iudicio probabile iam non habet ius ad suam famam; ergo qui illum infamat reuelando tale crimen alijs extra iudiciū per detractiōnem, non peccat contra iustitiam, sed solum contra charitatem. Minor probatur, nam ut constat ex D. Thom. supra quæst. 62. art. 2. ad 2. & infra quæst. 74. art. 2. detractor, & qui prodit crimen alterius contra ordinem debitum. *Tenetur ad restitutionem famæ*. At prædictus crimen alterius contra ordinem debitum prodit, & detractor est; ergo, &c.

Dicendum est 4. Quando crimen est proprium, nullus tenetur ad accusandum, vel iuridice denuntiandum. Probatur, quia nullus tenetur se ipsum prodere. Unde S. Chrysost. Hom. 31. in Epist. ad Hebræos, cuius verba refert D. Tho. infra quæst. 69. art.

ARTICVLVS I. 71.

art. 1. arg. 1. iacuit : *Non tibi dico , ut re-
prodas in publicum , neque ut te apud alios
accuses .*

Intelligendum tamen id est, per se: nam
per accidens, quia accusatio proprii delicti
necessaria est ad reparandum damnum à
me alteri illatum , potest contingere in
aliquo casu, ut meum crimen prodere te-
near, si fama, aut vita alterius , aut bonum
commune periclitatur , & aliter damnum
reparari non potest . De quo vide, quæ
diximus supra q. 62. art. 2. dubio 3. & art. 6.
dub 7. Vide etiam Dianam 1. parte tractat.
4. resolut. 8.

Hinc colligitur, neminem teneri ad de-
nuntiandum, vel accusandum complicem;
moraliter enim loquendo non potest quis
manifestare complicem , quin manifestet
se ipsum : nam si quis complicem denun-
tiet, postea complex interrogatus , ut reus
tenebitur denunciare ipsum, & sic se ipsum
virtualiter denunciabit, & manifestabit
complicem denunciatis . De quo vide
eundem Dianam ibidem resolut. 9.

Hinc etiam inferunt aliqui , neminem
teneri ad accusandum, aut iuridice denun-
tandum patrem, vel filium , vel fratrem ,
vel maritum, vel uxorem ; quia ij censen-
tur vna, & eadem persona, & iuri naturali
repugnat se ipsum denunciare, & prodere.
Alensis, 3. p. q. 33. membro 4. art. 2. dub.
ultimo inquit : *Hæreticus, aut solum sibi no-
cet, ut quando hæresis occulta est : aut alios
etiam prava doctrina corrumpit . Primo modo
non*

72 **QVÆSTIO CXVIII.**

non tenetur cum accusare filius, sed secundo modo tenetur. Peña 3. p. Direct. Inquisit. quæst. 111. coment. 160. de uxore loquens ait: si non denuntiat maritum suum rebellem Regi accusatur propter arctissimam coniunctionem, quæ est inter virum, & uxorem. Ob eandem coniunctionem, dicunt alij, non teneri ad denuntiandum maritum hæreticum, quod nonnulli extendunt etiam ad fratrem. Excepto tamen crimine hæresis formalis: alij asserunt, neminem teneri ad denuntiandum crimina à supradictis tam propinquis, ac coniunctis sibi commissa, etiam si sint blasphemix hæreticales. De quibus omnibus vide Dianam 1. p. tractat. 4. resol. 4. & 5. & 6.

Dicendum est 5. Quando quis prudenter timet ob accusationem, vel denuntiationem graue aliquod damnum sibi, aut suis euenturum, non tenetur accusare, aut denuntiare, nisi bonum publicum id necessario postulet. Docent hoc multi, quos refert Diana 1. p. tract. 4. resol. 7. Probatur, quia hæc officia præstare non tenemur cum nostro damno, nisi bonum publicum illud necessario postulet. Vnde Peña in 2. p. direct. Inquisit. q. 53. coment. 78. inquit, non videri à ratione absolum, posse ob metum quandoq; denuntiationem hæretici omitti; sicque uxorem non denuntiantem maritum hæreticum excusari ob metum, ne illam occidat, aut male tractet, nisi forte dogmatizaret in magnū

Rei

Reipublicæ damnum . Confirmatur ex his, quæ de teste dicemus infra q. 70. ar. 1. dub. 1. con. 6.

Dicendum est 6. Quando quis est iure prohibitus, non tenetur, nec potest accusare, vel denuntiare . Probatur, quia contra prohibitionem iuris non licet aliquid facere . Aduertit tamen Caiet. hic circa solutionem primi: *Quod qui accusare prohibentur, possunt, & debent in casu, ut multitudinis periculo succurratur, iudici reuelare personam criminofam, & testes cum certis circumstantijs, ut vel ex officio suo iudex prouidere possit Reipublicæ.*

Qui sint autem iure prohibiti, ad Iurisperitos potius, quam ad Theologos pertinet enodare . Vide Clarum q. 14. Practic. crim. D. Thomas hic in argum. 1. horum mentionem facit: *Excommunicati, infames, & illi qui sunt de maioribus criminibus accusari priusquam innoxij demonstrentur.* Ad 2. etiam dicit, subditos prohiberi suos prælatos accusare non quidem absolute, sed si sint criminosi, aut nõ affectione charitatis, sed sua prauitate eos diffamare querant; alias enim inquit: *Licet subditis ex charitate suos prælatos accusare.*

De clericis ait Syluester verbo *Accusatio*; q. 4, prohiberi accusare 2. q. 7. cap. *Sicut Sacerdos*, etiam si pœna sanguinis non sit imponenda accusato, sed alia publica: quia huiusmodi ociosis se immiscere non debent . Possent tamen accusare ad prosequendam iniuriam propriam, vel recuperanda

d † bona

bona propria, etiam si accusato poena sanguinis sit imponenda, dummodo protestetur, se non intendere accusare, ut poena imponatur. Hac protestatione ommissa clericus accusans, vel denuntians aliquem in causa sanguinis mortaliter peccat, & manet irregularis, etiam si illius occisionem non intendat, sed solum prouideat: nam absque hac protestatione interdicta est clericis denuntiatio in causa sanguinis, ut patet cap. *Clericis*, & cap. *Sententiam*, extra. Ne clerici, aut monachi. Et qui sic denuntiat, vel accusat, censetur in iure homicida voluntarius: quia saltem vult mortem proximi in effectu. Si tamen protestationem faciat exterius, se non intendere alterius mortem, aut propriam vindictam, etiam si interius intendat vindictam, & occisionem denuntiati, inquit M. Bañes supra q. 64. art. 8. dub. 4. non manere irregularem, etiam si mortaliter peccet talem habens intentionem: quia ius canonicum cum externum sit, non respicit animum, nec intentionem internam; sicque cum iste protestetur exterius iuxta formam cap. *Prælati*, De homicidio in Sexto, verè excipitur ab irregularitate.

Si quæras, an si clericus facta prædicta protestatione accuset, vel denuntiet aliqua in causa sanguinis, non quidem ad prosequendam propriam iniuriam, sed ad defensionem innocentis, vel ad consulendum bono publico, peccet, vel maneat irregularis? Respondetur cum eodem M. Bañes ibi-

ibidem dubio 5. nequaquam: quia ius cæ-
nonicam plus debet fauere ijs, qui denun-
tiant in vtilitatem Reipublicæ, quam qui
in commodum proprium. Vide illum.

*Dubium 2. Quæ crimina possit, quis
accusare, vel denuntiare.*

Diximus dubio præcedente, quæ cri-
mina teneamur accusare, vel denun-
tiare; quia tamen nonnulla sunt, quæ quã-
uis non teneamur, possumus tamen accusa-
re, vel denuntiare; quæ huiusmodi sint, in
hoc dubio explicabimus sequentibus con-
clusionibus.

Dicendum est 1. Partem læsam posse ac-
cusare, vel denuntiare quæcunque crimi-
na in ipsam commissa, etiam si non perait-
tat correctionem fraternam. Docet hoc
M. Soto lib. 5. de iustitia, q. 3. art. 1. dicens:
*Quando accusatio alicui incumbit de re sua
propria, nulla requiritur admonitio.*

Probatur: pars læsa habet ius ad postu-
landum punitionem sui læsoris, & satisfac-
tionem damni sibi illati, etiam si ille
emendatus sit, & poeniteat; ergo potest li-
citè accusare, etiam non præmissa corre-
ctione fraterna, eritq; talis accusatio actus
iustitiæ vindicatiuæ, qua vindicari petunt
subditi à iudicibus; de quo vide D. Thom.
& Caiet. infra q. 108. art. 1.

Aduertit M. Salon hic controu. 2. con. 4. si
læsor non sit nocius Reipublicæ, nec soli-

76 QVÆSTIO LXVIII.

tus similia facere, & offerat plenam satisfactionem, contra charitatem esse illam non acceptare, sed accusare; quia lex charitatis obligat ut non noceamus proximo, quando eius nocumentum nec bono publico, nec nostro priuato est necessarium: si autem læsor non sit nocius Reipublicæ, & plenam satisfactionem offert, eius nocumentum, quod per accusationem patietur, non est necessarium bono publico, nec nostro priuato, sicque, qui illum accusaret, contra charitatem, & ex odio videretur illum accusare.

Aduertit etiam Mag. Bañes hic dubio 1. con. 3. habendam esse rationem damni, quod patitur pars læsa, & quod patitur accusatus: & si hoc notabiliter excedat, contra charitatem esse illum accusare.

Aduertendum est quoque nomine partis læsæ hic non solum esse intelligendum illum, qui immediatè læditur, sed etiam omnes illi maximè coniunctos, ut patrem, filium, maritum, uxorem, & fratres; omnes enim ij censentur vna, & eadem persona, ut diximus dubio 1. con. 4. sicque omnes secundum ordinem coniunctionis petere possunt vindictam, & accusare, vel denunciare læsores.

Denique aduertendum est, partem læsā, ut accuset, vel denuntiet læsores, non opus habere, ut læsor laboret infamia de crimine denuntiando: nam quamuis illum accusatione, vel denuntiatione infamet; nō tamen sine causa, & necessitate, cum hoc
fa-

ARTICVLVS I. 77

faciat, vt rem suam recuperet, aut vt illi fiat debita satisfactio. Necessarium est tamen, vt crimen probare possit, ita vt iudex læsori præcipere possit, vt faciat debitam satisfactionem, aut rem acceptam reddat. Si enim crimen omnino esset improbabile, non solum contra charitatem, sed etiam contra iustitiam peccaret læsus accusando, vel denunciando læsorem, nam, hoc ad nihil aliud deservire posset, quam ad infamandum læsorem.

Dicendum est 2. Crimina, quæ sunt contra alias personas, vt homicidia, & furti; aut quæ soli committenti nocent, vt fornicationes, & ebrietates, quilibet potest accusare, vel denunciare; si tamen delinquens laboret infamia, & præmittatur correctio fraterna. Prima pars probatur: Respublica, aut princeps per iudices designatos hæc peccata punit iuste, vt omnes rectam, & tranquillam vitam agant; ergo cuilibet ciui licitum est, ea iudici denunciatione, aut accusatione manifestare, illique viam aperire ad procedendam iuridicè contra illa: alias si id nulli liceret, difficillimum esset iudici horum criminum noticiam habere, illaq; punire. Si aliqua ex criminibus, quæ soli committenti nocent, permittantur, vt fornicationes in lupanari, ad maiora mala vitanda, frustra denuntiarentur, aut accusarentur, nam non admitteretur accusatio, vel denuntiatio.

Secunda pars probatur: quia licet possit quis hæc crimina probare, dum occulta

d t 3 sunt,

78 QVAESTIO LXVIII.

sunt, & delinquentes non laborant infamia, non habet ius, aut causam iustam infamandi delinquentes, cum talia crimina non vergant in detrimentum Reipublicæ, nec ex illis iam commissis imminet damnum proximo, & sola pars læsa habeat ius petendi vindictam; ergo non potest illa denuntiare, vel accusare, nisi delinquentes laborent infamia. Si enim hac laborant, accusatione, vel denuntiatione iam non infamantur delinquentes: & infamia, qua laborant, sicut aperit iudici viam ad inquirendum, ita, & alijs ad accusandum, vel denuntiandum.

Tertia pars patet ex dictis dubio 1. con. 3. Si enim ad accusanda, vel denuntianda crimina, quæ vergunt in detrimentum Reipublicæ, præmitti debet correctio fraterna, multo magis præmittenda erit ad accusanda, vel denuntianda crimina, quæ solum sunt contra personas priuatas. Quasi verè emendentur delinquentes, contra charitatem est illos iam emendatos denuntiare, vel accusare, etiam si laborent infamia.

Dicendum est 3. crimina publica, & manifesta ipsis iudicibus, aut ministris eorum, licet possimus; non tenemur tamen accusare, vel denuntiare, nisi forte iudices, ac ministri eorum tam negligentes essent, ut commune bonum aliquod damnum pateretur. Docet hoc M. Salon hic contron. 2. con. 3. Patet etiam; nam cum iudicibus incumbat ex officio inquirere, & punire cri-
mi-

mina, & cum hæc publica ipsis, & manifesta sunt, ea facillè probare possint, & publica infamia ad hoc viam illis aperiat, si non faciant, ipsis imputandum erit non alijs, nisi forte scirent iudices adeo esse negligentes, vt commune bonum aliquod damnum pateretur.

Ex his colligitur, quando edictis superiorum præcipitur, vt qui sciunt, denuntient tale, aut talia delicta, denuntianda esse non solum ea, quæ alias denuntiare tenemur, sed etiam, quæ licet non teneamur, licitè possumus denuntiare; non tamen, quæ alias licitè denuntiare non possumus. Docet hoc M. Bañes hic dub. 2. corol. 3. & 4. probatque: quia præceptum superioris potest obligare ad actiones etiam indifferentes antequam poneretur præceptum, & hoc sub mortali, ergo multo magis poterit obligare ad actiones licitas ex se antequam præceptum poneretur, qualis est accusatio, vel denuntiatio criminum de quibus dictum est con. 2. cum conditionibus ibi positis. Cum autem præceptum humanum non debeat esse contrarium iuri naturali, & diuino, si hoc quis tenetur seruare secretum, & non denuntiare aliquod crimen, etiã superueniente præcepto superioris, illicitum erit reuelare tale crimen.

De criminibus, quæ sunt in proprium damnum, & in causa propria, inquit M. Saloñ hic contr. 2. tit. Quando obligent præcepta, & edicta superiorum, regula vltima, non obligari aliquem per edictum denun-

80 **QVÆSTIO LXVIII.**

tiare. Quia licet præceptum superioris obliget in licitis, & hæc denuntiatio sit licita; cum tamen sit consilium Evangelicum condonare proprias iniurias, præsumendū est prælatum in suis edictis liberum relinquere subditum, & non obligare illum ad denuntiandum in causa propria.

Si quæras autem quanto tempore dureret obligatio talium edictorum? Respondetur, si nullum præfigant tempus, semper durare eorum obligationē, aut toto anno; si singulo quoque anno innouentur. Si vero tempus præfigant ita vt præcipiāt scientibus denuntiare delicta intra octo dies, v. g. inquit Nauarrus cap. 25. num. 46. *Eum qui non denuntiauit delicta intra tempus in edicto contentum, teneri ad denuntiandum post illud quam cito commodè potest.* Cuius rationem assignant aliqui quos refert Diana 3. p. tract. 5. miscel. resol. 95. quia terminus non est in edicto positus ad finiendam, sed ad differendam obligationem. Ex quo inferunt, eum qui ob ignorantiam excusatur ad non revelandum intra præfixum terminum, si postea illi constet de edicto, teneri ad revelandum: quia obligatio adhuc durat. Oppositum tamen docent alij, quos idem Diana ibidem refert, quem vide. Vide etiam M. Saloñ hic controuersia 2. titul. Quando obligent præcepta, & edicta superiorum; vbi refert sententiā M. Peñę afferentis, quando edictum non venit in notitiam alicuius quando promulgatum est, sed postea elapsis iam tribus mensibus, vel
am.

ARTICVLVS II. 81

amplius , non teneri iam ad reuelandum crimina ratione illius edicti . Et ipse M. Salo-
con. 5. ait; præcepta quæ proponuntur
in particularibus visitationibus Episcopo-
rum non obligare illos , quibus non in-
notuerunt nisi expleto tempore; visitatio-
nis.

Circa art. 2. nihil se offert dicendum .
Vide Clarum quæst. 12. Practic. criminal.
num. 6. & 7.

ARTICVLVS III.

*Vtrum accusatio reddatur iniusta
propter calumniam , præ-
uaricationem, & ter-
giuersationem .*

Calumniari , inquit D. Thom. est cri-
mina falsa imponere accusato . Ad-
uertit autem M. Soto lib. 5. de iustit.
q. 5. art. 3. Neque vero ille tantum calumniator
est, qui falsum crimen imponit , verum & qui
occultum , quod verè probari non potest , propa-
lat . Nam iure quicquid idoneis testibus, vel in-
strumentis innotescere nequit , falsum reputa-
tur . Ex quo colligitur , quod afferunt M.
Bañes hic quæst. 70. artic. primo, dubio 4.
ad 4. Mag. Ledesma 2. part. Sum. tract. 8.
d f 5 cap. 25.

82 **QVAESTIO LXVIII.**

cap. 25. difficul. 9. & alij, iniustam esse etiam in foro exteriori accusationem, quando accusator non habet nisi vnum testem, sicque à iudice, si absque scandalo potest, esse repellendam: nam propalat occultum, quod probari non potest, quod pro falso debet reputari. Nec obstat, delicto semiplene probato vno teste posse extorqueri confessionem rei tormentis. Nam nec testis vnicus debet testimonium ferre, vt dicunt prædicti auctores: nec reus tenetur confiteri veritatem, nam cum accusatio sit iniusta, non interrogatur iuridicè, nec delictum est semiplenè probatum, etiam si testis vnicus deponat. Ad accusatorem etiam pertinet reum convincere. & non in spe confessionis eius, quæ incertissima est, illum accusare; esset enim imprudens, & temerarius.

Circa artic. 4. Vide M. Soto lib. 5. de iustitia q. 5. art. 4.

**QVAE.**

QVÆSTIO LXIX.⁸³

De peccatis, quæ sunt contra iustitiam ex parte rei.

ARTICVLVS I.

Vtrum absque peccato mortali possit accusatus veritatem negare per quam condemnaretur.

Conclusio est negans.

QUÆ intelligenda est, quando index accusatum interrogat secundum ordinem iuris: nam si index hoc exquirat, quod non potest secundum ordinem iuris, non tenetur ei accusatus respondere. Si reus non sit ob suam confessionem condemnandus ad mortem, vel ad triremes, aut carcerem perpetuum, aut aliam poenam, quæ morti æquiualeat, conclusionem admittunt omnes: si ad hanc poenam condemnandus sit, difficultate non caret.

Dubium 1. *An reus iuridicè interrogatus à iudice teneatur sub mortali veritatem fateri etiam contra caput suum.*

DE hac re est multorum recentiorum sententia, reum iuridicè interrogatū à iudice quandiu spes est euadendi, eo quod delictum non est plenè, sed solum sèniplene probatum posse tuta conscientia delictum negare, & non teneri veritatem fateri contra caput suum, si ex eius confessione condemnandus sit ad pœnam mortis, treremium, carceris perpetui, confiscationis bonorum, aut similium. Hanc tenent Rodriquez tomo 2. q. 16. art. 3. & in Summa tomo 2. tract. de ordine iudiciario cap. 10. con. 1. num. 1. Nauarra lib. 2. de restitut. cap. 4. num. 32. P. Sà. verbo *Iudiciales actus*, vbi de reo, nu. 1. Lessius lib. 2. cap. 31. dubit. 3. num. 16. Reginaldus lib. 24. nu. 37. Malderus tract. 6. de iustitia, cap. 3. dub. 1. assert. 2. Bonac. tom. 2. disp. 10. q. 3. puncto 2. num. 7. Diana 1. par. tract. 1. miscel. resolut. 27. & alij; quamuis enim plures ex his oppositam sententiam communioem, ac probabiliorem esse dicant; hanc tamen probabilem esse asserunt.

Probant 1. Quandiu est spes euadendi, præceptum iudicis exigentis confessionem criminis videtur nimis difficilè, neque satis accommodatum humanæ imbecillitati,

Vix

vix enim è centum vnus reperietur, qui si speret hac ratione posse euadere mortem, non sit crimen negaturus: atqui præcepta vt obligent, debent esse consentanea conditioni humanæ, sicut & leges; ergo, &c. Confirmatur, reum obtemperare iudici verum fatendo contra caput suum, est actus quidam heroicus, sicque ipsi vtpotè imperfecto quodammodo pro infirmitate humana impossibilis; ergo ad illum non tenetur sub mortali.

Secundò, lex humana non potest obligare cum periculo mortis, nisi magnitudo negotij aliud postulet; ergo nec præceptum humanum; eadem enim est vtriusque ratio, si cætera sint paria. Atqui ex confessione criminis reus incurrit certissimum periculum mortis: non confitendo autem est ei spes euadendi; ergo non tenetur confiteri.

Tertiò, nemo potest cogi ad testificandum contra sanguine iunctum, vt patet ex L. 4. ff. De testibus. Nemo etiam tenetur testari quando inde sibi graue damnum, metuit: atqui nemo cuiquam magis est sanguine iunctus quam ipse sibi, nec maius potest esse damnum, quam vitæ; ergo non tenetur contra se fateri.

Quartò, *Lege Nimis graue, 7. C. De testibus*, dicitur, neminem teneri contra se exhibere id per quod sibi negotium fiat, vt instrumentum producere, quo communicatur; ergo nec tenebitur contra se fateri in supplementum deficientis alioquin aduersi testi-

86 **QVÆSTIO LXIX.**

estimonij. Confirmatur, durum enim nimis est, vt cogatur reus iudici subministrare arma, quibus iuguletur, cum alias spes sit euasione; ergo, &c.

Quinto, si vnus solus vidisset, posset reus in iudicio negare; ergo idem poterit, si duo quidem viderint, sed speratur, quod secundus non testabitur, præcipue cum in causa sanguinis inhumanum sit reum obligare, vt publice ore suo se condemnet, antequam aliunde condemnetur.

Hanc sententiam nonnulli ex discipulis D. Thom. vt M. Ledesma 2. p. Sum. tract. 8. cap. 24. con. 2. diffic. 1. non esse probabilem affirmant. Sed Syluester hanc sententiam non iudicaret improbabilem etiam in via D. Thom. cum verbo *Accusatio* 1. q. 13. & verbo *Confessio*, q. 1. illum intelligat. *Quando agitur ad poenam spirituales, non aliam.* Ego absolute hanc sententiam ob auctoritatem Auctorum citatorum, & argumenta facta probabilem esse iudico, sicque non esse cogendos miseros reos, etiam si iuridice interrogentur in causa capitali, confiteri crimen. Nam vt ait M. Soto lib. 5. de iustitia, q. 6. art. 2. con. 5. post medium: *Debent confessarij considerata maturitate tunc uti ne calamitosum morti temere addicant: scientes in re dubia propendendum esse potius in fauorem rei. Et ideo nisi meridie clarius lex illos cogat, non sunt miseri cogendi, maxime in causa capitali aut honoris, & fame.* In via autem D. Thom. improbabilem esse censeo. Vnde.

ARTICVLVS I. 87

Dicendum est 1. Reum iuridice interrogatum à iudice teneri sub mortali veritatem fateri etiam contra caput suum, vel quamuis ad mortem, vel trirèmes, vel ad perpetuum carcerem, vel ad confiscationem omnium suorum bonorum, vel ad quamcumque aliam poenam, quantumuis grauissimam, condemnandus sit ob suam confessionem. Docet hoc expressè D. Th. hic præsertim ad 2. Caietanus, & omnes discipuli, & expositores D. Thom. hic, M. Soto vbi supra, & relect. de regendo secreto, membro 2. q. 7. Nauarrus ca. 25. n. 35. & alij innumeri.

Probatur ratione D. Thom. Quilibet sub mortali tenetur obedire suo superiori legitime præcipienti: sed iudex superior est respectu eius, qui iudicatur, & quando illum iuridice interrogat, legitime præcipit, vt veritatem fateatur; ergo reus illam fateri sub mortali tenetur. Confirmatur, Iudex potest reum, quem iuridice interrogat, compellere, vt iuret veritatem dicturum. Prælati etiam Ecclesiastici potest sub poena excommunicationis latæ sententiæ præcipere reo, vt dicat veritatem, per quam, licet non ad mortem, ad trirèmes, vel ad perpetuum carcerem damnabitur; ergo si eam non fateatur, peccabit mortaliter. Respondent Auctores oppositæ sententiæ, reum non teneri iurare ad mentem iudicis, sed posse vti amphibologia, vel mentali restrictione. Fieri que posse, vt iudex habeat ius interrogandi causa boni publici

38 QVÆSTIO LXIX.

ut officio suo fungatur : & tamen alter non teneatur respondere ad eius mentem , idq. ob summum ius vitæ suæ tuendæ , per quod licitum est ei contegere , & abscondere ea , per quæ vita ipsa eriperetur , aut ad triremes damnaretur , aut ad perpetuum carcerem , aut ad bonorum confiscationem . Sicut , qui est in periculo vitæ , potest fugere e carcere , etiam si iudex , & leges præcipiant ne fugiat , & fugientem puniat . Et citatus potest non comparere , quamvis iudex præceperit , ut compareat . Et servus bello captus potest fugere , quamvis dominus præceperit , ne fugiat . Nihil enim repugnat , iudicem habere ius inquirendi veritatem à reo , & reum habere ius celandi : quo casu etsi possit iudex precipere ; præceptum tamen eius non obligat , neque fit ad obligandum , sed ad inducendum , vel terrendum reum , ut veritatem fateatur . Vnde sacerdos non debet cogere poenitentem , ut veritatem fateatur , quandiu est spes evadendi ; sed solum , quando non est talis spes , ut si videt crimen facile probari posse : tunc enim cessat ratio celandi , & alias tenetur reus superiori suo legitimè præcipienti obtemperare . Si tamen in aliqua Provincia nullus ad mortem condemnaretur , nisi crimen confiteretur , etiã si esset plenè probatum , non teneretur reus illud confiteri .

Contra hanc tamen solutionem arguitur 1. quia iudicis præceptum prædictum est verum , iustum , & legitimum ; sed ob-

ARTICVLVS I. 89

Igitur ad culpam est de intrinseca ratione veri, & iusti, ac legitimi præcepti, eiusque transgressio est inobedientia, sicque peccatum; ergo reum ad id, quod præcipit, nempe ad dicendam veritatem, obligat.

Secundò, quia si iudex causa boni publici ius habet interrogandi reum, & veritatis confessionem ab eo exigendi, ergo reus non respondens, & veritatem non confitens contra ius facit, quod habet iudex, ac proinde peccat, non minus, quam si nulla esset spes euadendi.

Tertiò, quia alias etiam nulla supposita ignorantia esset bellum iustum ex vtraque parte: iudex enim posset iuste exigere à reo confessionem delicti, & reus iuste posset illud non confiteri: at hoc non est admittendum secundum vnā, & eandem opinionem; ergo, &c.

Quartò, quia reus tenetur in omnibus obedire, ad quæ ius prælationis iudicis se extendit; si enim iudici præcipienti, vt reuelet occulta, de quibus non iuridicè interrogat, non tenetur obedire, hoc ideo est, quia ad hæc ius prælationis eius nō se extendit: at ius prælationis iudicis se extendit ad exigendum à reo iuridicè interrogato confessionem delicti, alias illam exigens peccaret tanquam excedens potestatem suam; ergo cum illam exigit, reus ei tenetur obedire.

Quinto, Iudex reum, qui iuridicè interrogatus non vult fateri veritatem contra caput suum, potest iuste torturæ tradere:

at

at reus non aliter iuri torquetur, nisi quia iniuste negat, quod fateri tenetur, cum enim tortura sit poena, praesupponit culpam: unde si non teneretur fateri veritatem, quia non esset semiplena probatio, aut infamia, vel indicia, non posset iuste torqueri; ergo, &c.

Nec est simile in exemplis in praedicta solutione adductis. Etenim nec leges, nec iudices praecipunt reis, ne fugiant, sed ministris iustitiae, ut eos custodiant, & hoc satis est, ut iudices suo fungantur officio, & ad sententiam possit procedere, necessarium est reos interrogare, eisq. praecipere, ut veritatem fateantur, hocque leges disponunt. Similiter etiam, citato non praecipitur, ut compareat, utcumque, sed solum si habeat, quo se defendat, & immunem comprobet, ne postea alleget inauditum fuisse condemnatum: denique licet iudex reum, & dominus servum fugientem possit punire, sicut & arctiori custodire tradere: non tamen verè praecipere ne fugiat, etiam si possit absque custodum iniuria, & violentia: nam ad hoc eius superioritas non se extendit. At iudex vero, iusto, & legitimo praeepto mandat reo iuridice interrogato, ut veritatem fateatur, ad hocque ius praelationis eius se extendit, cum necessarium sit ad punishmentem criminum, ad quā est in Republica, & Principibus, & Iudicibus publicam auctoritatem habentibus potestas; ergo, &c.

Non displicet tamen quod asserunt Lessius

ARTICVLVS I. 91

sius lib. 2. cap. 31. dubit. 3. num. 14. & Diana 3. p. tract. 6. miscell. resol. 30. dicto 15. quotiescunque factum externum excusatur à peccato, posse à iuridice interrogato negari intelligendo de facto, quod sit crimen. Vnde si quis hominem occidisset putans esse feram, vel ob iustam defensionem, posset negare hominem occidisse: nam interrogatio Iudicis est de opere criminoso, quale non est quod legitime excusatur à culpa. Idem est in alijs: si enim quis pecuniam mutuam soluit, non tamen habet testes, nec chirographum solutionis, potest iudici interroganti negare se mutuo accepisse, intelligendo ita ut teneatur nunc iterum soluere: item si quis per iustam compensationem rem suam, vel si debitam clam abstulisset, posset iudici negare se abstulisse, intelligendo, ut teneatur restituere. Et sicut hæc simpliciter negare potest, ita & sub iuramento, & quamuis sub poena excommunicationis à iudice constringatur Ecclesiastico ad respondendam. Similiter si aliquis non est auctor criminis non tenetur fateri aliquas circumstantias, ex quibus orietur vehemens suspicio esse auctorem, nempe eo loco fuisse, hunc ensen esse eius, &c. quia licet interrogatio iuridica sit, procedit tamen ex falsa presumptione, & ad mentem iudicis vere responderetur negando.

Dicendum est. Reum non iuridice interrogatum à iudice non teneri veritatem fateri. Docet hoc D. Thom. hic his verbis:

Si

92 QVÆSTIO LXIX.

Si vero iudex hoc exquirat quod non potest secundum ordinem iuris, non tenetur accusatus respondere. Sed potest per appellationem, vel aliter licitè subterfugere, mendacium tamen dicere non licet.

Probat, solum tenetur veritatem fateri reus iudici legitimè procedenti, & habenti auctoritatem obligandi: sed qui non iuridicè interrogat, non est huiusmodi; ergo ei non tenetur reus veritatem fateri.

Quod etiam verum est, quamvis reus non sit certus, sed solum dubitet, an iuridicè interrogetur; non enim tenetur fateri veritatem: quia in dubijs melior est conditio possidentis, reus autem possidet honorem, & vitam.

Si iudex dubitat, an iuridicè procedat, non potest reum interrogare; nisi forte immineat periculum contra Rempublicam, quod cauere tutius est. Nec tamen tunc reus tenebitur respondere. Nec est inconueniens supposita aliqua ignorantia, vt hic supponitur, dari bellum iustum ex vtraque parte.

Docet etiam M. Bañes hic dubio 4. reum non iuridicè interrogatum posse respondere sine mendacio, & sine periurio, non feci, non occidi. Nam hoc eundem sensum facit, ac si diceret; ego subditus tuæ interrogationi iuridicè, vel à te iuridicè interrogatus non feci, non occidi: quæ propositio vera est, cum sit negatiua de subiecto non supponente, Vnde non est audiendus Mag. Soto, qui oppositum tenet libro 5.
de

ARTICVLVS I. 93

de iustitia, quæstione 6. articul. 2. ad finem.

Si quæras, quando reus interrogatur iuridicè à iudice? Hoc à nobis explicatum est supra quæstione 67. art. 3. dub. 2. con. 3. vide ibi.

Ad argumenta autem facta in principio respondetur. Ad 1. eodem modo probari posse, fidelem interrogatum à tyranno de fide non teneri fidem confiteri. Si dicas tunc teneri ad fidem confitendam ob Dei honorem, & gloriam, vt docet D. Thom. supra q. 3. art. 2. Etiam hic in arg. *Sed contra.* asserit idem D. Tho. *Quod reus id, quod contra se est, confitetur, pertinet ad gloriam Dei vt patet per illud, quod Iosue dixit ad Achan, Fili mi da gloriam Domino Deo Israel, atque confitere, atque indica mihi quid feceris.* Eodem etiam modo probari possèt, Duci præcipienti, vt miles locum suum seruet, aut aggrediatur hostes, non teneri militem obedire cum vitæ periculo, ac dispendio, quod falsū esse patet ex dictis 1. 2. q. 96. a. 4. dubio 1. Ex quibus hic respondemus, quando legis, aut præcepti etiam humani observatio necessaria est ad bonum commune Reipublicæ, ad illam homines obligari, non obstanti humana imbecillitate, & rei difficultate: maximè autem necessarium est ad commune bonum Reipublicæ, vt reus iuridicè interrogatus confiteatur delictum; alias enim difficilè puniri possent delinquentes, & vt ait M. Soto lib. 5. de iustitia, q. 6. art. 1. *Nimis esset stricta via finiendi*

di iudicia. Ad confirmationem fatemur cum D. Tho. art. seq. ad 1. illum esse actum heroicum, & perfectæ virtutis; dicimus tamen, actus heroicos sæpe cadere sub præcepto, vt patet cum tyrannus mortem minatur virgini, nisi secum turpiter consentiat. Idem est cum reus iuridicè interrogatur: tenetur enim fateri veritatem, quia talis confessio necessaria est ad bonum commune.

Ad 2. respondetur, bonum publicum postulare, vt reus iudici illum iuridicè interroganti obediat, etiam cum mortis periculo.

Ad 3. respondetur, disparem esse rationem: cum enim consanguinei iure ipso exempti sint à ferendo testimonio contra sanguine iunctos, compelli non possunt ad hoc à iudice. At reum non eximit ius à confitenda veritate, quando iuridicè interrogatur, sed potius præcipit, vt ad confessionem veritatis compellatur iussione, & si opus est tormentis. Certè eodem argumento probari posset, non posse aliquem compelli ad dicendam veritatem etiam in causis ciuilibus: nam lex citata in argumento etiam extenditur ad causas ciuiles, vt ibidem ait Glossa, Nemo etiam tenetur testari, quando inde sibi graue damnum metuit, nisi fortè ob maius Reipublicæ bonum, quod hic inueniri diximus. Est etiam inter testem, & reum differentia: nam testis semper manet liber, reus verò ob crimen commissum quodammodo in-

ci-

cidit seruitutem, vt scilicet de eo ordinetur quod est vtile alijs, vt docet D. Thom. supra quæst. 64. art. 2. ad 3. sicque compelli potest, vt veritatem dicat etiam contra caput suum: quia hoc est vtile alijs, & ad bonum publicum conseruandum valde necessarium.

Ad 4. respondetur, illud fallere, vt in eadem lege ait Glossa, *In casu ubi est speciale*. Vnde in L. *Si poss.* De Assessoriis contrarium statuitur, *Si publica necessitas postulauerit*. Hic autem publica necessitas postulat, vt reus iuridicè interrogatus veritatem fateatur etiam contra caput suum. In L. *Non est nouum*, C. de edendo, etiam dicitur posse creditorem compelli ad producendum aliquid, vt mercatoris librum, quo vincatur non deberi ei pecuniam, quam petit, *Vt fides veri constare possit*. Ita ergo hic, vt veritas constet, potest à reo exigì confessio delicti, Certè quod dicitur in L. *Nimis graue*, citata in argumento, commune est etiam ad causas ciuiles: quis autem dicat in his non posse compelli reum ad veritatem fatendam, si iuridicè interrogatur? Ad confirmationem dico, reum confitendo veritatem non præbere arma, quibus iuguletur, sed solum aperire vulnus, quo factus est membrum putridum Reipublicæ, quod licet à iudice paplicam potestatem habente præscindendum sit, ipsi legitimè interroganti indicandum est, vt bonum commune seruetur.

Ad 5.

Ad 5. respondetur, si vnus ille, qui vidisset, accusaret, posse reum negare. Si tamen ille esset vere testis, & præter illum esset accusator, negare non posset reus: quia efficeret semiplenam probationem.

Dubium secundum. An reus, qui iuridicè interrogatus semel negauit veritatem, postea sub mortali eam fateri teneatur.

PArtem affirmatam tenent multi ex discipulis D. Thom. vt M. Bañes hic in 2. parte dubij 1. con. 3. vbi ait: qui iuridicè interrogatus non respondet veritatem, non est absoluentus sacramentaliter, quandiu manet in iudicio. Subdit tamen, hoc esse intelligendum, nisi forte ex confessione veritatis nouam poenam incurrat conuictus de noua culpa periurij: quia tunc ille se proderet, tanquam reum de noua culpa, quod nullus tenetur facere. Si autem non incurrit nouam poenam, quam antea incurreret, tenebitur confiteri veritatem, quam negauit M. Ledes. 2. p. Sum. tra. 8. cap. 24. con. 2. diffic. 2. vbi dicit, prædictum reum teneri ad confitendum veritatem, etiam lata contra eum testibus conuictû sententia condemnationis ad mortem, ante talis sententiæ executionem: hancque esse opinionem M. Medinæ, & Orellanæ, & omnium discipulorum D. Thom. quæ in praxi sequenda est, & communiter sequi-

quitur, M. Salon hic controu. 10. concl. 3.
& alij.

Probant 1. Quandiu reus manet in iudicio, & quouique sententia executioni mandatur, semper reus saltem virtualiter interrogatur a iudice iuridice, ergo semper tenetur respondere, & veritatem fateri.

Secundo, licet reus alias conuictus per testes sit condemnatus, nisi tamen ipse confiteatur veritatem, condemnat suo silentio iudicem, vel accusatorem, vel testes tanquam iniquos, semperque in cordibus hominum manet quædam suspicio, iudicem, vel accusatorem, vel testes ipsi fecisse iniuriam; ergo vt hoc damnum reparet, veritatem fateri tenetur.

Dicendum tamen est: quamuis hæc sententia sit probabilis, probabilem tamen etiam esse oppositam negantem teneri reum, qui semel negauit veritatem, postea eam fateri. Docent hoc Nauarrus ca. 25. num. 38. P. Sanchez in Sum. tom. 1. lib. 3. cap. 7. & alij quos refert, & sequitur Diana 1. p. tract. 1. miscel. resolut. 26. & 3. p. tractat. 5. micel. resol. 103.

Probatur 1. nam vt ait Nauarrus loco citato: *Qui rite interrogatus negauit delictum, quod confiteri tenebatur, & nihilominus damnatus ducitur ad supplicium, non tenetur ad confitendum illud, nisi notabile aliquod damnum inde alioquin probabiliter sequeretur: quia nullo iure contrarium euinci potest.* Immo P. Sanchez ex utroque iure tam canonico

98 QVÆSTIO LXIX.

co, quam ciuili colligit non teneri: quia lata sententia iam iudex functus est suo officio, vt constat ex. L. *Iudex*, quæ est 55. ff. De re iudicata, vbi sic dicitur. *Iudex postea quam semel dixit sententiam, iudex esse desinit, &c. Semel enim siue male, siue bene officio functus est. Ergo non potest amplius interrogare. Quod & insinuant verba illa Cap. Cum Ioannes, De fide instrumentorum: Cum iudex (qui vsque ad prolationem sententiæ debet vniuersa rimari) possit interrogare de facto quoties dubitationis aliquid occurrit. A contrario enim sensu sequitur non posse prolata sententia aliquid rimari, aut interrogare. At si teneretur reus fateri veritatem, hoc esset ob interrogationem iudicis; ergo, &c. Confirmatur 1. quia, cum iam omnino iudicium terminatum sit, & reus iam damnatus, cessat finis interrogationis, qui est ad reum damnandum, vel absoluendum, ergo & interrogatio cessat, ac proinde obligatio respondendi, ac veritatem fatendi. Confirmatur 2. quia vt docet M. Bañes vbi sup. con. 4. postquam semel reus per sententiam est absolutus, ex eo quod ipse negauit veritatem, quam tenebatur confiteri, non tenetur vltra comparere coram iudice: & dicere veritatem: quia ille tantum violauit iustitiam legalem, ergo idem erit, postquam semel reus per sententiam est condemnatus: quia ille tantum violauit iustitiam legalem, & post sententiam condemnationis non magis interrogat iudex.*

deus, quam post sententiam absolutionis.

Secundo probatur, nam etiam quando adhuc durat iudicium, & reus est sub iudicis potestate ante latam sententiam, non tenetur fateri veritatem: quam semel negauit: quia, vt ait Sanchez vbi supra, præceptum detegendæ veritatis est transiens, duransque solum dum iudex interrogat, ergo & obligatio respondendi, & confitendi veritatem. Confirmatur 1. cum eodem Sanchez; minus tenetur reus contra se deponere, quam testis contra alium: at testis, qui iuridice rogatus de alterius delicto negauit veritatem, non tenetur se offerre ad veritatem manifestandam, sed damnum restituendo satisfacit; ergo & reus. Confirmatur 2. quia, vt docet M. Salomon vbi supra con. vltima, quando euasit iudicium per fugam, non tenetur redire ad iudicem, & manifestare illi veritatem, quam negauerat; ergo nec quando est inclusus in carcere, fuga enim obligationem præcepti non tolleret, si non esset præceptum transiens, solumque durans, dum iudex interrogat.

Aduertendum tamen est, reum, si iterum interrogetur a iudice, teneri sub mortali ad veritatem dicendam, aut iuxta opinionem D. Thom. quam præcedenti dubio explicuimus, in causis etiam capitalibus, aut iuxta omnium sententiam, saltem in alijs causis, quæ sunt alicuius momenti extra grauissimas, & capitales. Vnde si haberet propositum non dicendi

100 **QVÆSTIO LXIX.**

veritatem, etiam si iterum interrogaretur, esset in malo statu, & non esset absolvendus a confessario, nisi propositum mutaret. At si de tali proposito nihil cogitaret reus, caute se deberet habere confessarius, ut ait Sanchez ubi supra. Si enim crederet fore ut iterum non rogaretur, nihil deberet interrogare de tali proposito, nam hoc esset tentare reum poenitentem, & exponere periculo denuo peccandi habendo propositum non fatendi proprium crimen, cum hoc sit difficillimum; sed satis esset eum in genere monere, ut proponat cauere in posterum peccata. Immo etiam si crederet reum iterum esse interrogaandum, hoc idem sufficeret, & non deberet ipsum tentare interrogando de hac re, cum tunc non sit in peccato, id enim transijt. Et quamvis prima opinio vera esset (inquit Sanchez) si poenitens sit in bona fide, debet confessarius non certiores illum facere de hac obligatione, utpote quæ difficillima est, & raro acquiescet, iuxta ea quæ dixit lib. 2. de Matrim. disp. 38.

Ad argumenta autem primæ sententiæ respondetur. Ad 1. negando antecedens: oppositum enim ostendimus prima, & secunda probatione nostræ conclusionis.

Ad 2. respondetur negando etiam antecedens: nam omnibus notissimū est reos solitos esse delicta negare, & præsumptio stat pro iudicis sententia. Si reus in supplicio diceret se non fecisse crimen, ob
quod

ARTICVLVS I. 101

quod fuit condemnatus, posset forte inde oriri suspicio iudicem, aut accusatorem, vel testes ipsi fecisse iniuriam. Hoc tamen nullus asserit esse licitum, cum sit mendacium, sed solum tunc posse tacere, & non teneri fateri veritatem; ex quo nec scandalum, nec suspicio mala contra Iudicem, aut accusatorem, vel testes sequitur, quin potius omnes iudicant reum consentire cum taceat.

ARTICVLVS II.

Vtrum accusato liceat calumniiose se defendere.

Conclusio est negans.

Dubium I. An liceat reo crimina testium excipiendo prodere, & dicere accusatorem mentiri, & calumniari.

Pars negans probatur, nam I. ad Thes. sal. 5. v. 15. dicitur: *Videte ne quis malum pro malo alicui reddat.* Sed occulta testium crimina prodere, & accusatori crimen mendacij, seu calumnie impingere, etiam si reo faciant iniuriam, est malum pro malo reddere: ergo non est licitum facere.

Dicendum tamen est 1. Dum reo non constat interrogari iuridice, posse negare crimen, & dicere, accusatorem mentiri, & calumniari. Oppositum huius videtur docere Caiet. supra, quæst. 62. artic. 2. 9. *Sed salus*. Nostram tamen conclusionem docet Sylvester verbo *Restitutio* 3. qu. 3. ubi de reo negante crimen verum, sed occultum, & improbable, licet ex eius negatione sequatur indirectè infamia accusatori, indeque notetur mendacio pernitioso, aut calumnia, dicit: *Quod in nullo tenetur: quia iniuste non l. sit, sed accusator imputet suæ malitiæ, si scienter; vel suæ stultitiæ, si erratis imprudenter sic processit cum periculo alterius.*

Probatur: quia ut hic ait D. Thom. Reo, qui accusatur, licet se defendere veritatem occultando, quam confiteri non tenetur, per aliquos convenientes modos, &c. Non autem licet ei falsitatem dicere. Sed in prædicto calu per convenientes modos occultat veritatem, quam confiteri non tenetur, & dum dicit, accusatorem mentiri, & calumniari, non dicit falsitatem, aut mendacium: nam falsum præsumitur in iudicio, quod probari nequit legitime, & qui accusat de eo, quod probare legitime non potest, calumniator præsumitur, ut docet Glossa in cap. 2. De calumniatoribus, & patet ex dictis a nobis supra quæst. 68. art. 4. ergo, &c. Confirmatur; quia, ut ait D. Thom. 1. p. qu. 17. art. 1. *Peccata falsitates, & mendacia dicuntur*; ergo cum
accu-

accusator, quando non procedit secundum ordinem iuris, peccet, eiusque accusatio, etiam si vera speculative, iniusta sit, falsitatem, & mendacium saltem practice dixisse, verum erit, ac proinde illud asserere licitum erit reo se defendenti. Si reus posset se defendere, simpliciter negando, abstinere deberet ab illa verborum asperitate, quia calumniæ, vel mendacij crimen accusatori impingitur: nam ex charitate tenetur respondere, & se defendere ita, vt quam minimum accusatorem lædat; & contra charitatem est, proximo maius malum inferre, quam ad defensionem sui necessarium est. Vnde si ad defensionem rei sufficiat dicere, non esse verum, aut falsum esse, quod obijcit accusator, non liceret dicere, illum mentiri, vbi hoc verbum significat specialem iniuriam, vt apud Hispanos.

Si quæras, an si reus non iuridice interrogatus negando mentiretur (vt si iudex interrogaret, an hominem occiderit, & ipse responderet, non occidi, quem mentiri sentit M. Soto lib. 5. de iustitia q. 6. art. 2. circa finem, licet nos oppositum docuerimus ar. 1. dubio 1. con. 1.) peccaret mortaliter? Respondetur: nequaquam. Quamuis enim Caietanus hic 9. *In responsione ad tertium*, & in Sum. verbo *Confessio*, conditione 4. teneat, vniuersaliter omne mendacium in iudicio tam exteriori, quam Sacramenti pœnitentiæ esse peccatum mortale: oppositum tamen est communis

sententia Doctorum. Vnde quamuis reus non nihil in defensione moderata excedat quia mentitur; hic tamen excessus non est mortalis, sicuti neque si quis inuasus non nihil, sed modice in defensione excesserit. Est enim hic potius peccatum, quia mendacium, quam quod proximo noceat nam purgatur à ratione perniciosi iure propriæ tutelæ.

Dicendum est 2. Reo licitum esse occulta crimina testium detegere: si tamen valeant ad infirmandum eorum testimonium, & probari possint: hocq; non solum quando testes falsum dicunt, sed etiã quando dicunt testimonium verum contra ordinem iuris: immo etiam si secundum ordinem iuris verum testificentur.

Quando testes falsum testimonium dicunt, manifestum est: nam cuique licitum est seipsum tueri cum moderamine inculpatae tutelæ: at talium criminum obiectio habet propriæ rationem defensionis cum moderamine inculpatae tutelæ, ergo: &c.

Quando etiam verum testantur contra ordinem iuris. patet: nam illi faciunt reo iniuriam; ergo licitum est ei se defendere eodem genere armorum, quo impugnatur: nec aliter quæri de iniuria possunt testes, cum sint inuasores, & sponte se huic periculo exponant; hoc ipso quod sic testantur.

Quando vero secundum ordinem iuris verum testantur, probatur: tum quia ius naturale, quod quisque habet se defendendi,

di, reo potestatem facit detegendi prædicta crimina. Tum etiam, quia illi testes non tenebantur testificari, si timebant obiectionem illam illis apponendam: nam præterquam quod eorum testimonium erat inutile, nemo tenetur testificari cum tanto detrimento, & periculo honoris; ergo sibi imputent, si talis obiectio illis fiat à reo defendente se iuridice. Tum denique quia reus in tali casu non tenetur iudici confiteri crimen, cum interrogatio iudicis non sit iuridica nisi ex alia præsumptione, quia iudex putat esse legitimos testes; ergo reus testes poterit prædicto modo refutare.

Dixi, si tamen valeant ad infirmandum eorum testimonium, ad illudve repellendum conducant: nam alias obiectio criminum occultorum non haberet rationem defensionis, sed viadietæ. Intelligendum est etiam, si alia ratione minus noxia non possit repellere eorum testimonium, ut si sit consanguineus, &c. Si enim posset, contra charitatem peccaret reus talia crimina detegens. Idem esset si testes non sponte, sed coacti à iudice restarentur, & crimen, quod eis obijcitur esset adeo grane, ut capite plectendi essent; causa vero rei non esse magni momenti.

Debent autem crimina, quæ obijciuntur vera esse: nam obijcere testi falsum crimen nunquam est licitum. An vero semper sit peccatum mortale, quærit M. Bannes in q. 70. art. 3. dub. 2. & ait con. 3.

sibi verosimiliorem esse sententiam, quæ ait, per se loquendo, hoc est, seclusis alijs ci cumstantijs, solum esse peccatum veniale mendacij, obicere crimen falsum testi iniquo, quando talis obiectio prodest ad refutandum eius testimonium. Hæc tamen sententia difficultate non caret: nam si obiectio falsi criminis probari non potest, est nullius momenti, & non habet rationem defensionis. Si vero probari potest, hoc non erit, nisi falsis testibus periuratis: peccatum autem mortale est lædere proximum grauitèr absque causa, & falsos testes adducere.

Ad argumentum autem factum in principio respondetur; rem non reddere malum pro malo, sed iuste se defendere: per accidens autem sequi infamiam iniusti accusatoris, & iniquorum testium, sicut sequitur mors iniqui inuasoris ex defensione inuasi.

Dubium 2. An liceat reo, ut se à tormentis liberet, se ipsum infamare, confitendo crimen de quo non iuridice interrogatur.

PArtem negantem tenet Caietanus infra quæst. 73. art. 2. & in sum. verbo *Detractio* Probat 1. ex Glossa in cap. Si quandoque; 15. q. 6. vbi dicit, peccare mortali- ter illum, qui confitetur aliquam hæresim se tenere metu tormentorum; Potius enim debet.

ARTICVLVS II. 107

debet quis pati mortem, quam malo consentire. Et occisores corporis non sunt contra iustitiam timendi.

Secundò, infamare se ipsum sibi ipsi detrahendo criminis manifestatione proprij, est peccatum mortale ex suo genere grauius, quam detrahendo proximo illum infamare, cum plus teneatur quisque propriam famam, quam proximi diligere, ac seruare; ergo, etiam si fiat metu tormentorum, est peccatum mortale. Probatur consequentià, quia metus tormentorum non excusat actum ex suo genere peccatum mortale ab hoc, quod est esse peccatum mortale, alioquin metu tormentorum liceret fornicari, & alia huiusmodi facere.

Tertiò, infamare se ipsum est contra charitatis præceptum, quo quilibet tenetur se ipsum diligere, immò contra iustitiam, sicut, & se ipsum occidere, quia, qui se ipsum infamat, iniuriatur saltem Ecclesiæ, cuius est pars, infamando partem illius iniuste, sicut occidens se ipsum, offendit ciuitatem, cuius est pars; ergo sicut nullus metus, nullumque tormentum excusat a peccato mortali vulnerationem, aut occisionem sui, ita nec sui infamationem, quin potius, qui sic se ipsum infamat, tenetur Ecclesiæ ad restitutionem famæ sui membri.

Quarto; sicut homo non est dominus propriæ vitæ, ita nec famæ suæ; ergo sicut se ipsum occidere, ne torqueatur, est

108 QVAESTIO LXX.

peccatum mortale ; ita & se ipsum metu tormentorum infamare .

Quinto , homo tenetur magis curam habere , ne apponat sibi infamiam , quam ne auferatur ab eo sanitas , & quies , & libertas , immo vita , quoniam hoc consistit in mala pati , quod non est malum ; illud vero in mala facere , quod est malum ; ergo cum infamare se ipsum sit apponere sibi infamiam , peccatum mortale erit , etiam si fiat propter tormenta vitanda . .

Dicendum tamen est 1. Infamare se ipsum confitendo crimen occultum , aut filium metu tormentorum , non esse peccatum mortale . Docet hoc M. Soto lib. 5. de iustitia , qu. 10. art. 2. quem communiter sequuntur recentiores , quamvis suo tempore fateatur M. Soto opinionem Carletani vulgo veridicam existimari . Illam etiam ego modo probabilem esse iudico .

Probat , hominem se ipsum infamare non esse ex genere suo peccatum mortale ; ergo si se infamat , ut tormenta vitet , non erit mortale peccatum . Antecedens probatur , non est contra iustitiam , quia homo est dominus suae famae , ut supra qu. 66. art. 2. dub. 3. con. 5. ostensum est , & neque contra charitatem , quia hæc ad temporalia conservanda non obligat , nisi quatenus necessaria sunt ad finem spirituales ; ergo non est ex genere suo peccatum mortale . Posset tamen esse peccatum mortale ratione alicuius circumstantiæ ;

Nam

Nam qui iniuratus crimen sibi falsum impone-
ret reus esset periurij. Et Prelatus qui famam
suam regendis subditis habet obstrictam, con-
tra iustitiam faceret infamando sese, inquit
M. Soto vbi supra.

Dicendum est 2. Licitum esse reo, vt se
a tormentis liberet, se ipsum infamare
confitendo crimen verum: quod commi-
sit, quamuis occultum, & de quo non
iuridice, sed contra ius interrogatur. Do-
cet hoc M. Soto vbi supra, probaturque
cum illo. 1. Nam quamuis sine causa se
ipsum infamare sit veniale peccatum, quia
vt ait M. Soto ibi assertione 1. *Qui sine cau-
sa se infamat, prodigus est sue fame, quæ
quidem prodigalitas peccatum est.* Tamen
vt ibidem assertione 2. dicit idem M. Soto.
*Cum quisque sit sue fame dominus, potest
eius dispendium ob causam facere, sicut & a-
liorum bonorum temporalium.* Igitur vt in
tali casu licitum misero est, liberationem ab
illis tormentis propria pecunia redimere, ita
& sui criminis confessione, qua sue fame ia-
cturam faciat. Hoc intelligendum esse
existimo, si tormenta graua sint, si enim
sint leuia, qui mollitie quadam animi ne
ea patetetur, crimen suum occultum pro-
deret, non excusaretur a peccato veniali,
vt ait P. Lessius lib. 2. cap. 11. dubit. 7.
num. 38. & patet: tum quia huiusmodi
mollities vitium est oppositum perseue-
rantia, vt docet D. Thom. infra qu. 138.
artic. 1. tum etiam, quia prodigalitas est
pro-

110 QVAESTIO LXIX.

propter parua tormenta suæ famæ iacturam facere.

Secundo probatur cum eodem M. Soto Si quis contra ius equaleo exponeretur, ut alienum crimen reuelaret, quod sub sigillo secreti susceperat (non loquimur de sigillo Sacramenti confessionis, quod antequam Sacerdos reuelet, tenetur truculentissimam mortem perpeti, sed de alijs secularibus), nequaquam tenetur tam graua tormenta perferre antequam id detegeret: maxime si non esset secretum Regis, aut Reipublicæ, aut quod per iniuriam ab alio extorserat, ex cuius reuelatione vita illius penderet; ergo à fortiori nemo tenetur tam acram torturam ferre, ut suum celet proprium crimen. Consequentia patet nam magis potest quisque suum crimen, quam alterius detegere, cum sit dominus propriæ famæ non alterius. Antecedens vero probatur, quia nullus tenetur alterius famam cum tanto suo danno seruare. Quod nonnulli verum esse dicunt, etiam si secretum aliquis ab alio per iniuriam extorsisset: quia, & si antea iniuriam fecerit, extorquendo secretum, vel fraude expiscando: iam tamen postquam scit, ius habet vtendi, & reuelandi in tanta necessitate; sicut si quis furatus esset equum, posset eo in necessitate vti, etiam cum interitu equi, de quo vide P. Lessium, vbi supra dubit. 8. num. 55.

Contra hanc conclusionem hæc militat argumentum. Vitam tenemur præ omnibus

ARTICVLVS II. III

alibus rebus seruire; ergo si ex confessione criminis sequatur mortis periculum, quia reus condemnabitur ad mortem, non licet illud reo confiteri, ut se liberet a tormentis. Ad hoc respondet M. Soto; *Etiam si mortis periculum immineat, non tenetur homo tanto cum cruciatu vitam seruare, sed potest breuiorem sibi permittere mortem, ut tam acerbam effugiat.* Si autem vitam propriam non tenetur homo seruare cum tanto cruciatu, nec etiam tenebitur vitam alterius seruare, vnde poterit ad vitanda graua tormenta crimen alterius, quo ad mortem condemnabitur, pandere. P. Lessius vbi supra num. 54. ait sæpè laudabilius esse, quæuis tormenta perferre, quam secreta, vel etiam crimina occulta priuati hominis patefacere; qui tamen patefecit (ait) non peccauit; tenetur tamen postea extra tormenta reuocare confessionem, qua parte cedit in damnum proximi, seruata veritate commodum aliquo sensu, si potest, nisi rursus tormenta, vel aliud graue incommodum metuat. Alij absolute dicunt, non teneri se retractare, si verum dixit, sicut non tenetur, quando se infamauit.

Dicendum est 3. non esse licitum reo ad vitanda tormenta se ipsum infamare, falsum crimen sibi imponendo: nam quamuis hoc non sit peccatum mortale, est tamen peccatum veniale, sicque non est licitum. Non esse peccatum mortale patet ex 1. con. & præterea, quia etiam si
ob

ob crimen, quod sibi imponit, sit morte plectendus, non insert sibi malum, quod notabiliter præponderet ipsis tormentis, sed breui morte longam mortem redimit, vel potius multas mortes vnica simplici commutat: talia enim tormenta pati, est longa quadam, & multiplici morte mori; ergo non peccat mortaliter. Excipit M. Soto, nisi homo sibi imponat crimen hæresis, vel aliud nefandissimum: hoc enim propter enormitatem infamiae, mortale peccatum esset. Sed nisi hæc infamia redundet in alios, aut inde scandalum sequatur, vel diuinus honor periclitetur, non videtur hoc peccatum esse mortale, quia quod ex suo genere mortale non est, non fit in individuo mortale ob solam grauitatem materię, nisi in aliam speciem peccati transferatur; de quo vide quę diximus supra q. 60. artic. 3. dub. 1. con. 2. Veniale autem peccatum esse, non est dubium (inquit M. Soto vbi supra) quia est mendacium. Nonnulli tamen recentiores id in dubium reuocant. Diana namque 3. p. tract. 5. miscellaneo. resol. 7. cum Ioanne Sanchez in selectis disp. 46. num. 16. asserit. Ad vitanda gratia tormenta excusabitur quispiam etiam a veniali labe falsū sibi imponendo, licet ob illius confessionem esset morte plectendus: quia vita non est digna tanto dolore, & mendacium excusatur æquiuocatione in mente retenta, scilicet crimen commisisse non re, sed solum, vt fateatur

iudici ad euitanda tormenta . Quod verum etiam iudicat, licet falsam sibi impositionem iuret : nam eadem causa, quæ adest ad excusandum mendacium æquiuocatione retenta, sufficit etiam ad excusandum iuramentum . Sed non video quomodo prædicta æquiuocatio excuset à mendacio : alias etiam excusaret, quando falsum crimen alteri imponitur ob vitanda grauius tormenta .

Ad argumenta autem facta in principio respondetur . Ad 1. Glossam solum loqui de eo, qui confitetur aliquam hæresim tenere, quod manifestum est esse peccatum mortale saltem contra exteriorem confessionem fidei, si absque interiore assensu sit . Manifestum est etiam longe diuersum esse ab eo, de quo hic loquimur, nempe cum quis confitetur se commisisse aliquod crimen . Et quamuis loqueretur Glossa de eo, qui confitetur aliquam hæresim, non quidem tenere, sed tenuisse, inquit M. Soto, vt vidimus, de crimine heresis esse particularem rationem .

Ad 2. respondetur fallum esse antecedens, vt patet ex dictis, & docet M. Soto vbi supra : infamare enim se ipsum, aut proximum veri criminis manifestatione cum causa, nullum est peccatum, cum constet SS. Augustinum, & Anselinum sua peccata scriptis suis propalasse, sicq; se infamasse absq; peccato : & accusatorem, testes, & iudicem legitime procedentes iuste, & absq; vlla culpa infamare reum

In-

Infamare autem seipsum absq. causa, pēccatum quidem est; non tamen ex suo genere mortale. Nec obstat, tale esse infamare proximum absque legitima causa: nam diuersa est ratio, cum homo non sit dominus famæ alterius, sicut est suæ. Cum autem quis seipsum, aut alium infamat veri criminis manifestatione, vt grauissima vitet tormenta, legitimam causam habet ad hoc faciendum: quia non tenetur suam, aut alterius famam, sicut nec pecuniam, seruare cum tanto suo incommodo. Ad infamandum seipsum, aut alium criminis falsi manifestatione, hæc non est legitima causa, nulla enim talis esse potest ad mentiendum, quale est crimen falsum sibi, aut alteri imponere. Est tamen differentia inter imponentem sibi falsum crimen, vt tormentis se eximat, & imponentem alteri: nam mendacium imponentis sibi falsum crimen non est perniciosum, sicque nec mortale, vt docet M. Soto vbi supra: *Quandoquidem ille sui ipsius infamator, si persona sit priuata, nemini mentiendo facit iniuriam postquam sibi soli famam aufert.* At mendacium imponentis alteri falsum crimen perniciosum est, ac mortiferum, nisi forte illi constet, id non esse contra alterius voluntatem; vt si procul abesset, nec quidam illi periculi immineret, essetque tanta amicitia alteri coniunctus, vt non sit dubium, quin æquo animo sit laturus, vt ait P. Lessius vbi supra dubio 7. num. 47. Qui & dubit. 8. probabilem esse censet opinionem

nem

nem Syluestri verbo *Detracto*, quæst. 3. quam sequitur Nattarra lib. 2. cap. 4. num. 131. asserentis, non esse peccatum mortale siue de se, siue de alio dicere aliquem mala, quæ non fecit propter euitanda tormenta: quia talis confessio non infamat efficaciter. Subdit vero Syluester: *Esset tamen mortale, si extra tormenta ratificaret talia per quæ ipse damnandus esset, & alius damnificandus: & teneretur retractare dicta de alio; dicta vero de se non teneretur retractare, si timet sibi renouari tormenta, quibus mortem prælegit.* Dicta de alio manifestum est teneri retractare. Non teneri autem retractare dicta de se, dum timet prudenter se rursus ad tormenta raptum iri: verum, esse dicit Lessius citata dubit. 7. num. 48. quamuis illa antea periurio confirmasset: quia periurium iam transijt, & non retractando nemini facit iniuriam: retractando autem, culpam periurij delere non potest, sed coram Deo poenitendo, quod potest facere absque externa reuocatione; secus est de periurio, quod in detrimentum alterius cedit: hoc enim debet reuocari. An vero ea, quæ sibi imposuit retractare saltem in extremo vitæ, cum iam est occidendus, & non iterum torquendus, teneatur, explicat Syluester vbi supra, & cum Panormit. ait: *Tenetur saltem in extremo publicè reuocare, quod tormentorum metu falso confessus est, aliter est in periculoso statu.* Lessius tamen vbi supra num. 49. dicit, verius esse non teneri, si ea reuocatio nihil pro-

116 QVÆSTIO LXIX,

prodesset, sicut ordinariè nihil prodest.

Ad 3. respondet M. Soto vbi supra. infamare se ipsum absque causa esse, non contra, sed præter charitatem. *Quoniam præcepto charitatis non usque adeo hac bona teneamur diligere, ut illa negligere sit mortale delictum.* Negat etiam esse contra iustitiam: quia fama nostra solum est Reipublicæ sicut bona nostra exteriora, ita scilicet, ut cum indiguerit, teneamur ei per bonam nostram famam servire, sicut tenemur per nostram pecuniam: *At sicut non tenemur servare pecuniam pro futuris necessitatibus Republicæ, ita nec famam.* De vita diuersa est ratio: nam illius domini non sumus. Vnde licet occidere se ipsum semper sit peccatum mortale, non tamen se ipsum infamare.

Ad 4. Respondetur negando antecedens; diximus enim hominem, licet non sit dominus vitæ, esse tamen dominum suæ famæ.

Ad 5. respondetur negando antecedens: supponit enim hominem non esse dominum suæ famæ: nam si illius dominus est, sicut non est malum pecuniam expendere ob causam, maxime ob conservationem vitæ, ita nec famæ dispendium facere.



*Vtrum reo liceat iudicium per ap-
pellationem declinare.*

Conclusio est affirmans.

Quando reus iniuste grauatur à Iudi-
ce, certum est reum confidentia
iustæ causæ posse ad superiorem
appellare. Vnde 2. quæst. 6. dicitur: *Omnis
oppressus libere Sacerdotum, si voluerit, ap-
pelle iudicium, & à nullo prohibeatur.* Est
enim appellatio de iure naturali, quæ nec
regularibus prohibetur, dummodo debi-
to modo, & ordine fiat, & non fiat à cor-
rectione suorum prælatorum facta secun-
dum statuta regulæ, & ordinis, aut effu-
giendam ecclesiasticam disciplinam, nisi
prælatus excedat modum in corrigendo,
vt ex multis iuris canonici capitibus oste-
ndit Syluester verbo *Appellatio*, quæst. 7.

Si sententia lata contra reum fuerit om-
ni ex parte iusta, non licet reo appellare
ad repellendam, vel diferendam senten-
tiæ executionem: nam vt hic ait D. Tho.
*Hoc est calumniosè se defendere: quod est il-
licitum sicut dictum est. Facit enim iniu-
riam, & iudici, cuius officium impedit: &
aduersario suo, cuius iustitiam quantum po-
test perturbat.* Vnde peccat contra iusti-
tiam commutatiuam, & tenetur ad resti-
tu-

tutionem totius damni, quod patitur, & ipse iudex, & pars contraria, vt hic ait, M. Bañes. Licere tamen dicit ab hac sententia supplicare, vt iterum ab eodem iudice videatur causa, si forte sit locus misericordie, aut mitigationis.

Si sententia solum sit iusta secundum allegata, & probata, & reus habet nouam iuris, aut facti probationem, quam non potuit suo tempore coram iudice inferiore proponere, licitum esse inquit idem M. Bañes appellare ab illa: quia tunc reus appellat ex confidentia iustę causę, neque impedit officium iudicis, neque perturbat iustitiã aduersarij

Si sententia lata fuerit à iudice secundum opinionem probabilem, distinguit M. Bañes: nam si opinio, quam sequutus est iudex inferior, est minus probabilis, licitum est condemnato appellare. Si est æquę probabilis cum contraria, & nullus est in possessione, etiam est ei licitum, appellare. Si tamen iudex inferior iudicet secundum opinionem probabiliorẽ, & hoc constet ipsi condemnato, non est ei licitum appellare. Hoc vltimum non placet multis, quos refert, & sequitur Diana 3. p. tractat. 5. miscellaneo. resolut. 104. Vnde dicunt etiam si iudex inferior sententiam tulerit iuxta opinionem probabiliorẽ, posse condemnatum appellare ad iudicem superiorem, non solum in causis criminalibus (vt quidam volunt) sed etiã in civilibus. Nam cum sententia iudicis su-

ARTICVLVS III: 119

perioris iusta sit, etiam si feratur secundum opinionem minus probabilem, non est cur priuetur reus iure recurrendi ad superiorem iudicem. Quod, & mihi satis rationi consonum videtur.

De reo, qui propter confessionem propriam damnatus est, inquit Syluester verbo *Appellatio*, q. 7. non posse appellare secundum aliquos, ipse vero oppositum tenet, & ait: *Iure canonico, & civili constans appellat iustam causam inferendo: puta quia errore, vel propter terrorem tormentorum, vel quia confessionem expositam declarare intendit, vel aliquid aliud rationabile, ut L. Creditor ff. De appell. Si autem appellat absolute sine expressione causa, non auditur. Idem de conuictu dicunt alij.*

ARTICVLVS IV.

Vtrum liceat condemnato ad mortem se defendere, si possit.

Conclusio est negans.



Dubium 1. An liceat innocenti condemnato ad mortem secundum allegata, & probata seipsum defendere.

PArtem affirmantem tenent multi ex discipulis D. Thom. vt M. Bañes hic, qui & eam tenuisse ait M. Victoriā; & alij. Probant 1. nam vt hic docet D. Tho. quando sententia est iniusta licitum est se defendere: sed in casu nostri dubij sententia secundum rem est iniusta, quia fundatur in falsa præsumptione; ergo, &c. Confirmatur, talis sententia nulla est in foro conscientię, & non confert verum ius accusatori, aut iudici; ergo cum condemnatus ius habeat ad propriam defensionem, licitum erit ei se defendere.

Secundò, licitum est cuilibet innocenti se defendere etiam ab altero innocente, qui per ignorantiam inuadit; ergo, licet iudex secundum allegata, & probata procedens sit innocens; condemnatus poterit se ab illo defendere, illumque in sui defensione occidere secluso scandalo.

Tertiò, quando ciuitas bello iusto impetitur, innocentes, qui sunt in illa, possunt se defendere ab illis, qui iuste pugnant; ergo & innocens condemnatus ad mortem secundum allegata à iudice.

Quartò, si iudex sciat innocentiam damnati, cum teneatur omnem diligentiam ad;

ARTICVLVS IV. 121

adhibere ad liberandum illum, potest, & tenetur secluso scandalo diffimulare, & nō impugnare innocentem: ergo si id faciat, iniustum erit bellum ex parte iudicis, & condemnatus licite poterit se ab illo defendere.

Dicendum tamen est: quamuis sententia, qua condemnatur innocens secundum allegata, & probata, non obliget illum in conscientia: non tamen posse condemnatum se per vim defendere contra iudicem, aut ministros, ne sententiam tales exequantur. Docet hoc M. Soto lib. 5. de iustitia quæst. 6. art. 4. quem sequuntur communiter recentiores.

Prima pars probatur, nam si quis per talem sententiam condemnaretur ad pecuniam soluendam, non teneretur in conscientia ad eius solutionem, nisi forte, non parendo sententiæ, maius malum, aut scandalum timeretur: ergo idem erit, quando condemnatur ad mortem. Vnde ait Mag. Soto: *Si eiusmodi innocens possit citra graue scandalum, & citra vulnerationem iudicis, eiusque ministrorum se protegere, possit quidem: ut puta non solum fugiendo, verum, & includendo se in locum munitum, & forte armatis territando ministros iustitiæ, & dum capitur, connitendo se eripere, etiam pellendo ministros.*

Secunda pars probatur i. ex D. Thom. hic dicente de damnato ad mortem iuste: *Non licet condemnato se defendere: sed damnatus ad mortem secundū allegata, & probata*

bata iuste damnatus est ; ergo non licet ei se per vim defendere . Confirmatur . D. Th. ideo probat ex parte iuste dā nati ad mortem se defendentis bellum esse iniustum ; sicque indubitanter peccare , *Licet enim iudici eum resistentem impugnare* : sed hoc etiam licitum est iudici , qui innocentem condemnauit secundum allegata , & probata , alias non esset ei licitum illum condemnare ; ergo , &c.

Secundo probatur ex eodem D. Thom. hic enim docet , solum licitum esse condemnato ad mortem se defendere quando condemnatur iniuste , *Et tale iudicium simile est violentia latronum* : sed quando innocens damnatur ad mortem secundum allegata , & probata , non condemnatur iniuste , nec tale iudicium simile est violentiæ latronum , cum iudex secundum allegata , & probata , & non secundam propriam scientiam debeat iudicare , vt supra q. 67. art. 2. dixit idem S. Doctor ; ergo , &c. Confirmatur , quia , vt hic ait idem D. Th. quando quis iniuste condemnatur , *sicut licet resistere latronibus* : ita licet resistere in tali casu malis principibus : at quando innocens resistit iudici , qui eum ad mortem condemnauit secundum allegata , & probata , non resistit malo , sed bono iudici , ac principi , qui , nisi eum condemnasset , malus esset iudex ; ergo non est licitum innocenti condemnato ab illo se per vim defendere .

Tertio probatur cum M. Soto , vbi supra ,
alias

alias enim daretur bellum ex vtraque parte iustum, Iudex namque in tali casu, non solum licitè reum inuadit, verum, & iustitiæ præcepto ita compellitur, vt si non faceret, grauiter peccaret: si autem reus posset etiam se contra iustè prælio defendere, ex vtraque parte prælium esset iustum: cū ergo hoc concedendum non sit, vbi nulla interuenit ignorantia, non poterit reus se per vim defendere. Confirmatur cum eodem M. Soto. Si reus in tali casu Iudicem, vel occideret, vel vulneraret, etiam si postmodum de eius innocentia constaret, puniretur, quia se vi defendit: signum ergo est id ei in conscientia minimè licuisse.

Ad 1. vero respondetur, D. Thom. loqui de sententiā iniusta formaliter, quæ profertur contra ordinem iuris, & similis est violentiæ latronum, qualis non est, de qua hic est sermo. Ad confirmationem dico, probare primam partem nostræ conclusionis, non tamen impugnare secundam: nam secundum ordinem iuris condemnatus non habet ius, se per vim defendendi contra iudicem, aut ministros, cum ij teneantur illum inuadere.

Ad 2. respondetur, antecedens solum esse verum, quando innocens, qui se defendit, nullo modo est nocens, & innocens, a quo se defendit, non tenetur illum inuadere. In nostro autem casu, licet reus sit innocens coram Deo, est tamen nocens in iudicio probatus, & iudex illum inuadere tenetur.

Ad 3. respondetur, negando consequentiam : nam in casu antecedentis, qui iuste pugnant, non tenentur contra innocentes pugnare, & ij nocentes nullo modo sunt : iudex autem innocentem tenetur condēnare, & hic solum coram Deo, non tamen in iudicio, est innocens. Est etiam alia differentia, nam in casu antecedentis eiusdem conditionis sunt, qui iuste pugnant, & qui se defendunt : iudex autem est persona publica, & reus priuata, quod plurimum ad rem facit, ut ait M. Soto.

Ad 4. respondetur in illo casu eandem esse rationem, ac quando sententia est iniusta ; sicque non mirum si innocens eodem modo se possit defendere secluso scandalo.

Dubium secundum. An iuste condemnatus ad mortem possit fugere, & carcerem, ac vincula frangere.

Pars negans probatur 1. Qui carcerem, & vincula frangendo fugit, vim infert, & resistit publicæ potestati : sed hoc non licet, ut patet ex illo ad Rom. 13. v. 2. *Qui resistit potestati, Dei ordinationi resistit, &c.* ergo, &c.

Secundo, Effractores carcerum iure civili pœna capitis puniuntur, ut patet ex L. *De his, ff De effractoribus, & alijs* : at
fi

ARTICVLVS IV. 125

si non peccarent, tam grauis poena esset iniusta; ergo, &c.

Tertiò, si liceret carcerem effringere, non tenerentur effractores de damno inde sequuto: at tenentur, maximè si alij ibi detenti fugiant; ergo, &c.

Quartò, si condemnatus posset carcerem, & vincula frangendo fugere, licitum etiam esset alijs id ei consulere, instrumenta dare, ad hocque, carcerem cum illo rupendo, adiuuare: sed hoc est falsum, nam qui id fecisse probaretur, grauiter puniretur; ergo, &c.

Dicendum tamen est 1. Condemnato ad mortem etiam iustè ob sua crimina licitum esse carcere fugere, si possit. Probat ex D.Tho. hic ad 2. vbi sic ait: *Nullus ita condemnatur, quod ipse sibi inferat mortem; sed quod ipse mortem patiatur. Et ideo non tenetur facere id unde mors sequatur; quod est manere in loco, unde ducatur ad mortem.* Quibus verbis, vt adnotauit Syluester verbo *Fugere* videtur D.Thom. velle non solum condemnato ad mortem esse licitum fugere, sed etiam ad hoc obligari, eo quod non fugere sit se occidere: Sed dici potest (inquit Syluester) quod non tenetur fugere, licet possit: quia potest patienter ferre, vt de suis excessibus fiat ius; & sic se occidere patièdo occisionem, non est peccatum, sicut etiam non se occiderunt martyres, qui fugere aliquando potuerunt. Idem docet M. Soto libro 5. de iustitia, quæst. 6. art. 4. §. In eadem solutione, vbi sic habet: *Quis enim ambiget quin sce-*

rosus homo suorum criminum conscius sciens prætorem venire ad se capiendum possit illum operiri, atque adeo in carcere aperto sine ullis vinculis mortem spectare, quam meretur.

Quamvis enim, ut diximus supra qu. 64. art. 5. nulli liceat se ipsum directe occidere, licitum tamen est, si iusta subsit causa, aliquid facere, vel omittere, unde certo scitur interitus sequuturus indirecte. Si reus iniuste damnatus esset, quidam dicunt debere fugere, si possit. Sed melius alij docent, si habeat iustam causam, ut exercendæ alicuius virtutis, charitatis scilicet, aut professionis fidei, aut fortitudinis, vel patientiæ in exemplum, & utilitatem proximorum, posse licite in carcere manere, & mortem expectare patienter, ut fecerunt multi martyres.

Contra hanc conclusionem duo possunt obijci. Primum, fugam condemnati ad mortem esse in scandalum custodum, qui ex fuga illius molestarentur, ac proinde non esse licitam.

Secundum, detentum damnatum ad mortem esse implicitè damnatum etiam ad carcerem, ac per hoc teneri subire poenam carceris inflictam a iudice.

Ad hæc tamen respondet Caietanus hic ad 1. per accidens, & præter intentionem fugientis esse custodum tribulationem ex fuga illius consequutam, & cum ipse utatur iure suo, & det operam rei licitæ: Quicquid mali proinde custodibus inferatur à iudice, non imputatur fugienti.

Ad 2.

Ad 2. respondet: Quod falsum est, quod de-
 tentus damnatus ad mortem sit implicite dam-
 natus ad carcerem. Neque enim ante senten-
 tiam, neque in sententia facta est talis condem-
 natio. Subdit, tamen: Si iuris ordo haberet,
 quod damnatus ad mortem damneretur, quo-
 que interim ad carcerem, non posset licite iste
 fugere. Hoc non placet M. Soto, ubi supra
 ad 2. ait, si leges ferrentur, quibus reus
 dānaretur simul ad carcerem, & ad mor-
 tem: Arbitror quod non essent iustæ: quia non
 potest miser illo naturali beneficio fugiendi pri-
 uari, quando ad supplicium destinatur corpora-
 le. Concedit tamen M. Soto, si ad suppli-
 cium corporale, seu poenam mortis non
 esset procedendum, posse reum condem-
 nari, vt maneat in carcere: Non solum ad tem-
 pus, verum, & perpetuo. Sed hoc etiam di-
 splicet alijs discipulis D. Thom. vt M. Bañes
 hic con. 5. ubi ait posse fugere, si damna-
 retur ad carcerem perpetuum, vel ad duris-
 simam seruitutem, vel ad triremes: quia
 carcer perpetuus comparatur morti, vt ha-
 betur in L. antepenultima, ff. de regulis
 iuris. Condemnatio etiam ad triremes est
 acerbissimum tormentum: vnde licet pos-
 sit aliquis condemnari, vt ibi detineatur;
 non tamen, vt sponte ibi maneat, ita vt
 etiam si possit, ipsi non liceat fugere. Idem
 est de poena seruitutis: nam sicut capti in
 bello iusto possunt licite fugere, quamuis
 sint serui iure gentium: ita, & qui ad servi-
 tutem durissimam damneretur. Subdit
 etiam ibidem: quando religiosus est con-

demnatus ad perpetuum carcerem, vel ad durissimam poenam, posse licitè fugere non ad vagandum, neque ad dimittendum habitum, sed ad quærendum aliquod remedium à superiore prælato, vel à Sum. Pontifice. Diana 2 p. tract. 3 miscell. resol. 39 ex his infert, potuisse à confessione absolui sacramentaliter quendam condemnatum ad triremes per totam vitam, qui habebat voluntatem fugiendi, quam primum posset.

Dicendum est 2. Eidem condemnato ad mortem etiam iustè licitum esse vincula, & carcerem effringere, vt fugiat. Oppositum huius docuisse Henricum de Gandauo quodlib. 9. art. 21. refert Caiet. hic Idemque cum eodem Henrico, & Ioanne Maiori sentit Couarruias lib. 1. variar. c. 2. num. 14. Nostram tamen conclusionem docent Caietanus hic 9. Ad 3. & 4. questionem, M. Soto, vbi supra, M. Bañes hic propositione 3. & communiter discipuli Diui Thomæ.

Probat Caiet. *Sicut fugere non est resistere, pugnare, aut defendere, sed non tenere se ipsum in hoc loco: ita frangere vincula, & carceres non est pugnare, sed absoluere se ipsum à continentia vinculorum, & carceris. Multum quoque refert vim irrationalium, vel rationalium repellere. Nam illata vis rebus irrationalibus præcisè non redundat in auctorem eorum cuius signum est, quod si quis vinculis sibi ab Ecclesiastico Iudice impositis violentiam inferat effringendo, non est excommunicatus: & si quis dam-*

ARTICVLVS IV. 129

natus, ut deuoretur à leone, pugnat cum leone, & leone superato fugiat, nulli iniuriam facit. Ergo sicut fugere potest nulli faciens vim, ita & frangere vincula, & carceres. Confirmatur, cui licitus est finis, licita etiam sunt media; ergo cui licita est fuga, licitum etiam erit, se ad eam expeditum reddere, eiusque impedimenta remouere, si potest absque vi illata iudici, aut ministris, ut hic contingit.

Ad argumenta autem facta in principio respondetur. Ad 1. neganda est maior, ut patet ex his, quæ diximus cum Caietano con. 2. Si dicas, quamuis cui libet licitum sit transire per agrum alienum, non tamen sepem eius dirumpere, ut transeat; ergo quamuis condemnato ad mortem licitum sit fugere, non tamen vincula, & carcerem rumpere, ut fugere possit. Respondet Caietan. Nec est simile de fractione sepi: quia in fractione sepi agitur de damno, quod infertur domino per sepi ruinam: hic, autem non est questio de damno pretij vinculorum, aut separationis carceris, sed est questio, an iste actus effractionis reducatur ad fugam, an ad pugnam. Est etiam alia differentia sumpta ex M. Soto: quia nullus habet ius transeundi per agrum alienum, cum ab hoc possit impediri: condemnatus autem ad mortem ius habet exeundi, & fugiendi de carcere, ac proinde remouere potest omnia impedimenta, ut iure suo utatur: sicut, & si quis ius, & iter haberet ad transeundum ad proprium agrum per agrum alterius, posset omnia

impedimenta apposita remouere, & sepe-
ter occludentem rumpere.

Ad 2. respondet M Soto: *Quod cum legi
conditores ciuiles non sint spiritualium iudices,
ut valeant perpendere culpas in foro conscien-
tia, nihil mirum si putent esse culpam, ubi cul-
pa non est. Igitur, vel illam sunt opinionem
sequuti, quod per se effringere carceres lethalis
culpa sit, vel suas leges in praesumptione funda-
uere, Praesumitur enim vis semper illata cu-
stodibus, & resistentia, ubi verè inest culpa.
Et ideo additur in dictis legibus: Si quis conspi-
ratione facta cum ceteris carceres effringeret.
Vbi vis, & resistentia custodibus illata insinua-
tur. Subditur autem ibidem; qui per negligen-
tiam custodum euaserit lenius puniatur. Et in-
telligendum est, si vincula, aut carceres rumpe-
rent: nam alias profecto nulla esset aequitas, ci-
citra controuersiam nulla sit illic culpa.*

Ad 3. Caiet. & M. Soto teneri de damno
admittunt: negant tamen maiorem. *Hic
enim tantum constitutum ius fugiendi declarã-
tes illic non inferri vim iustitiae vindicativae,
quicquid sit de commutativa, inquit M. Soto,
subditque: rumpere vincula reduci ad hoc,
quod est fugere, & non teneri de damno
ratione acceptionis, sed ratione rei acce-
ptae, licereque ferrea vincula linare, & per-
forare murum, etiam si, qui hoc facit, sciat
occlusos secum alios exituros. Nam ipse suo vi-
tur iure, cui cura non incumbit custodiendi
alios. M. Bañes hic propositione 3. & alij
minorem negant: etenim sicut non tene-
retur ad restitutionem equi, quem fugien-
do*

ARTICVLVS IV. 131

do occideret : ita nec tenetur ad damni in carcere illati restitutionem : quia erat in extrema necessitate, in qua omnia sunt communia. Et præterea, quia non tenetur ratione acceptionis, ut ait M. Soto, cum nulli sit iniuria illata, nec ratione rei acceptæ, cum nihil apud se habeat ; ergo nullo modo. Quidam teneri existimant ratione taciti contractus : cum enim iuste detineantur, videntur tacite consentire in compensationem damni, si quod fugiendo inferant directe, quale est ruptio carceris, & vinculorum effractio ; par enim non est, ut reus fugam arripiat cum directo damno Reipublicæ. Sed P. Lessius lib. 2. cap. 31. dubit. 5. num. 37. putat hanc restitutionem vix esse in usu. Quod attinet ad damnum, quod est in euasione, & fuga aliorum in carcere detentorum, fatentur omnes de illo non teneri, qui parietem carceris perforat, ut euadat : nam tale damnum per accidens sequitur ex eius facto, nec tenetur illud impedire, aut propter illud vitandum iure suo non uti.

Ad 4. Caietanus respondet, custodibus, ministris, officialibus, Reipublicæ patribus, & huiusmodi, quorum est fouere, vel exercere publicam potestatem illicitum esse consilium, vel auxilium fugæ præstare : ceteros autem licite posse cooperari ad fugam damnati, & ad frangendum vincula, & carceres subministrando dānato inclusimam, vel aliquod instrumentum, quo possit se absoluerè à vinculis, & carcere.

Subdit vero : *Ne tamen hinc accipias me dicere, quod liceat alijs concurrere ad carcerem, & frangere illum. Hoc enim nec somniaui. Nam si non licet ire ad frangendum seram domus privata, multo minus domus publicæ. Multum enim refert ab intus incluso frangi seram carceris, & ab extra à liberis, hoc est offendere publicam potestatem, cuius est carcer.* M. Soto existimat cæteros, qui non sunt custodes, iustitiæque ministri, posse quidem consilium vincto, ut fugiat, *Tamen nemini licere porrigere vincto limam, vel aliud instrumentum.* M. Bañes hic propositione 4. sententiam Caiet. veriore esse dicit : quia magis influant in effectum dantes consilium, & industriam, quam dantes instrumenta ; ergo si illud licet, etiã & hoc. Præterea ostendere vincto viam, & modum quo possit fugere, non est minus opitulari, quam præbere instrumenta : sed illud licet, cum ad consilium pertineat ; ergo, & hoc. Ratio etiam Caiet. infirma non est : vincto licet vincula, & carceres frangere : cur ergo nõ licebit ei instrumenta præbere, sicut & consilium, quibus licite utetur ? Nam quamvis actio effringendi carceres non sit alijs, sed soli vincto licita ; potest tamen licere alijs instrumenta præbere ; sicut quamvis occidere malefactorem, soli ministro iustitiæ sit licitum ; vendere tamen, aut præbere instrumenta, alijs etiam licet. Et quavis, qui probarentur dedisse instrumenta vincto punirentur, hoc non convincit illicitum esse : nam etiam puniretur, qui proba-

ba.

baretur consilium dedisse, immo, & ipse reus carcerem effringens. Potest enim aliquis licite puniri sine culpa, si adsit causa, ut habetur in regula *Sine culpa*. De regulis iuris in Sexto. Hanc sententiam cum alijs, quos citat, sequitur Diana 3. p. tract. 5. miscel. resolut. 102.

Dubium 3. An damnatus ad sumendum venenum possit illud sumere, & damnatus, ut pereat, possit non comedere cibos sibi oblatos.

M Ag. Victoria Relect. De homicidio, num. 30. inquit: Non video quare id sit negandum licere. Etenim sicut sunt alia supplicia decreta contra nocentes, quare non posset id institui, ut veneno tollerentur, quod si illud supplicium potest esse iustum, cum aliter poena irrogari non potest, nisi ut ille venenum epotet, nihil videtur cur non liceat ei haurire venenum. Sicut licet damnato ad supplicium ascendere scalas, & ei qui damnatus est gladio parare iugulum, neque enim unus magis cooperatur morti suae quam alius.

Mag. Soto lib. 5. de iustitia, q. 6. art. 4. circa finem, quamuis afferat leges atque sententias damnantes ad epotandum venenum esse iniquas, quippe quibus condemnantur rei se ipsos occidere, sicque non posse licite illud sumere: de condemnato tamen, ut fame moriatur ait: *Non esse pre-*
sus

ius improbabile, quod liceat ei non edere (cibos scilicet sibi oblatos.) Nam si verè dignus est morte, & si licitè possit eam subterfugere, potest nihilominus non subterfugere. Probat, nam scelerosus homo sciens prætorem venire ad se capiendum, aut in carcere aperto sine ullis vinculis existens, quamvis licitum sit ei fugere, potest tamen licitè non fugere, sed expectare mortem, quam meretur; ergo & damnatus, ut inedia absumatur poterit à cibis contra iudicis iussa oblati abstinere, quamvis sit ei licitum comedere. Confirmatur, qui legitima sententia proiectus esset leonibus, non teneretur se ab ipsis defendere, quamvis licitè posset, quia non se sine causa mori finit, sed quia mortem meretur, vult eam à iudice pati; ergo idem erit de damnato, ut fame moriatur.

Dicendum tamen est 1. Probabilius esse non esse licitum damnare aliquem ad sumendum venenum, neque damnato illud sumere. Docet hoc Caiet. hic 9. Ad 7. dubitationem. Probat: Quemadmodum enim non licet damnare aliquem, ut se ipsum confodiat, ita nec quod se ipsum mergat, aut veneno occidat: quia sententia debet esse de actu iustitiae: non est autem actus iustitiae se ipsum occidere: tum quia actus iustitiae est ad alterum, & non ad se ipsum: tum quia est contra ius naturae, & charitatem.

Olim iudices Athenenses damnabant aliquos ad bibendum venenū. Ad hoc Socratem dānatum fuisse, venenūq. bibisse, & sic obijisse, refert Plato in Phædro ad finem. At

id.

inquit Caietan. *Postquam ortus est Sol iustitiæ Christus Deus noster, cognouisse videntur iudices, quod hoc non licet, quamuis forte veteres concedendo optionem generis mortis, magis, quàm iudicando, faciebant hæc.*

Dixi probabilius, nam sententiam M. Victoriz probabilem esse iudicant, & tenent M. Aragon hic §. Et si quis, & supra q. 62. artic. 3. §. *Hoc constituto*, Rodriguez in Summa tract. de Ord. Iudic. cap. 14. con. 2. P. Sà verbo *Iudiciales actus*, §. *De reo*, & alij.

Dicendum est secundo. Probabilius etiã esse, damnatum vt fame moriatur, teneri cibos sibi oblatos comedere, & non licere ei non edere: Docet hoc quoque Caietan. hic §. *Ad 8. dubitationem*. Probatur 1. D. Th. hic ad 2. ait: *Si aliquis sit condemnatus, vt fame moriatur, non peccat, si cibum sibi ministratum sumat: quia non sumere esset se ipsum occidere: Ergo cum nulli liceat se ipsum occidere, non solum non erit peccatum cibum sibi ministratum sumere, sed etiam non poterit licitè illum non sumere.*

Secundò probatur cum Caiet. *Quia nec priuata, nec publica auctoritate potest quis se ipsum licitè occidere. Constat autem, quod nolle uti alimento adhibito, est occidere se ipsum, non minus, quam se ipsum gladio transfuerbere. Vnde dicendum est, quod tenetur comedere, vt ius natura seruet. Et non comedendo non conformat se sententiæ iustæ, nam, vt dicemus, non est per sententiam ad hoc damnatus.*

Ad fundamentum vero M. Victoriz respon-

136 QVÆSTIO LXIX.

spondet M. Soto, non esse eandem rationem de ascensu scalæ, & extensione colli: *Hoc enim non est agere, sed ad crucem se hominem adaptare: sicuti dum in carcerem duceris potes tu ipse ambulare.* Sumere autem venenum ex se actio occisionis est, sicut & se decollare: unde nec reus potest sumere, nec iudex illum ad summum condemnare. Posset tamen ex iusta causa iudex reum condemnare, ut ei violenter venenum conferatur, ita ut eo ligato, & ore per vinum aperto, venenum infundatur. At reus teneretur non deglutire, si posset.

Ad fundamentum M. Soto respondetur negando consequentiam: nam non fugere est expectare mortem ab intrinseco infligendam: non comedere verò, est se ipsum occidere, ut dictum est. Ad confirmationem eodem modo respondetur. Dico etiã, nullam esse causam iustam, ut damnatus ad mortem famis se ipsum mori sinat; cuius rationem assignat Caiet. *Quia non est damnatus ad hoc, scilicet ut se occidat non comedendo, sed ad hoc ut subtrahantur sibi alimenta, non à quibuscumque, sed custodibus, & huiusmodi.* Unde alij ministrantes tali damnato alimenta non peccant eadem ratione, qua possunt adiuvare ad fugam. In cuius signum laudabiliter à Maxima Valerio lib. 5. commemoratur Rues Atheniensis, quæ Cimonem patrem suum lacte proprio pavit, ne inedia moreretur pœna.

137

QVÆSTIO LXX.

De iniustitia pertinente ad personam testis.

ARTICVLVS I.

Vtrum homo teneatur ad testimonium ferendum.

Conclusio est affirmans.

Dubium primum. Quando testis interrogatus à iudice teneatur testimonium ferre.

Non semper teneri testem interrogatum à iudice ad testimonium ferendum, manifestum est; aliquando teneri etiam patet, quando teneatur hic inquiremus.

Dicendum est 1. Quando testis iuridicè interrogatur à iudice de manifestis, aut de his, de quibus infamia præcessit, tenetur ferre testimonium. Probatur ex D. Thom. hic ubi sic habet: *Si requiratur testimonium alicuius subditi auctoritate superioris, cui in his, quæ ad iustitiam pertinent, obedire tenetur: non est dubium, quin teneatur testimonium ferre in his*

his, in quibus secundum ordinem iuris testimonium ab eo exigitur, puta in manifestis, & in his, de quibus infamia precessit.

Circa quæ verba aduertendum est i. cū M. Bañes hic dubio i. ad i. Non esse vtrumque simul necessarium, scilicet, vt ea, de quibus testis interrogatur, sint manifesta, & vt de illis infamia præcedat, sed vnum, vel alterum: Nec obstat coniunctio, *Et*. Quia sensus D. Thom. est: testem secundum ordinem iuris interrogari in manifestis, & etiam in his, de quibus infamia præcessit.

Secundò aduertendum est, manifesta, non dici à D. Thom. quæ soli testi sunt nota: supponit enim S. Doctor testem scire ea, de quibus interrogatur, & ait de his debere testimonium ferre, si sint manifesta, vtique non soli sibi, sed etiam alijs; qui testimonium ferre possint; alias cum subdit non teneri ad testificandum *In oculis*, per occulta intelligeret, quæ nulli nota sunt, scilicet nec ipsi testi, nec alijs, quod aperte falsum est. Manifesta ergo à D. Thom. appellantur ea, quæ per sufficientes testes probabilia sunt in iudicio, quæ & notoria iuris dicuntur: Vnde idem S. Doctor supra q. 68. art. i. ad 3. inquit: *Nec omnino est secretum, quod per sufficientes testes potest probari.* Indicet aperte, quod per sufficientes testes probari nequit, esse omnino secretum, & occultum; quod vero per sufficientes testes probari potest, esse manifestum. Quod & docet Glossa 2. q. 1. caa. *Manifesta*, his ver-

verbis : *Manifestum est , quod semper ex scientia, & certo auctore procedit, & quod potest probari .* Et in Cap. *Constitutionem* , De verborum significatione idem insinuat . Alexander etiam Scotus in Vocabulario vtriusque iuris verbo *Manifestum* . Cum alijs inquit : *Manifestum est, quod patet pluribus, sed non omnibus .*

Tertio aduertendum est , per ea, de quibus infamia præcessit, ea intelligere D. Th. de quibus, antequam deferrentur in iudiciũ, præcessit infamia ; non vero ea, de quibus homo infamatur apud iudicem, & in iudicio per accusatorem, & testis productionẽ, quæ præcedit interrogationem : nam D. Thom. loquitur de infamia , quæ mouet Iudicem, ipsique aperit viam ad procedendum iuridice contra aliquem : infamia autem, quæ sequitur ex accusatione , non aperit viam iudici, sed accusatio ipsa , quæ de manifestis , hoc est in iudicio probabilibus esse debet . Quod amplius patebit con. 3.

Dicendum est 2. Si iudex procedit via inquisitionis ad condemnationem , & punitionem rei, contra hunc tenetur testis interrogatus à iudice testimonium ferre , quando infamia præcessit ; si hæc vero non præcesserit, non tenetur contra illum testimonium ferre , etiam si sciat , reum tale crimen commisisse ipso, & alijs videntibus . Probatur, nam vt diximus con. præced. quando testis iuridice interrogatur à iudice , tenetur testimonium ferre : sed vt
pa-

patet ex dictis supra q. 67. artic. 3. dubio 2. con. 2. iudex legitimè inquit, sicque iuridice testem interrogat, quando præcedit infamia rei, & criminis, si hæc vero non præcedit, etiam si duo, vel plures iurati affirmant, aliquem ipsis videntibus crimen aliquod commisisse, iudex non legitimè inquit, sicque nec iuridice testes interrogat; ergo quando præcedit infamia, testis contra reum tenetur testimonium ferre, interrogatus à iudice; si hæc vero non præcedat, non tenetur.

Si inquisitio sit solum specialis ex parte criminis, & ex parte personæ sit generalis, ut cum inuento homine interfecto inquitur, quis illum interfecerit; potest quidem iudex sic generaliter testes interrogare, quin infamia præcesserit de aliquo; hæc tamen generalis inquisitio, & interrogatio de persona testes non obligat ad manifestandum delinquentem non laborantem infamia: nam intelligitur, an servato ordine iuris sciant, quis talem hominem interfecerit, ordo autem iuris infamiam postulat, ut contra illum testis deponat, sicut, & ut iudex de illo specialiter inquirat. Vnde Sylvester verbo *Inquisitio* 1. q. 7. inquit: *Si testes interrogentur super occultis, si inquisitio sit generalis, respondere non debent, nisi de crimine de quo infamia præcessit. Et multo minus si sit specialis contra aliquem.*

Sicut autem, ut supra q. 67. art. 3. dub. 2. con. 2. diximus, multi asserunt, iudicem debere prius infamiam probare per duos testes

stes

tes ad minus; alij vero dicunt, sufficere, vt reuera præcesserit infamia, hocque sciat iudex per simplicem informationem: ita hic nonnulli, vt M. Salon supra q. 69. art. 2. controu. 7. circa finem, affirmant, vt testis teneatur testimonium ferre contra reum, requiri infamiam esse per duos testes ad minus probatam, hocque notum esse testi: alij vero docent, hoc non requiri, sed sufficere, vt reuera præcesserit infamia, hocque certo sciat testis, nam si dubitet, non teneatur respondere, vt patebit con. 6.

Sicut etiam supra q. 67. art. 3. dub. 2. con. 2. diximus, nonnullos excipi casus, in quibus iudex procedere potest ad inquisitionem specialem, sicque testes interrogare, etiam si non præcesserit infamia: ita hic asserendum est, in illis casibus testem teneri ad testimonium ferendum non præcedente infamia, cum sine illa iuridicè illum iudex interroget. In casibus autem in quibus diuersæ sunt Doctorum opiniones, poterit iudex vnā sequendo legitime interrogare, etiam si non præcesserit infamia: & testis iuxta aliam oppositam poterit licitè veritatem illi occultare, & respondere se nihil scire.

Dicendum est 3. Si iudex procedat via accusationis, vt testis ab eo interrogatus teneatur ferre testimonium contra reum, requiritur, vt sciat crimen probabile esse in iudicio per testes sufficientes. Probatur, nam vt patet ex 1. con. vt testis teneatur ferre testimonium, opus est, vt id, de quo inter-

interrogatur sit manifestum, vel de eo infamia praecesserit: sed in via accusationis non est necessaria infamia; ergo requiritur saltem, ut id, de quo interrogatur testis, sit manifestum. At ut ostendimus con. 1. manifestum est, quod per sufficientes testes probari potest in iudicio; ergo, &c.

Hinc sequitur, quod docent M. Bañes hic dubio 4. ad 4. M. Ledesma 2. p. Sum. tract. 8. cap. 25. con. 7. diffic. 9. & alij quos refert & eorum opinionem probabilem esse dicit Diana 3. p. tract. 9. miscel. resolut. 100. si accusator non habet nisi unum testem, hunc non teneri ad testificandum contra reum: nam licet sciat crimen ab illo commissum, illud tamen non est in iudicio probabile per sufficientes testes. Immo Diana ubi supra refert Spatarium dicere: quod non tenetur quis testificari, si sciat nullum alium esse testem contestem, vel aliud æquiualens indicium, siue procedatur ex munere, siue ad instantiam partis. Si procedatur ex munere, hoc falsum videtur: nam ut iudex procedens ex officio, seu via inquisitionis iuridice testem interroget, sufficit infamiam praecedere: iudice autem iuridice interrogante testis respondere tenetur, etiam si vnicus sit. Si procedatur, ad instantiam partis, verum est, & idem quod asserit nostrum corollarium. Quod praeterea probatur cum praedictis magistris: accusatio cum solo vno teste est imprudens, temeraria, & iniusta etiam in foro exteriori; ergo eam non tenetur admit-

mittere iudex, & si admiserit, & testem interrogauerit, hic non tenebitur respondere, cum non iuridice interrogetur. Antecedens probatur: tum ex dictis supra q. 66. art. 1. dubio 1. con. 2. & art. 3. accusatio enim de improbabilibus iniusta est sicut, & de falsis, cum iure falsum reputetur, quod idoneis testibus, vel instrumentis nequit innotescere. Tum etiam; quia sententia cum solo vno teste est iniusta; ergo, & accusatio, nam hæc, quæ ad sententiã ferendam requiruntur, debet iudici aperire. Tum denique, quia vno solo teste existente necessarium est, vt accusator in probatione deficiat, sicque vt temerarius, ac imprudens, immo & vt calumniator puniatur; ergo accusatio eius imprudens, temeraria, & iniusta est, vtpote ad nihil proficiens, nisi ad vexandum, & infamandum reum.

Oppositum huius docet M. Soto lib. 3. de iustitia, q. 7. art. 1. ad 1. dicens: Si procedatur via accusationis, etiam si solus videri, teneris adductus in testem testimonium ferre. Cuius sententiam (quæ absque dubio probabilis est) sequuntur multi, illamque probabiliorem esse asserit Diana vbi supra. Probant 1. quia in hoc casu iudex habet ius interrogandi hunc testem vnicũ ab accusatore productum, ne scilicet delicta maneant impunita; ergo testis huiusmodi testimonium ferre tenetur.

Secundo, quia iura non distinguunt, an vnus testis tantum sciat, vel sciat cum alijs;

alijs , sed absolute dicunt, teneri testem in ius vocatum verum aperire ; ergo, &c.

Tertiò, quia iam apud iudicem, & iniudicio est infamatus reus per accusationem præcedentē, & testis productionem; ergo testis verum aperire tenetur.

Ad hæc tamen responderi potest. Ad 1. cum M Bañes vbi supra ius , quod habet iudex interrogandi vnicum testem, fundari in præsumptione iuris, cuius minister est iudex : præsumitur enim accusatorem duos habere testes, & legitimè accusare. Vnde si testi constat non ita esse, sed accusatorem temerarium , ac imprudentem fuisse, non tenetur testimonium ferre contra reum . Immo si id constaret iudici , & posset accusationem repellere citra scandalum, teneretur non admittere .

Ad 2. respondetur, quamvis iura illa non distinguant expressè ; eo tamen ipso , ac volunt id, de quo testis interrogatur, esse manifestum, consequenter volunt , vt non vnus tantum , sed plures sciant, cum hoc solum sit manifestum , vt diximus conclus. prima .

Ad 3. responderetur, infamiam ortam ex prædicta accusatione , & testis productione non esse sufficientem ad obligandum testem ad testimonium ferendum contra reum, cum talis accusatio iniusta sit etiam in foro exteriori , vt diximus . Per hanc accusationem non magis infamatur reus , quam per detectionem incidentem alterius criminis ipsius rei etiam disparati in

pro-

processu inquisitionis : & tamen M. Soto ;
 vt vidimus supra qu. 67. artic. 3. dubio 2.
 con. 2. casu 4. existimat non esse licitum
 iudici inquirere , & interrogare de illo cri-
 mine , & testem non teneri respondere .
 Cur ergo tenebitur respondere propter in-
 famiam ortam ex accusatione , & vnius
 testis productione ? Hanc infamiam con-
 stat non suppleri de iudicio , qui est in accu-
 satione , ergo non iussis , vt iudex pro-
 cedens via accusationis iuridice testem
 interroget , nec vt testis respondere teneat-
 ur , nam iudici procedenti via accusatio-
 nis sola accusatio legitima , ac iusta saltem
 in foro exteriori aperit viam inquirendi ,
 & interrogandi testem :

Dicendum est . Quacunque via pro-
 cedat iudex , si testis adhuc potest corrige-
 re fraternaliter proximum , & providere
 bono communi , & omni incommo-
 do , non tenetur veritatem aperire , immo
 tenetur respondere iudici interroganti se
 nescire . Idem est si crimen fratris iam est
 emendatum .

Oppositum huius tenent M. Soto lib. 5.
 de iusticia quæst. 5. art. 1. cuius verba re-
 tulimus supra quæst. 63. artic. 1. dubio 1.
 con. 3. M. Ledesma 2. p. Sum. tract. 8.
 cap. 25. con. 7. diffic. 8. & alij . Probant :
 quia iudex testem iuridice interrogat , er-
 go hic veritatem tenetur aperire ; etiam
 si proximum fraternaliter non correxe-
 rit :

Nostram tamen conclusionem docent

M. Bañes hic dubio 4. ad 3. & alij. Probatur, testis non minus tenetur ad correctionem fraternam, quam accusator, vel denunciator; Sed hic, si per correctionem fraternam potest emendare fratrem, & bono communi providere, tenetur illam ante accusationem, vel denunciationem præmittere, & non potest illa non præmissa accusare, aut denunciare crimina, ut diximus supra quæst. 68. artic. 1. dubio 1. con. 3. ergo, & testis non poterit testimonium ferre de criminibus non præmissa correctione fraterna, qua prudenter sperat fratrem emendare, & bono communi, ac omni incommodo providere. Et quamvis accusatori immineat periculum deficiendi in probatione, tamen de hoc, ut hic ait *D. Thomas: Non est curandum, quia ipse in hoc periculum sponte se ingessit*. Cum per correctionem fraternam posset providere bono communi, & omni incommodo, sicut & testis.

Ad argumentum autem oppositæ sententiæ respondet **M. Bañes**, non esse inconveniens iudicem interrogare iuridice, & testem non teneri respondere veritatem, sed se nescire, nempe ad dicendum iudici: quia supposita aliqua ignoratia potest esse bellum iustum ex utraque parte. Iudex autem ignorat per correctionem fraternam sufficenter provideri bono communi, & posse corrigi sufficenter delinquentem. Et quamvis hoc sciret, ut persona particularis, scientia illius per accidens se haberet ad iudicandum.

ARTICVLVS I. 147

dicium publicum, sicque vt iudex, & persona publica ignoraret. Secundo responderetur: sicut cum inuento corpore interfecto iudex inquit interrogando testes, quis fecerit; licet ipse legitime, ac iuridice hoc interroget, testes tamen non tenentur manifestare delinquentem non laborantem infamia: nam intelligitur iudicis præceptum seruatō ordine iuris, vt diximus con. 1. ita cum instante accusatore, vel iudice ex officio procedente, interrogat sub præcepto, vel iuramento iudex testem, an Petrus Ioannem occiderit: licet iudex iuridice interroget (nam vt diximus q. 67. art. 3. dubio 2. con. 7. etiam si accusatio sit iniusta in foro conscientie, quia ommissa est fraterna correctio, iudex legitime procedit) testis tamen non tenetur ei veritatem aperire, sed respondere se nescire: quia eius interrogatio, ac præceptum intelligi debet saluo ordine correctionis fraternæ, vt colligitur ex D. Thom. supra qu. 33. art. 7. ab 5.

Dicendū est 5. Si iudex quomocunque procedat, interrogat testem de his, quæ ei sub secreto commissa sunt, non tenetur, nec potest ea manifestare, nisi talia essent, quæ, etiam si à iudice non interrogaretur, propalare deberet. Docet hoc D. Thom. hic ad 2. vbi ante omnia asserit: *De illis, quæ homini sunt commissa in secreto per confessionem nullo modo debet testimonium ferre: quia huiusmodi non scit, ut homo, sed tanquam Dei minister, & maius est vinculum*

Sacramenti quolibet hominis praecepto. Vnde etiam si his reuelatis magna Reipublicae incommoda vitanda viderentur, reuelari non possunt.

Aduertit tamen M. Soto De tegendo secreto, membro 2. quaest. 7. con. vltima, & libro 5. de iusticia, quaest. 7. artic. 1. ad 1. *Vulgaris consuetudo detegendi alijs secreta sub sigillo confessionis, etiam si genibus flexis, signum crucis, & confiteor premittatur: nisi fiat integra confessio omnium peccatorum, non obligat ad sigillum confessionis, sed ad sigillum seculare.* Ratio est, quia ubi nulla est sacramentalis confessio non interuenit sigillum confessionis, sicque illud secretum reuelare non est sacrilegium.

Subdit deinde D. Th. *Circa ea vero quae aliter homini sub secreto committuntur, distinguendum est. Quandoque enim sunt talia, quae statim cum ad notitiam hominis venerint, homo ea manifestare tenetur, puta si pertinent ad corruptionem multitudinis spirituali, vel corporalem, vel in grauedamnam alicuius personae, vel si quid aliud est huiusmodi, quod quis propalare tenetur, velustificando, vel denuntiando. Et contra hoc debitum obligari non potest per secreti commissum, quia in hoc frangeret fidem quam alteri debet. Nempe Reipublicae, seu communitati, aut tertiae personae: & non potest quis obligari, ut violet fidem, quam alteri iam prius debet. Vnde etiam si interueniret promissio secreti seruandi confirmata iuramento, non obligaret: nam iuramen-*

mentum promissorium cedens in damnum iniustum tertij non obligat, & vt habet regula iuris §8. in Sexto: *Non est obligatorium contra bonos mores praestitum iuramentum.*

Tandem, assertit D. Thom. Quandoque vero sunt talia, quae quis prodere non tenetur, unde potest obligari ex hoc quod sibi sub secreto commituntur, & tunc nullo modo tenetur ea prodere; etiam ex precepto superioris, quia seruare fidem est de iure naturali. Specialiter autem ea prodere non tenentur, sed potius seruare silentium illi, ad quos causa petendi consilij, aut auxilij, ad salutem spiritualem, vel corporalem confugiat miseri, delinquentes, vt Theologi, Impersiti, Medici, Aduocati, Procuratores, Obstetrices, & alij huiusmodi. Non enim debet misero homini obesse, quod consilij, vel auxilij petendi causa se alteri bona fide patefecit: alias peccatores a consilio petendo auerterentur, unde mala multa sequi possent. Quapropter etiam si aliquis praedictorum sub excommunicatione, vel iuramento interrogetur de crimine, quod sibi sub secreto dixit delinquens, non tenetur illud reuelare: immò, vt ait Gorduba lib. 1. questionarij, quest. 43. dubio 2. casu 3. post resolutionem: *Peccat mortaliter id reuelando, vel testificando, si sciat esse plenam alius probatorem, vel infamiam contra illum.*

Dicendum est 6. Quando testis dubitat prudenter, an iudex illum iuridice inter-

roget, non tenetur contra reum iudici respondere, sed potius tenetur celare crimen, & dicere, se nescire. Docet hoc M. Soto De tegendo secreto, membro 3. qu. 2. con. 2. M. Bañes hic dubio 1. tertie partis, & alij quos refert, & sequitur Diana 3. p. tract. 5. miscel. resolut. 104. Probatur, in dubijs, quod tutius est, & minus periculi habet, est faciendum: sed celare crimen, & non respondere iudici contra reum est huiusmodi; ergo, &c. Minor probatur, nam si iudex procedat via inquisitionis ex officio, si ei respondeatur contra reum, huic imminet periculum amissionis vite, aut famæ, vel census: si vero non respondeatur, nulli imminet periculum: supponimus enim non periclitari bonum commune Reipublicæ (nam si periclitaretur certum est, & probat M. Soto ubi supra con. 4. respondendum esse). Iudici contra reum iudici vero quod imminet periculum? Testi denique non imminet periculum peccandi: nam cum ad ipsum pertineat examinare, an in causa, in qua debet esse testis, procedatur iuridice, si de hoc non est certus, non tenetur respondere iudici contra reum, quamvis miles Rege præcipiente militare teneatur, etiam si dubitet an bellum sit iustum, quia ad illum non spectat hoc examinare; de quo vide M. Bañes ubi supra ad argumenta pro parte affirmativa. Si vero procedat iudex via accusationis, tunc si respondeatur iudici contra reum, im-

minet reo periculum pœnæ debitæ; si vero non respondeatur, imminet accusatori periculum pœnæ talionis. Cum tamen in dubijs potius fluendum sit reo, quam actori, non est contra reum respondendū, nisi forte detrimentum, quod sequitur actori, eo quod testis non testificatur, esset notabiliter grauius, quam detrimentum, quod sequitur reo ex testificatione, vt docet, & probat M. Bañes vbi supra conclus. 4.

Dicendum est 7. Quando testis timet probabiliter, ac prudenter aliquod magnum dampnum spirituale, aut temporale personæ, honoris, aut bonorum ipsi aut suis euenturum, si contra reum testificetur, ad hoc non tenetur, etiam si a iudice interrogetur. Docent hoc Nauarrus cap. 25. num. 50. & alij communiter. Probatur, quia nisi bonum comune id necessario postulet, nemo ad id obligari potest cum suo, aut suorum tam graui detrimento, aut periculo, habet enim iustam causam celandi veritatem; ergo, &c.

Hinc colligitur, quod diximus supra quæst. 69. artic. 2. dubio 1. con. 2. testes qui ciment reum occulta eorum crimina reuelaturum ad eorum testimonium infirmandum, apponendamque esse ipsis exceptionem, ex qua grani infamia notarentur, non teneri testificari. Colligunt etiam multi, eum, qui promoueri ad sacros ordines intendit, non teneri in causa

languinis testificari, cum timet irregularitatem contracturum, qua impediatur ordinari: hoc enim graue damnum illius est. Colligitur denique illum qui est particeps in crimine non teneri testificari, nam sui proditionem timere potest.

Dubium 2. An aliquando teneatur quis testimonium ferre à iudice non vocatus.

Pars negans probatur, nam nullus tenetur cum suo damno, & detrimento testificari: sed testis voluntarius, etiam si pro liberando innocente ab iniusta morte, vel falsa infamia testificetur, sibi conciliat odium, aut inimicitias persequentium innocentem, quod est eius graue damnum, ergo non tenetur sponte testificari.

Dicendum tamen est aliquando teneri hominem à iudice non vocatum testimonium ferre. Docet hoc D. Thom. hic, ubi sic habet post verba citata dubio 1. con. 1. Si vero requiratur eius testimonium non auctoritate superioris cui obedire tenetur, tunc distinguendum est, quia si testimonium requiratur ad liberandam hominem, vel ab iniusta morte seu pena quacunque, vel a falsa infamia, vel ab aliquo damno, tunc tenetur homo ad testificandum. Et si eius testimonium non requiratur, tenetur facere, quod

in se est, ut veritatem denuntiet alicui, qui ad hoc possit prodesse. Charitas enim obligat illum, ut quamuis eius testimonium requiratur sine superioris auctoritate, sed precibus hominis ipsius periclitantis, aut amicorum eius, ipse testificetur, immo & nullo rogante se ipsum ultro offerat ad testificandum. Et si iudex nolit eius testimonium recipere, veritatem denuntiet alicui, qui ad hoc possit prodesse, sicque eripiat pauperem, & egenum de manu peccatoris, liberet, ut praecipitur. *Psal. 81. v. 4. & eruat eum qui ducitur ad mortem, ut mandatur Prouerb. 24. v. 11.* ex quibus locis D. Thom. suam doctrinam, & nostram conclusionem probat. Quae vera est tam in causis criminalibus, in quibus agitur de morte innocentis, quam in causis civilibus, in quibus agitur de iniuncto damno in bonis proximi. Nam sicut ex charitate tenetur quis latronem inuadentem bona proximi etiam diuitis impedire, si potest: ita & se ultro offerre ad testificandum quando eius testimonium necessarium est, ne graue damnum in iuste patitur etiam si damnum patiens non sit in extrema, aut graui necessitate: quia tunc charitas non respicit inopiam, sed solum damnum imminens fratri. Et ut hic in dubio 1. quintae partis conclus. 1. ait M. Bañes non est eadem ratio de obligatione dandi eleemosynam: nam ad dandum eleemosynam debeo auerre de proprijs bonis, non autem ad testificandum. Vnde

licet non teneat dare eleemosynam, nisi ei, qui pauper est, & egestate præmitur; testificari tamen teneor ad liberandum etiam diuitem, ne patiatur detrimentum in bonis, quæ iam habet. Idem Docet Mag. Soto libro 5. de Iustitia, quæstione 7. articulo 1. ad 1. contra 3.

Pro liberando innocente ab iniqua morte inquit M. Bañes hic dubio secundo quintæ partis con. 2. teneri testem testificari, etiam si sciat ex eius testimonio condemnandum esse iniquum accusatorem, aut falsum testem: nam condemnatio accusatoris iniqui, aut falsi testis est effectus per accidens defensionis innocentis, ob quem effectum non tollitur obligatio defendendi innocentem. Et quamvis ipse innocens non teneatur se defendere cum periculo vitæ aggressoris; testis tamen illum defendere tenetur. Innocens enim potest cedere iuri suo ob actum excellentissimum patientiæ; testis vero non potest cedere iuri alieno ad quod defendendum obligatur ex charitate.

Si quæres, an testis manebit irregularis, si accusator occidatur? Respondet M. Bañes irregularem manere, si fuit testis directe, aut indirecte de crimine accusatoris: quia fuit testis in causa sanguinis. Si tamen suo testimonio nihil aliud fecit, quam ostendere innocentiam falso accusati non manere irregularem: sicut nec ille, qui clamat: ut defendatur pater suus manet irregularis, etiam si occidatur ag-

aggressor ab illis, qui tulerunt auxilium defensionis. Quia non incurritur irregularitas, nisi ammittatur mansuetudo ecclesiastica; quæ non ammittitur, nisi quando aliquis, vel consulit, vel hortatur, vel quomodolibet concurrit ad occisionem alicuius. Vnde si testis protestaretur, se nolle occisionem nocentis, sed tantum defensionem innocentis, non incurreret irregularitatem.

Subdit D. Thom. *Super his vero, quæ pertinent ad condemnationem alicuius, non tenetur aliquis ferre testimonium, nisi cum à superiori compellitur secundum ordinem iuris.*

Quia si circa hoc veritas occultatur, nulli ex hoc speciale damnum nascitur: Vel si imminet periculum accusatori, non est curandum, quia ipse in hoc periculum sponte se ingessit.

Non loquitur D. Tho. de accusatore, qui ad accusandum tenetur, ut hic ostendit Caietanus: Tunc enim si sciens non teneretur testificari, nec teneretur curam habere de accusatoris defectu, iniqua erit accusatoris, & testium conditio, ut scilicet unus teneatur ad accusandum, & alij non teneantur ad testificandum nisi coacti à iudice. Vnde subdit Caietan. Vniuersaliter pro regula habendum est, quod si quis tenetur ad accusandum, tenetur ad testificandum, tanto plus, quanto cum minori periculo potest quis testificari, quam accusare, quia non obligat se testis ad poenam talionis. Solum ergo loquitur D. Thomas de accusatore, qui quamuis licite accuset, ad id tamen non tenetur: nam

sicut ille non tenebatur ad accusandum ;
ita nec testis tenetur ad testificandum ,
nisi à iudice cogatur .

Ad argumentum autem factum in prin-
cipio respondetur cum M. Soto lib. 5. de
iustitia, q. 7. art. 1. ad 2. contra 3. conce-
dendo . *Quod nemo cum suo gravi periculo,
aut detrimento cogatur tale officium charitatis
prestare ; quin vero nec cum detrimento suo-
rum . Ut si lis esset cum patre meo, non tenerer
me sponte contra eum prodire testis . Sicut si
idem meus parens aggredere[n]t nudo gladio
innocentem, quem defendere ego non possem,
nisi eundem parentem occidendo, non teneor .*
Vnde si testis ex suo testimonio ultro neo,
incurrit aliquod detrimentum notabile,
non tenetur testificari, cum nec testificari
teneatur cum tali detrimento etiam, vo-
catus à iudice . Aduertit tamen M. Bañes
hic dubio 1. quintæ partis, con. 2. an de-
trimentum sit notabile, iudicandum esse
per comparisonem, & proportionem ad
detrimentum, quod patitur proximus, si
testis non testificatur . Vnde si proximus
est in periculo amittendi vitam, aut fa-
mam, vel totam substantiam, tenebitur
testis cum aliquali detrimento suorum,
bonorum temporalium, testificari ; non
tamen cum periculo vitæ, aut grauis in-
famiz, aut amissionis totius sue substantiæ ;
sicque si ex odio, aut inimicijs persequen-
tium innocentem quas sibi conciliat, hoc
periculum sequatur, testificari non te-
netur .

Dubium 3. *Antestis ratione testi-
monij praestiti, vel omissi te-
neatur ad restitutionem.*

Quando testis omittit testimonium
ferre, quod tenebatur non vocatus, à
iudice in casibus dubij praecedentis, cer-
tum est non teneri ad restitutionem, quia
solum tenetur testificari ex charitate, vt
autem dicit M. Soto lib. 9. de iustitia, q. 7.
art. 1. ad 3. contra 3. *Vbi solum charitatis
obsequium, & munus, omittitur, nulla nascitur
restitutionis obligatio.* Tota ergo difficultas
est de teste, qui falsum dicit testimonium,
aut qui a iudice interrogatus non vult re-
spondere, aut qui se abscondit, ne à iudice
interrogetur.

Dicendum est 1. Qui sciens, vel ex igno-
rantia crassa falsum testimonium dixit, ex
quo alter condemnatus fuit, tenetur ad
restitutionem totius damni inde alteri se-
quuti. Docent hoc M. Soto vbi supra, &
communiter Doctores. Probat, nam
contra iustitiam fuit causa efficax totius
damni alterius; ergo totum illud tenetur
restituere. Vnde si ex eius testimonio
alter ad mortem condemnatus est, tene-
tur falsus testis sua dicta retractare, quam-
uis inde certa mors ei impenderet: nam
vt diximus supra q. 62, art. 6 dub. 6. iustitia
commutativa postulat, vt si vitam proxi-
mi in periculum per iniuriam coniecimus,
vi;

vitam pro vita exponamus, sicut, & si abstulimus famam, vel pecuniam, exponamus famam pro fama, & pecuniam pro pecunia. Si retractatio facta in absentia, teste in loco tuto constituto, sufficeret ad liberandum à morte innocentem, ad hanc scilicet testis teneretur. Si, nec facta coram iudice aliquid ad hoc proficeret, ad eam testis non teneretur, sed sufficeret ei damna ex morte alterius sequuta reparare.

Dixi qui sciens vel ex ignorantia crassa: nam si testis falsum testimonium diceret ex ignorantia, vel inadvertentia, aut oblivione invincibili, non teneretur ad restitutionem, quia nec teneretur ratione rei acceptæ, nec ratione iniustæ acceptionis, ubi hic art. 4. docet Caiet. qui, & subdit: Si tamen prodesse potest explicando plurimam veritatem, teneretur ad hoc, ne ex hac taciturnitate inciperet nocumentum per accidens transire in nocumentum per se. Aduertit vero M. Bales ibidem, hunc teneri quidem revocare suum dictum; non tamen ex iustitia, cum nullam commiserit iniustitiam formaliter; sed ex charitate, ex qua tenetur à morte, aut alio graui damno eripere proximum; iuxta dicta dubio precedente; sicque nec cum notabili suo detrimento: nam si propterea incideret in infamiam, non teneretur dictum suum renocare. Idè dicendum est, si ignorantia, vel inadvertentia, aut obliuio fuerit culpabilis; non tamen mortifera, sed solum peccatum venia-

niale: nam vt diximus supra quæst. 62. art. 4. ad incurrendam obligationem restitutionis ex gravi damno illato, non sufficit peccatum veniale. Quod, & cum alijs ab eo citatis dicit Diana 3. p. tract. 51. miscel. resol. 105.

Dixi etiam, ex quo alter condemnatus fuit: nam si falsum testimonium nihil effecit, quia iam reus erat per alios testes conuictus, non tenetur falsus testis ad restitutionem: quia non est causa efficax damni, cū iam ex prioribus testimonijs esset illatum. De quo vide quæ diximus supra q. 62. art. 7. dubio 1. con. 1. Docet hoc etiā Diana cum alijs vbi supra.

Quæ diximus de eo, qui falsum testimonium dixit, dicunt etiam multi de illo, qui crimen omnino occultum contra iuris ordinem iniquè reuelauit. Sed hoc non est omnino certum: nam vt patet ex dictis supra q. 62. art. 2. dubio 3. con. 3. multi, & præsertim M. Soto docent, eum, qui verum crimen iniquè reuelauit, non teneri ad omnia damna in integrum restituenda, sicut tenetur qui falsum dixit.

Dicendum est 2. Testem, qui ante notificationem mandati, aut postquam est illi intimatum mandatum, se de industria occultat, ne testificetur, aut qui interrogatus a iudice præsentem non vult respondere, aut testificari veritatem, non teneri ad restitutionem ullam. Oppositum huius tenent M. Soto lib. 5. de iustitia q. 7. artic. 1. Nauarrus cap. 25. nu. 44. & alij, quorum
sen.

sententia absque dubio est probabilis. Notā
stram tamen conclusionem docent M. Ba-
ñes hic dubio 3. M. Ledesma 2. par. Sum.
tract. 8. cap. 25. con. 7. difficile. 5. dicto
3. vbi vtramque sententiam probabilem
esse dicit, & aliquos refert, & sequitur
Diana 3. par. tract. 3. miscel. resol. 101.

Probatur 1. ex D. Th. hic vbi ait, testem
si requiritur eius testimonium auctoritate
superioris, teneri ferre testimonium, quia
superiori tenetur obedire; ergo cum obe-
dientia non inducat obligationem restituē-
di etiam si nolit testis obedire, & ferre
testimonium non tenebitur ad aliquam
restitutionem. Confirmatur, quando quis
compellitur secundum ordinem iuris a su-
periore ad ferendū testimonium super his,
quæ pertinent ad cōdemnationem alicuius
etiam si non obtemperet, aut non testifi-
cetur, non tenetur ad aliquam restitutio-
nem; ergo neque quando compellitur ab
eodem superiore ad ferendam testimoniū
ad liberationem innocentis. præceptum
enim iudicis vtroque idem est, & obli-
gatio liberandi innocentem solum est ex
charitate, cuius violatio ad restitutionem
non obligat.

Secundò probatur, ante mandatum iu-
dicis, aut eius intimationem, aut notifica-
tionem, testis non tenetur testificari ex iu-
sticia commutativa; sed solum ex charita-
te, sicque etiam si fugiat aut se occultet, ad
nullam tenetur restitutionem: ac mandatū
iudicis non inducit obligationem iustitiæ
com-

ARTICVLVS I. 161

commutatiuæ, sed solum obedientiæ, & iustitiæ legalis, quarum violatio non obligat ad restitutionem; ergo nec post intimatum sibi præmandatum tenebitur testis, qui fugit, aut se occultat; & non testificatur, aliquid restituere. Si dicas, testem per præmandatū iudicis esse parti applicatum, ac proinde partem tunc habere ius in eum, partique facere iniuriam, si non testificetur, illique ad restitutionem damni teneri. Contra hoc est, per præmandatum iudicis primo, & per se ac immediate ordinatur testis ad Rempublicam, scilicet ad tribunal publicum; illique applicatur, ut illi deferuiat, parti vero solum applicatur secundo: at iniuria quæ fit tribunali non comparendo non obligat ad restitutionem lucri, quod haberent fiscus, & iudex ex condemnatione alterius partis; ergo nec quæ fit parti læsæ obligat ad aliquam restitutionem ipsi faciendam.

Tertio, quia si testis intimato sibi præcepto iudicis, aut ab hoc præsentate iuridice interrogatus teneretur reddere testimonium in fauorem partis aperiendo veritatem ex iustitia commutatiua, sequeretur cum æquali damno ac detrimento debere illud testimonium reddere, nam pars ad illud testimonium haberet ius sicut ad rem propriam; sed hoc est falsum, nam cum detrimento vitæ non tenetur reddere testimonium ad liberandum rem a morte; ergo, &c. Confirmatur, quia testis iuridice interrogatus, si semel respondet, tenetur

tur ex iustitia commutativa veritatem respondere, si falsum testimonium dicit, quo reus innocens ad mortem condemnatur, tenetur cum periculo vitæ se retractare, ut liberet a morte innocentem, ut patet ex dictis con. 1. ergo etiam si non dixerit falsum, sed noluerit iudici respondere, tenebatur cum vitæ periculo iterum redire ad iudicem, & veritatem aperire, & respondere, si ob omissum eius testimonium reus ad mortem condemnaretur destitutus probatione suæ innocentiz. At hoc est falsum, nam non tenetur cum tanto suo detrimento reum à morte liberare; ergo, &c.

Quarto, si Respublica, aut Princeps edito quodam generali præciperet, ut omnes diuites singulos pauperes sustentarent, vel hic illum, & ille alium in aliqua gravi necessitate, diues qui non sustentaret pauperem, peccaret quidem contra iustitiam legalem, & obedientiam, & contra charitatem proximi; non tamen contra iustitiam commutativam, sicque nihil teneretur restituere, ergo idem erit quando iudex præcipit testi, ut aperiat veritatem, quæ est in fauorem rei innocentis. Unde iudex solum eo modo quo potest applicat testimonium testis in fauorem rei, scilicet præcipiendo, & obligando illum secundum iustitiam legalem. Obligationem autem iustitiæ commutatiuæ non potest illi imponere suo præcepto ad iurandum, vel respondendum, Sicque si pollet iurare, aut

respondere, puniri quidem potest tanquā inobediens, sed non tenetur ad restitutionem damni sequuti reo. Immo etiam si iurauerit se dicturum veritatem, non tenetur ex iustitia commutatiua, sed solum ex religione respondere.

Si obijcias, ille, cui præcipitur, vt exhibeat scripturam publicā, si occultat eam, tenetur restituere parti litiganti omnia damna; ergo & ille cui præcipitur, vt veritatem aperiat, & non vult respondere. Responder M. Bañes negando consequentiam: quia scriptura est instrumentum publicum, ad cuius manifestationem habet ius quicumque indiget illo testimonio: vnde, qui occultat scripturam illam, aufert ius ab altero, & tenetur restituere. At testimonium ipsius testis non subiacer nisi dominio ipsiusmet: vnde si non reddit testimonium, nulli facit iniuriam contra iustitiam commutatiuam: sicut nec faceret, qui scripturam propriam, cuius solus ipse est dominus, nollet alteri prebere, aut commodare ad suam iustitiam probandam.



ARTICVLVS II.

*Verum sufficiat duorum, aut trium
testimonium.*

Conclusio est affirmans.

**Dubium, An iure naturæ requi-
ratur, & sufficiat duorum, vel
trium testimonium ad reum con-
demnandum.**

Est de hac re sententia P. Lessij lib. 2.
cap. 30. dubit. 4. nu. 25. duos requi-
ri testes ad condemnandum, non
esse proprie iuris naturæ, sed solum iuris
gentium, quod passim vocatur ius natu-
rale eo quod ratio naturalis omnes gentes
id docuit. Probat, quia Respublica Princi-
pi sapienti, & iusto posset dare potestatem
condemnandi ex propria scientia cum
vno teste, vel etiam sine teste: ac non pos-
set, si iure naturæ proprie dicto duo testes
requirerentur; ergo non requiruntur iure
naturæ proprie, sed solum iure gentium, in
quo Respublica dispensare potest.

Secundo quando testis est summæ
auctoritatis, & fidei, vnus est sufficiens
ad pœnam mortis, vel mutilationis infe-
rendum, quia ex ipso habetur sufficiens
certitudo, vt colligitur ex *L. Omnium, C.
De*

De testamentis; ergo non requiritur iure naturæ duorum testimonium.

Dicendum tamen est: in causis grauib; quando agitur de condemnatione alicuius ad mortem, vel mutilationem, aut aliam poenā magnā, iure naturæ requiri, & sufficere duorum, vel trium testimonium. Docent hoc M. Soto, lib. 5. de iust. q. 7. art. 2. M. Bañes hic dubio 1. & communiter discipuli D. Tho. & alij Doctores. Pro illius explicatione aduertendum est cum D. Thom. 1. 2. q. 94. art. 5 ad 3. *Quod aliquid dicitur esse de iure naturali dupliciter. Vno modo, quia ad hoc natura inclinat. Alio modo quia natura non inducit contrarium.* Binarius ergo numerus testium requiritur iure naturali primo modo. Talem vero numerum sufficere, solum est de iure naturæ secundo modo.

Probaturs: cum D. Thom. hic ex illo Deut. 17. v. 6. *In ore duorum, aut trium testimonii peribit qui interficietur.* Et infra c. 19. vii 5. *In ore duorum, aut trium testimonii stabit omne verbum.* Quod non esse solum de iure diuino, positum veteris legis, sed etiam de iure naturali ostensum est à nobis supra q. 67. art. 3. dubio 1. quia non est præceptum ceremoniale, aut iudiciale, sed morale; & teste D. Thom. 1. 2. q. 100. ar. 1. *Omnia præcepta moralia pertinent ad legem naturæ.* Continet autem duo... Primum requiri duos testes. Secundum duos sufficere; ergo vtrumque est de iure naturæ: primum quidem primo modo, secundum

166 **QVÆSTIO LXX.**

vero secundo modo dicto à Diu. Thom.
 Aduertit autem M. Soto vbi supra. *Ius natura, & diuinum non vsque adeo stabilire testimonium trium, vt censeat nullam ob causam exigi posse plures. Enim vero quamuis nisi hominum malitia animium excrefceret, duorum, vel trium abundaret testimonium: mortalium tamen fide, & iustitia deprauata, idem ius natura persuadet, vt testimonia firmiter requirantur, & maxime in defunctorum testamentis, qui suas voluntates post mortem affecturare nequeunt. Idem est quando damnandus est Episcopus, aut alius dignitatem ecclesiasticam habens, vt hic ad 3. docet D. Thom.*

Secundo probatur iure naturæ primo modo dicto requiri duos testes. Et quidem non sufficere priuatam Principis scientiam sine teste, probatum est à nobis supra q 67. artic 3. dubio 1. Non sufficere autem vnum testem cum priuata iudicis scientia, probatur: nam sicut ex vno teste absque iudicis scientia non habetur sufficiens certitudo, vt concedit P. Lessius vbi supra, ita nec etiam si addatur priuata iudicis scientia: debet namque certitudo esse publica, ad quam nihil facit priuata iudicis scientia.

Tertio probatur ratione D. Thom. hic: in actibus humanis super quibus constituntur iudicia, requiritur probabilis certitudo: sed quando reus negat, non est moralis certitudo veritatis, cum vnus solus testis affirmat, nam probabile non est, magis

ARTICVLVS II. 167

gis continere dictum vnus, quam alterius; ergo, &c. Confirmatur, reo negante: & vno solo teste affirmante, res est dubia, sed in dubiis meliorem esse conditionem possidentis ratione naturali constat; ergo cum reus sit in possessione bonorum suorum, condemnari non debet.

Dixi in causis grauibus; nam in causis leuibus sufficit vnus testis, quando ita expedit bono communi: cui in causis grauibus nunquam expedit: quia nullus esset tutus, & perturbatio boni communis esset, si in causis grauibus sufficeret vnus testis. Ex quo fit solo testimonio custodis montium posse fieri leuem aliquem castigationem, absque infamia: ad grauem tamen damnationem non sufficit, absque aliis iudiciis, prædicti custodis testimonium, si reus negat, sed solum ad inquirendum, examinandum, & minandum.

Dixi etiam quando agitur de condemnatione alicuius: nam vt constet ex Cap. *Paruulus*, & Cap. *Cū itaque*, De consecrat. dist. 4. vnus testimonium dicentis puerum aliquem esse baptizatum sufficit ne rebaptizetur. Sufficit quoque vnus testis cum accusatore ad torquendum reum: nam hoc nō est ipsum condemnare per sententiam definitiuam, sed tormento interrogare, ac veritatem inquirere, quod iudex facere potest, sicut, & præcepto, etiam si vnus tantum sit testis.

Vt autem duo testes plene probent, debent esse contestes, & concordēs, ait namque

168 QVÆSTIO LXX.

que D. Thom. hic ad 2. *Discordia testium* in aliquibus principalibus circumstantiis, quæ variant substantiam facti (puta in tempore, vel loco, vel personis de quibus principaliter agitur) auferat efficaciam testimonij: quia, si discordant in talibus, videntur singulares esse in suis testimonijs, & de diuersis loqui. Puta si unus dicat hoc factum esse tali tempore, vel loco, alius alio tempore vel loco, non videntur de eodem facto loqui. Non tamen præiudicatur testimonio, si unus dicat se non recordari, & alius asserat determinatum tempus, &c. Si vero sit discordia testimonij in aliquibus circumstantijs non pertinentibus ad substantiam facti, puta si tempus fuerit nubilosum vel serenum, vel domus fuerit picta aut non, aut aliquid huiusmodi, talis discordia non præiudicat testimonio. Nonnulli Iurisperiti dicunt plene probari aliquem esse hæreticum, si unus testis deponat se audiuisse vnā hæresim, & alius aliam. Sed falluntur, nam idem dici posset de furto, & alijs delictis. Et quamuis hæresis aut quodlibet aliud delictum plures contineat species aut facta: vt tamen genus plene probetur per eius species, vnā ex his plene probatam esse oportet. Hoc libenter concedimus, eiusmodi probationem plusquam semiplenam esse, cum testes sibi mutuo indicium addant, & singuli ad semiplenam sufficiant.

Requiritur etiam vt duo testes plene probent, iuratos deponere: nam vt dicitur in Cap. Nuper nobis, De testibus: Nullius testimonio quantumcūque religiosus existat (ni-
si in-

si iuratus deposuerit) in alterius praiudicium debet credi. Ex quo Rodrigues tom.2. Sum. tract. de ordine iudiciario cap. 8. con.2.& alij colligunt, processus etiam regularium validos non esse, nisi subditi iurati deponant, quamuis eis in virtute sanctæ obedientiæ deponi præcipiatur. Sed falluntur, praxis enim nostræ Religionis Prædicatorum est, vt testes deponant non sub iuramento, sed facto sibi præcepto a Prælato, & quandoque addita pœna excommunicationis, vt patet ex tractatu De iudicijs in Ordine faciendis, cap. 4. hoc enim equiualeat iuramento, cum ad culpam mortalem obliget. Eundem etiam vsum receptum esse credo, si non in omnibus, in multis alijs Religionibus. Nec obstat caput citatum: nam ibi est sermo de quodam presbytero, qui Religionem Minorum intrauerat, & antequam professionem emitteret, ab ea exiuit. Religiosi professionem fecisse dicebant, ad hocque probandum Custos quosdam ordinis sui testes induxit, qui super hoc non iurati deposuerunt apud Episcopum. Vnde merito Papa eorum testimonio credi non debere respondit: quia debuissent iurati deponere apud Episcopum, qui nõ aliter eos ad veritatem dicendam obligare poterat, sicut possunt prælati regulares subditos suos supradicto modo, quando contra delinquentes etiam subditos processus formant.

Denique requiritur, vt sint omni exceptione maiores, & factum sensu externo

h †

per.

perceperint: (quia non possunt esse certi de facto externo, nisi per aliquem sensum) v.g. homicidium, aut furtum visu, & hæresim, aut blasphemiam auditu. Si solum autem ab alijs audierint, non probant plenè.

Ad 1. autem factum in principio respondetur negando antecedens, fallum enim esse patet ex dictis supra quæst. 67. artic. 3. dubio 1.

Ad 2. respondetur, negando antecedens, quod non colligitur ex Lege citata, nam in ea non agitur de condemnatione alicuius ad poenam mortis, vel mutilationis, sed circa testamenta, ad quæ, ut dicunt M. Soto, & Bañes ubi supra, vnus eximie auctoritatis, qualis est Imperator, testimoniū sufficiens iudicatur, ac per consequens ad condemnationem circa hæreditatem, quæ cum sit circa bona temporalia, supra quæ Respublica habet potestatem respectu boni publici, non est eadem ratio, ac de cōdemnatione circa vitam, aut membra corporis. Nam Respublica reputans esse bonum publicum, quod Princeps sit tantæ auctoritatis circa testamentum confirmandum, transfert dominiū hæreditatis, in quem Imperator dixerit transferendū esse secundum voluntatem testatoris. Non tamen potest auferre vitam, aut membra, supra quæ non habet potestatem, nisi duobus testibus fuerit probatum crimen, ob quod homo est reus mortis.

Quæstio 68. De iurisdictione Episcoporum.

*Verum alicuius testimonium sit
absque eius culpa repe-
lendum.*

Conclusio est affirmans.

Hic à nobis solum aduertendum est, testes inhabiles, & minus idoneos admitti ad testificandū, quando nec sunt, nec solent esse alij idonei, vt docet Nauarr. cap. 25. num. 50. vbi & num. 49. ait: *Quod regulariter priuilegiati possunt cogi ad testificandum in defectum aliorum testium etiam maritus contra uxorem, & e contrario.* Vnde Diana 3. p. tract. 5. miscel. resol. 63. asserit propter excommunicationem latam in aliquo monitorio, si non adsunt alij testes, priuilegiatos esse astrictos ad reuelandum crimen occultum sui coniuncti. Refert tamen Gabrielem Pereira contrarium docere, sed an probabiliter, alijs iudicandum relinquit. Nonnullis recentioribus id non videtur improbabile, maxime si persona sit valde coniuncta, & alias crimen non vergat in damnum commune imminens.

Circa artic. 4. nihil se offert dicendum. Quod in eo ad 2. dicit D. Thom. *In iudicio indicium non est indicium*, explicant late

172 QVÆSTIO LXXI.

Caiet. hic, M. Soto lib. 5. de iustitia, quæst. 7.
art. 4. & M. Bañes supra quæst. 60. artic. 5.
Vide illos.

QVÆSTIO LXXI.

*De iniustitia, qua fit in iudicio
ex parte aduoca-
torum.*

ARTICVLVS I.

*Vtrum aduocatus teneatur præ-
stare patrociniū causæ
pauperum.*

Conclusio est negans.

VT causæ pauperis aduocatus patrociniū præstare teneatur, opus est, ut non in promptu appareat, quomodo ei aliter possit subueniri: Si autem in promptu appareat, quomodo aliter ei subueniri possit, vel per se ipsum, vel per aliam personam magis coniunctam, aut maiorem facultatem habentem; non tenetur ex necessitate indigenti subuenire. Inquit D. Thom. Quod Caietanus, ita explicat. Tunc in promptu dicitur apparere modus,
quo

quo potest subueniri, quando absque inquisitione offertur modus, quo potest, non qualitercunque, sed potentia probabiliter coniungenda actui: ut si quis videt pauperem vexari, & scit illum habere fratrem aduocatum, satis in promptu videt, quomodo potest ei aliter subueniri cum effectu probabiliter.

Dicit deinde Caietanus: Tripliciter causa pauperis, occurrere potest aduocato. Primo ad extremam spectans necessitatem simpliciter, & tunc tenetur sub peccato mortali, si alius non appareat, qui subueniat tempore suo. Secundo ut ad magnam pauperis necessitatem spectans, & tunc si alius non appareat, qui suo subueniat tempore, tenetur, sed non sub mortali. Tertiò quando apparet alius patrocinator, & tunc de consilio est, operam suam praueniendo impendere.

Hoc tertium manifestum est. Primum etiam est certissimum; cuius exemplum est, cum pauperi imponitur crimen, ob quod plectendus sit capite, vel spoliandus omnibus bonis, & in extremam conijciendus inopiam. In qua extrema necessitate tenetur aduocatus pauperi patiocinari cum detrimento necessariorum, non quidem ad sustentationem personæ, sed ad suum statum, ut hic dubio 1. conclus. 2. docet M. Bañes.

Secundum vero, quod Caietanus ait, licet Nauarrus cap. 25. num. 29. admittat; omnino displicet M. Soto lib. 5. de iustitia, q. 8. art. 1. ubi de Caietano dicit: *Mirandum*

174 . QVAESTIO LXXI.

quomodo sui ipsius fuerit oblitus : nam 2. 2. q. 32. art. 5. legitime D. Thom. interpretatus duos confessus est casus praeccepti eleemosynae sub mortali, videlicet necessitatem extremam de necessarijs, & gravem de superfluis, &c. Igitur non est dubium, quin perinde atque in alijs eleemosynis in patrocinio locum etiam habeat gravis necessitas, ut in loco citato ait S. Thom. quod recte Syluester agnouit in verbo Aduotus, 9. 18. Idem sentit M. Bañes hic dubio 1. con. 2. ubi & ait: in graui necessitate pauperis, nempe si iniuste damnandus esset ad trirèmes, vel ad publicam flagellationem, vel ad durum carcerem, teneri ei patrocinari aduocatum cum detrimento necessariosi, non quidem ad suum statum, sed ad decentiam status.

Quod dictum est de aduocato, dicendum est etiam de alijs iustitiae ministris, procuratoribus scilicet, & tabellionibus, & ut hic concludit D. Thom. Idem dicendum est de medico, quantum ad curationem pauperum.



Vtrum conuenienter aliqui secundum iura arceantur ab officio aduocati.

Conclusio est affirmans.

Q Værit. M. Soto lib. 5. de iustitia, qu. 8. art. 2. vtrum, dum quis se contra ius in hoc officium insinuat, peccet mortaliter. Et respondet: *Quod si defectus non multum ad rem referat, non est mortale crimen: immo potest fieri etiam citra veniale. Vt si mutus scrip:o consulat, & emendatus infamis. Si tamen absque vlla iuris peritia, & negotiorum experientia ingereret se, non esset à mortali culpa immunis: quandoquidem in illo periclitaretur causa sibi credita.*

M. Bañes hic dubio 2. con. 1. addit, hunc peccare contra iustitiam, quia ex officio tenetur aduocatus esse instructus sufficienti peritia, vt idoneus sit, & vt talis stipendia exigit. Vnde si causam clientis perdit, tenetur restituere totum damnum, quod inde euenit clienti, etiam si gratis patrocinetur. Idem est, si ob negligentiam aduocatus alias idoneus perdit causam clientis: quia lege iustitiæ tenetur suo clienti pro causæ conditione diligentiam præstare. Idem est etiam de procuratoribus, qui sicut, & aduocati, si fuerint negligentes,

176 **QVÆSTIO LXXI.**

tenentur restituere de leui culpa, vt vbi supra conclus. 2. ostendit prædictus Mag. Bañes.

Si quærās, an iudex possit esse aduocatus? Respondetur cum Syluestro verbo *Aduocatus*, q. 2. §. *Quarto*, non posse in eadem causa: *Quia duo officia in eadem causa prohibentur exercere* 4. q. 4. cap. 1. & 2. Non est tamen improbable, aduocatum posse esse iudicem in causa, cuius patronus fuit, vt cum Corduba in Sum. quæst. 259. tenet Diana 3. p. tract 5. miscel. resol. 56, Nam, quamuis id prohiberi videatur in *L. Prætor*, ff. De iurisd. omnium Iud. quia tamen dicta lex fundatur in præsumptione affectionis, quæ est contra talem iudicem, procedit in foro exteriori; in foro tamen conscientie, si alias cessat omnis inordinatus affectus, & sententiam profert secundum leges nullo habito respectu ad affectionem carnalem, videtur non peccare talem iudicem, etiam si altera parte inscia iudicet.



ARTICVLVS III 177

*Vtrum aduocatus peccet, si in
iustam causam de-
fendat.*

Conclusio est affirmans.

Non solum grauiter peccat aduocatus
scienter iniustam causam defendens,
sed etiam, vt hic ait D. Thom. *Ad restitu-
tionem tenetur eius damni, quod contra iusti-
tiam per eius auxilium altera pars incurrit.*
Addit M. Bañes hic dubio 3. clienti etiam
teneri restituere expensas, quas facit, si eū
bona fide procedentem non monet de
causæ iniustitia. Si autem illum monuerit,
nihil ei tenebitur restituere: quia scienti,
& volenti nulla fit iniuria.

Dicit præterea D. Thom. hic ad 2. *Ad-
uocatus si in principio credidit causam iustam
esse, & postea in processu appareret eam esse iniu-
stam, non debet eam prodere, vt scilicet alian-
partem inuat, vel secreta sue causæ alteri parti
reuelet: potest tamen, & debet causam desere-
re, vel eum, cuius causam agit, ad cedendum
inducere, siue ad componendum sine aduersarij
damno. Quod intelligendum est, nisi id
fuerit necessarium ad liberandum partem
contrariam à morte, vel graui infamia, aut
alio damno iniquo, quale etiam est in ciui-
libus causis ammissio totius census sui, aut*

178 *QVÆSTIO LXXI.*

magnæ summæ pecuniæ, vnde decidat à suo statu: tunc enim aduocatus tenetur meliori modo, quo poterit admonere partem contrariam de iniustitia suæ partis, & si opus fuerit iustificari iuxta doctrinam D. Thom. supra q. 70. art. 1. ad 2. vt hic dub. 4. docet M. Bañes.

Si quæras, an aduocatus, qui fraudibus, cautelis, & mendacijs vtitur præsentando falsas scripturas, & alia huiusmodi faciendo, peccet contra iustitiam, & ad restitutionem teneatur? Respondetur cum Mag. Bañes hic dubio 5. si causa, quam defendit fuerit iudicio omnium, aut ferè omnium Iurisperitorum iusta, non peccare contra iustitiam, sicque nec teneri ad restitutionem: quia nullam iniuriam facit parti contrariæ, quin potius impedit eam ab iniuria facienda. Si verò causa, quam defendit, fuerit iniusta, peccat contra iustitiam, & tenetur ad restitutionem damni, quod incurrit altera pars, vt diximus: non tamen tenetur restituere fisco, aut accusatori commodum, quod erant habituri ex condemnatione rei; si illum non defendisset, sicut nec ipse reus tenetur: quia poena non debetur, nisi sequuta sententia, sicque nec compensatio. Et quamuis fraudibus istis faciat iniuriam Reipublicæ, quatenus pervertit iudicium publicum: hæc tamen iniuria non est contra iustitiam commutativam, sed legalem; sicque non obligatur ad restitutionem: qualis est etiam iniuria rei.

rei falsum testem subornantis, vt poenam euadat.

Si quæras secundo, an aduocatus possit defendere causam dubiam? Respondet M. Soto lib. 5. de iustitia, q. 8. art. 3. Si inæquilibrio dubitatio pendeat, posse quam libuerit partem defendere: hinc enim omnes lites pendunt, quod res, aut iure, aut facto in dubio versantur. Si vna pars minoris sit probabilitatis, quam alia, in causis minoris momenti, non esse omnino condemnandum, qui infirmiores, ac debiliorem causam defenderet. In causa vero mortis, aut sanguinis, aut vbi honor alicuius periclitatur, primum esse rei (nisi perniciosissimus haberetur) suscipere patrocinium, etiam si eius causa minoris esset probabilitatis. Actori autem contra reum patrocinari, nisi minimum tanta vigeat probabilitate accusatio, quanta defensio, ingens esse scelus: quoniam melior est conditio possidentis maximè in favorem honoris, & vitæ. Mag. Bañes hic dubio 6. dicit, non esse peccatum contra iustitiam, quod aduocatus suscipiat actoris partem minus probabilem: tum quia sæpe contingit causam, quæ in principio litis videbatur minus probabilis, postea in processu euadere magis probabilem facta examinatione diligenti: tum etiam quia iudices solent aliquando iudicare secundum illam partem probabilem. Contra charitatem tamen peccare aduocatum, si suscipiat partem actoris minus probabilem in causis criminalibus, aut ciuilibus.

180 **QVÆSTIO LXXI.**

vbi agitur de periculo rei, ita vt incidat in
 extremam necessitatem : tum quia quili-
 bet tenetur succurrere proximo existenti
 in graui, aut in extrema necessitate, tum
 etiam, quia aduocatus tenetur in tali casu
 ex charitate patrocinari reo existenti in
 extrema necessitate, aut graui : tum deni-
 que, quia ipse actor peccat mortaliter cō-
 tra charitatem agendo contra reum. Hoc
 verum esse sentit P. Lessius lib. 2. cap. 31. du-
 bit. 9. num. 54, quando causa potiri parum
 interest actori. Alij absolutè dicunt, licere
 Aduocato causam sibi probabilem, relicta
 probabiliori, defendere : quia ad eius mu-
 nus solum spectat merita causæ sui clientis
 allegare, & iudici examinanda, & deciden-
 da proponere ; sicque siue res sit maioris,
 siue minoris momenti, siue ciuilis, siue cri-
 minalis, non peccabit aduocatus contra
 iustitiam, nec contra charitatem talem
 causam suscipere. Quod mihi probabi-
 le videtur : nam si probabile est, iudi-
 cem, tam in causis ciuilibus, quam cri-
 minalibus posse licitè sequi ex opinionib;
 probabilibus ex parte iuris, aut facti,
 quam maluerit, etiam si sit minus proba-
 bilis, vt patet ex dictis supra q. 67. artic. 3.
 dubio 2. con. 7. multo magis erit probabi-
 le, id licitum esse aduocato, sicque causam
 sibi probabilem relicta probabiliori defen-
 dere. Vnde Mag. Lorca 1. 2. quæst. 19.
 artic. 6. disp. 39. membro 2. ait : vnuer-
 sim dicendum esse, aduocatum posse sub-
 sidium ferre cuicunque, cuius iustitia pro-
 ba.

babili nititur opinione . Immo non solum quando sunt probabiles sententiz , sed & si res sit dubia omnino , aduocatum non peccare patrocinando . Et probat , quia aduocatus , nec sententiam profert , nec iudicem cogit proferre : solum proponit , quæ sui clientis ius cõfirmare possunt , quæ proponere iudici in causa dubia , aut probabili non est iniustum , sed iuuat , vt à iudice causa melius expendatur , & dirimatur .

Ad rationem M-Soto responderetur , si illa efficax esset , concludere etiam , quando inæquilibrio dubitatio pendet , non posse aduocatum causam actoris suscipere , quoniam melior est conditio rei , qui possidet vitam , aut honorem . Vnde hic dubio 6. ad 1. ait M. Bañes , non propterea dici esse melioris conditionis , qui possidet , quia nemo possit litigare contra illum , sed quia iudex facta examinatione , si adhuc causa fuerit dubia , debet ferre sententiam in fauorem possidentis . Cum autem in solo dubio melior sit conditio possidentis ; si vtraque parte sint opiniones probabiles , potest iudex , quam maluerit sequi , vt diximus supra q. 67. art. 3. dubio 2. con 7. & multo magis aduocatus , quam voluerit partem tueri .

Ad rationem M. Bañes responderetur , illā solum procedere , quando innocentia rei certa , & nota est actori , & aduocato , & alijs : nam quando dubia , & sub opinione est , & actori licitum est petere vindictam ,

&

182 **QVÆSTIO LXXI.**

& aduocato ipsi patrociniū ferre, & alijs reo non succurrere; quamuis enim sit in extrema necessitate, in hac etiam sunt omnes, qui condemnantur ad mortem, quibus tamen nullus succurrere tenetur, nisi certa, & nota sit eorum innocentia, alias contra homicidas, qui suspenduntur, nullus posset esse actor, vel aduocatus.

ARTICVLVS IV.

*Utrum aduocato liceat pro suo
patrocinio pecuniam
accipere.*

Conclusio est affirmans.

Licetam id esse aduocatis docet D. Thom. Dum tamen moderate accipiant, considerata conditione personarum, & negotiorum, & laboris, & consuetudine patriæ. Si autem per improbitatem aliquid immoderate extorqueant, peccant contra iustitiam.

Quando pretium aduocatorum est lege taxatum, inquit Mag. Soto, libro quinto de iustitia, & iure, quæst. 8. articulo quarto. Dabitari non licet, quin sit peccatum iniustitiæ, quicquam ultra ex pacto suscipere;

ARTICVLVS IV. 183

re : & qui plus percipit , ad restitutionem tenetur . Si lex modo sit usu recepta , neque annuente principe abrogata . Si lex esset abrogata , non tenetur aduocatus ad antiquum stipendium , sed posset sibi accipere incrementum usque ad limites iusti pretij . Idem est de notarijs , & alijs iustitiæ ministris . Nec obstat iuramentum seruandi statuta , quod in principio sui officij faciunt : nam non intelligitur de statutis , quæ abierunt in desuetudinem , sed de his , qui sunt in viridi obseruantia ; vt cum Sanchez , & Molfes , ait Diana secunda parte , tractat. 3. miscellaneo. resolution. 60.

Quando vero pretium non est lege taxatum , inquit M. Soto , vbi supra : Tunc superest dubitandi ratio , utrum iurisperito . quantum exprimere potuerit , exigere liceat . Respondetur nihilominus , id non esse licitum . Nam rerum alia sunt non simpliciter ad usum humanum necessaria : quæ idcirco licet tanti aestimentur , quanti vendi possunt ; non vergit in Reipublica perniciem . Sed alia sunt humana vsui omnino necessaria , vt frumentum , vinum , lana , &c. quæ circa iniuriam distrahi nequeunt , nisi iusto pretio pro ratione temporum , & locorum : atque huius generis sunt forentia munera . Vnde si aduocatus ultra iustum pretium , quod scilicet tale habetur prudentium iudicio , aliquid accipiat , id restituere tenetur .

Nauarrus cap. 29. num. 30. peccare inquit aduocatum : Qui conuenit de quora parte

184 **QVABSTIO LXXI.**

re litis, puta dimidia, aut tertia, aut quinta,
aut decima, contra L. Sumptus ff. de pact. L.
Litem, C. de procur. & S. Arcentur 3, quast. 7.
quibus id vetatur ne prabeatur occasio volendi
per fas, & nefas vincere. Diana tamen 2. p.
tract. 2. miscel. resol. 49. dicit, id solum esse
prohibitum in foro exteriori, non autem
in foro conscientiae: quia leges citatae fun-
dantur in praesumptione fraudis, & iniusti-
tiae; sicque quoties deficit talis praesum-
ptio, leges istae non obligant; licitumque
proinde esse pactum inter aduocatum, &
clientem de quota litis, ubi nullum est pe-
riculum iniustitiae alicuius actionis in ad-
uocato, ut aduocatus ardentiori stu-

dio defensionis iustae incumbat,

& cliens se ipsum à molestia

sepius illum adeundi

liberet. Quod &

alii, quos ibi

citat

asserunt; mihi que non

videtur impro-

babile.



QVAESTIO LXXII.

De verborum iniurijs, quae inferuntur extra iudicium.

ARTICVLVS I.

Verum contumelia consistat in verbis.

Conclusio est affirmans.

Dubium quid, & quotuplex sit contumelia.

Varie solet à Doctoribus contumelia diffiniri. M. Bañes hic sic eam definit: Contumelia est iniuria, qua obijcitur peccatum aliquod coram, & in praesentia eius, cui irrogatur iniuria. Alij sic: Contumelia est manifestatio defectus proximi in praesentia cum iniuria, per qua honor aufertur. Alij aliter.

Dicendum tamen est: Contumeliam sic optimè definiri posse: Contumelia est dehonoriatio alicuius per verba, quibus, id quod est contra honorem alicuius, deducitur in notitia eius, & aliorum. Colligitur hæc definitio, quoad omnes eius partes ex D. Th. hic.

Pri.

Prima particula est, De honoratio, quæ ex D.Thom. colligitur hic dicente: *Contumelia importat dehonorationem.* Est autem dehonora-
tio iniuria, quæ contra honorem fit, seu honoris ablatio. Unde per hanc particulam differt contumelia a detractio-
ne, quæ est nigratio aliene famæ, vt patet ex q. seq. art. 1. Quid inter honorem, & famam intersit, colligitur ex D.Thom. nam infra q. 103. a. 1. docet, honorem testificatio-
nem quandam importare de excellentia alicuius, & q. 73. art. 1. & 2. famam esse bonam opinionem multorum de vita, & moribus, aut bono alterius. Ex quo patet, famam consistere in interna opinione, seu existimatione; honorem verò in externa
testificatione. Unde cum actus interni perfectiores sint externis, vt patet in actu fidei interno, & confessione externa fidei, fama quid excellentius est honore, vt docent M. Soto. tib. 5. de iustitia qu. 10. artic. 3. ad 2. & M. Bañes hic dubio 6. Oppositum huius asserit P. Lessius lib. 3. cap. 11. dubit. 1. num. 5. & probat: cum ex Arist. 4. Ethic. cap. 3. dicente, honorem esse maximum inter bona externa: tum etiam, quia honor includit famam, seu opinionem excellentiæ, & præterea eius testificationem, & manifestationem. Sed neutrum horum probat intentum: nam cum fama in iudicio interno, opinioneque intellectus consistat, non est connumeranda inter bona externa, de quibus loquitur Aristoteles. Falsum etiam est, honorem famam includere, cum
con-

constet sæpe peccatores, de quibus sinistra habetur existimatio, honorari, sicut & cōtra, non honorari iustos, qui bonam habent opinionem in populo. Vnde M. Soto ubi supra inquit: *Pretiosior est bona existimatio, quam populus habet de tua probitate, quam honor, puta reuerentia, qua sæpè mendaciter exhibetur, & vase, &c.*

Secunda particula est. Per verba, quæ etiam colligitur ex D. Thom. hic dicente: *Contumelia propriè loquendo in verbis consistit.* Contumeliosus quidem, quandoque factis contumeliis inferunt; non tamen quatenus facta sunt, sed quatenus per talia facta aliquid significatur, quod est contra honorem alicuius, & in quantum facta habent vim verborum significantium, vt hic in corp. & ad 2. docet D. Thom. hisque exemplis explicat M. Soto lib. 5. de iustitia qu. 9. ar. 1. *Dum enim quis fores alienas effringit furandi animo, non contumeliosus, sed larrus est. Si autem in vituperium, & vilipendium domini conetur, sit contumeliosus. Significat enim res illa dominum floccipendere. Pariter si quis fuisse agasonem cadat non animo de honestandi, sed ferendi, non perinde contumeliosus est, atque si nobilem pulsaret, non vt dolorem incuteret, sed vt auferret honorem.*

Tertia particula est. Quibus id quod est contra honorem alicuius deducitur in notitiam eius, & aliorum. Quæ etiam colligitur ex D. Thom. hic dicente: *Cum aliquis id, quod est contra honorem alienius, deducit in notitiam eius, & aliorum, hoc propriè pertinet*
ad

ad contumeliam. Hinc colligit Caietanus; de ratione contumeliæ esse, ut dicatur coram illo, cui infertur, atque: *Ad hoc, quod actus aliquis sit per se, & directè contumelia, exigitur, quod directè contra honorem tendat proximi. Non tendit autem directè, & per se contra honorem alicuius, qui illum reueretur, qui occultè intendit iniuriari, sed solus ille, qui eum sic parvipendit, ut ad manifestam sibi iniuriam tendat. Et propter hoc in littera dicitur, quod contumelia id, quod est contra honorem alicuius, deducit in notitiam eius. Quod tripliciter contingere subdit. Vide illum. Per hanc etiam particulam differt contumelia à detractiōe, sicut, & per primam. Vnde D. Thom. qu. 73. art. 1. ait: *Detractio differt à contumelia dupliciter. Vno modo, quantum ad modum proponendi verba: quia scilicet contumeliosus manifestè contra aliquem loquitur; detractor autem occulte. Alio modo, quantum ad finem intentum, siue quantum ad nocumentum illatum: quia scilicet contumeliosus derogat honori, detractor fama.**

Ex his infert M. Bañes hic dubio 1. contumeliam, & detractiōem habere se, sicut excedens, & excessum, contumeliam. que excedere detractiōem, quantum ad modum, quo infert nocumentum, nempe manifestè, & per apertam violentiā, quod peius est, quam illud inferre occultè, & secretè. Detractiōem verò excedere contumeliam, quantum ad obiectum: nam detractio versatur circa famam, quæ maius bonum est, quā honor, circa quem

versatur contumelia. Sicque absolutè loquendo detractiōem grauius peccatum esse contumelia: nam maius bonum aufert, & maius damnum infert.

Sed M. Soto lib. 5. de iustitia, q. 10. art. 3. ad 2. absolutè docet, contumeliam peiorem esse detractiōe; quæ & videtur esse sententia D. Thom. infra q. 73. art. 3. ad 2. dicentis: *Grauius peccatum est contumelia, quàm detractio, sicut, & rapina est grauius peccatum, quam furtum.* Probat etiam M. Soto: *Obiecta enim propria, & formalia contumelia, & detractiōis nō sunt honor, & fama. sed rationes inuoluntarij: & inde colligitur contumeliam esse acerbiorē: nempe, quia per eam, quis patitur inuoluntarium vi, & per detractiōem non nisi ignorantia.*

Dicendum est 2^o Contumeliam esse vnius speciei atomæ. Docet hoc Caietanus hic his verbis: *Proculdubio contumelia vnius est speciei specialissimæ ex unitate honoris, contra quem tendit specificam unitatem habens, sicut detractio ex unitate fame.*

Probant, nam iidem defectus spectant ad detractiōem, & contumeliam, vtraque enim dici possunt; ergo omnes defectus, qui dicuntur, se habent ad hæc vitia, non vt materia, circa quam formaliter versantur, sed materialiter. Formaliter autem circa illa versantur, quatenus ordinantur ad finem dehonorationis, vel infamiae. At omnes defectus, quatenus honorem lædunt, vnius sunt rationis, & ad contumeliam.

meliam spectant; quatenus verò famam minuunt, vel auferunt, vnius alterius sunt rationis, & ad detractionem pertinent, ergo licet detractio, & contumelia specie distinguantur secundam diuersitatem finis, ad quos ordinant defectus, quos dicunt; omnes tamen contumeliae eiusdem erunt rationis, & speciei, sicut, & omnes detractiones, quamuis defectus, qui dicuntur, nempe furtum, adulterium, hæresis, &c. specie distinguantur materialiter, & secundum de sumpti.

Subdit verò Caietanus; *Est tamen in utrisque cum unitate specificæ diuersitas graduum secundum magis, & minus, dum unus defectus magis dehonorat, aut infamat, quam alius.* Ex quo M. Soto lib. 5. de iustitia, quæst. 9. art. 1. ad finem (vbi Caietanum sequitur, & nostram conclusionem tenet) infert: *Augeri tantum potest contumelia grauitas, ut eius expressio de necessitate sit confessionis. Ut si quem hereticum, aut traditorem, aut quid simile appelles, id ipsum est confessione explicandum. Quod & debent dicere, quando erent, circumstantias notabiliter aggrauantes esse in confessione aperiendas; Qui autem tenent, solas circumstantias mutantes, speciem esse in confessione manifestandas, consequenter dicunt, huiusmodi defectus non esse in confessione aperiendos, sed fati esse, se accusare graui contumeliā dixisse.* Ita Diana 1. p. tractatu de circumst. aggrauan. resol. 28, vbi quāplures Doctores refert

fert pro nostra conclusione.

Aduertunt tamen nonnulli, contumeliā illatam parentibus habere specialem malitiam contrariam pietati parentibus debitæ, sicut eandem habet derisio, illusio, & sublatio contra eosdem parentes; ideo, que hanc circumstantiam esse necessario exprimendam in confessione.

Circa artic. 2. nihil se offert dicendum præter id, quod in eo docet D. Thom. Vide illum.

Circa articulum 3. vide M. Soto libro 5. de iustitia quæst. 9. art. 3. vbi ait, quandoque licitum esse obicere crimen, verum ei, qui nos dehonestat contumelia, dummodo faciat ad infirmendam fidem illius, & M. Bañes super hunc articulum dubio vnico, conclus. 2. vbi addit, si ad hoc obijciatur crimen falsum, esse quidem peccatum, non tamen mortale, sed veniale mendacij.

Circa articulum 4. nihil se offert scribendum.



QVAESTIO LXXIII.

De detractioe.

ARTICVLVS I.

*Utrum detractio conuenienter diffi-
niatur quod est denigratio alie-
ne fame per verba.*

Conclusio est affirmans.

HÆc definitio, cui in articulo additur;
Occulta, ex dictis circa diffinitionem
contumelie quæst. præced. art. 1. patet. Mo-
do breuiter dico, detractioem esse deni-
grationem, hoc est ablationem, vel dimi-
nutionem, non quidem honoris, sed fame
per occulta verba, hoc est dicta in absen-
tia eius, cui detrahitur. Notandi sunt au-
tem modi detrahendi adducti à D. Thom.
hic ad 3. quem vide, & M. Soto lib. 5. de iu-
stitia q. 10. art. 1.



*Vtrum detractio sit peccatum
mortale.*

Conclusio est affirmans.

Dubium primum. *An reuelare crimen occultum uni viro prudenti, qui retinebit secretum, sit peccatum mortale.*

DVæ sunt de hac re Doctorum sententiæ. Prima est Caietani hic in principio Commentarij, quem sequuntur Nauarrus cap. 18. num. 33. Cordubę lib. de detractioe, & famę restitutione, quęst. 2. con. 5. ad finem. & aliorum non esse peccatum mortale.

Probat Caietanus: *Non leditur fama proximi saltem notabiliter ex hoc, quod narratur secreto crimen eius tali personę, apud quam perinde erit, ac si non esset dictum; ergo non est peccatum mortale reuelare crimen tali personę, qualis est vir prudens, qui retinebit secretum.* Consequentia patet, nā vt constat ex D. Thom. hic detractio materialiter, aut proferre verba detractoria, siue intentione diminuendi, & denigrandi famam, solum est peccatum mortale, quando notabiliter fama leditur. Antecedens

dens probatur. Tum quia non læditur notabiliter fama, ait Caiet. In colloquijs inter virum, & uxorem de criminibus filiorum, & in confessionibus eorum, qui confitentes peccata propria dicunt imprudenter confessi, in quo cōfidunt, personam cum qua gravissimè peccaverunt, &c. Et ad hunc casum reducitur circa secreta siue commissa petitio consilij à secreta persona, ut possit providere sibi, vel alteri, & huiusmodi, quando hic sunt cum in secreto revelatione occulti criminis. Tū etiā inquit Caietan. Quia propterea non impeditur à bonis iustè consequendis, & unius notitia infamiam, non nisi secundum quid remote constituit, si in illo sititur, & verum, licet occultum, dictum est. Ergo non læditur notabiliter fama proximi.

Secūda sententia est M. Soto l. 5 de iustitia q. 10. a. 2. con. 4. quæ sequuntur cōmuniter discipuli D. Th. & alij recētiore, peccatum mortale esse. Probat M. Soto: Nam & si in suo pectore reconditum servet, tamen alius apud ipsam magnam patitur honoris, ac fame detrimentum. Mallem crimen meum notum esse tribus, aut quatuor: quam uni gravissimo viro. Nam quamvis ex una parte præsens periculum imminet ab illis divulgatum iri; quam ab isto: tamen ex altera plaris ego stimo in bona esse existimatione apud illum gravissimum, quam apud plures alios minoris auctoritatis.

Secundo probat M. Bañes hic dubio 1. con. 1. ex D. Thom. hic artic. 1. ad 2. dicente: Etiam si uni soli aliquis de absente

malum dicat, corrumpit famam eius nō in toto sed in parte. Ergo, etiam si dicat vni viro prudenti, peccat mortaliter.

Tertio probat idem M. Bāñes; iudicium temerarium est peccatum mortale, licet illud iudicium exterius non dicatur, quoniam læditur fama proximi in vno particulari: sed in casu huius dubij læditur fama proximi in vno; ergo est peccatum mortale.

Quarto probant alij recentiores ex illo Ecclesiastici 19. v. 10. *Audisti verbum aduersus proximum tuum, commoriatur in te, fidens, quoniam non te dirumpet.* Ergo cum sapiens non permittat, vt prudentem quæras, apud quem deponas verbum, quod contra fratrem audiuiſti, id facere mortale peccatum erit. Confirmatur, prudens, cui reuelas, & a te prudenter audit, poterit etiam alios similes prudentes inuenire, atque ita apud plures prudentes periculum infamiae subibit frater; ergo peccatum mortale erit, etiam viro prudenti reuelare.

Quinto probant iidem: ex opinione contraria sequitur aliquid oppositum comuni doctrinæ Sanctorum; nimirum auditorem detractionis, quando solus detractorem secreto audit, non debere detestari detractionem tanquam letale peccatum, sed propter prudentiam suam, quæ celaturus est, posse tollere tanquam veniale: sed hoc non est admittendum; ergo, &c. Confirmant, inhonoratio, quæ suffi-

196 QVAESTIO LXXIII.

cit ad mortalem contumeliam, etiam sufficit ad mortalem detractiōem: atqui si istud peccatum per contumeliam soli fratri quis exprobraret, peccaret mortaliter: ergo etiam quando apud vnum ei detrahit.

Dicendum tamen est: licet secunda sententia sit communior; primam tamen etiam esse probabilem. Si intelligatur Caietanus, (vt M. Bañes hic dubio 1. con. 2. intelligendum esse ait.) quando adest necessitas eius qui narrat crimen occultum, vel eius, cuius crimen narratur, vt contingit quando commisso stupro à filia, mater, vt suis, aut filiae commodis prospiciat, reuelat marito crimen occultum, vel consanguineo, vel confessorio; non solum probabilis, sed etiam certissima est eius sententia. Nam vt colligitur ex D. Thom. hic reuelare peccatum occultum alicuius propter bonum eius, vel Reipublice, vel tertiae personae, aut propter aliquod aliud bonum necessarium debitis circumstantijs obseruatis, non est peccatum, aut detractio.

Si vero intelligatur, quando nulla est necessitas reuelandi crimen, sed absque ea reuelatur indiscrete, & imprudenter viro prudenti, aut personae apud quam perinde erit, ac si non esset dictum, non quidem animo laedendi proximum, sed aliud intendendo, hoc etiam modo intellectam probabilem esse existimo primam sententiam Caietanica. Diana, & alijs quos

refert 2. p. tract. 3. miscel. resol. 22. & 3. p. tract. 5. miscel. resol. 33.

Probatur Caietani ratione: Non notabiliter læditur fama proximi in effectu, neque in intentione; ergo non est peccatum mortale. Antecedens probatur, non lædi enim in intentione constat. Non lædi etiam in effectu ita ostendo; nam cum fama sit bona opinio multorum, per malam opinionem vnius non læditur notabiliter, nisi inde timeatur, ne ille vnus male afficiatur contra eum; cuius crimen reuelatur ipsi, & ne exterius illum male tractet, aut impediat, ne consequatur bona, quæ alias posset, vel aliquod nocumentum illi inferat: sicut nec eadem fama notabiliter reparatur per vnius bonam existimationem, nisi inde expectetur bonus eius affectus, & auxilium quo homo consequi valeat bona, quæ alias, si fama non fuisset ablata, consequi posset: at quando persona, cui reuelatur crimen, talis est, vt apud ipsam perinde sit, ac si non esset dictum, ab ea nihil mali affectus, aut nocumenti metuitur, sed forte auxilium expectetur, nec aliquid obesse, sed forte prodesse putatur; ergo non notabiliter læditur fama proximi. Confirmatur, qui iniuriam sibi factam secreto ab aliquo refert amico, si id non faciat intentione detrahendi, vt se hoc modo vindicet, sed vt consolationem accipiat ab amico, siue vt quærela exposita dolor mitigetur, non peccat mortaliter, vt cum multis, quos

refert, afferit Diana 3. p. tract. 5. miscel. resol. 32. ergo nec qui viro prudenti reuelat crimen occultum alterius modo prædicto, si iniquum est.

Ad 1. vero secundæ sententiæ responderetur ex dictis. Rationem enim, ob quam quisque mallet crimen suum notum esse tribus, aut quatuor, quam vni, grauissimo viro est: quia inde metuitur, ne male afficiatur contra ipsum, illumque male tractet, aut impediat, ne consequatur bona, quæ aliis posset, vel aliquid nocummenti inferat. Si vero nihil horum timeretur, vir prudens paruifaceret, & non grauatur ferret, crimen suum innotescere viro grauissimo, à quo auxilium potius, quam incommodum expectaret, nec putaret se magnum pati honoris, & famæ detrimentum apud talem virum grauissimum.

Ad 2. Respondetur, D. Thom. ibi loqui de illo, qui detrahit formaliter, quem constat ledere famam notabiliter in intentione. Caietanus vero loquitur de eo, qui solum materialiter detrahit, qui quamuis lædat famam in parte, non tamen notabiliter: nam in effectu non læditur fama notabiliter, nisi in toto corrumpatur, aut quando in parte ita corrumpitur, ut inde aliquid nocummenti metuarur: nihil autem timeri in nostro casu ostendimus.

Ad 3. Respondetur, iudicium itemerarium non esse peccatum mortale præcise propter damnum quod infert, sed propter grauem iniuriam, dum ex leuibus in-

di

dicijs graue crimen alteri imponit, quod perinde est, ac si falsum imponeret: crimen autem falsum imponere, etiam si apud vnum solum fiat, peccatum mortale est. Quando vero aperitur crimen verum, non tanta iniuria fit, sicque non est eadem ratio, eo vel maxime, quod iudicium temerarium intrinsece malum est: manifestare autem crimen occultum, nequaquam, cum honestari possit iustis causis, si adsit necessitas, vt dictum est.

Ad 4. Respondetur illud Ecclesiastici potius respicere illum, cui crimen alterius reuelatum est, vt indicat verbum *Audiuisti*. Et quamuis tam huic, quam ei, qui scit crimen, prohibeatur, ne illud sine causa necessaria alijs reuelat; inde tamen non fit, semper esse peccatum mortale illud reuelare, etiam si non laedatur notabiliter fama proximi, vt non laedi in nostro casu ostendimus. Ad confirmationem dico; reuelationem criminis occulti sine causa necessaria non fieri prudenter, sed imprudenter, & indiscrete, vt dictum est; sicque si vir, cui reuelatum est crimen occultum fratris, alteri reuelat, non prudens, sed imprudens erit. immo imprudentior illo, qui sibi reuelauit, cum videat periculum infamiae, quod apud plures subibit frater: vnde licet hic peccet mortaliter, primus, qui eum prudentem putabat, excusari poterit.

Ad 5. Respondetur; procedere de formali detractioe: de materiali vero, de

qua loquitur Caiet. nihil concludere. Ad confirmationem dico cum M. Soto lib. 5. de iustitia, quæst. 10. artic. 2. *Diversam esse rationem contumeliæ, & detractiōis. Nam per modum contumeliæ nequaquam licet impropèrari alteri suum crimen, aut naturale vitium, etiam si naturale sit.* Deinde honor, cui derogat contumeliosus, notabiliter lædi potest, immò & auferri per conuitium graue prolatum etiam sine intentione dehonorandi alterum, quamuis soli fratri dicatur. At fama, cui derogat detractor, consistit in bona opinione multorum de uita, & moribus alterius; sicque per vnius solius malam existimationem auferri nequit, immò nec notabiliter lædi, nisi inde ex vnius scilicet mala opinione aliquod nocumentum metuatur, vt ostensum est. Vel respondetur distinguendo minorem, per contumeliā formalem, concedo minorem; per contumeliā materiale, nego illam: nullus enim se notabiliter læsum putat verbo contumelioso, nisi proferatur cum intentione dehonorandi ipsum, aut coram alijs apud quos, etiam si absque tali intentione proferatur, magnum honoris detrimentum patitur.



Dubium 2. An solius, & cuiuscunque peccati mortalis narratio, etiam si non assertiua, sed ex auditu, & sub dubio sit, tanquam mortale detractionis peccatum ad restitutionem fama obliget.

Dubium hoc affinitatem habet cum dubijs 1. & 2. à nobis supra quæst. 60. art. 3. excitatis. Non est autem hic sermo de sola detractione formali, sed de quacunque siue formalis, siue materialis sit, dum tamen illa notabiliter lædatur fama. Nam quæcunque sic famam lædit, est peccatum mortale ad restitutionem fame obligans; nec vt sit peccatum mortale necessaria est actualis seu formalis intentio lædendi famam, quæ deest detractioni materiali; sed sufficit virtualis, aut interpretatiua: nec intentio formalis lædendi famam, quæ est in detractione formali, sufficit ad obligationem restitutionis fame, sed requiritur, vt fame læsiq sequatur. Hoc supposito.

Dicendum est 1. Non solius, & cuiuscunque peccati mortalis narrationem esse peccatū mortale detractionis ad restitutionem fame obligans. Probatur, non solius, & cuiuscunque peccati mortalis narratione fama notabiliter læditur; ergo, &c.

302 QVAESTIO LXXIII.

Antecedens probatur. Tum ex D. Thom.
hic afferente, verbum graue notabiliter
famam laedere, *Praecipue in his, quae pertinent
ad honestatem vitae.* Vbi illud *Praecipue*, indi-
cat in alijs, quae pertinent ad nobilitatem,
vel peritiam, vel pulchritudinem, vel for-
titudinem, vel aliud huiusmodi; posse
verbum graue notabiliter famam laedere,
sicque, vt supra q. 60. ar. 3. dubio 2. con. 3.
diximus, mortaliter peccare, qui temere
iudicaret de viro graui, & religioso esse
mendacem, & de viro egregio, ac nobili es-
se ex vili sanguine natum, & de Christiano
antiquo esse ex genere Iudaeorum, aut
Saracenorum, & de viro sensato esse fatuū,
multo grauius peccaret, & ad restitutio-
nem famae teneretur, si hec verbis profer-
ret, & alijs diceret. Idem est, si dicat de
viro, qui ob litterarum peritiam officium
expectaret, esse ignarum, & de muliere,
quae ob pulchritudinem diues aliquis vel-
let ducere vxorem, esse deformem, & de
milite, ac duce esse ignauum, ac timidum.
Immo sunt qui afferant, detractorem esse,
qui virtutem alicuius praedicaret, vbi hoc
ei obfuturum est, vt si diceret, esse catho-
licum, vbi occidendus esset ob hoc. Tum
etiam ex Caietano hic: quamuis enim
dicat: *Sunt quaedam persona, quae ex quibusli-
bet inhonestis infames redduntur, vt moniales,
puellae nobiles, nuptae, pudicae, religiosi.* Sub-
dit tamen: *Sunt autem persona multa, quarum
famam simplex fornicatio in nullo laedit, vt iuue-
nes seculares, qui tanti faciunt, quod hoc dica-*
tur

tur de eis, quantum, quod cœnauerint, & simile est de adulterio apud multos. Ergo non solius, nec cuiuscunque peccati mortalis narratione fama notabiliter læditur, ac per consequens, nec peccatum est mortale ad restitutionem famæ obligans.

Aduertendum est tamen, quod docent S. Antoninus 2. p. tit. 8. c. 4. in principio, & Syluester verbo *Detractio*, q. 1. non esse peccatum mortale dicere de aliquo, esse superbum, auarum, iracundum, &c. Hoc non placet Nauarro cap. 18. num. 24. Sed alij verum esse dicunt: nam hæc nomina ordinariè non accipiuntur, vt sonant peccata mortalia, sed vt denotant naturalem inclinationem, vel defectus tantum veniales. Vnde nisi expresse, vel tacite significetur, sermonem esse de mortalibus, non est putanda detractio mortalis.

Si quis dicat de aliquo, morbo Gallico laborare, asserunt quidam peccatum mortale esse: quia regulariter talis morbus ex fornicario congressu solet contrahi. Alij oppositum dicunt: quia non solum ex libidine, sed etiam ex alijs causis euenire solet huiusmodi morbus.

Detegere naturales defectus etiam falsos, dicendo aliquem esse ignarum, imprudentem, parui iudicij, gibbosum, luscum, mancum, &c. inquit Nauarrus cap. 18. num. 33. non esse suo genere, nec regulariter peccatum mortale: quia id de se non infert damnum notabile.

Reuelare defectus natalium, dicendo

aliquem esse spurium, aut ex genere Iudæorum, vel Maurorum, M. Medina in Sum. cap. 14. §. 35. & alij existimant esse peccatum mortale. P. Lessius lib. 2. c. 11. dubit. 3. num. 14. & alij putant regulariter non esse peccatum mortale, sed solum quando propter hoc ille valde contemnendus putaretur, aut illi damnum graue sequeretur, vt si ab aliquo bono consequendo impediretur, vel iam habitum perderet. Vide quæ diximus supra q. 60. art. 3. dub. 1. con. 3.

Dicendum est 2. Qui non assertiue, sed ex auditu, aut dubitatiue narrat alterius crimen, non peccat mortaliter contra iustitiam, sicque ad restitutionem famæ non tenetur: immo nec contra charitatem. Primam partem docet Caietanus hic vbi sic habet: *Modus dicendi scilicet assertiue, vel ex auditu, aut dubitatiue multam varietatem in hoc facit. Nam solus assertor propriè tollit famam. Propter quod reliqui non tenentur ad restitutionem famæ, si sit falsum quod retulerunt, aut dubia estimatione narrauerunt. Ex leuitate siquidem audientis, non ex vi dicentis leditur fama, si leditur in istis casibus. Eadem docent Syluester verbo *Detractio*, q. 4. Nauarrus cap. 18. num. 48. & alij. Immo, & Scotus in 4. d. 19. q. 4. vbi quærit: Aliquis murmurat vel indiscrete loquitur, vel alicui coram multis narrat, tamen non tanquam sibi ceteris. Sed sic se audiuisset; nunquid tenetur restituere? Respondetque: *Non fides ideo est: quia non est in illis lobis, et ideo dicens se audi-**

audiuiffe, nifi ex modo dicendi ostendat aliquā maiorem certitudinem, quam ex communi relatione, non aufert ex natura actus in opinione aliorum famam isti: quia si illi firmiter concipiant illum de quo est sermo criminofum esse, leues sunt: quia qui cito credit leuis est corde.

Probatur deinde, ratione sumpta ex Scotto, & Caietano: Quando narratio ex sua natura non est causa efficax damni, neque ex vi ipsius læditur fama, quamuis ex illa per accidens, & ex leuitate, vel malitia audientium sequatur damnum, & læsio famæ, non obligat ad restitutionem; alias enim ad restitutionem teneretur etiam, qui narrat audita ab hominibus parum fide dignis, indicatis suis auctoribus, si auditores ex sua leuitate crederent: Sed narratio ex auditu, vel sub dubio, & non assertiua, non est ex sua natura causa efficax damni, neque ex vi illius læditur fama, nam non est idonea fidem facere, ergo qui hoc modo narrat, non tenetur ad restitutionem: Quod quidam verum esse dicunt, etiam si id malo animo faceret: quia intentio nocendi non obligat ad restitutionem, quando opus ex se non est damnosum. Syluester tamen ubi supra hoc falsum esse putat, *Quando quis refert malo animo, secus ex inconsiderata loquacitate.* Idque secundum mentem Scoti asserere dicit. Sed Scotus ut statim videbimus, non asserit id esse contra iustitiam, ut ad restitutionem obliget, sed contra charitatem.

Aduertendū tamen maxime est, quod in
ver-

206 **QVAESTIO LXXIII.**

verbis relatis ait Scotus: *Nisi ex modo dicendi ostēdat aliquam maiorem certitudinem.* Nam si talem ostenderet ex modo dicendi, vel talibus nominatis auctoribus, ut audientes merito possent induci ad opinandum malū de proximo; peccaret contra iustitiam, & teneretur ad restitutionem: nam daret sufficientem causam alijs male opinandi, ex qua mala opinio re ipsa sequeretur, non minus, quam si ipse diceret, absolute asserendo, Ioannem v.g. crimen aliquod commississe, & alij crederent. Non enim magis ipsi, quam nominatis auctoribus, esset credendum, eiusque asseratio non magis efficaciter induceret audientes ad credendum, neque maioris ponderis esset ad persuadendum, quam praedicta narratio, quae ex modo dicendi, aut ex nominatis auctoribus certitudinem faceret.

Secundam partem docet Scotus ubi supra sic scribens: *Quia a scandala pusillorum oportet cauere iuxta illud Pauli 1. ad Corinth. 8. Si esca scandalizet fratrem meum, non manducabo carnes in aeternum: & multi sunt tales pusilli leues ad credendum mala, ideo est perniciosum talia audita ex relatu eis referre: Et si hoc fiat animo malo, ledendi scilicet illum, de quo est sermo, non est facile excusare, quin sit contra charitatem: & per consequens mortale peccatum. Si autem fiat coram talibus ex inconsideratione, durum est quod gxeat genus peccati venialis: quia lingua in lubrico posita est, & qui non offendit in verbo, hic perfectus est vir, Iacobi 2. Si aduertit qui refert, probabile*

bile esse, eos, coram quibus refert, ex sua leuitate esse credituros; sicque scandalizandos, dicunt P. Lessius lib. 2. cap. 11. dubit. 5. num. 25. & alij, mortaliter peccare contra charitatem, etiam si non malo animo lædendi proximum referret. Qui enim aduertit ex suis dictis, vel factis alium grauius lædendum, siue in fortunis, siue in fama, siue in corpore; tenetur ex charitate abstinere, si commode possit, quamuis id ex alterius culpa prouenturum videat: nam quisque tenetur impedire notabile dampnum proximi, quantum commode potest, & maxime quod sui occasione proueniret. Alij tamen, quos refert, & sequitur Diana 3. par. tract. 5. miscel. resol. 28. probabile esse, asserunt, etiam si quis aduertat, aliquos ex audientibus temere credituros, non esse peccatum mortale, auditum crimen simpliciter sine noua assecuratione, vel confirmatione narrare: quia damnificatio, summa in tali casu non tam est dicentis, quam audientium credentium.

Notat etiam P. Lessius vbi supra nu. 14. Si crimen esset valde graue, vt hæresis, proditio, sodomia, & verisimile esset ex narratione auditoribus malam suspensionem suborituram, posse esse peccatum mortale: quia talis suspicio videtur esse magnum malum respectu honestæ personæ. Idem docet M. Bañes hic dubio 2. & rationem reddit: quia suspicio, & dubitatio in criminibus grauissimis magis reddit hominem infamem, quam certa scientia in alijs

alijs criminibus. Sed hoc licet iuxta sententiam M. Soto afferentis suspicionem de his esse peccatum mortale, verum sit: iuxta opinionem tamen Caietani quam supra, q. 60. ar. 3. dubio 1. con. 3. sequuti sumus, non est admittendum: nam si talis suspicio non est peccatum mortale, sed veniale, non potest esse magnum malum respectu personæ de qua habetur, nec illam magis infamem reddere quam scientia in alijs criminibus. Vnde dubia narratio criminis etiam grauissimi solum videtur esse peccatum veniale, sicut, & suspicio de illo.

Addit præterea M. Bañes vbi supra: si referens sit vir magni hominis, & maximæ auctoritatis, peccatum esse contra iustitiæ mortale, referre ex auditu, & hæsitando crimina, etiam si non sint grauissima, dum tamen adiunctam habeant infamiam. Probatque, si aliquis de media plebe referat crimen assertiue, peccat mortaliter contra iustitiam: sed tanti momenti est huiusmodi narratio quæ sit a viro graui: ergo dat eodem detrimentum, & damnum, ac subinde erit peccatum mortale contra iustitiam. Sed hæc ratio infirma videtur, constat enim hanc narrationem ex se, & ex natura actus non auferre famam, nec efficaciter causare graue nocuimentum; ex hoc autem, quod proferatur à viro quantumuis grauissimo, non habet maiorem certitudinem, qua tale nocuimentum causare & famam auferre possit, nam semper ma-

net

net dubia, & non minus ac prolata à viro
mediæ plebis; ergo, &c.

*Dicendum est 3. Non esse peccatum
mortale contra iustitiam, immo nec con-
tra charitatem narrare crimen alicuius,
quod publicum est in vno loco, in alio vbi
ignoratur, & non erat facile diuulgandum.
Primam partem docet M. Soto lib. 5. de
iustitia quæst. 10. art. 2. distinguit tamen:
Bisaisium quispiam potest alicubi labem infa-
mie contraxisse: videlicet, aut publica aucto-
ritate, & iudicio damnatus, aut priuatim per
viciniam, aut urbem: Dum quis priori modo
honore suo, & fama alicubi expoliatus est,
nulla est iniustitia eum ubique de eodem crimi-
ne infamare. Et ratio est: quia ille iure pu-
blicoque præconio in famam mulctatus est sua
fame, atque adeo cuicunque data est facultas
scelus illud propalandi; quare qui hominem
infamat, ad nullam tenetur restitutionem.
Quando vero quis posteriori modo extra ordi-
nem iuris in vno loco iacturam fecit fame, non
solum contra charitatem, verum contra iusti-
tiam facit, qui eundem alibi eadem infamia
respergit, & ad restitutionem eo quo fieri potest
modo tenetur. Quandoquidem iure non sit illa
priuatus: nam propter rumores, etiam si priua-
tim manifesti sint, nemo ius perdit honoris sui
ac fame, si domicilium mutet: sed reputatur
ibi secretum esse delictum. Idem sentit Na-
narrus cap. 18. num. 26.*

*Alij tamen, vt P. Lessius lib. 2. cap. 11.
dubic. 13. num. 75. nostræ conclusionis pri-
mam partem extendunt etiam ad hunc
se;*

secundum casum, asserentes, nec esse peccatum mortale contra iustitiam, narrare crimen, quod est publicum extra ordinem iuris, eo loco ubi ignoratur. Probat, quia quando crimen est publicum euidentia facti, quia scilicet est in praesentia multorum perpetratum; aut indiciorum, cuius videlicet fama ex sufficientibus indicijs orta ad multos peruenit, ita vt maior pars ciuitatis, vel pagi, vel parociae, vel viciniae illud norit, videtur eius auctor cessisse iuri suo, quod ad famam habebat: nam hoc ipso, quo non est veritus in publico crimen admittere, vel eius indicia manifesta dare, non videtur curasse, quis sciat, vel non sciat; eo enim modo, & loco fecit, vt quibus videre posset, quod si re ipsa multi non viderint, id per accidens est, quia accidit ibi tunc non adesse. Et licet alijs locis famam re ipsa, & facto retineat, non tamen iure: postquam enim crimen publicum factum est, eius auctor amittit ius famae, ita vt nemo ex iustitia teneatur amplius priorem existimationem de illo retinere. Quod etiam verum est, quamuis per iniuriam factum sit publicum: quia publicitas facti tribuit licentiam loquendi, ita vt non censeatur amplius iniuria: sicut, & quando publica auctoritate crimen factum est publicum, etiam per iniuriam, ab accusatore, & testibus, ac iudice, talis publicitas facultatem dat loquendi.

Secundam partem negat M. Soto ubi supra, nam postquam dixit, non esse contra

tra iustitiam, quando quis labem infamiae contraxit publica auctoritate, & iudicio damnatus, subdit: *Nihilominus peccatum est contra charitatem, quin vero posset esse mortale eiusmodi damnatis hominibus sua rursus pudenda nudare. Tunc potissimum quando emendati sunt, bonumque nomen alicubi recuperauerint. Nam bona fama quam maxime hominibus adiumento est ad virtutem, qua perdita exanimantur. Idem asserunt P. Lessius ubi supra num. 79. & alij. Probantque: quia tunc laeditur proximus in re magni momenti, quod ægerrime ferret quiuis sibi fieri. Et quamuis taliter infamatus non habeat ius ad famam, eam tamen sine cuiusquam iniuria, & absque fraude possidet in tali loco: ergo contra charitatem est illum bono nomine spoliare, praesertim si nihil commodi proueniat detractori.*

Nostræ tamen conclusionis secundam partem docet Caietanus Tom. 1. Opus. Tractat. 31. Respon. 9. ubi cum ab ipso fuisset quaesitum: *Quomodo intelligatur delictum publicum, ut sine peccato possit revelari?* Respondit: *Contingit non solum praedicto (quando scilicet homo iudicialiter est confessus delictum) sed multis alijs modis humana delicta devenire ad praedictam publicationem, ut quæda si delinquantur in communi hominum praesentia, loco, scriptura, & alijs huiusmodi: quibus contingantibus sine detractoris vitio possunt delicta hac tanquam publica dici.* Idem secus Nauarrus cap. 18. num. 26. dum ait: *Detegere notoria facti, vel iuris*
vel

*vel famosi sine mala intentione nocendi, nec est peccatum saltem mortale, quamuis illi, quibus deteguntur ea ignorent, nec in regione ubi deteguntur sciretur. Quod non solum Caic-
tani, sed etiam Maioris sententiam esse
subdit. Eandem denique partem docent
alii quos refert, & sequitur Diana 3. p. tra-
ctat. 5. miscel. resol. 17.*

Probatur deinde 1. Quando quis iure,
ac publico præconio in poenam mulctatus
est sua fama, cuiusque data est facultas
illud propalandi, ut ait M. Soto ubi supra:
& certe non solum in regione ubi condē-
natus moratur, sed etiam per totum or-
bem: ergo sicut illud propalare in regione,
in qua tunc condemnatus morabatur, non
est peccatum etiam contra charitatem,
non obstante, quod ante condemnatio-
nem ille famam, & bonum nomen habe-
at: ita nec erit peccatum etiam contra
charitatem illud propalare in regione alia,
ad quam condemnatus se recipit, non ob-
stante, quod ibi famam possidebat absque
fraude, & sine cuiusquam iniuria: ita enim
illā possidebat, ut absque iniuria posset illi
auferri. Et quamuis fama maximo esset ei
adiumento ad virtutem, non propterea
illi auferri non posset: nam etiam sæpe
eleemosyna, quam quis alicui, tribuit est
illi maximo adiumento ad virtutem, &
nihilominus potest illi auferri, nec tenetur,
qui illam tribuit, semper dare. Ex quo
patet solutio ad rationes oppositæ senten-
tiæ.

ARTICVLVS II. 213

Secūdo, nam vt hic dubio vlt. con. 2. ait M. Bañes, acta quæ fiunt ab inquisitoribus, licet diuulgare vsque ad Indos; ergo, & quæ fiunt ab alijs iudicibus, tam enim hæc, quam illa fiunt in exemplum; vt homines deterreantur à similibus vitijs, timore poenæ, & ex narratione illorum magnum sequitur emolumentum Reipublicæ, & particularibus personis.

Tertiò, nam vt P. Lessius vbi supra num. 80. inquit, si ille cuius crimen publicum est in vno loco, parum curet se alibi infamari, non est peccatum mortale crimen eius alibi narrare: sed vt idem auctor ibidem, num. 75. dicit, hoc ipso, quod non est veritus in publico crimen admittere, vel eius indicia manifesta dare, non videtur curasse quis sciat, vel non sciat, & consequenter an apud hos, vel illos infametur, ergo per se loquendo non erit peccatum mortale crimen eius alibi narrare, sed solum per accidens, si ex odio cum intentione nocendi narretur.

Quartò, nam alias historicis non liceret crimina publica in vno loco litteris mandare, nam eo ipso per totum orbem propalant: sed hoc est contra totius orbis consuetudinem, & omnium sententiam; quamuis enim non liceat eis crimina occulta etiam defunctorum prodere, publica tamen scribere licitum est eis, dum modo inuidia, odio, aut alio prauo affectu non moueantur, vt vbi supra ait Mag. Soto; ergo, &c.

214 *QVÆSTIO LXXIII.*

Ex his colligitur, quid dicendum sit de narratione criminis, de quo quis olim fuit infamatus. Licet enim consulenda non sit, præsertim peccatore emendato; non est tamen damnanda, ut peccatum mortale: nam eadem est ratio de illa, ac de ea, de qua sermo est habitus.

Dicendum est 4. Non semper esse licitum peccata occulta hypochritarum, qui fictis virtutibus sibi famam compararunt, aperire. Docet hoc M. Soto lib. 5. de iustitia, quæstione 10. articulo 2. *Quando enim (inquit) eiusmodi Sychophantæ suis imposturis perniciem Reipublicæ afferunt, tunc non solum licet, verum expedit, eorum crimina fallaciasque detegere.* Si autem sunt mulierculæ, quæ foris sanctitatem præseferunt, qua ratione eleemosynis victitant, licet occulto aliquo crimine sint infectæ, neutiquam Reipublica noxiæ, sed innocuæ vivant, non est cur debeant infamari. P. Lessius lib. 2. cap. 11. dubit. 10. no. 65. inquit, licet videatur non esse contra iustitiam hanc fictionem aperire; quia hypocrita non habet ius ad illam famam, cum illam comparaverit fraude, & mendacijs; verius tamen esse contra iustitiam esse; quia quando ipsius malitia est occulta, ius habet, non quidem ut positivè iudicetur esse probus, sed ut non iudicetur esse malus, quia palam nihil improbe gessit: qui autem aperit hypocrisim, facit ut positivè iudicetur malus, & sic facit ei iniuriam.

Dicendum est 5. Licitum esse revelare
cri-

crimen occultum alicuius ad euitandum malum proximi. Docent hoc communiter Doctores, colligiturque ex D. Tho. supra q. 70. artic. 1. in corp. & ad 2. vbi dicit, ea quę sunt homini commissa sub secreto, si vergant in graue damnum alicuius personę, manifestari debere. Ex quo inferitur, si noui aliquem esse furem, posse monere eos, cum quibus graditur, vt sibi caueant, illisque eius vitium aperire. Similiter si agitur de officio, aut beneficio conferendo, de matrimonio contrahendo, aut religione suscipienda si ego sciam aliquid, ex quo notabile incommodum Reipublicę; Religioni, aut contrahenti timeri prudenter possit, licitum esse illud reuelare, quamuis occultum sit; nisi forte supersit alia via commodior, aut minus noxia ad damnum illud auertendum. Nemo enim habet ius tuendę suę famę cum damno graui, quod inde alteri obueniet; sicque eius crimen manifestari potest, immo, & debet, si damnum aliter vitari nequit.

Dicendum est 6. Diffamatum in vno nõ esse licitum infamare de alio, nullam connexionem cum priori habente; si vero valde affine sit, peccatum non esse saltem mortale. Probat, non enim licet meretricem infamare de furto, nec latronem de adulterio: si quis tamen diceret de meretrice verba turpia dixisse, aut de latrone cognito linteum subripuisse, etiam si id audientes ignorarent, non peccaret mortale.

taliter: nam non censetur noua infamia:

Circa tertium articulum nihil se offert scribendum.

ARTICVLVS IV.

Vtrum audiens, qui tollerat detrahentem, grauiter peccet.

Conclusio est affirmans:

TRipliciter, qui audit detrahentem potest tollerare illum, ipsique non resistere. Primo ita, vt inducat illum ad detrahendum. Secundo ita, vt quamuis illum non inducat, placet tamen ei detractio propter odium eius, cui detrahitur. Tertio ita vt, licet non placeat ei detractiois peccatum, ex timore tamen, vel negligentia, vel etiam verecundia, omittit repellere detrahentem.

Qui primo, aut secundo modo tollerat, mortaliter peccat sicut, & detrahens; ait namque D. Thom. *Si inducat eum ad detrahendum, vel saltem placeat ei detractio propter odium eius, cui detrahitur, non minus peccat, quam detrahens, & quandoque magis.* Si inducit ad detrahendum, contra iustitiam peccat, & ad restitutionem tenetur, cum sit causa mouens: & quia in motore plus culpæ est, quam in moto, grauius peccat, quam ipse detrahens. Idem est

ARTICVLVS IV: 217

est de illo, qui iam detrahenti animum addit verbis, vel factis, aut gestibus, vel applausu, vt prosequatur detractiōem. Si solum placet ei detractiō propter odium eius, cui detrahitur, contra charitatem peccat, potestque grauius peccare, quam detrahens, si maius odium habeat; non tamen tenetur ad restitutionem. Si dumtaxat placeret ei detractiō propter eloquentiam, & ingenij acumen detractoris, vel ob curiosam cognitionem factorum proximi, & de hoc solum delectaretur, non peccaret mortaliter; nam vt Caietanus in Sum. verbo *Delectatio morosa* ait: *Si delectatio sit de miris, & subtilibus modis, non est delectatio morosa, cum modi isti sint admirabiles, & naturaliter delectabiles.*

Qui tertio modo tollerat, inquit D. Th. *Peccat quidem, sed multo minus, quam detrahens, & plerumque venialiter. Quandoque etiam hoc potest esse peccatum mortale, vel propter hoc, quod alicui ex officio incumbit, detrahentem corrigere, vel propter aliquod periculum consequens, vel propter radicem, quæ timor humanus quandoque potest esse peccatum mortale.* Prælato ex officio incumbit corrigere detrahentem, si eius subditus est, sicque illum ex iustitia, omni metu, & pudore, deposito, tenetur à detractiōe corripere, quod si non faciat, & detractiō fit in re alicuius momenti mortaliter peccat. Si detrahens non sit eius subditus, sed illi, quibus detrahit, inquit M. Soto lib. 5. de iudicia, quæst. 10. art. 4. *Non tan-*

218 QVAESTIO LXXIII.

ta iustitia eos tenetur protegere : quia cura praelati est cauere, ne subditi peccent . Quamuis, & quodammodo teneatur charitatis vinculo subditorum honorem tueri . M. Bañes hic con. + dicit, praelatum eius, qui infamatus est, si non resistat detrahenti, & infamanti, peccare mortaliter contra iustitiam, & ad restitutionem faciendam infamato teneri . Vide illum .

Propter periculum consequens, potest quoque esse mortale peccatum in persona priuata, non resistere detractori, si videt ex detractioe, periculum imminere alicui mortis, vel Reipublicæ periculumurbationis .

Denique timor humanus tunc esset peccatum mortale, quando ita dominaretur in animo audientis detractorem, ut damna temporalium rerum anteponeret charitati. Vide Caiet. hic, ubi tres casus à D. Th. insinuatos optimè explicat .

Præter illos, plerumq. & regulariter venialiter peccat, qui tertio modo tollerat detrahentem . Sed ait M. Soto, ubi supra : *Attamen si detractor ille, usq. adeo esset turgidus, atq. intractabilis, ut periculum ab illo immineret, quicumque excusaretur etiam à veniali. Adde, & sola verecundia excusari aliquem posse. Ut si qui detrahit, illustrissimus est : audiens vero famulus eius, aut alia abiecta, persona, qua mutire non audet. Vide Dianā 3. p. tract. 5. miscel. resolut. 35.*

219

QVÆSTIO LXXIV.

De Susurratione.

ARTICVLVS I.

*Virum susurratio sit peccatum diffin-
itum à detractiōe.*

Conclusio est affirmans.

Quamuis susurro, & detractor in materia conueniant, & etiam in forma, siue in modo loquendi, quia vterque malum de proximo dicit occultè: differunt tamen in fine, quia detractor intendit denigrare famam proximi, susurro autem intendit amicitiam separare.

Quærit hic Caietanus, an susurratio sit vnius speciei specialissimæ? Et respondet esse. Illum sequuntur M. Bañes hic, & alij, quos vide.

ARTICVLVS II.

Vtrum detractio sit grauius peccatum, quam susurratio.

Conclusio est negans.

CVM per susurationem dirimatur amicitia, quæ maius bonum est, quam honor, & fama, quæ per contumeliam, & detractiōem destruuntur, inquit D. Th. Ideo susurratio est maius peccatum, quam detractio, & etiam, quam contumelia: quia amicus est melior, quam honor, & amari, quam honorari, ut in 8. Ethic. Philosophus dicit.

Sicut autem, tam contumelia, quā detractio distinguuntur in formalem, & materiale, ita & distinguenda est susurratio. Et licet susurratio formalis, quæ scilicet intendit separationem amicitiae, sit mortale peccatum ex suo genere: materialiter tamen non est mortale, ut hic docet Caiet. quem vide.

Aduertit M. Soto lib. 5. de iustitia, qu. 11. art. 1. *Quod susurrare ad dirimendam perniciosam amicitiam, dummodo citra infamationem fiat, virtus est, etiam si nonnulla naturalia vitia hominis commemorentur.* Subdit, forsitan etiam nullum esse peccatum, si quis, narrando aliqua vitia naturalia publica amicitiam aliquorum dissoluat, non ea intentione, ut sint inimici, sed tanquam me-

medium, vt se, loco illius expulsi, in amicitiam alterius insinuet, quia videlicet Præ-
 latus, aut Princeps non hunc ad tantam fa-
 miliaritatem admittet, nisi alter excluda-
 tur. Vnusquisque enim, sine vi, & fraude
 potest sibi commodum, cuius est dignus,
 procurare. Oppositum huius verius vide-
 tur M. Salon hic, & alijs: quia quauis ami-
 citia res gratuita sit, postquam tamen ali-
 quis iam est admissus in amicitiam Prin-
 cipis, expoliare illum tali amicitia contra
 iustitiam est: sicut contra iustitiam esset
 suadere alicui, vt mutaret decretum, quo
 decreuerat dare eleemosynam alicui pau-
 peri, sicq. ad restituendum teneretur. Sed
 hoc non obstante sententia M. Soto proba-
 bilissima est: nam, vt diximus supra q. 62.
 ar. 2. dubio 5. ad 2. qui absque vi, & dolo so-
 lis precibus, & consilio impedit, ne fiat ali-
 cui donatio aliqua, eleemosyna, vel lega-
 tum, non peccat contra iustitiam, nec te-
 netur ad restitutionem; nullus etiam ad
 restitutionem obligaret pauperem, qui, vt
 sibi detur eleemosyna, quæ datur alteri, de
 illo narraret aliqua vitia naturalia publica;
 ergo idem erit hic.



QVÆSTIO LXXV.

De Derisione.

ARTICVLVS I.

*Vtrum derisio sit speciale peccatum
ab alijs præmissis distin-
ctum.*

Conclusio est affirmans :

A Præmissis peccatis distinguitur derisio : quia contumeliosus intendit auferre honorem , detractor famā , susurro amicitiam tollere , derisor autem , vt ille , qui deridetur , erubescat . Et quia hic finis distinctus est ab alijs , ideo etiam peccatum derisionis distinguitur a præmissis peccatis . Inquit D. Thom. Non tamen distingui à subsannatione subdit in solutione primi : quia in hoc fine conueniunt subsannatio , & irrisio , & solum differunt in modo : quia irrisio fit ore , id est , verbo , & cachianis : subsannatio vero naso rugato : *Talis autem differentia non diuersificat speciem .*

ARTICVLVS II.

*Vtrum derisio possit esse peccatum
mortale.*

Conclusio est affirmans.

Sermo hic est de derisione inordinata :
*Quia ordinata, ut iocosa de exiguo aliquo
malo alterius, ut paruo rubore suffundatur, est
actus virtutis entropelia, ut ait Nauarrus ca-
pit. 18. nu. 16. Talis autem est, cum absque
ullo proximi contemptu, aut de honoratio-
ne de illo nonnulla referuntur, quæ risum,
iocunditatem, ac delectationem in audien-
tibus causant, recreandi animi gratia, ut
contingit sæpe, quando viri spirituales ad
inuicem loquuntur, & iocosa quædam, &
faceta alij de alijs dicunt.*

Inordinata derisio est, quando aliquem
parui pendendo confundimus, ac erubescere
facimus. Quod dupliciter accidere
potest. Vno modo, quia malum alterius
accipimus, ut paruum secundum se, & hoc
modo derisio est peccatum veniale, ait nã-
que D. Thom. *Cum aliquis alterius persone
malum, vel defectum in ludum, vel risum po-
nit, quia secundum se parum malum est, est ve-
niale, & leue peccatum secundum suum genus.*
Quid, si alter de malo leui derisus, grauiter
tristetur, ac erubescat? Respondet M. Sa-
lon hic con. 1. Si erubescat ille propter vi-

le ingenium : aut nouerat irrisor ingenium illius , aut secus . Si quidem nouerat , est etiam peccatum mortale contra charitatem , qua tenemur vitare molestias fratrum , quantum commode possumus . Si vero ignorabat , est solum veniale , quia dixit malum leue , excusaturque per ignorantiam inculpabi em . M. Soto lib. 5 . de iustitia , q. 11 . art. 2 . inquit : *Dixerim autem genere suo : quoniam si quis virum non adeo per se magnum alteri illudendo obiciat , sciens , irrisionem illum grauissime laturum , peccatum contra charitatem committit : Vt si honestissimo viro , ac religioso , quis in facia diceret , absque arbitris fuisse puella loquutum , unde ille ingenti rubore suffunderetur , profecto non euaderet à mortali culpa illius . Quo exemplo indicat , non esse generaliter intelligendum , quod dixit , sed quando quis prudenter talem , irrisionem grauissime fert , vt contingit in exemplo posito . Si enim aliquis stulte , ac fatue de his , quæ secundum se parua sunt , nimium erubesceret , ac perturbaretur , non videtur mortale peccatum esse , illum sic irridere : nam talis irrisio non esset causa , tam grauis erubescenzæ , ac perturbationis , sed ipsa illius stultitia , ac fatuitas . Vnde nisi velimus mundum replere peccatis mortalibus , regulariter à letali culpa excusare possumus eos , qui magis aliquem derident , quo magis erubescit de quibusdā minimis : hoc enim stultitia est : nam si æquanimiter tolleraret , alij à derisione desisterent , & stulte erubescendo , se ipsum*
de-

deridendum præbet. Idem videtur de illis, qui meticoloso alicui, quo magis timet, magis metum incutiunt, sicque tandem ab eo timorem auferunt.

Alio modo id potest accidere, quia malū alterius accipimus, vt parū ratione persone, & hoc modo derisio est peccatū mortale, subdit enim S. Th. *Cum autem accipitur, quasi parum ratione persone, sicut defectus, puerorum, & stultorum parum ponderare solentur; sic aliquem illudere, vel irridere, est eum omnino parvipendere, & eum tam vilē asserere, ut de eius malo non sit curandum, sed sit quasi pro ludibrio habendum, & sic derisio est peccatum mortale, & grauius, quam contumelia.* M. Bañes hic ait, irrisiōnem grauius peccatum esse, quam contumeliā, quia includit omnem malitiā contumeliæ, & vltra hoc addit, quod alius erubescat: leuius autem quam detractiōem, & susurratiōem, nam per has auferuntur maiora bona, nempe fama, & amicitia. Sed D. Thom. hic ad 3. hanc differentiam videtur excludere, dum ait: *Derisio secundum suam rationem lenius aliquid est, quam detractio, vel contumelia: quia non importat contemptum, sed ludum.* Et erubescētia minus malum est, quam ablatio honoris, & famæ. Quando autem derisio maiorem habet contemptum, quam contumeliā, vt cum accipitur, quasi parum ratione persone, sicut grauius peccatum est, quam contumeliā, ita & quam detractio, propter adiunctum scilicet contemptum. Ratio-

226 QVÆSTIO LXXV.

ne cuius irrisio tanto grauius peccatum est, quanto maior reuerentia debetur personæ, quæ illuditur: vnde irrisio Dei, vt hic notat Caiet. ad peccatum blasphemie spectat, & idem est de irrisione rerum, quæ Dei sunt, quales sunt Sancti, & res sacræ: & irrisio parentum, vt alij dicunt, ad peccatum impietatis: ad quas species trahitur ratione circumstantiæ adiunctæ contemptus personæ: sicut fornicatio ad speciem adulterij, quod est contra iustitiam, trahitur ratione adiunctæ circumstantiæ personæ,

QVÆSTIO LXXVI.

De maledictione.

ARTICVLVS I.

Vtrum liceat maledicere aliquem.

Conclusio est affirmans.

Maledicere idem est, ac malum dicere; quod triplici modo exprimi potest, nempe indicatio, imperatiuo, & optatiuo. Primo modo maledicere nihil aliud est,

est, quam malum alterius referre, quod pertinet ad detractionem, unde quandoque maledici detractores dicuntur. Secundo modo maledicere, est dicendo malum, quod verbo exprimitur, causare. Tercio modo maledicere, est dicendo exprimere affectum, quo malum, quod verbo exprimitur, desideratur.

Prætermisso ergo priori modo maledictionis, de alijs duobus inquit D.Th. quāuis illicitum sit imperare, vel optare malum alterius, in quantum est malum: sicutum tamen esse malum alterius imperare, vel optare sub ratione boni iusti, aut utilis, sicque prædictis duobus modis maledicere. Sub ratione boni iusti iudex licite maledicit illum, cui præcipit iustam poenam inferri; sic etiam Ecclesia maledicit anathematizando. Sub ratione boni utilis licite, quis maledicit, inquit D.Thom. *Cum optat, aliquem peccatorem pati aliquam aggritudinem, aut aliquod impedimentum, vel ut ipse melior efficiatur, vel ut saltem ab aliorum no-cumento cesset.*

Si contra hoc obijcias, non licet peccatori damnum dare, ut emendetur; ergo nec optare. Respondetur cum Mag. Soto lib. 5. de iustitia, q. 12. art. 1. negando consequentiam: quia malum alteri inferre non licet, nisi ministro iustitiæ; optare tamen, ut Dei permisso, aut publica auctoritate malum ei obtingat, ut resipiscat, aut maius malum, etiam temporale, caueatur, cui-cunq. licet. *Quin etiam* (ait M. Soto) *et mor-*

tem alicui optare possumus, licet nobis constet, viam perditionis ingressum ire, ut nostra Rei. publicæ mala caueantur, paxque, & tranquillitas contingat. Potest enim quisque Turcæ mortem, & clades omnes imprecari, ut ab eius tyrannide liberemur. Quin verò, & Christianis hostibus, qui nos iniuste persequuntur, quando alia non patuisset via, licitum est, id ipsum optare,

Quidam recentiores, quos refert Diana 3. parte tractatu 6. miscellaneo. resolut. 84. putant, aliquem posse absque peccato mortali de vita alicuius tritari, & de eius morte naturali gaudere, illamque petere, & desiderare inefficaci affectu, non quidem ex displicentia personæ, sed ob aliquod temporale emolumentum inde sequutum: quia in tali casu quis non gaudet de illa morte, quatenus proximo mala est, sistendo ibi (hoc enim esset malum) sed quatenus est causa sui emolumenti, & secundum hanc rationem, bona esse videtur, & appetibilis: secus vero esset; si quis vellet proximo absolute, & efficaciter mortem, quia talis voluntas peccaminosa esset, sub quocunque motivo illam quis haberet. Alij dicunt licere matri mortem filiarum optare, eo quod ob deformitatem, vel inopiam, non possit eas iuxta suum desiderium nuptui tradere, vel si ob illarum causam malè tractaretur à marito. Alij asserunt, licitum esse optare aliquem sibi, vel proximo mortem, ob vitandam molestiam,

insir.

infirmiſſimam, mendicantiſſimam, vitam poe-
nalem à marito infligam, & aliud huius
generis, dummodo deſideretur, vt à Deo
inſtigenda, non ab homine iniuſte, aut à
dæmone.

Horum oppoſitum docet Nauarrus
capit. 15. nam numero 10. inquit, pecca-
re mortaliter, *Qui deliberatè alicuius mor-
tem optat, vt in eius munus, aut officium
ſuccedat, vel ne reprehendatur, aut caſtigi-
tur ab illo ſecundum omnes. Quamuis dele-
ctari propter bonum, vel utilitatem, quæ ex
illa morte ſibi oriretur, non autem propter ip-
ſam mortem, non eſſet peccatum.* Et nu-
mero 11. ſubdit, peccare etiam mortali-
ter, *Qui deliberato animo ſibi mortem, aut
membri mutilationem præ ira, impatientia,
dedecore, paupertate, aut pro quouis alio infortu-
nio exoptat.*

Circa articulum ſecundum, nihil ſe of-
fert dicendam. Vide Sanctum Vincen-
tium Ferrerium, Sermone in feſto San-
cti Ioannis ante portam Latinam.



ARTICVLVS III.

Vtrum maledicere sit peccatum mortale.

Conclusio est affirmans.

Sermo hic est de maledictione, qua im-
peratur, vel optatur malum alterius, in
quantum est malum: hoc enim secū-
dum se repugnat charitati: *Et ita secundum
suum genus est peccatum mortale.*

Aduertit autem Caiet. Quod maledictio ;
sicut alia supradicta peccata, distinguitur in
maledictionem formaliter, & materialiter. Et
de maledictione materialiter inquit: *Si sic
optatiue non est mortale.* Cuius ratio est, quia
maledictio materialiter profertur absque
intentione: qui autem optatiue maledicit
sine intentione, vt eueniat, quod dicit, ne-
minem lædit, quia nec ex intentione,
nec ex opere, ac proinde non peccat mor-
taliter: *Et hinc patet, quod maledictiones filio-
rum à parentibus, qua non transeunt guttur,
non sunt mortalia peccata,* inquit Caiet. Et
idem inferias dicit de quibuscumque alijs,
qui ex sola ira maledicunt sibi, vel alijs, sine
intentione, vt sibi, vel alijs eue niat malum,
sed solum, vt dicacitati satisfaciant. Monet
tamen tam hic, quam in Summa verbo
*Maledictio, non esse sufficiens signū, quem-
piam non maledixisse ex intentione,* quā
post

ARTICULVS III. 231

post iram nollet malum alteri euenire, & doleret si eueniret: Sed oportet scire si tunc, quando imprecabatur, passio ira, & furoris in tantum preualuit, quod flexit voluntatem ad consensum, ita quod tunc voluisset, ut eueniret, quod imprecabatur. Nam si sic est, non excusatur à mortali. Vide illum. Quamuis autem maledictio materialis ex suo genere tantum sit venialis, ex circumstantia tamen mortalis esse potest; talemque esse dicunt multi eam, qua filij parentes maledicunt, tum ratione scandali, tum ratione grauis irreuerentiae.

De maledictione formaliter inquit Caiet. Est ex suo genere mortale. Est enim cum intentione, ut eueniat malum: & de hac est sermo hic. Cum autem id, quod ex suo genere est peccatum mortale, quandoque sit veniale ex leuitate materiae, aut ex imperfectione actus, ideo inquit D. Thom. Contingit verbum maledictionis prolatum esse peccatum veniale, vel propter paruitatem mali, quod quis alteri maledicendo imprecatur; vel etiam propter affectum eius, qui praefert maledictionis verba, dum ex leui motu, vel ex ludo, aut ex surreptione aliqua talia verba praefert: quia peccatum verborum maxime in affectu pensatur.

Si queras, an qui plures homines simul malediceret mortem eis optando, vnum, vel plura peccata committeret? Respondetur, de hoc sicut; & de voluntate occidendi plures homine simul, varias esse Doctorum sententias; de quo vide Dianā

232 *QVÆSTIO LXXVI.*

1. p. tract. 7. de circumstantijs, resolut. 17. & 29 Quidam dicunt, plurā numero peccata committere: nam quamvis non esset nisi vnus numero actus physicè, in eo tamen essent plures numero malitiæ morales. Alij vnum solum numero peccatum, tam physicè, quam moraliter committere asserunt: tum quia plurā numero solum distincta accidentia non possunt esse simul in eodem subiecto: tum etiā quia diuersitas numerica obiectorum nō est sufficiens ad diuersitatem numericam actus etiam in genere moris, vt patet in actu charitatis, quo quis diligit plures homines. Quamuis autem vnum solum numero sit peccatum, hoc tamen grauius est, quam si vnus solum homo malediceretur. Vnde, qui dicunt, circumstantiæ aggrauantes notabiliter esse necessario aperiendas in confessione, asserunt, in ea exprimendum esse, quot fuerint homines maledicti. Qui vero docent, solum esse necessario confitendas circumstantias mutantes speciem, dicunt, satis esse confiteri maledixisse, & non esse opus exprimere, quot homines maledixerit. Mihi probabilius videtur, vnum solum numero esse peccatum, tam physicè, quam moraliter: quia tamen multis numero distinctis æquualet, aperiendum esse in confessione quot homines maledixerit: nā quamuis quasi actiue vna sit maledictio, & iniura; quasi passiue tamen tot sunt, quot homines maledicti, illæque volitæ formaliter, & expresse. Vnde non est eadem ratio,

ARTICVLVS III. 233

tio, ac quando aliquis plurium deposita in eadem arca existentia furatur: nam hic formaliter, & expresse solum vult summam illam pecunie accipere; iniuriam vero, quæ fit dominis solum implicite.

ARTICVLVS IV.

Virum maledicere sit grauius peccatum quam detractio.

Conclusio est negans.

NOtat hic Caiet. Quod maledictio in tot species distinguitur, quot specierum sunt mala, quæ imperat, vel optat; unde in littera dicitur in responsione ad 2. quod si ille, qui maledicit, velit malum occisionis alterius, non differt desiderio ab homicida. Et simile est de alijs malis puta contumelia, infamia, rapina, percussione, carceris, mutilationis, &c. Vniuersaliter namque verum est, quod optare, vel imperare aliquid ad illam speciem spectat, ad quam spectat facere illud.

Aduertendum tamen est, hoc non esse ita intelligendum, vt maledicto, quæ quis alteri optat mortem, & quæ eidem optat infamiam, sint diuersæ speciei formaliter, sed quia hæc desideria sunt diuersarum specierum peccata, imperata tamen à maledictione, quæ propterea in illa distingui

di.

dicitur quasi materialiter .

Idem de odio dixerat Caiet. supra q. 34. art. 6. circa responſionem vltimi, vnde hic ſubdit; *Vbi memento, quod ſicut odium tendit in malum abſolute, alia autem vitia puta homicidium, contumelia, &c. ad tales malorum ſpecies: ita hoc quod dico, maledictus ſit ille, & huiusmodi, vnius ſpeciei eſt, & non differt ſpecie ab odii vitio: quoniam ad malum utrumque terminatur. Cum vero ad ſpecies malorum imprecanda deſcenditur, puta ſit mortuus, pauper, captiuus, ager, & huiusmodi, ad ſpecies homicidij, furci, incarcerationis, &c. declinatur iuxta preſentis littera doctrinam. Et ſi omnia, aut multa ſimul mala, quis imprecatur, multarum ſpecierum deformitates incurrit, vno vitio circumſtante aliud.*

Ex his colligitur differentia, quæ quantum ad hoc eſt inter maledictionem, & odium ex vna parte, & contumeliam, & detractiōem ex alia. In his enim licet multa mala ſpecie diſtincta dicantur de aliquo, eſſe ſcilicet homicidam, & furem, non eſt ibi niſi vnicum peccatum contumeliæ, aut detractiōis vnius ſpeciei ſpecialiſſimæ, vt docet Caiet. ſupra q. 72. art. 1. quia mala, quæ ibi dicuntur, non deſiderantur, ſed potius diſplicant. At in maledictione, & odio, quando plura mala ſunt volita, plura diuerſarum ſpecierum ſunt peccata, furci ſcilicet, & homicidij, ait nāque D. Thom. hic ad 2. *Si ille, qui maledicit, velit malum occiſionis alterius, deſiderio non differt ab homicida. Et idem eſt ſi velit malum*

lum spoliationis alterius, desiderio enim non differt à fure. Cuius ratio est, quam Caietanus assignat: quia velle, & facere aliquid eiusdè sunt speciei; ergo sicut mortem inferens alteri homicida est, ita & mortem eidem desiderans: & sicut alium expolians est fur, ita & optans; vt expolietur ab ipso vel ab alio. Vnde licet, contumeliosus; & detractor non teneantur in confessione aperire mala, quæ dicunt de alijs iuxta probabilem opinionem, asserentem solum esse necessario aperiendas circumstantias mutantes speciem, qui tamen odio habet, aut maledicit alterum, mala volita explicare debet necessario dicens, optavi illi mortem, pauperiem, infamiam, &c. & non sufficit dicere, toties illum odio habui, vel maledixi.

Oppositum huius tenet Diana i.p. tra.7. De circumstantijs, resol. 30. citatque pro se Bonacinam in tract. de legib. disp. 3. q. 4. puncto vlt. §. 1. num. 10. & M. Ledesma in Summa tom. 2. tract. 3. cap. 6. con. 8. Sed M. Ledesma solum ait, odium semper esse peccatum vnus speciei, etiam si quis proximo diuersa mala desideret, nempe ipsi occidere, & expoliare: quod intelligendū est formaliter. Ex hoc tamen non licet inferre, sufficere poenitentem dicere, setoties odisse proximum, & non opus esse explicare mala illi volita. Sicut enim cum quis furatur, & occidit propter mechiam, licet mechia semper sit eiusdem speciei, non sufficit dicere, toties fuisse fornicatum,

sed

sed opus est explicare occidisse, & furatum fuisse : ita qui ex odio desiderat alium occidere, & expoliare, non sufficit dicere, toties illum odisse, sed opus est, vt explicet, desiderasse illum occidere, & expoliare : sicut si ex odio occidisset, & expoliasset, non satisfaceret suæ obligationi si diceret, toties illum odio habui, sed opus esset explicare, illum occidisse, ac spoliasse. Quamuis enim odium semper sit eiusdem speciei secundum suam rationem formalem, etiã si quis proximo diuersa mala desideret, nã vt ait D. Thom. supra q. 31. art. 4. ad 2. *Omnia nocumenta, in quantum considerantur secundũ communem rationem mali, reducuntur ad odiũ.* Sicque odij in proximum species vnitatem habet ex ipsa ratione malũ, quia scilicet, vult malum proximo. Tamen quasi materialiter distinguitur in tot species, quot sunt specierum mala, quæ imperat, vel optat, vt de maledictione hic dicit Caiet. qui & supra q. 34. art. 6. ait : *Sicut odium a eum opere vnum constituit peccatum multarum deformitarum : ita & odium cum desiderio talis mali vnum constituit plurius deformitatum peccatum.* Ergo sicut illæ deformitates sũt necessario in confessione explicandæ, ita & hæ.

237

QVÆSTIO LXXVII.

*De fraudolentia, quæ committitur
in emptionibus, & ven-
ditionibus.*

ARTICVLVS I.

*Vtrum licitè aliquis possit ven-
dere rem plusquam
valeat.*

Conclusio est negans.

*Dubium I. Quid sit emptio, & ven-
ditio, quid, & quosuplex contra-
ctus.*

Contractum sic definit Mag. Soto lib. 6.
de iustitia, quæst. 2. art. 1. con. 1. *Con-
tractus est actio inter duos, ex qua utrinque
obligatio nascitur. Quam definitionem col-
ligit ex L. Labeo, ff. de verborum, ac rerum
significatione, ubi dicitur: Contractum ultra
utroque obligationem esse. Quod non est in,
telligendum formaliter, aut idempticè, sed
causaliter: quia contractus non est ipsa
obligatio, sed eam causat, ex illoque obli-
gatio nascitur.*

Actio,

238 *QVAESTIO LXXVII.*

Actio, quæ loco generis ponitur, humana esse debet, sicque voluntaria, ac libera. Vnde cum error, vel dolus circa substantiam rei inuoluntarium causet, contractum irritat; etiam si error, & dolus sit concomitans, hoc est, quo sublato, adhuc contractus fieret: nam quamuis talis error, & dolus non faciat inuoluntarium; tamen neque facit voluntarium, cum nihil sit volitum, quin præcognitum. Qua propter si quis errore, vel dolo deceptus emeret vitrum pro gemma, nullus esset contractus, & qui vendidit teneretur pretium emptori reddere, aut gemmam ei dare. Si error, aut dolus solum sit circa qualitatem rei, & non det causam contractui, cōueniunt omnes, non irritare contractum: nam non facit inuoluntarium, cum, etiam si contrahens sciret rei qualitatem, vellet contrahere, equum v.g. vitiosum emere, quamuis non eo pretio. Si vero det causam contractui, & dolus proveniat ab altera parte, vel saltem illa sit particeps doli, adhuc contractus non est omnino irritus iure naturæ: quia dolus non versatur circa substantiam contractus, aut materiæ, sed circa causam contrahendi, quæ rei est extrinseca, & accessoria, sicque non tollit voluntariū consensum; qui aliquo modo sit sufficiens ad naturam contractus: irritari tamen potest pro arbitrio eius, qui deceptus est, quia cum alter fecerit, ei iniuriam, dolo inducendo eum ad contrahendum, tenetur omnia infecta reddere, si deceptus velit. An ve-

ſo talis contractus ſit omnino irritus iure poſitiuo, difficultas eſt, de qua vide P. Leſſum lib. 2. cap. 17. dub. 5. n. 31. & ſeq. vbi nec hoc iure eſſe irritum, multos ſentire non improbabili- ter, refert.

De metu quantumuis graui, & in virum conſtantem cadente communis ſententia eſt, non irritare contractum iure naturæ: nam vt dicitur 1. 2. q. 6. art. 6. metus non cauſat inuoluntarium ſimpliciter, & ſicut in his, quæ metu fiunt, eſt ſufficiens voluntarium ad peccatum, ita & ad contractum, qui debet eſſe actio voluntaria. Quia tamen, quæ metu fiunt, habent aliquid admiſtum inuoluntarij, iure poſitiuo nonnulla metu facta irrita eſſe decretum eſt, quæ numerat Gloſſa in Cap. Abbas, De his, quæ vi, &c. nempe contractus matrimonij, dos promiſſa, vel ſoluta, traditio, vel promiſſio de rebus Eccleſiæ, votum, iuriſdictio, & auctoritas tutoris per metum extorta. De reliquis dicitur cap. citato; *Quæ metu, & vi fiunt de iure debent in irritum reuocari.* Vnde licet alij contractus metu graui celebrati, non ſint iure poſitiuo omnino irriti, poſſunt tamen in irritum reuocari, & reſcindi, ſi metus iniuſte incuſſus fuit ad contractum extorquendum: quia, qui metum iniuſte incuſſit, iniuriam alteri intulit, ſicque tenetur illum in priorem ſtatum reſtituere, & alter ius habet exigendi hanc reſtitutionem, etiam ſi non à parte, ſed à tertio ſit metus illatus. Si metus non fuiſſet incuſſus ad contractum eliciendum, ſed ob alium finem

finem, non posset rescindi, vt patet, si quis ob metum mortis, quam ei inimicus comminatus est, emeret arma offensiuâ, & defensiva, aut equum, vt periculum aliquod euaderet. Similiter si metus non iniuste, sed iuste fuisset incussus etiam ad contractû extorquendum, hic non posset rescindi, vt patet, cum quis ob metum pœna sibi iuste à Iudice impositæ virginem, quam violauerat, ducit vxorem, aut dotat, aut contractum alium promissum, aut debitum perficit. An metus reuerentialis, etiam sine minis, & verberibus, censeatur cadere in virum constantem, & sufficiens sit ad rescindendos contractus, inquit Diana 3. p. tract. 5. miscel. resolut. 20. & affirmando respondet, sicque posse confessarios sine vilo scrupulo infinitos vxorum, & filiorum familias contractus rescindere: nam vt plurimum ex metu reuerentiali efficiuntur. Idem dicit de precibus importunis. Vide illum. Vide etiam Syluestrum verbo *Restitutio*, 2. dicto 7. & seq.

Secunda particula definitionis est, *Inter duos*, quod intelligendum est ad minus, nã inter plures potest contractus celebrari, quorum singuli in solidum obligentur. Ad minus autem debere contractum esse inter duos, constat: tum quia nullus cum se ipso potest contrahere: tum etiam quia vt ait M. Soto vbi supra: *Contractus omnis, si de suo nomine rem perpendas, iustus iustitia est*. Iustitia autem cum sit ad alterum, ad minus duos requirit.

Ter-

ARTICVLVS I. 241

Tertia particula est. Ex qua utrinque obligatio nascitur. Ex qua, & ex proxime dictis colligit Mag. Soto ubi supra, donationem, & simplicem promissionem non esse contractus; nam ad iustitiam non attinent, sed sunt actus liberalitatis, & ex eis non oritur obligatio utrinque, sed in altera tantum parte; solus enim donans, & promittens obligatur ad tradendum. Quod verum est de contractu proprio, cui soli hæc definitio conuenit, Sylvester tamen verbo; *Contractus*. q. 1. dicit: Baldum notare triplicem esse contractum, scilicet proprium, improprium, & improprissimum. Primus est, quando utro, citroque nascitur obligatio, ut in emptione, & locatione. Secundus est, quando solum una pars obligatur, ut in donatione solus donans obligatur ad tradendum, & aliquando de euictione. Tertius est, quando ex nulla parte oritur obligatio; sed potius dissolvitur obligatio facta, ut est transactio facta nudo pacto, &c. Et quamuis M. Soto ubi supra dicat, hoc esse nomina a sua nativa significatione ab alienare, & abusus istas acceptiones ab usu esse abigendas. Cum tamen in L. *Contractus*, C. De fide instrum. donatio contractus appelletur his verbis, *Contractus reditutionem, vel permutationem, vel donationem, &c.* Vbi Glossa inquit: *Contractus*, prout refertur ad donationem, improprie ponitur. Non est, cur has acceptiones ab usu abigamus. Si quæras, quænam sit obligatio, quæ ex actione inter duos, quæ est contractus, nascitur? Respondetur non esse eam, quæ

in sola honestate fundatur, & à Jurisperitis dicitur, antidotalis, seu antidota, quæ scilicet quis tenetur esse gratus benefactori, & solum inducit debitum morale, laudabile quidem; sed non præceptum: sed eam, quæ in necessitate fundatur, & inducit debitum sub præcepto, vel naturalis, vel ciuile; sicque omnis contractus contrahit obligationem naturalem, & in foro conscientie obligat, cum iure naturæ teneatur quis præstare, quod promittit titulo gratuito, aut oneroso alteri acceptante, Vide Couar. in Cap. *Quamuis pactum*, par. 2. §. 4. num. 22.

Si quæras à quibus modis contractus perficiatur; seu quomodo contrahatur? Respondet Syluester verbo *Contractus*; q. 6. *Quatuor modis, re, verbis, litteris, & consensu*. Quos explicat verbo *Obligatio* qu. 2. *Re, ut in mutuo, commodato, deposito, & huiusmodi*. Non enim contractus ij censentur celebrati nisi re tradita. *Verbis, ut in stipulando*: stipulationes enim debent fieri iisdem verbis, ut dabis mihi decem pro pallio & dabo: promittis dare centum pro vinea mea? dabo. *Litteris, ut quando quis litteris confitetur se aliquid recepisse, quod tamen non recepit*. Vel quando ante scripturam ratus non habetur contractus, ut emphyteusis, & alij contractus, quos contrahentes nolunt habere vim antequam à notario scribantur. *Consensu, ut in societate, mandato, emptione, venditione, vel locacione, in quibus nec scriptura, nec præsen-*
tia

ARTICVLVS I. 243

ria requiritur, sed sufficit contrahentes consentire per se, vel per nuntium. Qui consensus debet esse exterius vtrimque explicatus verbis, aut aliquo sensibili signo.

Diuiditur autem contractus in contractum nominatum, qui scilicet habet nomen speciale ipsi soli conueniens: & in contractum innominatum, qui scilicet solum habet nomen commune, quod etiam alijs contractibus nominatis conuenire potest.

Contractus innominatus diuiditur in quatuor species, vt docet Syluester verbo *Contractus*, qu. 4. & colligitur ex L. *Naturali*, ff. De praescriptis verbis, vbi sic dicitur: *In his competit speciebus. Aut enim, do tibi, vt des; aut do, vt facias; aut facio, vt des; aut facio, vt facias.* Ad has quatuor species omnes alij contractus innominati reducuntur, vt M. Soto aduertit vbi supra con. 2. ad finem.

Contractus nominatus diuiditur in septem species; quas numerat M. Soto vbi supra con. 2. dicens: *Septem sunt contractuum species, scilicet emptio, cambium, mutatio, emphyteusis, commodatio, permutatio, locatio.* Mutuationem non sub contractu proprio, sed improprio constituit Syluester verbo *Contractus*, qu. 1. & ait: *In mutui solum recipiens obligatur ad tantundem recipiendum.* Sed M. Soto vbi supra probat mutuationem a propria ratione contractus non recedere: Tum quia est datio, vt reddatur: tum quia si fidei data

pollicitus es mutuare, tu teneris dare, atque alter reddere. Præterea, ut hic ait M. Bañes, mutuator, eo ipso, ac mutuat, manet obligatus ad non statim repetendum, donec mutuatarius aliquid commodi acceperit, vel accipere potuerit moraliter loquendo ex re mutuata. Sentit tamen M. Soto cambium ad emptionem, & permutatam commodationem ad locationem reduci. Ex quo infert: *Satis ergo fuisset, quinque numerare species, nisi quod explanationis gratia alia adiuncta sunt.* M. Bañes vero hic, nec cambium ad emptionem, nec permutatam commodationem ad locationem reduci docet; cum cambium antiquior contractus sit, quam emptio, & permutata commodatio non exigit æqualitatem, qualem exigit locatio; ac proinde optime fuisse numeratas septem species contractus. Inter quas non adnumeratur matrimonium, neque votum solemne, quia contractus isti sunt circa personas, cum sint quædam traditiones personarum: hic vero est sermo de contractu circa res ipsas.

Sufficientiam diuisionis probat M. Bañes ratione sumpta ex M. Soto. Nam per contractum potest transferri, vel dominium rei, vel ususfructus illius, aut tantum usus. Si transferatur dominium rei, constituentur tres species, scilicet cambium, quod res pro se commutatur, & emptio, cuius correlatiuum est venditio, quæ transfertur dominium rei pro pecunia

nia seu pretio, & mutuatio, qua transfer-
tur dominium rei cum obligatione, vt red-
datur tantundem in alio individuo. Si non
transferatur dominium, sed vsufructus pro
aliquo pretio, vel pensione temporali, vel
perpetua, talis contractus est emphyteu-
sis, id est melioratio, per quam, licet trans-
feratur res ad vsufructum, & dominium
vtile, non tamen dominium directum.
Si tantum transferatur vsus rei, res autem
ipsa restituenda sit, conflungunt tres spe-
cies: nam si transferatur gratis, est com-
modatio; si pro vsu alterius rei est permu-
tata commodatio; si pro pretio, locatio.
Ad has septem species (inquit M. Bañes)
reduci possunt omnes alij contractus. Vi-
de illum, & Sylvestrum verbo *Contractus*,
& verbo *Pactum*.

Emptionem, & venditionem sic definit
Mag. Soto vbi supra ad finem articuli:
*Est enim venditio rei pro pretio distractio: emp-
tio autem rei pro pretio contractio.* Et aduer-
tia, verba hæc, scilicet distractio, & con-
tractio, esse verba iuris, quibus generali-
ter significatur translatio dominij, vt col-
ligitur ex Lege 2. C. De rescindenda ven-
ditione. Cum autem contractus sit genus
respectu emptionis, & venditionis, in ear-
um definitionibus necessario debet collo-
cari. Unde prædictæ definitiones sic ex-
plicandæ sunt. Venditio est rei pro pre-
tio distractio, id est, contractus, quo pro
pretio rei dominium alienatur. Emptio
autem pro pretio contractio, hoc est, con-

tractus, quo pro pretio rei dominium
acquiratur, seu comparatur.

Contractus in his definitionibus, non
quidem diuersarum specierum, sed dua-
rum partium eiusdem contractus, poni-
tur loco generis: reliquæ particulæ loco
differentiæ.

Per secundam particulam: nempe *Pro
pretio*, distinguitur contractus emptionis,
& venditionis ab alijs contractibus, quibus
transfertur dominium, aut vsus, sed non
pro pretio, præsertim à cambio, quo res
pro re commutatur. Vnde si pro re ali-
qua detur pecunia, & res, vt pro agro a-
lius ager, & mille aurei: reuera sunt
ibi duo contractus: vel si res quæ datur
fuerit multo maioris valoris, quam pecu-
nia, erit permutatio, vel cambiū; si ve-
ro pecunia fuerit multo maioris valoris,
censebitur emptio, & venditio, quia
à maiori parte fit denominatio: si pecunia,
& res fuerint æqualis valoris, censebitur
talis contractus, qualem ipsi contrahen-
tes intenderant. Nec multum interest ad
mores, an isti contractus distinguantur spe-
cie metaphysica, an solum per diuersos
modos, qui in eis requirunt differentem
considerationem.

Per tertiam particulam, nempe: *Rei di-
strahio, vel contrahio*. Hoc est, quo rei do-
minium alienatur, vel comparatur, distin-
guitur contractus hic ab alijs, quibus non
transfertur dominium. Sed aduerte, quod
quamuis, vt per emptionem, & vendi-
tio;

tionem, quæ consensu exterius explicato peraguntur, vt diximus, transferatur de facto dominium, requiratur traditio (nam vt dicitur in *L. Traditionibus, C. De pactis: Traditionibus dominia rerum, non nudis pactis transferuntur*) tamen rectè dicitur venditio rei distractio, & emptio rei contractio: quia ad hoc tendunt, vt transferatur per illas dominium rei, & non solum, vsusfructus, vel vsus. Et quamuis non nudis illis transferatur dominium, virtute tamen illarum, transfertur, & non solum traditionis. Vnde in *L. Nunquam, ff. De acquirendo rerum dominio* dicitur: *Nunquam nuda traditio transfert dominium, sed ita, si venditio, vel aliqua iusta causa precefferit, propter quam traditio sequeretur.*

Dubium 2. Quomodo constitui, & taxari debeat pretium iustum rerum venalium.

ANte omnia certum est, pretia rerum non secundum earum naturam æstimanda esse, sed quatenus in vsus veniunt humanos. Probat hoc M. Soto lib. 6. de iustitia, quæ 2. artic. 3. con. 1. Quia cum mundus, & quæ in eo continentur, propter hominem facta sint, tanti civili estimatione res valent, quantum hominibus inserviunt. *Qua fit* (inquit S. Aug. lib.

248 QVAESTIO LXXVIII.

chb. in de Cinit. Dei cap. 16.) ut quadam
sancti carentia quibusdam sentientibus propo-
namur. si potestas esset, ea
prodesse delectationem rerum auferre vellemus, &c.
Quis enim non daret sua panem habere, quam
murescere homines quam pulices malit? Sed
quod mirum solum in ipsorum etiam hominum,
affirmatione, quorum certe natura tanta est di-
gnitatis, & plerumque carius comparetur equus
quam seruus, gemma quam famula. Vide
D. Thom. hic art. 2. ad 3.

Dicendum est ergo tria esse, quibus con-
stitui, & taxari potest pretium iustum re-
rum venalium. Primum est, beneplaci-
tum Reipublicæ, vel eorum, qui ab ea
auctoritatem habent, quales sunt Principes,
Magistratus, &c. Secundum est, æ-
stimatio communis fori, & bonorum ho-
minum. Tertium est, conuentio inter emp-
torem, & venditorem ipsum.

Prima pars colligitur ex D. Thom. supra
quæst. 57. art. 2. in corp. & ad 2. ubi ait:
*Voluntas humana ex communi conditio potest
aliquid facere iustum, &c. Vnde Philosophus
dicit in 5. Etich. quod legale iustum est, quod
ex principio quidem nihil differt sic vel aliter,
quando autem ponitur differt. Ergo ex be-
neplacito Reipublicæ, & Principum, &
Magistratum potest lege constitui iustum
rerum venalium pretium, quod proinde
iustum legitimum vocari poterit.*

Secundo probatur, ad Rempublicam,
Principes, & Magistratus, sicut spectat in
cæteris rebus bonum commune curare,

fic:

fic, & mercibus pretia imponere propter bonum commune, ad auerendas scilicet fraudes, & pauperum expilationes; ergo sicut eorum statuta circa alias res, ita & circa mercium pretia à subditis seruanda sunt. Confirmatur, Magistratus iudicium minus corruptum est, prudentius etiam, utpote qui accuratius perspectas habet hic considerandas circumstantias; ergo illi standum est in pretij mercium estimatione, nisi forte constaret euidenter, continere errorem intollerabilem, & manifestam iniquitatem ex odio, aut fauore, aut ignorantia crassa prouenientem: in casu enim dubij illi standum est, ut docet M. Bañes hic circa primam regulam, & communiter Doctores.

Aduertendum tamen est, hoc pretium consistere in indiuisibili: vnde, ut vbi supra con. 3. ait M. Soto: *Vbi pretium lege positum est, nempe ut modius aut tritici aut vini, aut vlna panni vendatur decem, nequi vnus oboli accessio licita est, sed est peccatum mortale, si excessus notabilis augeatur, obnoxiumque restitutioni, & si excessus sit perexiguus, veniale.* Potest quidem minori pretio quam decem vendi, maiori vero nequaquam. Sicut è contra quando pretium taxatum est versus minimum, non potest res emi minori pretio, bene vero maiori, ut contingit in emptione censuum.

Est vero difficultas, an tempore abundantie possint res v.g. triticum vendi pretio taxæ, & tempore inopie maiori pretio

l t s . quam

quam taxato? Ad quam respondetur: si
 abundantia, vel inopia tanta sit, vt non
 potuerit præuideri, quia extraordinaria,
 & tempore illius legitimum, ac antea ta-
 xatum pretium non mutauerint ij, ad quos
 spectat, non posse tempore talis abundan-
 tiæ res vendi pretio taxæ, vt ait M. Bañes
 hic dubio 2. ad 1. & tempore talis inopiæ
 posse vendi maiori pretio, quam taxato:
 quia communis æstimatio tempore talis
 inopiæ augeat, & tempore talis abundantie
 deprimat taxatum pretium, hocque tunc
 non est iustum. Si autem abundantia, vel
 inopia non fuerit tanta, sed præuideri po-
 tuerit, existimandum est illa præuisa com-
 pensando inopiam quorundam annorum
 cum abundantia aliorum, & considerando
 omnes circumstantias, & temporum va-
 rietates, iustum pretium legitimum fuisse
 constitutum ab his ad quos attinet, pro
 quocunque tempore, sicque tempore abun-
 dantiæ res posse vendi pretio taxato, & te-
 pore inopiæ non posse vendi maiori pretio,
 quam taxæ, de quo vide M. Ledesma 2. p.
 Sū. tr. 1. c. 32. concl. 7. difficult. 19. Quan-
 do dubium est, an pretium lege constitutum
 sit iustum etiam pro annis sterilitatis, legi-
 standum est. Quod Diana 1. p. tract. 2. re-
 solut. 70 cum alijs intelligendum esse di-
 cit, quando iustitia legis æquè probabilibus
 rationibus nititur, nam si oppositum sig-
 nificante probabilius, subditi possunt se
 excusare, ab obseruantia talis legis. Sed
 communior sententia est, obediendum esse
 legi.

ARTICVLVS I. 251

legi Superioris, si non contineat manifestam iniustitiam, de quo vide quæ diximus 1. 2. quæstione 19. artic. 6. dubio 5. ad 3.

Secunda pars conclusionis colligitur ex L. Si seruum, ff. Ad legem Aquiliam, Vbi dicitur: *Pretia rerum non ex affectione nec utilitate singulariter: sed communiter fungi.* Vbi Glossa: *Id est aestimari.* Et ex L. Pretia; ff. Ad legem falsidiam, vbi idem dicitur, solo tempore verbi vltimo loco positi variato, nempe: *Funguntur.* Vbi Glossa: *Vel dic, communiter finguntur, scilicet pretia, id est statuuntur.* Cum enim iudicium priuatum fit maxime fallax, & lucri cupiditate facile perueratur; iudicium vero commune fit minus errori obnoxium, & certior regula non suppetat, huic in constitutione pretii standum esse ratio dictat.

Vocatur autem pretium hoc communis fori, & hominum intelligentium, ac bonorum æstimatione constitutum, vulgare a quibusdam; a M. Soto vero vbi supra, naturale: *Quia secundum naturam vsui accommodatam currit.* De quo, & subdit: *Non indissolubile est, sed latitudinem habet iustitie: cuius unum extremum dicitur rigidum, alterum vero pius: sed medium moderatum.* Vt quæ res iuste venditur decem, iuste quoque venditur, cum undecim, cum etiam nouem, In quo differt a pretio legitimo, quod in indissolubili consistit, vt diximus. Et ratio differentie est; quia cum legitimum taxetur ab vno, vel a multis in

vnum conuenientibus, potest determinari terminus indiuisibilis illius, quantum ad magnitudinem, aut paruitatem: naturale vero, aut vulgare pretium a plurimorū iudicio pendet, qui non idem omnino iudicant, nec in eodem conueniunt, sed quod quidam æstimant nouem, alij vndecim.

Hanc latitudinem, quæ est trium, dicunt nonnulli seruandam esse rebus minus pretiosis, quales sunt valentes communiter decem: si enim res fuerint pretiosiores, maior erit latitudo, vt si res medio pretio valeat centum, supremum erit centum, & quinque, infimum nonaginta quinque, sicque latitudo erit decem. Sed melius est ad vsum fori aspicere, vt dicit Diana 3. p. tract. 5. miscellaneo. resol. 112. Ego non dubito, quandoque hanc inueniri latitudinem, illam tamen semper esse constituendam, & maiorem quo fuerint res pretiosiores, falsum esse existimo non enim ex rerum pretiositate, sed ex vso fori est accipienda, alias cresceret in infinitum.

Tertia pars conclusionis patet: nam multarum rerum pretium non est taxatum lege, aut communi fori, & hominum æstimatione; ergo necessario constitui debet conuentione inter emptorem, & venditorem.

Quod contingit primo, quando res sunt nouæ, aut nouiter adductæ, vt cum artifex aliquod nouum opus vtile alicui facit, aut cum merces ex alijs partibus nouiter adducuntur. Tuncque pretium iustum con-

stitui

stitui debet attentis, ac consideratis omnibus, quæ ad rei valorem faciunt, cuiusmodi sunt labor, industria, & expensæ artificis, & qualitas, & quantitas mercium, earumque inopia, vel abundantia.

Secundò, quando res non sunt necessariae ad vitam humanam, sed ad ornatum, decorem, & pulchritudinem, ac splendorem nobilitatis, cuiusmodi sunt gemmæ, equi insignes, aues raræ, picturæ veteres, & alia huiusmodi. De his ait M. Soto lib. 6. de iustitia, q. 2. a. 3. ad 2. *Illas potest quisque tanti vendere, quantum emptor sciens, & prudens voluerit dare.* Idem sentit M. Bafies hic ante primum dubium, & dubio 2. ad 4. ubi dicit, illud commune prouerbum, *Tantum valet res, quantum vendi potest.* quod habetur in L. 1. ff. Ad Senatus consulta, & in L. Si quis uxori, ff. De furtis, maxime verificari in his rebus. Oppositum docent M. Ledesma 2. p. Sum. tractatu 8. cap. 32. con. 5. diffic. circa tertiam regulam, & alij afferentes, harum etiam rerum pretium constituendum esse, non pro solo arbitrio venditoris, sed de consensu partium spectatis circumstantijs, & omnibus ad rei valorem facientibus. Vnde si quis aliquam ex his rebus venderet pretio excessiuo, restituere tenetur excessum, etiam si emptor tale pretium daret cæco quodam desiderio talis rei ductus. Mihi distinctione vtendum esse videtur. Si enim huiusmodi res communiter sint venditioni expositæ pretium communi æstimatione constitutum

habent, & vt hic ait Caiet. *Gemmae quando non habent emptores, vilissime venduntur: & quando multi inueniuntur earum emptores, magnifunt, & pretio notabiliter excessiuo venduntur.* De eisque verificatur prædictum commune prouerbum, vt illud explicat Glossa in L. Si seruum, ff. Ad legem Aquiliam: *Res tantum valet, quantum vendi potest, intellige communiter, hoc est, pretio communi æstimatione constituto.* Si vero non sint venditioni expositæ communiter, sed tanquam raræ res pretio communi æstimatione constituto carent, vt de eis loquitur M. Soto, probabilissima est eius sententia, quam, & cum alijs, quos refert, sequitur Diana 1. parte tractatu 8. de contract. resolut. 56.

Dubium 3. An sit aliquando licitum maiori pretio vendere, & minori emere, quam cõmuniter valeant.

Pars negans probatur: quando res venditur maiori pretio, quam communiter valeat, emptor non omnino voluntarie, sed semicoacte emit, & quando res emitur minori pretio, quam communiter valeat, venditor non libere omnino, sed seminiolenter (sicut, & qui proijcit merces in mare ne pereant) vendit; ergo neutrum est aliquando licitum.

Dicendum tamen est 1. Posse aliquando licite emi res minori pretio, quam communiter
niter

niter valeant, si adfit sufficiens, ac rationabilis causa. Patet hoc in rebus, quæ publico preconio substantur, & quærentes emptorem venduntur: ordinarie enim minori pretio, quam communiter valeant, emuntur.

Quæ nam autem sit sufficiens, & rationabilis causa diminutionis iusti pretij, explicat optime Caietanus hic, ubi ait, hæc non esse eam, quæ venditorem mouet ad vendendum, nam causa vendendi per accidens se habet ad iustum pretium: *Vnde siue ex indigentia, siue ex abundantia, siue ex complacentia, siue ex despectu quis vendat, non augetur, vel diminuitur pretium.* Si enim pauper rem vendat, quia est in necessitate constitutus, & diues quia non placet sibi tenere illam domi, cum hæc duæ causæ per accidens se habeant ad iustum pretium, neutra auget, aut minuit illud. sed, quod est iustum pretium pro re diuitis, est etiam iustum pretium pro re pauperis, & e conuerso, alias quælibet res pauperis plus aut minus valeret, quàm similis res diuitis, quod constat esse falsum.

Similiter docet Caietanus modum vendendi ultro offerendo, & quærendo emptorem, non esse per se causam diminutionis à communi pretio, ait namque: *Modus vendendi licet forte sit cum causa diminutionis huiusmodi; vera tamen causa est defectus emptorum.* Si enim adessent emptores, tanti, aut quasi tanti emeretur ultro nea merces, quam si reserua apud mercatores: sed quoniam pro

tunc

256 **QVÆSTIO LXXVII.**

tunc quando iste vult vendere, desunt emptores, ideo minus venditur, & rationabiliter, quia regulare est, quod res, quando plures habet emptores, tanto plus aestimatur, & valet. Vnde licet verum sit, quod communi pro-
 uerbio dicitur: Vltroneæ merces vilescunt pro tertia parte: hoc tamen provenit ex penuria emptorum, quæ solet esse, cum res tali modo venduntur: ob penuriam namque emptorum res, quæ substantantur, & quæ post bella, & deuastationes, & in fine nudinarum venduntur, vilius pretium habent. Quia igitur (subdit Caiet.) penuria emptorum nunc rationabilis causa est notabilis diminutionis pretij à pretio communi expectantium emptores; ideo iustum pretium censendum est, id quod inueniri potest facta promulgatione rei venalis, ne occulta venditio sit causa penuria emptorum.

Ex quo sequitur, si quis necessitate compul-
 sus aliquem secreto rogaret, ut rem aliquam ab eo emeret, non esse iustum pretium, quod ille dare vellet; nisi forte constaret, etiam si promulgaretur, non esse maius pretium inueniendum. Requirit etiam Caiet. docet, ut omnis fraus, & coactio remoueatur: nam si emptores monopolium facerent inimicem conuenientes de non emenda re, nisi tali pretio vili, non esset iustum pretium, etiam si maius à talibus emptoribus inueniri non posset.

Alij quinque numerant causas, ob quas emptor potest interdum emere rem minoris quam alias valeret. Prima,

si

si emptori parum est utilis, eamque in-
gratiam venditoris emat. Quæ sumitur
ex Nauarro cap. 23. num. 84. & Syluestro
verbo *Emptio*, quæst. 7. vbi ponit exem-
plum: *Sicut qui emit operas pauperis pretio
expensarum, ne fame moriatur.* Sed hæc ideo
vera est, quia tunc est penuria emptorum,
& venditorum copia, vt docet Mag. Soto
lib. 6. de iustitia, quæst. 3. artic. 1. con. 4.

Secunda, ratione modi vendendi, vt si
vendatur auctione publica, vel si quæran-
tur, aut rogentur emptores, nam merces
vltroneæ videntur. Sed iam dictum est,
id prouenire ex penuria emptorum.

Tertia est, si multæ sint merces, &
pauci emptores. Hæc verissima est, &
unica per se loquendo, vt patet ex di-
ctis.

Quarta, ratione donationis; potest enim
res emi minoris, quam sit pretium com-
mune, quando venditor censetur defectum
pretij condonare. Sed vt docet Caiet. hic
*In emptione, & venditione non est recurrendum
ad ea, quæ sunt per accidens, puta donationem
admixtam, dicendo quod venditor præsumentur
donare: tum quia hoc non est verum, sicut
nec in usura: tum quia iustum quæritur, non
donum in emptionibus, & venditionibus.*

Quinta, ratione copie mercedum; nam
quia si emere velit aliquis, potest emere
minoris, quam si paucas emeret. Sed hoc
etiam prouenit ex inopia emptorum: pau-
ciores namque sunt, qui res emant simul,
in magna copia,

Ad-

258 **QVÆSTIO LXXVIII.**

Aduertendum hic est, quod dicitur cōmuni proverbio hic relato à Caiet. Vltro: neæ merces vilescunt pro tertia parte, non esse sic intelligendum, vt non possint magis vilescere, vilescunt enim etiam quandoque pro media parte, vt ait Diana 1. p. tract. 8. resolut. 23. & 36. & 53. immo, & quandoque plus, vt patet in his, quæ post bella, & deuastationes venduntur sepe minoris, quam pro medietate: sed quia communiter pro tertia parte vilescunt.

Dicendum est 2. Posse etiam aliquando res maiori pretio, quam communiter valeant, vendi. Patet hoc ex D. Thom. hic, vbi postquam dixit, si loquamur de emptione, & venditione secundum se, non esse licitum rem carius vendere, quam valeat, subdit: *Alio modo possumus loqui de emptione, & venditione secundum quod per accidens cedit in utilitatem, & detrimentum alterius, puta cum aliquis multum indiget habere rem aliquam, & alius laderetur si ea careat. Et in tali casu iustum pretium erit, vt non solum respiciatur ad rem, quæ venditur, sed ad damnum, quod venditor ex venditione incurrit. Et sic licite poterit aliquid vendi plusquam valeat secundum se, quamuis non vendatur plusquam valent habenti.*

Primò ergo ratione damni emergentis potest res vendi maiori pretio, quam communiter valeat, etiam pretio à lege constituto: nam tunc non solum venditur res, cuius pretium lex constituit, sed etiam dam-

damnum, quod patitur venditor. Idem est de lucro cessante; ratione enim huius potest res pluri vendi. Vt si quis rem venditurus erat alibi ubi carior est, aut tempore, quo pluris esset valitura, & emptor eum rogat, vt hic & nunc vendat; tunc namque non solum rem vendit, sed etiam suum commodum, & utilitatem.

De affectu quo alicui res chara est; quia à parentibus accepta, vt fuit Naboth chara vinea, quam noluit dare Achab 3. Regum 21. v. 3. quidam negant ratione illius posse rem vendi pluri, quam communiter valeat; quia qui furto rem huiusmodi sustulisset, non teneretur restituere nisi pretium respondens rei; non affectui. Alij tamen docent posse aliquid ratione huius affectus exigi: facit enim talis affectus; vt hæc res non sit venalis; eam ergo venalem exhibendo in gratiam alterius, merito videbitur aliquid pretio æstimabile supra rem ipsam præstitisse: pretio namque æstimabile est, rem, quæ non erat venalis, venalem facere in gratiam emptoris, maxime si inde venditor aliquid molestiæ sentit. Idem est de affectu, quo res alicui chara est ob aliam causam rationabilem.

Aduertendum tamen est cum M. Soto lib. 6. de iustitia; quæst. 3. artic. 1. conclus. 3. in his casibus venditorem debere emptori significare causam cur tantum exigit, admonereque illum, vt videat an sibi

260 **QVAESTIO LXXVIII.**

fibi expediat ita emere : quia forte sciens rem non tanti per se valere , non volet emere.

Aduertendum est etiam , si venditor nullum damnum , aut incoinmodum sentit , etiam si pro venditione sollicitetur , & emptori magna utilitas proveniat , nullumque lucri consequatur iste ex re accepta , non posse rem vendi plurius propter hoc , ut hic docet *Dr Thom.* *Quia utilitas , quae alteri accrescit , non est ex venditione , sed ex conditione ementis . Nullus autem debet vendere alteri , quod non est suum , licet possit ei vendere damnum quod patitur*

Secundo potest res licite vendi maiori pretio quam communiter valeat , quando in substationibus , & auctionibus publicis res venditur : quia res ibi subsunt fortuitu , & incerto pretio ; ut sicut plerumque venduntur minoris quam sit pretium commune ob eumentium raritatem , & tepiditatem : ita vendantur interdum plurius ob eumentium multitudinem , & feruorem . Pretium enim , quod absque fraude potest illo modo vendendi obtineri , est iustum pretium illius fori , & potestas publica tacite censetur illud pro iusto pretio illius fori extraordinarij aestimare . Quod quidam extendunt ad casum , quo ex contentione licitatorum res duplo plus veneat , quam valeat communiter ; hoc enim fortunae venditoris relinquendum aequitas postulat , cum in multis alijs in-

infra iustum pretium commune vendere contingat. Alij extendunt etiam ad plus duplo, de quo vide Dianam r. p. tractat. 8. resoluit 55.

Tertio ratione officij mercandi possunt mercatores plus exigere, quam alias res valeret, est enim pretio æstimabilis industria, & sollicitudo, qua mercatores ex officio inquirunt, deportant, & conseruant merces, non sine magna Reipublicæ utilitate. Quia tamen in taxatione pretiorum semper habetur ratio officij mercandi, industriæ, & sollicitudinis, ac periculorum mercatorum; non est licitum mercatoribus pluri vendere merces, quam lege, vel communi æstimatione est præscriptum, ac proinde nec carius, quam licet alijs vendere, qui ex occasione vendunt, & curas, & impensas non habuerunt, quas mercatores: ij namque pretio currenti possunt vendere, & mercatores non possunt maiori.

Hoc dixerim de mercatoribus non obligatis: si enim conducti fuerint à Republica, illique obligati ad vendendum has, vel illas merces proprijs sumptibus quærendas, licite possunt carius vendere quam alii, qui non sunt ita obligati: ita tamen vt auctoritate eiusdem Reipublicæ pretium illud maius ipsis taxetur, & concedatur. Cum enim hæc obligatio onerosa sit, & pretio æstimabilis, ratione illius potest, his, qui tam suspiciunt, amplius concedi, quam alijs eam non habentibus.

Et

262 QVÆSTIO LXXVIII.

Et sicut cum Respublica sibi assumit curam, & sollicitudinem quærendi, & conservandi triticum, videmus ob sumptus, & expensas factas in eius asportatione, & conservatione sæpe illud pauperculis vendere carius, quam communiter valeat: ita eandem facultatem potest concedere mercatoribus sibi obligatis, tuncque ipsi soli illo maiori pretio vendere poterunt, alii vero communi pretio vendere tenebuntur. Idem est de illis qui ad vendendas carnes in publico macello tali pretio se obligarunt: si enim contingat post obligationem factam pretium arietum minui, ipsi soli poterunt carnes pretio, quo se obligarunt vendere, sicut, & eodem tenerentur eas vendere, si auctum fuisset pretium arietum.

Aliæ causæ quæ assignari solent, ob quas res plures vendi possunt, nempe ratione laborum, & expensarum; & ratione copie emptorum, & pecuniarum, & penuriae mercium, ad hoc faciunt, ut lege, aut communi æstimatione mercium pretia augeantur: non tamen, ut maiori pretio quam communiter valeant, vendantur; communi enim pretio stante, maiori vendi nequeunt.

Si quæres, an eadem res, possit multis pretiis legitimis, aut vulgaribus vendi? Respondetur; quando alicuius opera venditur multis, & æque commoda est singulis, ac si pro vno solo fuisset exhibitæ, satis probabile esse, posse à singulis tantum

tum exigi; quantum ab vno solo posset, nempe pretium à lege taxatum, vel communi æstimatione constitutum; sicque pluribus pretijs vendi. Vnde videmus ministros iustitiæ, qui ad locum remotum proficiscuntur, vt aliquod mandatum iudicis intiment, sæpe plura mandata deferre, & pro singulis pretium a lege taxatum exigere, sicque pro eodem aditu, & reditu plura prætia: Idem est de nuntijs deferentibus litteras, duorum ad eandem ciuitatem, à quolibet enim possunt integrum pretium accipere: & ad illorum fortunam, vel industriam pertinet, quod plura negotia concurrant, quæ vno aditu, & reditu effici possint tam vtiliter, & opportune pro singulis, ac si vnum solum, pro vno solo conficeretur. Hoc verum esse dicit Diana 3. p. tract. 5. misel. resol. 76. secluso iure positivo; si enim in aliquo Regno essent Pragmaticæ id prohibentes, non liceret.

Si quæras 2. an quando pretium est auctum per fraudes, & monopolium mercatorum, possit alius, qui non est particeps monopolij, suas merces illo pretio vendere? Respondetur, multos asserere id non esse licitum: quia idem pretium eiusdem rei non potest esse iustum respectu quorundam, & iniustum respectu aliorum: cum autem constet huiusmodi pretium sic auctum esse iniustum respectu auctorum fraudis ac monopolij, etiam erit iniustum respectu aliorum: pretium enim

264 *QVÆSTIO LXXVIII.*

enim factum per fraudem vendentium, respectu nullius est censendum iustum. Alij tamen quos refert, & sequitur Diana 1. par. tract. 8. resolut. 24. probabile esse existimant, id licitum esse: quia in tali casu prædictus venderet suas merces pretio communi: at pretium commune iustum est, etiam si sit actum per fraudes, & occultationem mercium aliorum, sicut & si fuisset auctum per obsidionem hostium; ergo licitum est illi tali pretio suas merces vendere. Non tamen auctoribus monopolij: quia cursum iusti pretij impedierunt, & eius augmenti iniuste causas fuerunt. Sicut, & quamvis pagas acerbas, ut dicemus de bio 5. liceat cuilibet minori pretio emere; non tamen ipsi debitori: quia hic causa fuit malignæ solutionis. Ex quo patet solutio argumenti primæ sententiæ. Notat vero Diana cum alijs, quos refert, non esse monopolium contra iustitiam, quando mercatores conspirant, ut nullus eorum vendat nisi pretio supremo, vel medio. Unde & ipsi etiam illo pretio suas merces vendere possunt, etiam si eorum industria tale pretium non fuerit diminutum. Similiter dicit resolut. 76. non quodcunque monopolium mercatorum, ut non nisi certo pretio emanet, esse iniquum, si reuera illud est iustum pretium. Unde si quis in publica licitatione rogaret alios, ne plus dent certa quadam quantitate, ut ipsi iusto pretio, infimo tamen, vel mediocri
rem

rem habeat, iuxta illud forum : aut volens aliquod officium emere , vel conducere vectigalia, aut alios prouentus pretio iusto, sed moderato, rogaret alios, ne plus darent, non peccaret contra iustitiam, nec teneretur ad restitutionem aliquam : nam ipse non vi, & metu impediret alios, ne augerent pretium, sed industria, & diligentia vteretur, vt res sibi iusto pretio detur, timens in emendo augumentum magnum in pretio.

Ad argumentum autem in principio factum respondetur cum Caietano, hic negando consequentiam: nam quamuis tunc emptio, aut venditio aliquid habeat admistum de inuoluntario, quo ad causam, hoc non facit illicitam venditionem, aut emptionem; si pretium sit iustum, vt patet, cum quis necessitate indigentie coactus vendit iusto pretio agrum habitum à proauis. Aduertit autem in Sum. verbo *Emptio*, idem Caietanus: *Iustum pretium non solum est illud, quod communiter in illa patria currit, sed illud, quod nunc, hic, sub hoc vendendi, seu emendi modo potest communiter inueniri: ita quod licet res aliqua Roma à mercatoribus vendatur centum, si eadem res Roma vltro expectata venditioni, siue subastando, siue per proxenetas, non inuenit emptorem, nisi pro septuaginta, (cum quia vltrenæ merces vilescunt: cum quia emptores pauci inueniuntur pro tunc: aut quia non indigent re illa: aut quia non habent pecuniam promptam pro illa re: aut quia non curant habere illam) iustam tunc ibi huius rei*

in †

pre:

pretium constituitur septuaginta . Vide illum .

Dubium 4. *An liceat vendere carius ob dilatam solutionem , & emere vilius ob solutionem anticipatam .*

P Ars affirmans probatur 1. D. Thom. hic ait : *Iustum pretium erit , ut non solum respiciatur ad rem , quæ venditur , sed ad damnum , quod venditor ex venditione incurrit .* Sed ex dilata pretij solutione vëditor multa damna incurrit , primum lucri cessantis , secundum periculi , cui se exponit perdendi capitale , quod forte sibi nunquam solvetur , tertium periculi expensarum , quas fortasse , antequam pretium recuperet , facturum est ; ergo licitè potest ob dilatam solutionem vendere carius , seu minori pretio . Idem argumentum fieri potest , quando emptor anticipata solutione emit ; similia enim pericula incurrit ; ergo potest emere minori pretio .

Secundo , sæpè contingit , ut tempore spectatæ solutionis merces plus valeant , quam nunc quando venduntur ; ergo quando plus esse valituras iudicatur , maiori pretio vendi poterunt spectata pecunia . Consequentia probatur : tum ex Cap. *In ciuitate* . De usuris , ubi dicitur : *Qui piper , seu sinamomum , seu alias merces vendūt expecta-*

Etata pecunia maiori pretio, quam valeant pecunia numerata, peccatum incurrere, *Nisi dubium sit, merces illas plus minusue solutionis tempore valituras*. Ergo quando plus esse valituras iudicatur, aut dubitatur, sine peccato maiori pretio vendi poterunt. Tum etiam, quia venditio non est perfecta, & completa usque ad tempus solutionis: at si fieret tempore solutionis, esset licita, & iusta; ergo etiam modo contractus ille, qui sit ex nunc pro tunc, erit licitus, & iustus.

Dicendum tamen est 1. Extra limites pretij iusti non esse licitum vendere carius ob dilatam solutionem; nec emere vilius ob solutionem anticipatam. Dixi extra; nam intra limites iusti pretij certum est, id posse fieri: si enim præsenti pecunia vendatur merces pretio infimo, vel mediocri, potest ob dilatam solutionem credito vendi pretio summo. Similiter si non anticipata solutione emitur merces pretio summo, aut mediocri, ob anticipatam solutionem potest emi pretio infimo.

Extra limites autem iusti pretij non posse id licite fieri docet D. Thom. q. seq. art. 2. ad 7. dicens: *Si aliquis carius velit vendere res suas, quam sit iustum pretium, ut de pecunia soluenda emptorem spectet, manifestè usura committitur: quia huiusmodi spectatio pretij soluendi habet rationem mutui*. Vnde quicquid ultra iustum pretium pro huiusmodi expectatione exigit, est quasi pretium mutui, quod pertinet ad rationem usura. Similiter etiam, si quis

emptor velit rem emere vilius, quam sit iustum pretium, eo quod pecuniam ante soluit, quam possit ei res tradi, est peccatum usura: quia etiā ista anticipatio solutionis pecuniæ habet mutui rationem, cuius quoddam pretium est, quod diminuitur de iusto pretio rei emptæ. Quibus verbis ratio nostræ conclusionis continetur, nempe: Expectatio pretij soluendi, & anticipatio solutionis pecuniæ in casibus nostræ conclusionis habet rationem mutui; ergo non licet pro expectatione solutionis plus pecuniæ, nec pro solutionis anticipatione plus mercis accipere, illud nāque plus acciperetur pro mutuo; sicque esset usura palliata emptione, aut venditione.

Dicendum est 2. Ratione damni emergentis, & lucri cessantis, periculi etiam pecuniæ amittendæ, ac expensarum, & molestiarum ad eam recuperandam licitum esse, carius vendere dilata solutione, & vilius emere solutione anticipata, quam res communiter valeant non dilata, aut expectata solutione. Hanc conclusionem probat primum argumentum factum in principio sumptum est D. Tho. hic.

Probatur deinde, & explicantur singulæ partes. Prima de damno emergente ab omnibus conceditur, colligiturque ex D. Thom. hic dicente: quando venditor damnum incurrit venditione; *Licite poterit aliquid vendi plusquam valeat secundum se.* Ergo si ob dilatam solutionem aliquod damnum venditori emergat, poterit rem carius

rius vendere, quam venditurus erat, & communiter valeat numerata pecunia; tunc enim non solum rem, sed etiam damnum vendit, & licitum est venditori se indemnem seruare, idem est de emptore, quando ob anticipatam solutionem damnum aliquod ei emergit.

Secundam partem de lucro cessante, M. Soto libro 6. de iustitia, q. 4. art. 1. licet affeueranter non refuter; de ea tamen dubitat. Sed illam communiter docent discipuli D. Thom. & alij, patetque ex dictis dub. præcedente, con. 2. & amplius patebit ex dicendis q. seq. Si enim non ratione lucri cessantis in mutuo licet aliquid ultra sortem exigere, quanto magis licebit in venditione?

Monent tamen prædicti auctores, verè deber e lucrum cessare ex venditione: sicut enim, si damnum nõ esset futurum ex venditione, sed ex negligentia venditoris, non posset inde augeri pretium: ita nec augeri potest, si lucrum verè non cessat ex venditione, vtpotè, quia venditor nõ erat merces venditurus, vel quia hæ non erant plus valiturae.

Monent etiam, venditorem posse pacisci, vt emptor soluat, aut quantum tempore venditionis valet spes lucri futuri, vel pretium, quod tempore solutionis deprehenditur habere merces, detracta æstimatione custodiæ, & periculorum.

Tertiam partem de periculo pecuniæ amittendæ negat M. Soto vbi supra, quem

270 **QVABSTIO LXXVII.**

sequuntur Nauarrus cap. 33. num. 81. & alij. Illam tamen docet Syluester verbo *Vsura*, 1. quæst. 35. quem sequuntur Medina C. de restitutione, quæst. 38. §. *Ad 3. causam*, & alij.

Probatur ratione sumpta ex Syluestro: quamuis enim *usura* sit, si quis recipit aliquid ultra sortem ratione mutui non obstante susceptione periculi, aut ratione mutui: *Non autem est usura si recipit ratione periculi tantum, ut pretium periculi: quia etiam si non mutualet: & periculum vellet in se suscipere, licite perciperet pretium, nec efficitur deterioris conditionis per hoc, quod ei seruit mutando.* Ergo quando venditur merces spectata solutione homini ignoto, aut male fidei, vel ab eo emitur merces anticipata solutione, quamuis non liceat aliquid recipere ultra sortem ratione solutionis anticipatæ, quia talis anticipatio, vel spectatio habet rationem mutui, ut diximus con. 1. licitum tamen erit accipere ratione periculi: nam ratione huius potest fideiussor, & securitas periri; & sicut alter potest per assecurationem tale periculum in se suscipere: ita & qui prædicto modo mutuat vendendo expectata solutione, aut emendo solutione anticipata, cum per hoc non efficiatur deterioris conditionis: ac per consequens potest ultra sortem recipere, quod debetur assecurationi, sicq; in pretio ascendere usque ad estimationem assecurationis, aut descendere iuxta assecurationis estimationem. Vide quæ dicimus infra

q. 78. ar. 2. dub. 3. con 1.

Neque huic obstat, quod in Cap. Nauiganti, de vsuris dicitur: *Nauiganti, vel eunti ad nun. linas certam mutuans pecunie quantitatem, pro eo, quod suscipit in se periculum, recepturus aliquid ultra sortem, usurarius est censendus.* Respondet enim Syluester vbi supra: *Ly, eo quod, non dicit causam receptionis lucri ultra sortem, sed causam mutuandi.* Vnde capituli casus est, quod iste mutuans erat mutuans, eo quod susciperet in se periculum, lucraturus per affecurationem periculi, alias non mutuaturus: & sic ex mutuo volebat consequi lucrum, non immediate, sed mediante affecuratione: sicut si artifex mutuarer alicui, ut ille ab artifice emeret aliquid, in qua emptione daret lucrum artificei. Sermo ergo est ibi de eo, qui ita mutuatur, ut alterum cogat, & obliget inire secum contractum præstandæ securitatis mercium, aut pecuniæ. Hic autem longè diuersus casus est à nostro; in quo, qui prædicto modo mutuatur, non obligatur alterum, sed rogatus ab illo talem contractum affecurationis inire suscipiendo in se periculum, quod est pretio æstimabile. Vnde falsum est, quod dicit Nauarrus vbi supra: *Quod Ecclesia declarauit iam esse illicitum per cap. In ciuitate de vsuris.*

Non obstat etiam argumentum M. Soto vbi supra: *Mercator non vendit inuitus; si ergo videt suas merces non tuto distrahi, nõ vendat credito, vel aliam accipiat cautionem.* Cur ergo poterit metum illum vendere? Respondetur namque, metum, si iusta ratione nita-

tur, quia verum est periculum, posse vendi, & redimi; nihilque referre, ut quis non inuitus vendat, si id, quod venditur pretio æstimabile est, quale est, se in periculum amittendi merces, aut pecuniam conijcere: & denique, qui prædicto modo vendit credito, aliam cautionem accipere, nempe a securacionis fortis, cuius onus opus in se, sicut quilibet alius, assumere potest iusto pretio, dum tamen non cogat alterum secum inire talem contractum.

Quartam partem de expensis, & molestijs ad recuperandam pecuniam concedit etiam M. Soto ubi supra dicens: *Vbi omni procul fraude bonis coniecturis timerentur expense, nulla est iniquitas de expensis, & laboribus pactum cum illo inire, constitutumque pretium recipere, etiam si nullas sit postea facturus.* Probat: quia in tali casu reuera est damnum emergens ex venditione, vel emptione, expensæ scilicet faciendæ in recuperatione debiti; ergo, ut seruet se indemnem, potest illas in pactum deducere, qui vendit expectata solutione, & qui emit solutione anticipata, & ratione talis damni pretium, quod expectat augere, vel quod soluit minuere. Monere tamen debet emptorem: quia forte nollet cum tãto onere emere. In consideratione enim periculorum, & molestiarum, & aliorum est quasi nouus contractus, sicque nouus pro eis cõsensus erit requirendus.

Dicendum est 3. Licitum esse merces anticipata solutione vilius emere, quam
tunc

tunc valeāt; si tamen tempore, quo tradendæ sunt, minus quam tunc valituras esse credatur. Carius etiam vendere expectata solutione; si tamen tempore solutionis plus esse valituras credatur, quam tempore emptionis, & qui eas vendit, non erat tempore contractus venditurus, sed eas reservaturus vsque ad tempus quo plus valituras esse conijcitur.

Patet vtraque conclusionis pars ex Cap. *Nauiganti*, De vsuris, vbisic dicitur: *Quidam decem solidos, ut alio tempore totidem sibi grani, vini, vel olei mensura restantur: que licet tunc plus valeant, utrum plus, vel minus solutionis tempore fuerint valitura, verisimiliter dubitatur, non debet ex hoc usurarius reputari. Ratione huius dubij etiam excusatur, qui pannos, grana, vinum, oleum, vel alicuius merces vendit, ut amplius, quam tunc valeant in certo termino recipiat pro eisdem: si tamen ea tempore contractus non fuerat venditurus.* Quod explicans Panormitanus ait: *Nota, quod quando venditur res plusquam valebat, & differtur pretium rei ad certum terminum, duo debent concurrere ad hoc, ut contractus non censeatur usurarius. Primo quod dubium sit, an tempore solutionis pretij res sit valitura plus, vel minus. Secundo quod iste venditor non erat alias venditurus tempore contractus.*

Exemplum primæ partis cōclusionis sit: Emit quis in hieme triticum, quod vsque ad messem non est recepturus, etsi tempore contractus modius quatuor vendatur

solidis, iuste potest emi tribus, si credatur plus minusue in æstate valiturus. Cuius rationem assignat M. Soto lib. 6. de iustitia, q. 4. art. 2. con. 1. *Quia cum res propter usum ematur, id quod nunc non venit in emptionis usu, non debet æstimari præsentî pretio, sed illo quo valiturum est, dum ei traditur.* Si dicas id solum convincere, licere nunc emere indefinito pretio, eo scilicet quo æstimabatur triticum tempore messis; non tamen licere nunc certum pretium taxare. Respondet M. Soto: *Quod quando res in dubio versatur, potest prudentia, ac perinde conventionem definiri. Quæ propter iustitia huius contractus non in anticipata solutione fundatur, alioqui usuram saperet, sed in coniecturali æstimatione rei dubia.*

Exemplum secundæ partis sit: Erat quis triticum suum servaturus usque ad mensem Maium, poterit mense Decembri carius, quam tunc valeat, illud vendere expectate solutione usque ad Maium. Cuius rationem assignat M. Soto ubi supra con. 2. *Quoniam tunc non debet æstimari pretium secundum præsens, sed secundum tempus, quo suas erat merces distrahturus, alias pateretur damnum emergens, à quo, ut supra dictum est, potest se iure venditor servare incolumem. Quare non solum indefinitè vendere potest eo pretio, quo mense Maii valitura sint, verum definiri, constituique pretium certum potest: nam res dubia potest, ut modo dicebamus, per prudentiam terminari.*

Maiores difficultas est, an non solum, qui seruaturus erat merces, sed etiam, qui non erat seruaturus, possit eas carius vendere expectata solutione, seu pretio credito? Parte affirmantem tenet Caiet. q. seq. art. 2. §. *In responsione ad 7.* Sicut enim, qui emit in hieme triticum, recepturus illud tempore messis, potest illud minori pretio, quam valeat tempore contractus, emere, ut diximus, hocque etiam si non esset pecuniam seruaturus usque ad tempus messis: ita qui vendit triticum tempore messis, recepturus eius pretium in mense Maio, potest illud maiori pretio vendere, quam valeat tempore contractus, etiam si non esset illud seruaturus usque ad Maium. Quod & colligit Caiet. ex Cap. *In ciuitate*, De usuris. Vide illum.

Negantem tamen partem communiter tenent Doctores, & probant 1. quia si venditor non erat seruaturus merces, nihil refert ei, quantum sint valiturae, atque adeo nec damnum illi emergit, nec lucrum cessat, ergo pro illis non nisi pretium, quod in praesenti currit, percipere potest.

Secundo, quia alias qui non esset merces suas seruaturus, licite posset carius vendere, quam qui erat seruaturus: hic enim teneretur minuire de pretio tantum, quantum erat impensurus in seruandis mercibus, & quantum erat periculi in illarum conseruatione: ille vero, qui non erat seruaturus, nullas expensas facturum erat, sicque carius poterit vendere: at hoc est i. l.

sum; ergo, &c.

Tertio, quia hoc ipso, quo venditor rem tradit, amittit eius dominium, fitque emptoris: vnde si crescat eius pretium, crescit emptori; ergo venditor non potest pro eo incremento quicquam exigere, nisi ipse eam rem fuisset seruaturus.

Quarto, quia venditio perficitur, quando res traditur emptori tanquam domino illius, etiam si differatur solutio in futurum; ergo nihil amplius potest exigi, quàm quod valet res, quando emptori traditur. Quamuis autem illi, qui rem erat seruaturus, plus valeat res, quam communi pretio æstimatur: non tamen ei, qui non erat rem seruaturus: vnde non posset tantum in præsentem recipere, quantum in futurum esset res valitura; ille vero tantum in præsentem recipere potest, quantum valitura erat tempore, quo eam erat venditurus deductis expensis, & æstimatione periculi conseruationis.

An vero sententia Caietani sustineri possit, non conuenit inter Auctores negantis oppositæ sententiæ. Quidam falsam esse dicunt. Alij non esse probabilem affirmant. Sed M. Soto vbi supra ait: *Nihilotenus non est prorsus Caietani opinio improbabilis, præsertim si venditio fiat indefinito pretio. Enim vero si quis tempore natiuitatis grano abundat, rogatur credito vendere, quamuis non esset seruaturus, posset venditionem reuocare, & dare quasi in mutuum decem modios recipiendos mense Maio, vel pretium quo tunc venierint.*

Di.

ARTICVLVS I. 277

Dicendum est 4. Licitum esse pluris vendere credito, quam præfenti pecunia vendantur, eas merces, quæ communiter venduntur expectata pecunia, & minori pretio emere anticipata pecunia, quam valeant numerata, eas, quæ communiter venduntur, anticipato pretio. Vtramque conclusionis huius partem docet M. Soto libro 6. de iustitia, quæstione 4. artic. 1. ad 4.

Prima pars probatur: merces, quæ communiter venduntur expectata pecunia, habent iustum pretium maius, quam cum venduntur præfenti, ac numerata pecunia; ergo pluris vendi licite possunt. Antecedens probatur, habent plures emptores, ut constat; ergo maius pretium iustum, multitudo enim emptorum auget pretium iustum. Dices eodem argumento probari posse, omnes alias merces posse pluris vendi expectata pecunia, quam numerata, cum plures sint, qui velint eas credito, quàm præfenti pecunia emere. Respondetur, disparem esse rationem: nam cum alias merces communiter vendantur numerata pecunia, solum habet pretium numerata, pecunia; sicque multitudo volentium eas emere credito potius est virtute multitudo mutuatariorum, quam ordinariorum emptorum volentium pretium soluere. At quando merces communiter venduntur credito, habent pretium pecunia expectata, atque adeo, qui eas sic emere volunt, in illo genere sunt emptores ordinarii, quorum

rum multitudo auget pretium .

Secundo, rebus, eo modo, quo venduntur, imponitur iustum pretium communi hominum æstimatione, hæc enim id, quod communiter contingit, respicit; ergo rebus, quæ communiter venduntur credito, seu ad terminum, communi æstimatione hominum imponitur iustum pretium ad talem terminum soluendum: sed hoc maius est, quam quo præsentî pecunia venduntur etiam riguroso; ergo licitum est, huiusmodi res pluris vendere credito, quàm præsentî pecunia etiam ultra rigurosum pretium: quia in eo venditionis genere ex communi ementium, & vendentium usu, & æstimatione illud, quamvis mains sit riguroso numeratæ pecuniæ, fit iustum pretium. Minor probatur: quia in ea quantitate, qua communiter credito venduntur merces, nulli aut paucissimi sunt, quæ ea numerata pecunia emere possint, aut velint: si verò aliquæ illarum venduntur in parua quantitate numerata pecunia, ut mercatores suis præsentibus necessitatibus subueniant, sunt merces vltroneæ, ob idque viliori pretio venduntur. Solet etiam in eo venditionis genere esse periculum amittendi pretium, & faciendi expensas, ac patiendi molestias, quod pretio æstimabile esse diximus con. 2. Denique, quando tales merces sunt fructifere, ut ones, cessat venditori lucrum, quod ex illis erat habiturus à die venditionis, usque ad diem solutionis expectatæ, hocque lu-

ARTICVLVS I. 279

lucrum percipit emptor, illoque sæpe soluit pretium mercis. Merito ergo maius communi æstimatione constituitur pretiū his mercibus, eo quod præsentī, ac numerata pecunia solueretur.

Hinc colligitur, venditionem ouium, quæ in nonnullis regionibus communiter fieri solet credito maiori pretio, quam pecunia numerata venderentur (nam grex quingentarum ouium venditur octingentis libris verbī gratia soluendis duobus, aut tribus terminis, pecunia autem numerata, nec quingentis libris, seu scutis venderetur) non esse usurariam. Ita etiam excusat Diana 1.p.tract.8. resol. 21. venditionem pannorum, quæ in Regno Siciliæ pluris credito fieri solet.

Secundam partem, licet probabilem esse affirmet M.Bañes hic art. 4. dubio 10: probabilius tamen esse asserit oppositum. Sed præter M.Soto illā docent multi, quos refert, & sequitur Diana 1.p.tractatu 8 resol. 22.

Probat illam M. Soto in mercatu lanarum, qui anticipata solutione suo tempore fiebat viliori pretio, illumque licitum esse ostendit: *Quod merces ipsæ natura sua hoc exigunt, nempe quod sumptus pascendi tam numerosos greges eorum domini ferre nequeunt, nisi ex ipsa nutrienda lana præsent sibi subsidium communiant. Accedit quod forma huius fori adeo iam more, & usu percrebuit, ut ipsi etiam pastores, in quos gravamen inclinatur, renuant aliter vendere. Et forte in marino pascuis idem per-*

permittitur anticipatum pretium, non solum propter sumptus pauperum piscatorum, verum, & propterea quod piscatura servire nequireret, nisi emptores paratissimi essent, iactum antea emptum recipere. Neque huic obstat, quod M. Bañes obijcit: hinc sequi pari ratione licitum esse, emere quoscunque fructus terræ ab agricolis patientibus necessitatem viliori pretio, quam sint valituri tempore traditionis. Respondetur enim non esse eandem rationem, ut ait M. Soto: Nam accidentalium est, quod agricola ea sit paupertate, ut exiguos illos sumptus ferre nequeat. Communis autem æstimatio, qua rebus imponitur iustum pretium, non respicit id, quod accidentalium est, sed quæ plurimum, regulariter, ac communiter contingunt. Vnde sicut, qui res, quæ communiter numerata pecuniâ venduntur, quærit emere credito maiori pretio, mutuum quærit ad usuram: ita qui res, quæ communiter emuntur numerata pecuniâ, quales sunt fructus terræ prædicti, quærit necessitate ductus vendere anticipata solutione minori pretio, cogitur ad usuram mutuum quæritare, inquit M. Soto. Quod non contingit, quando res communiter venduntur credito, aut emuntur anticipata pecuniâ; quia tunc communi estimatione positum est, primis quidem maius pretium, secundis vero minus; sicque, qui illas vendere, aut emere volunt illo modo, non quærent mutuum ad usuram, sed rem pro iusto pretio, aut iustum pretium prore.

Sc-

Secundo probant alij, mercatores, qui prædictas merces anticipata solutione emunt, patiuntur ex illa anticipatione iacturam lucri, cum ante traditionem mercis careant aliquo tempore sua pecunia, qua interim per cambia, aut alios modos lucrari potuissent. Sæpe etiam metuunt defectum ex parte venditorum, vt quod non præstabuunt mercem, aut saltem non sinceram, sed infectam, & sordidam. Modus deinde vendendi solutione anticipata inducit raritatem emptorum, & multitudinem venditorum, quæ facit pretium decrescere. Denique si nulla fieret venditio anticipata lanæ, aut aliarum huiusmodi mercium non venderentur tunc plaris numerata pecunia; quam nunc anticipata solutione venduntur: nam tunc pretium valde decresceret ob copiam mercium, & venditorum: Igitur propter has omnes rationes minori pretio emi possunt anticipata pecunia lanæ, & aliæ merces, quæ communiter venduntur anticipata solutione, quam valeant numerata pecunia tempore traditionis earum. Quamuis enim iustum pretium rei esse dicatur, quâti ipsa valeat tempore traditionis; hoc tamen intelligendum est, nisi ex causis extrinsecis tempore cōtractus minoris æstimetur, vt hic contingit: quia, ex modo vendendi tali tempore contingit esse paucos emptores, & multos venditores, cessat lucrum, & timetur fraus, aut defectus in venditore.

Vide Dianam prima parte tractatu 8, resolut. 78.

Ad argumenta autem facta in principio respondetur. Ad 1. probare nostram 2. con. ut ibi notauimus.

Ad 2. respondetur ex dictis con. 3. distinguendo consequens: si, qui eas vendit, non erat tempore contractus venditurus, sed seruaturus vsque ad tempus, quo plus essent valiturae, concedo, consequentiam: si non erat eas seruaturus, nego consequentiam. Ad 1. probationem respondet Mag. Soto: *Quod capitulum Nauiganti, Glossa sit capituli. In ciuitate, scilicet, quod nunquam liceat credito carius vendere, nisi quando seruande sunt merces.* Caietanus hanc expositionem impugnat: *Tum quia nihil de hac conditione ibi dicitur. Tum quia in eodem cap. Nauiganti, & 2. casus in idem redit cum casu in cap. In ciuitate, & determinatur, sine hac conditionali, si erat seruaturus. Non enim apponitur hæc conditio, sed ista: Si tamen ea tempore contractus non fuerat venditurus. Quæ longe diuersa est ab illa, cum possit contingere, ut qui non erat seruaturus, sit etiam non venditurus, sed vel largiturus, vel alio modo consumpturus tempore contractus, aut postea. Respondetur tamen, conditionem istam illam inferre: nam mercator, cum non habeat merces, ut eas largiatur, aut aliter consumat, sed ut vendat, si eas hoc tempore non est venditurus, seruaturum esse eas, ut alio tempore*
re

ARTICVLVS I. 283

re vendat, aperte colligitur. Ad 2. probationem respondet idem M. Soto negando maiorem: *Contractus enim L. Labeo, ff. De verbor. significa. est ultra; citroque obligatio; ergo tunc contractus emptionis absolutus est, & perfectus, quando venditor, vel tradit, vel tradere obligatur merces, atque emptor, vel soluit, vel soluere obligatur pretium. Quo fit, ut expectata solutio, nihil vetet; quominus contractus perfectus sit. Quod & contra Caietanum, probat M. Bañes hic art. 4. dub. 8. quia venditio perficitur; quando res traditur emptori tanquam domino illius, etiam si expectetur solutio in futurum, & contradictionem implicat dicere, venditionem non esse perfectam, & emptorem manere dominum rei; ita ut sibi stet, aut pereat.*

Dubium quintum: An liceat pro minori pretio emere pagas acerbas, hoc est debita soluenda in posterum.

DVæ sunt de hac re Doctorum sententiae. Prima est affirmans, quam tenent Caiet. in Sum. verbo *Vsura*, sub finem, Nauarrus cap. 17. num. 231. & alij. Probant 1. ex L. *Minus*, ff. De regulis iuris, ubi dicitur: *Minus est actionem habere, quam rem.* Sed qui emit pagam acerbam, verbi gratia, debitum mille aureorum soluendorum post

post annum, etiam si liquidissimum sit, & absque difficultate, & labore exigibile, non emit mille aureos, sed ius, & actionem ad illos; ergo cum minus sit, talem actionem habere, quam mille aureos, minoris emi poterit; quam mille aureis. Confirmatur, in Instit. De actionibus, §. Plus, sic dicitur: *Qua ratione, qui tardius soluit, quam solvere deberet, minus solvere intelligitur; eadem ratione, qui premature petit, plus petere videtur.* Ergo, qui ante maturationem, emit pagas acerbas, & ante tempus soluit debita, potest minus solvere; & minoris emere.

Secundo? qui emit pagas acerbas, non mutuatur, sed verè emit: ergo si iusto, ac communiter corrente pretio emit, iustè emit. Sed iustum pretium, ac communiter currentes est minus: quia huiusmodi iura, dum proponuntur venalia, instar mercis, communi hominum iudicio minoris aestimantur, quam pecunia præsens, eo quod hæc statim utilis est, illa vero inutilia usque ad tempus maturitatis, & potentia etiam proxima minor est actu, & inter os, & offam multa interciderere posse, proverbiū vetus est; ergo minori pretio potest illa emere.

Secunda sententia est negans, quam tenent Sylvester verbo *Vsura*, 2. q. 14. M. Soto lib. 6. de iustitia, q. 4. art. 1. ad 3. & alij. Probant 1. Quoniam ratione dilationis temporis plus accipere, quam tribuas, usura est: sed hoc facit, qui pagas acerbas, seu de-

debita soluenda in posterum, quando nulli subiecta sunt periculo, sed absque vlllo sumptu, & labore certissime sperantur soluenda, emit pro minori pretio; implicite enim mutuatur 90. vsque ad terminum solutioni destinatum, vt tunc pro illis recipiat 100. ergo vsuræ peccatum committit.

Secundo ius ad 100. recipienda hinc ad annum, semoto omni dubio, periculo damno emergente, & lucro cessante, reuera non minus valet, quam 100. ergo iniquum est illud emere pro 90. Antecedens probatur: tñ quia, qui iusto pretio rem valentem 100. vendit pro 100. in futurum soluendis, acquirit ius non minus valens, quam res, quam vendidit, alias non esset iustum eius pretium; ergo cum res valeret 100. non minus valet tale ius, quam 100. Tum etiam, quia, qui mutuatur 100. habet ius ad illa recuperanda statuto tempore, non minus valens, quam 100. alias enim si ob obligationem non petendi vsque ad statutum tempus minus valeret, posset Petrus a principio, dum mutuabat Paulo illa 100. exigere ab illo aliquod lucrum, quia se liberè subijciebat illi obligationi; ergo, &c.

Dicendum tamen est 1. Pagas acerbas, hoc est debita soluenda in posterum, posse pro minori pretio emi, si difficilis, vel ambigua sit solutio, & cum molestijs, & expensis obtinenda, & tanto minori, quanto
ma.

maior est difficultas, & incertitudo. In hoc conueniunt omnes. Et ratio est manifesta: quia hæc omnia sunt pretio æstimabilia. Vnde M. Soto, vbi supra ait: *Quando solutio in periculo versaretur, nihil dubito, quin liceret viliori pretio emere, quam est totum debitum: utpote dum militi stipendium regium debetur, quod creditor timet, aut non totum, aut non sine magno negotio, & molestia, aut non sine expensis se recepturum, potest quisque tale debitum ab illo minoris emere: quisq. inquam absque vi, & fraude, Nam si quis Regi à thesauris est, & quod soluere debet, minoris redimeret, vis esset. Idem subdit de ipso debitore, non posse scilicet licite suum ipsum debitum minori pretio redimere, quamuis alter possit emere. Et differentiam constituit inter debitorem, & alterum tertiū: Quoniam debitor ratione precedentis contractus totam summam debet: tertius verò, quia nihil debebat, iuste emere potest actionem illam quanti valet.*

An verò si esset aliquis, cui ob fauorem Principis, vel officialium, vel ob contractus, quos cum illis init, non esset difficilis, nec incerta solutio, possit huiusmodi debita, chirographa, seu librancias, vt vocant, aliasque similes pagas acerbis minori pretio emere, quo alij emunt, præsertim quando alij dimidio pretij licite emunt ob difficultatem, & incertitudinem solutionis, quæ quanto maior est, tanto minori pretio æstimantur prædicta debita; sub lite est,

est. Quidam non esse licitū asserunt huic: nam illo cessant rationes detrahendi de pretio, nempe difficultas obtinendi solutionem, & eius ambiguitas, ac incertitudo, molestiæ etiam patiendæ, & expensæ faciendæ. Alij tamen, vt P. Lessius lib. 2. cap. 21. dubit. 9. num. 76. & P. Molina ab eo citatus, licitum esse dicunt: quia dum huiusmodi debita offeruntur venalia, eorum pretium non pendet ex commodo vnius, vel paucorum, sed ex publica æstimatione, qua æstimantur, si in foro publicè sub voce præconis concurrente tota ciuitate proponerentur, ergo si communiter æstimantur minori pretio, quam contineant etiam dimidio, aut viliori, quicumque poterit illa emere tali pretio, quantūis modico, etiam si peculiarem rationem norit, qua facile integram solutionem obtinere queat: hoc enim ad bonam eius fortunam pertinere censendum est. Eius ministris, subdit P. Lessius num. 78. non licere huiusmodi chirographa, aut debita tali pretio emere: quia ipsi sunt causa malignæ solutionis.

Dicendum est 2. Quando pagæ acerbæ, seu debita soluenda in posterum non habent aliam acerbitatem, nisi temporis, sed debita liquidissima sunt, & absque difficultate, labore, & expensis vllis exigibilia, licet secunda sententia fit communior; prima tamen est etiam probabilis. Communioem esse secundam sententiam fere omnes fatentur; immo M. Bañes hic art. 4. dubio

dubio 5. illam tam certam esse putant, vt contrariam sibi improbabilem esse asserat. Sed primam sententiam probabilem esse conuincit auctoritas Caietani, Nauarri, & aliorum, quos refert, & sequitur Diana 1. p. tract. 8. resol. 49.

Addit verò Nauarrus vbi supra: *Qua ratione potest tertius illam actionem emere, eadem poterit ipsemet, contra quem datur, redimere, quicquid in hoc Scotus dicat.* Nauarrum sequuntur P. Lessius libro 2. capit. 21. dubit. 8. num. 70. & alij asserentes, si creditor debitum offerat venale, non videri cur debitor non possit illud emere eo modo, quo quiuis alius: nam non est peioris conditionis, quam alij: nisi forte ipse esset causa, cur creditor velit vendere, vt si se præberet difficilem ad soluendum.

Hoc tamen mihi difficile videtur: tum quia, vt ait D. Thom. Opusc. 67. relato, & probato a S. Antonino 2. p. tit. 1. cap. 8. §. 4. *Ille, qui ad certum terminum debet, si ante terminum soluat, vt ei de debito aliquid dimittatur, usuram committere videtur: quia manifeste tempus solutionis pecunie vendit.* Ac qui debitum, & actionem contra ipsam minori pretio redimit, soluit ante terminum, vt ei de debito aliquid dimittatur; ergo, &c. Tum etiam, quia vt ait M. Soto, debitor ratione præcedentis contractus totam summam debet, & ipse apud se habet, quod debet soluere, & actio contra ipsum ipsi tanti valet, quanti tota summa; ergo non potest eam redimere pro pretio quo
alij.

alij, quibus minus valet, emunt. Tum denique, nam etiam posset debito redimere debita, quorū solutio est difficilis obtētū, præsertim si ipse non se præbeat difficilem ad soluendū, sed difficultas solutionis proueniat, aut ex temporum inopia, aut ex bellorum sumptibus, aut ex negotiorum, vel debitorum multitudine, aut ex alia huiusmodi causa sine eius culpa: at hoc nō videtur concedendum; ergo, &c.

Ad argumenta autem primæ sententiæ responderetur. Ad 1. cum Syluestro loco citato, legem illam intelligendam esse, quando actio, velius habet annexum aliquod periculum, aut laborem, vel expensas, aut aliquid huiusmodi. *Quia ius ad certam summam non valet ea minus, nisi ratione periculi, laboris, & huiusmodi.* Ad confirmationem respondet idem Syluester, non obstare, quod dicitur in Instit. *Quia illud est verum in eo, qui obligatus soluere, ante tempus soluendi patitur interesse, ideoque cogens eum plus petit.*

Ad 2. responderetur negando antecedens: qui enim emit debitum 100. aureorum soluendorum post annum pro 90. implicite, virtualiter, & æquiualentē mutuatur 90. vsque ad terminum solutioni destinatum, ut tunc pro illis recipiat 100. Nec obstat venditorem debiti non manere obligatum ad aliquid restituendum: nam perinde est æquiualentē dare potestatem suam emptori ad recuperandum illa 100. in tempore futuro, ac manere obligatum ad reddendum

dum quod acceperat : sicut , & hoc modo manet obligatus , qui cum mutuum accipit , pro illo assignat mutuanti partem reddituum suorum ; quos erat anno sequente recepturus . Negandum est etiam iustum pretium communiter currens talium debitorum esse minus quam ipsa contineant sicut enim pecunia præsens non est æstimabilis plurius quam absens , si consideretur secundum se ; alias enim posset exigi lucrum ex mutuo propter expectationem temporis : ita nec plurius æstimabilis est pecunia præsens , quam prædicta iura : quia ius ad certam summam pecuniæ nihil aliud est quam ipsa pecuniæ summa in futurum obtinenda , aut non valet ea minus , ut diximus cum Syluestro . Quod vero iudicio hominum quandoque hæc iura sicut , & pecunia absens minoris æstimetur , quam pecunia præsens , hoc non obstat : tum quia , ut ait Sylvester , *Communis æstimatio non facit iustum pretium nisi ad numeratum* . Tum etiam quia talis æstimatio non est nisi hominum , qui iudicant in causa propria , & ducuntur affectu , & cupiditate augendi pretia , & lucrandi .

Ad argumenta etiam secundæ sententiæ qui primam voluerit sequi , respondere potest . Ad 1. negando minorem : qui enim emit pagas acerbæ minori pretio , non accipit plus ratione dilationis , sed iusto pretio tunc communiter corrente ius illarum emit : nam , ut ait Caiet. ubi supra , *Cum ius pagarum acerbæ inuitile sit , usque ad rem*

pus maturitatis, rationabiliter minus valet, ac minoris venditur. Non mutuatur etiam, unde post pauca subdit ibidem Caiet. Non enim, qui ius emit, facit mutuum palliatum, nec emit mille ducatos post annum, ut ratio temporis expectari constituat usuram: sed emit ius alterius, cui habendum post annum ducatos mille, & ipsius ementis periculo ius illud derelinquitur, quod est contra naturam mutui.

Ad 2. respondetur negando antecedens.

Ad 1. probationem dico, ius ad 100. valere quidem 100. posseque proinde pro 100. vendi: hoc tamen esse rigorosum pretium, sicque posse emi pretio minori intra limites iusti pretij. Idem est de iuribus quorum solutio est difficilis, & ambigua: integrum est enim ijs, qui ea habent, non aestimare difficultatem, vel incertitudinem solutionis debitorum, ac proinde nolle vendere nisi integre numeretur tota summa (nam usu receptum est, ut hæc vendantur quanti vendi possunt absque fraude, & ignorantia intra limites summæ currentis) & tamen constat posse emi minori pretio.

Ad 2. probationem dico, ius illud pretio riguroso non valere minus quam 100. pro tamen, & infimo pretio iusto minus valere posse: non quidem propter obligationem non petendi usque ad statutum tempus, sed propter communem hominum estimationem, qua res venales, quale est ius illud, non vno indivisibili pretio, sed triplici iusto, riguroso scilicet, pio, &

292 **QVÆSTIO LXXVII.**

infimo, consideratis diuersis circumstan-
tijs æstimantur. Vnde non sequitur, illum
qui mutuatur posse lucrum aliquod exi-
gere.

*Dubium 6. An qui emendo, aut ven-
dendo decipit alium citra dimidiũ
iusti pretij, peccet, & ad restitu-
tionem teneatur,*

PArs negans probatur 1. ex *L. In causa,*
ff. De minoribus, vbi dicitur: *In pretio
emptionis, & venditionis naturaliter licere
contrahentibus se circumuenire*. Ergo non
peccant, si vnus alterum decipiat citra
dimidium iusti pretij.

Secundo; secundum leges ciuiles fertur
sententia in iudicio in fauorem eius, qui
decipit alterum citra dimidium, & solum
cogitur restituere, qui vltra dimidium
iusti pretij decipit vt patet ex *Capit. Cum
causa*, *De emp. & vend.* & ex *L. 2. & L.
Si voluntate, C. De rescindenda venditione*:
ergo cum tales leges sint iustę, conferunt
illius etiam in foro conscientię ad retinē-
dum, quod accepit.

Tertio; leges de p̄scriptione transfe-
runt dominium rei in foro conscientię in
possessionem bonę fidei, ergo & leges de
deceptione citra dimidium in emptorem,
& venditorem bonę fidei.

Dicendum tamen est: qui emendo, aut
vendendo decipit alium citra dimidium

iusti

iusti pretij, peccat contra iustitiam, & ad restitutionem tenetur. Oppositum huius tenuerunt aliqui, qui, vt refert S. Ant. 2. p. tit. 1. cap. 16. §. 3. dicebant, *Licetum esse nec ad restitutionem teneri: quia iura hoc permittunt.* Quorum opinionem, quam erroneam, & periculosam saluti animarum appellat, inquit S. Ant. *Sequi videtur Durādus Ord. Min. in Summa sua.* Gerson. etiam to. 2. Alphab. 35. tract. p. 3. propo. 11. licet dicat peccare, existimat tamen non teneri ad restitutionem.

Nostra tamen conclusio probatur 1. ex illo Deut. 25. v. 13. *Non habebis in seculo diuersa pondera maius, & minus, &c. abominatur enim Dominus tuus eum, qui facit hæc, & auersatur omnem iniustitiam.* Et Prouerb. 20 v. 10. *Pondus, & pondus, mensura, & mensura, utrumque abominabile est apud Deum.* At hæc diuersa pondera communiter non habentur ad decipiendū ultra, sed citra dimidiū in emptione, & venditione; ergo, &c.

Secundò probatur ex D. Tho. hic ad 1. ubi postquam dixit de lege humana: *Habet quasi licitum poenam non inducens, si absq; fraude venditor rem suam superuendat, & emptor vilius emat, nisi sit nimius excessus, quia tunc lex humana cogit ad restituendum: puta si aliquis sit deceptus ultra dimidiam iusti pretii quantitatem.* Subdit immediate: *Sed lex diuina nihil impunitum relinquit, quod sit virtuti contrarium: unde secundum diuinam legem illicitum reputatur, si in emptione non sit æqualitas iustitia obseruata.* Et tenetur ille

eodem pretio quo alij suum triticum vendunt; ergo &c. antecedens probatur, nam lex triticum taxat quale ex area adduci solet, non quale facit industria fraudulenta; ergo si tale triticum ex industria cum aliqua mistione venditur, minori pretio vendi debet, quam sit à taxa legis præscriptum, quo alij suum triticum vendunt, quale ex area detulerunt.

Secundo, etiam si vinum alicuius mistum aqua tantum valeat, quantum vinum purum, quod alij vendunt, non potest illud aqua diluere, & eodem pretio vendere; ergo, &c. Antecedens probatur, nam venderet pulchram habere, si enim habebat sex amphoras vini, vendit octo, ad has namque mensuras excrevit vinum ex aquæ permissione; ergo iniusta est eius venditio,

Dicendum tamen est 1. Per se, & regulariter loquendo propter defectum rei venditæ illicitam, ac iniustam reddi venditionem. Docet hoc D. Thom. hic ubi dicit, triplicem defectum considerari posse circa rem, quæ venditur. Primus est, secundum speciem, aut substantiam rei, ut si vendatur vinum mistum aqua pro puro, quod enim permistum est, patitur defectum quantum ad speciem. Secundus est, secundum quantitatem, quæ per mensuram cognoscitur, ut si vendatur res, cui debita mensura, pondus, aut numerus deest. Tertius est secundum qualitatem, ut si vendatur animal infirmum, qua;

quasi sanum . Et ait,quemlibet defectum ex his reddere venditionem illicitam , ac iniustam : si sciatur quidem, iniustam formaliter : si vero ignoretur iniustam materialiter ; sicque qui rem cum quolibet horum defectuum vendit : ad restitutionem seu compensationem damni teneri, aut statim , aut cum ad eius notitiam peruenierit .

Dicendum est 2. In casu tamen quo res habens aliquem defectum ex istis non minus esset bona, ac valeret, quam ex, quæ ab alijs communiter venduntur, non esset condemnandus iniustitiæ: qui eam eodem pretio venderet . Docent hoc M. Soto lib. 6. de iustitia, qu. 3. art. 2. P. Lessius libro 2. cap. 21. doct. 11. num. 83. & alij quos refert, & sequitur Diana 1. p. tract. 8. resol. 51.

Probatur 1. ex D. Thom. hic ad 1. dicente : *Si per alchimiam fieret aurum verum, non esset illicitum ipsum pro vero vendere . Ergo similiter : si per admistionem vini optimi cum alio tenui, vel cum aqua fit vinum verè tam bonum, quam quod alij communiter vendunt, non erit illicitum illud eodem pretio vendere .*

Secundo, quia licet quis vtatur, fraude, & dolo miscendo triticum paleis, tamen pretium vel attenditur ex eius valore : at triticum ab alijs collectum cum paleis ex area non est magis bonum, nec maioris valoris, quam triticum ab hoc mistum paleis ; cur ergo sic reductum ad sta-

284 *QVÆSTIO LXXV II.*

post annum, etiam si liquidissimum sit, & absque difficultate, & labore exigibile, non emit mille aureos, sed ius, & actionem ad illos; ergo cum minus sit, talem actionem habere, quam mille aureos, minoris emi poterit, quam mille aureis. Confirmatur, in Instit. De actionibus §. Plus, sic dicitur: *Qua ratione, qui tardius soluit, quam solvere deberet, minus solvere intelligitur; eadem ratione, qui pramature petit, plus petere videtur*. Ergo, qui ante maturationem, emit pagas acerbas, & ante tempus soluit debita, potest minus solvere, & minoris emere.

Secundo, qui emit pagas acerbas, non mutuatur, sed verè emit: ergo si iusto, ac communiter corrente pretio emit, iustè emit. Sed iustum pretium, ac communiter currens est minus: quia huiusmodi iura, dum proponuntur venalia, instar mercis communi hominum iudicio minoris aestimantur, quam pecunia præsens, eo quod hæc statim utilis est, illa vero inutilia usque ad tempus maturitatis, & potentia etiam proxima minor est actu, & inter os, & ossam multa intercidere posse, proverbium vetus est; ergo minori pretio potest illa emere.

Secunda sententia est negans, quam tenent Sylvester verbo *Vsura*, 2. q. 14. M. Soto lib. 6. de iustitia, q. 4. art. 1. ad 3. & alij. Probant 1. Quoniam ratione dilationis temporis plus accipere, quam tribuas, usura est: sed hoc facit, qui pagas acerbas, seu de-

debita soluenda in posterum, quando nulli subiecta sunt periculo, sed absque vllō sumptu, & labore certissimè sperantur soluenda, emit pro minori pretio; implicite enim mutuatur 90. vsque ad terminum solutioni destinatum, vt tunc pro illis recipiat 100. ergo vsuræ peccatum committit.

Secundo ius ad 100. recipienda hinc ad annum, semoto omni dubio, periculo damno emergente, & lucro cessante, reuera non minus valet, quam 100. ergo iniquum est illud emere pro 90. Antecedens probatur: tñ quia, qui iusto pretio rem valentem 100. vendit pro 100. in futurū soluendis, acquirit ius non minus valens, quam res, quam vendidit, alias non esset iustum eius pretium; ergo cum res valeret 100. non minus valet tale ius, quam 100. Tum etiam, quia, qui mutuatur 100. habet ius ad illa recuperanda statuto tempore, non minus valens, quam 100. alias enim si ob obligationem non petendi vsque ad statutum tempus minus valeret, posset Petrus a principio, dum mutuabat Paulo illa 100. exigere ab illo aliquod lucrum, quia se liberè subijciebat illi, obligationi; ergo, &c.

Dicendum tamen est 1. Pagas acerbæ, hoc est debita soluenda in posterum, posse pro minori pretio emi, si difficilis, vel ambigua sit solutio, & cum molestijs, & expensis obtinenda, & tanto minori, quanto
ma.

maior est difficultas, & incertitudo. In hoc conueniunt omnes. Et ratio est manifesta: quia hæc omnia sunt pretio æstimabilia. Vnde M. Soto, vbi supra ait: *Quando solaris in periculo versaretur, nihil dubito, quin liceret viliori pretio emere, quam est totum debitum: utpote dum militi stipendium regium debetur, quod creditor timet, aut non totum, aut non sine magno negotio, & molestia, aut non sine expensis se recepturum, potest quisque tale debitum ab illo minoris exere: quisq. inquam absque vi, & fraude, Nam si quis Regi à thesauris est, & quod soluere debet, minoris redimeret, vis esset. Idem subdit de ipso debitore, non posse scilicet licite suum ipsum debitum minori pretio redimere, quamuis alter possit emere. Et differentiam constituit inter debitorem, & alterum tertiū: Quoniam debitor ratione precedentis contractus totam summam debet: tertius verò, quia nihil debebat, iuste emere potest actionem illam quanti valet.*

An verò si esset aliquis, cui ob fauorem Principis, vel officialium, vel ob contractus, quos cum illis finit, non esset difficilis, nec incerta solutio, possit huiusmodi debita, chirographa, seu librancias, vt vocant, aliasque similes pagas acerbis minori pretio emere, quo alij emunt, præsertim quando alij dimidio pretij licite emunt ob difficultatem, & incertitudinem solutionis, quæ quanto maior est, tanto minori pretio æstimantur prædicta debita; sub lite est,

est. Quidam non esse licitū asserunt huic: nam illo cessant rationes detrahendi de pretio, nempe difficultas obtinendi solutionem, & eius ambiguitas, ac incertitudo, molestiæ etiam patiendæ, & expensæ faciendæ. Alij tamen, vt P. Lessius lib. 2. cap. 21. dubit. 9. num. 76. & P. Molina ab eo citatus, licitum esse dicunt: quia dum huiusmodi debita offeruntur venalia, eorum pretium non pendet ex commodo vnius, vel paucorum, sed ex publica æstimatione, qua æstimantur, si in foro publice sub voce præconis concurrente tota ciuitate proponerentur, ergo si communiter æstimantur minori pretio, quam contineant etiam dimidio, aut viliori, quicumque poterit illa emere tali pretio, quantūis modico, etiam si peculiarem rationem norit, qua facile integram solutionem obtinere queat: hoc enim ad bonam eius fortunam pertinere censendum est. Eius ministris, subdit P. Lessius num. 78. non licere huiusmodi chirographa, aut debita tali pretio emere: quia ipsi sunt causa malignæ solutionis.

Dicendum est 2. Quando pagæ acerbæ, seu debita soluenda in posterum non habent aliam acerbitatem, nisi temporis, sed debita liquidissima sunt, & absque difficultate, labore, & expensis vllis exigibilia, licet secunda sententia fit communior; prima tamen est etiam probabilis. Communiorem esse secundam sententiam fere omnes fatentur; immo M. Bañes hic art. 4. dubio

288 *QVÆSTIO LXXVII.*

dubio 5. illam tam certam esse putant, ut contrariam sibi improbabilem esse asserat. Sed primam sententiam probabilem esse conuincit auctoritas Caietani, Nauarri, & aliorum, quos refert, & sequitur Diana 1. p. tract. 8. resol. 49.

Addit verò Nauarrus vbi supra : *Qua ratione potest tertius illam actionem emere, eadem poterit ipsemet, contra quem datur, redimere, quicquid in hoc Scotus dicat.* Nauarrum sequuntur P. Lessius libro 2. capit. 21. dubit. 8. num. 70. & alij asserentes, si creditor debitum offerat venale, non videri cur debitor non possit illud emere eo modo, quo quiuis alius : nam non est peioris conditionis, quam alij : nisi forte ipse esset causa, cur creditor velit vendere, ut si se præberet difficilem ad soluendum.

Hoc tamen mihi difficile videtur : tum quia, ut ait D. Thom. Opusc. 67. relato, & probato a S. Antonino 2. p. tit. 1. cap. 8. §. 4. *Ille, qui ad certum terminum debet, si ante terminum soluat, ut ei de debito aliquid dimittatur, usuram committere videtur : quia manifeste tempus solutionis pecunie vendit.* Ac qui debitum, & actionem contra ipsam, minori pretio redimit, soluit ante terminum, ut ei de debito aliquid dimittatur ; ergo, &c. Tum etiam, quia ut ait M. Soto, debitor ratione præcedentis contractus totam summam debet, & ipse apud se habet, quod debet soluere, & actio contra ipsum ipsi tanti valet, quanti tota summa ; ergo non potest eam redimere pro pretio quo
alij,

alijs, quibus minus valet, emunt. Tum denique, nam etiam posset debito redimere debita, quorū solutio est difficilis obtentu, præsertim si ipse non se præbeat difficilem ad soluendū, sed difficultas solutionis proueniat, aut ex temporum inopia, aut ex bellorum sumptibus, aut ex negotiorum, vel debitorum multitudine, aut ex alia huiusmodi causa sine eius culpa: at hoc nō videtur concedendum; ergo, &c.

Ad argumenta autem primæ sententiæ respondetur. Ad 1. cum Syluestro loco citato, legem illam intelligendam esse, quando actio, velius habet annexum aliquod periculum, aut laborem, vel expensas, aut aliquid huiusmodi. *Quia ius ad certam summam non valet ea minus, nisi ratione periculi, laboris, & huiusmodi.* Ad confirmationem respondet idem Sylvester, non obstare, quod dicitur in Instit. *Quia illud est verum in eo, qui obligatus soluere, ante tempus soluendi patitur interesse, ideoque cogens eum plus petit.*

Ad 2. respondetur negando antecedens: qui enim emit debitum 100. aureorum soluendorum post annum pro 90. implicite, virtualiter, & æquiualeuter mutuatur 90. vsque ad terminum solutioni destinatum, ut tunc pro illis recipiat 100. Nec obstat venditorem debiti non manere obligatum ad aliquid restituendum: nam perinde est æquiualeuter dare potestatem suam emptori ad recuperandum illa 100. in tempore futuro, ac manere obligatum ad reddendum

dum quod acceperat : sicut , & hoc modo manet obligatus , qui cum mutuum accipit , pro illo assignat mutuanti partem reddituum suorum ; quos erat anno sequente recepturus . Negandum est etiam iustum pretium communiter currens talium debitorum esse minus quam ipsa contineant sicut enim pecunia præsens non est æstimabilis pluris quam absens , si consideretur secundum se ; alias enim posset exigi lucrum ex mutuo propter expectationem temporis : ita nec pluris æstimabilis est pecunia præsens , quam prædicta iura : quia ius ad certam summam pecuniæ nihil aliud est quam ipsa pecuniæ summa in futurum obtinenda , aut non valet ea minus , ut diximus cum Sylvestro . Quod vero iudicio hominum quandoque hæc iura sicut , & pecunia absens minoris æstimeretur , quam pecunia præsens , hoc non obstat : tum quia , ut ait Sylvester , *Communis æstimatio non facit iustum pretium nisi ad numeratum* . Tum etiam quia talis æstimatio nō est nisi hominum , qui iudicant in causa propria , & ducuntur affectu , & cupiditate augendi pretia , & lucrandi .

Ad argumenta etiam secundæ sententiæ qui primam voluerit sequi , respondere potest . Ad 1. negando minorem : qui enim emit pagas acerbæ minori pretio , non accipit plus ratione dilationis , sed iusto pretio tunc communiter corrente ius illarum emit : nam ut ait Caiet. ubi supra , *Cum ius pagarum acerbæ inuitile sit , usque ad tempus*

pus maturitatis, rationabiliter minus valst, ac minoris venditur. Non mutuatur etiam, unde post pauca subdit ibidem Caiet. Non enim, qui ius emit, facit mutuum palliatum, nec emit mille ducatos post annum, ut ratio temporis expeſſari conſtituat uſuram: ſed emit ius alterius ad habendum poſt annum ducatos mille, & ipſius ementis periculo ius illud derelinquitur, quod eſt contra naturam mutui.

Ad 2. reſpondetur negando antecedens.

Ad 1. probationem dico, ius ad 100. valere quidem 100. poſſeque proinde pro 100. vendi: hoc tamen eſſe rigorosum pretium, ſicque poſſe emi pretio minori intra limites iuſti pretij. Idem eſt de iuribus quorum ſolutio eſt difficilis, & ambigua: integrum eſt enim ijs, qui ea habent, non æſtimare difficultatem, vel incertitudinem ſolutionis debitæ, ac proinde nolle vendere niſi integre numeretur tota ſumma (nam uſu receptum eſt, ut hæc vendantur quanti vendi poſſunt abſque fraude, & ignorantia intra limites ſummę currentis) & tamen conſtat poſſe emi minori pretio.

Ad 2. probationem dico, ius illud pretio rigoroso non valere minus quam 100. pro tamen, & infimo pretio iuſto minus valere poſſe: non quidem propter obligationem non petendi uſque ad ſtatutum tempus, ſed propter communem hominum æſtimationem, qua res venales, quale eſt ius illud, non vno indiuiſibili pretio, ſed triplici iuſto, rigoroso ſcilicet, pio, &

292 **QVÆSTIO LXXVII.**

infimo, consideratis diuersis circumstantijs æstimantur. Vnde non sequitur, illum qui mutuatur posse lucrum aliquod exigere.

Dubium 6. An qui emendo, aut vendendo decipit alium citra dimidium iusti pretii, peccet, & ad restitutionem teneatur,

PArs negans probatur 1. ex *L. In causa*, ff. De minoribus, vbi dicitur: *In pretio emptionis, & venditionis naturaliter licere contrahentibus se circumuenire*. Ergo non peccant, si vnus alterum decipiat citra dimidium iusti pretij.

Secundo; secundum leges ciuiles fertur sententia in iudicio in fauorem eius, qui decipit alterum citra dimidium, & solum cogitur restituere, qui vltra dimidium iusti pretij decipit vt patet ex Capit. *Cum causa*, De emp. & vend. & ex *L. 2.* & *L. Si voluntate*, C. De rescindenda venditione: ergo cum tales leges sint iustę, conferunt illi ius etiam in foro conscientię ad retinendum, quod accepit.

Tertio; leges de p̄scriptione transferunt dominium rei in foro conscientię in possessorem bonę fidei, ergo & leges de deceptione citra dimidium in emptorem, & venditorem bonę fidei.

Dicendum tamen est: qui emendo, aut vendendo decipit alium citra dimidium

iusti pretij, peccat contra iustitiam, & ad restitutionem tenetur. Oppositum huius tenuerunt aliqui, qui, vt refert S. Ant. 2. p. tit. 1. cap. 16, §. 3. dicebant, *Licetum esse nec ad restitutionem teneri: quia intra hoc permittunt.* Quorum opinionem, quam erroneam, & periculosam saluti animarum appellat, inquit S. Ant. *Sequi videtur Durandus Ord. Min. in Summa sua.* Gerson. etiam to. 2. Alphab. 35. tract. p. 3. propo. 11. licet dicat peccare, existimat tamen non teneri ad restitutionem.

Nostri tamen conclusio probatur 1. ex illo Deut. 25. v. 13. *Non habebis in seculo diuersa pondera maius, & minus, &c. abominatur enim Dominus tuus eum, qui facit hæc, & auersatur omnem iniustitiam.* Et Prouerb. 20 v. 10. *Pondus, & pondus, mensura, & mensura, utrumque abominabile est apud Deum.* At hæc diuersa pondera communiter non habentur ad decipiendū ultra, sed citra dimidiū in emptione, & venditione; ergo, &c.

Secundò probatur ex D. Tho. hic ad 1. ubi postquam dixit de lege humana: *Habet quasi licitum poenam non inducens, si absq; fraude venditor rem suam superuendat, & emptor vilius emat, nisi sit nimis excessus, quia tunc lex humana cogit ad restituendum: puta si aliquis sit deceptus ultra dimidiam iusti pretii quantitatem.* Subdit immediate: *Sed lex diuina nihil impunitum relinquit, quod sit virtuti contrarium: unde secundum diuinam legem illicitum reputatur, si in emptione non sit æqualitas iustitiæ obseruata.* Et tenetur ille

Vide Dianam prima parte tractatu 8. resolut. 78.

Ad argumenta autem facta in principio respondetur. Ad 1. probare nostram 2. con. vt ibi notauimus.

Ad 2. respondetur ex dictis con. 3. distinguendo consequens: si, qui eas vendit, non erat tempore contractus venditurus, sed seruaturus vsque ad tempus, quo plus essent valituræ, concedo, consequentiam: si non erat eas seruaturus, nego consequentiam. Ad 1. probationem respondet Mag. Soto: *Quod capitulum Nauiganti, Glossa sit capituli. In ciuitate, scilicet, quod nunquam liceat credito carius vendere, nisi quando seruande sunt merces.* Caietanus hanc expositionem impugnatur: *Tum quia nihil de hac conditione ibi dicitur. Tum quia in eodem cap. Nauiganti, § 2, casus in idem redit cum casu in cap. In ciuitate, & determinatur, sine hac conditionali, si erat seruaturus. Non enim apponitur hæc conditio, sed ista: Si tamen ea tempore contractus non fuerat venditurus. Quæ longe diuersa est ab illa, cum possit contingere, vt qui non erat seruaturus, sit etiam non venditurus, sed vel largiturus, vel alio modo consumpturus tempore contractus, aut postea. Respondetur tamen, conditionem istam illam inferre: nam mercator, cum non habeat merces, vt eas largiatur, aut aliter consumat, sed vt vendat, si eas hoc tempore non est venditurus, seruaturum esse eas, vt alio tempore*
re

ARTICVLVS I. 283

re vendat, aperte colligitur. Ad 2. probationem respondet idem M. Soto negando maiorem: *Contractus enim L. Labeo, ff. De verbor. significa. est ultro; citroque obligatio; ergo tunc contractus emptionis absolutus est, & perfectus, quando venditor, vel tradit, vel tradere obligatur merces, atque emptor, vel soluit, vel soluere obligatur pretium. Quo fit, ut expectata solutio, nihil vetet, quominus contractus perfectus sit. Quod & contra Caietanum, probat M. Bañes hic art. 4. dub. 8. quia venditio perficitur, quando res traditur emptori tanquam domino illius, etiam si expectetur solutio in futurum, & contradictionem implicat dicere, venditionem non esse perfectam, & emptorem manere dominum rei, ita ut sibi stet, aut pereat.*

Dubium quintum: An liceat pro minori pretio emere pagas acerbas, hoc est debita soluenda in posterum.

DVæ sunt de hac re Doctorum sententia. Prima est affirmans, quam tenent Caiet. in Sum. verbo *Vsura*, sub finem, Nauarrus cap. 17. num. 231. & alij. Probant 1. ex *L. Minus*, ff. De regulis iuris, ubi dicitur: *Minus est actionem habere, quam rem.* Sed qui emit pagam acerbam, verbi gratia, debitum mille aureorum soluendorum post

post annum, etiam si liquidissimum sit, & absque difficultate, & labore exigibile, non emit mille aureos, sed ius, & actionem ad fillos; ergo cum minus sit, talem actionem habere, quam mille aureos, minoris erit poterit, quam mille aureis. Confirmatur, in Instit. De actionibus §. Plus, sic dicitur: *Qua ratione, qui tardius soluit, quam solvere deberet, minus solvere intelligitur; eadem ratione, qui premature petit, plus petere videtur*. Ergo, qui ante maturationem, emit pagas acerbæ, & ante tempus soluit debita, potest minus solvere, & minoris emere.

Secundo, qui emit pagas acerbæ, non mutuatur, sed verè emit: ergo si iusto, ac communiter corrente pretio emit, iuste emit. Sed iustum pretium, ac communiter currentes est minus: quia huiusmodi iura, dum proponuntur venalia, instar mercis, communi hominum iudicio minoris æstimantur, quam pecunia præsens, eo quod hæc statim utilis est, illa vero inutilia usque ad tempus maturitatis, & potentia etiam proxima minor est actu, & inter os, & offam multa intercidere posse, proverbiū vetus est; ergo minori pretio potest illa emere.

Secunda sententia est negans, quam tenent Syluester verbo *Vsura*, 2. q. 14. M. Soto lib. 6. de iustitia, q. 4. art. 1. ad 3. & alij. Probant 1. Quoniam ratione dilationis temporis plus accipere, quam tribuas, usura est: sed hoc facit, qui pagas acerbæ, seu

de-

debita soluenda in posterum, quando nulli subiecta sunt periculo, sed absque vlllo sumptu, & labore certissime sperantur soluenda, emit pro minori pretio; implicite enim mutuatur 90. vsque ad terminum solutioni destinatum, vt tunc pro illis recipiat 100. ergo vsuræ peccatum committit.

Secundo ius ad 100. recipienda hinc ad annum, semoto omni dubio, periculo damno emergente, & lucro cessante, reuera non minus valet, quam 100. ergo iniquum est illud emere pro 90. Antecedens probatur: tñ quia, qui iusto pretio rem valentem 100. vendit pro 100. in futurum soluendis, acquirit ius non minus valens, quam res, quam vendidit, alias non esset iustum eius pretium; ergo cum res valeret 100. non minus valet tale ius, quam 100. Tum etiam, quia, qui mutuatur 100. habet ius ad illa recuperanda statuto tempore, non minus valens, quam 100. alias enim si ob obligationem non petendi vsque ad statutum tempus minus valeret, posset Petrus a principio, dum mutuabat Paulo illa 100. exigere ab illo aliquod lucrum, quia se liberè subijciebat illi obligationi; ergo, &c.

Dicendum tamen est 1. Pagas acerbas, hoc est debita soluenda in posterum, posse pro minori pretio emi, si difficilis, vel ambigua sit solutio, & cum molestijs, & expensis obtinenda, & tanto minori, quanto
ma-

maior est difficultas, & incertitudo. In hoc conueniunt omnes. Et ratio est manifesta: quia hæc omnia sunt pretio æstimabilia. Vnde M. Soto, ubi supra ait: *Quando solutio in periculo versaretur, nihil dubito, quin liceret viliori pretio emere, quam est totum debitum: utpote illum militi stipendium regium debetur, quod creditor timet, aut non totum, aut non sine magno negotio, & molestia, aut non sine expensis se recepturum, potest quisque tale debitum ab illo minoris emere: quisq. inquam absque vi, & fraude, Nam si quis Regi à thesauris est, & quod soluere debet, minoris redimeret, vis esset. Idem subdit de ipso debitore, non posse scilicet licitè suum ipsum debitum minori pretio redimere, quamuis alter possit emere. Et differentiam constituit inter debitorem, & alterum tertiū: Quoniam debitor ratione precedentis contractus totam summam debet: tertius verò, quia nihil debebat, iuste emere potest actionem illam quanti valet.*

An verò si esset aliquis, cui ob fauorem Principis, vel officialium, vel ob contractus, quos cum illis init, non esset difficilis, nec incerta solutio, possit huiusmodi debita, chirographa, seu librancias, vt vocant, aliasque similes pagas acerbis minori pretio emere, quo alij emunt, præsertim quando alij dimidio pretij licitè emunt ob difficultatem, & incertitudinem solutionis, quæ quanto maior est, tanto minori pretio æstimantur prædicta debita; sub lite est,

est. Quidam non esse licitū asserunt huic: nam illo cessant rationes detrahendi de pretio, nempe difficultas obtinendi solutionem, & eius ambiguitas, ac incertitudo, molestiæ etiam patiendæ, & expensæ faciendæ. Alij tamen, vt P. Lessius lib. 2. cap. 21. dubit. 9. num. 76. & P. Molina ab eo citatus, licitum esse dicunt: quia dum huiusmodi debita offeruntur venalia, eorum pretium non pendet ex commodo vnius, vel paucorum, sed ex publica æstimatione, qua æstimantur, si in foro publice sub voce præconis concurrente tota ciuitate proponerentur, ergo si communiter æstimantur minori pretio, quam contineant etiam dimidio, aut viliori, quicumque poterit illa emere tali pretio, quantūis modico, etiam si peculiarem rationem norit, qua facile integram solutionem obtinere queat: hoc enim ad bonam eius fortunam pertinere censendum est. Eius ministris, subdit P. Lessius num. 78. non licere huiusmodi chirographa, aut debita tali pretio emere: quia ipsi sunt causa malignæ solutionis.

Dicendum est 2. Quando pagæ acerbæ, seu debita soluenda in posterum non habent aliam acerbitatem, nisi temporis, sed debita liquidissima sunt, & absque difficultate, labore, & expensis vllis exigibilia, licet secunda sententia sit communior; prima tamen est etiam probabilis. Communio-rem esse secundam sententiam fere omnes fatentur; immo M. Bañes hic art. 4. dubio

dubio 5. illam tam certam esse putant, vt contrariam sibi improbabilem esse asserat. Sed primam sententiam probabilem esse conuincit auctoritas Caietani, Nauarri, & aliorum, quos refert, & sequitur Diana 1. p. tract. 8. resol. 49.

Addit verò Nauarrus vbi supra : *Qua ratione potest tertius illam actionem emere, eadem poterit ipsemet, contra quem datur, redimere, quicquid in hoc. Scotus dicat.* Nauarrum sequuntur P. Lessius libro 2. capit. 21. dubit. 8. num. 70. & alij asserentes, si creditor debitum offerat venale, non videri cur debitor non possit illud emere eo modo, quo quis alius : nam non est peioris conditionis, quam alij : nisi forte ipse esset causa, cur creditor velit vendere, vt si se præberet difficilem ad soluendum.

Hoc tamen mihi difficile videtur : tum quia, vt ait D. Thom. Opusc. 67. relato, & probato a S. Antonino 2. p. tit. 1. cap. 8. §. 4. *Ille, qui ad certum terminum debet, si ante terminum soluat, vt ei de debito aliquid dimittatur, usuram committere videtur : quia manifeste tempus solutionis pecunie vendit.* At qui debitum, & actionem contra ipsam, minori pretio redimit, soluit ante terminum, vt ei de debito aliquid dimittatur ; ergo, &c. Tum etiam, quia vt ait M. Soto, debitor ratione præcedentis contractus totam summam debet, & ipse apud se habet, quod debet soluere, & actio contra ipsum ipsi tanti valet, quanti tota summa ; ergo non potest eam redimere pro pretio quo
alij.

alij, quibus minus valet, emunt. Tum denique, nam etiam posset debito redimere debita, quorū solutio est difficilis obtētū, præsertim si ipse non se præbeat difficilem ad soluendū, sed difficultas solutionis proueniat, aut ex temporum inopia, aut ex bellorum sumptibus, aut ex negotiorum, vel debitorum multitudine, aut ex alia huiusmodi causa sine eius culpa: at hoc nō videtur concedendum; ergo, &c.

Ad argumenta autem primæ sententiæ respondetur. Ad 1. cum Syluestro loco citato, legem illam intelligendam esse, quando actio, velius habet annexum aliquod periculum, aut laborem, vel expensas, aut aliquid huiusmodi. *Quia ius ad certam summam non valet ea minus, nisi ratione periculi, laboris, & huiusmodi.* Ad confirmationem respondet idem Syluester, non obstare, quod dicitur in Instit. *Quia illud est verum in eo, qui obligatus soluere, ante tempus soluendi patitur interesse, ideoque cogens eum plus parit.*

Ad 2. respondetur negando antecedens: qui enim emit debitum 100. aureorum soluendorum post annum pro 90. implicite, virtualiter, & æquiualeuter mutuatur 90. vsque ad terminum solutioni destinatum, ut tunc pro illis recipiat 100. Nec obstat venditorem debiti non manere obligatum ad aliquid restituendum: nam perinde est æquiualeuter dare potestatem suam emptori ad recuperandum illa 100. in tempore futuro, ac manere obligatum ad reddendum

dum quod acceperat : sicut , & hoc modò
manet obligatus ; qui cum mutuum acci-
pit , pro illo assignat mutuanti partem re-
dituum suorum ; quos erat anno sequente
recepturus . Negandum est etiam iustum
pretium communiter currens talium de-
bitorum esse minus quam ipsa contineant
sicut enim pecunia præsens non est æstima-
bilis pluris quam absens , si consideretur se-
cundum se ; alias enim posset exigi lucram
ex mutuo propter expectationem tem-
poris : ita nec pluris æstimabilis est pecunia
præsens , quam prædicta iura : quia ius ad
certam summam pecuniæ nihil aliud est
quam ipsa pecuniæ summa in futurum
obtinenda , aut non valet ea minus , ut di-
ximus cum Sylvestro . Quod vero iudicio
hominum quandoque hæc iura sicut , &
pecunia absens minoris æstimetur , quam
pecunia præsens , hoc non obstat : tum
quia , ut ait Sylvester , *Communis æstimatio
non facit iustum pretium nisi ad numeratum* .
Tum etiam quia talis æstimatio nõ est nisi
hominum , qui iudicant in causa propria ,
& ducuntur affectu , & cupiditate augendi
pretia , & lucrandi .

Ad argumenta etiam secundæ sententiæ
qui primam voluerit sequi , respondere po-
test . Ad 1. negando minorem : qui enim
emit pagas acerbæ minori pretio , non ac-
cipit plus ratione dilationis , sed iusto pre-
tio tunc communiter corrente ius illarum
emit : nam , ut ait Caiet. ubi supra , *Cum ius
pagarum acerbæ inuitile sit , usque ad tem-*

pus maturitatis, rationabiliter minus valet, ac minoris venditur. Non mutuatur etiam, unde post pauca subdit ibidem Caiet. Non enim, qui ius emit, facit mutuum palliatum, nec emit mille ducatos post annum, ut ratio temporis expectari constituat usuram: sed emit ius alterius ad habendum post annum ducatos mille, & ipsius ementis periculo ius illud derelinquitur, quod est contra naturam mutui.

Ad 2. respondetur negando antecedens.

Ad 1. probationem dico, ius ad 100. valere quidem 100. posseque proinde pro 100. vendi: hoc tamen esse rigorosum pretium, sicque posse emi pretio minori intra limites iusti pretij. Idem est de iuribus quorum solutio est difficilis, & ambigua: integrum est enim ijs, qui ea habent, non aestimare difficultatem, vel incertitudinem solutionis debitæ, ac proinde nolle vendere nisi integre numeretur tota summa (nam usu receptum est, ut hæc vendantur quanti vendi possunt absque fraude, & ignorantia intra limites summæ currentis) & tamen constat posse emi minori pretio.

Ad 2. probationem dico, ius illud pretio riguroso non valere minus quam 100. pro tamen, & infimo pretio iusto minus valere posse: non quidem propter obligationem non petendi usque ad statutum tempus, sed propter communem hominum æstimationem, qua res venales, quale est ius illud, non vno indivisibili pretio, sed triplici iusto, riguroso scilicet, pio, &

infimo, consideratis diuersis circumstan-
tijs æstimantur. Vnde non sequitur, illum
qui mutuat posse lucrum aliquod exi-
gere.

**Dubium 6. An qui emendo, aut ven-
dendo decipit alium citra dimidiũ
iusti pretij, peccet, & ad restitu-
tionem teneatur,**

PArs negans probatur 1. ex *L. In causa*,
ff. De minoribus, vbi dicitur. *In pretio
emptionis, & venditionis naturaliter licere
contrahentibus se circumuenire.* Ergo non
peccant, si vnus alterum decipiat citra
dimidium iusti pretij.

Secundo; secundum leges ciuiles fertur
sententia in iudicio in fauorem eius, qui
decipit alterum citra dimidium, & solum
cogitur restituere, qui ultra dimidium
iusti pretij decipit vt patet ex Capit. *Cum
causa*, De emp. & vend. & ex *L. 2.* & *L.
Si voluntate*, C. De rescindenda venditione;
ergo cum tales leges sint iustę, conferunt
illius etiam in foro conscientię ad retinē-
dum, quod accepit.

Tertio; leges de p̄scriptione transfe-
runt dominium rei in foro conscientię in
possessionem bonę fidei, ergo & leges de
deceptione citra dimidium in emptorem,
& venditorem bonę fidei.

Dicendum tamen est: qui emendo, aut
vendendo decipit alium citra dimidium

iusti

iusti pretij, peccat contra iustitiam, & ad restitutionem tenetur. Oppositum huius tenuerunt aliqui, qui, vt refert S. Ant. 2. p. tit. 1. cap. 16. §. 3. dicebant, *Licetum esse nec ad restitutionem teneri: quia iura hoc permittunt.* Quorum opinionem, quam erroneam, & periculosam saluti animarum appellat, inquit S. Ant. *Sequi videtur Durandus Ord. Min. in Summa sua.* Gerson. etiam to. 2. Alphab. 35. tract. p. 3. propo. 11. licet dicat peccare, existimat tamen non teneri ad restitutionem.

Nostra tamen conclusio probatur 1. ex illo Deut. 25. v. 13. *Non habebis in seculo diuersa pondera maius, & minus, &c. abominatur enim Dominus tuus eum, qui facit hæc, & auersatur omnem iniustitiam.* Et Prouerb. 20 v. 10. *Pondus, & pondus, mensura, & mensura, utrumque abominabile est apud Deum.* At hæc diuersa pondera communiter non habentur ad decipiendū ultra, sed citra dimidiū in emptione, & venditione; ergo, &c.

Secundò probatur ex D. Tho. hic ad 1. ubi postquam dixit de lege humana: *Habet quasi licitum pœnam non inducens, si absq; fraude venditor rem suam superuendat, & emptor vilius emat, nisi sit nimius excessus, quia tunc lex humana cogit ad restituendum: puta si aliquis sit deceptus ultra dimidiam iusti pretii quantitatem.* Subdit immediate: *Sed lex diuina nihil impunitum relinquit, quod sit virtuti contrarium: unde secundum diuinam legem illicitum reputatur, si in emptione non sit æqualitas iustitia obseruata.* Et tenetur ille

qui plus habet recompensare ei, qui damnificatus est, si sit notabile damnum.

Tertio probatur ratione sumpta ex D. Thom. qui in emptione, & venditione non seruat æqualitatem iustitiæ commutatiue, peccat, & quod plus habet, qua debeat habere, tenetur restituere: sed qui decipit alium non solum ultra, sed etiam citra dimidium iusti pretij, non seruat æqualitatem iustitiæ, sed contra eam plus habet, quam debeat habere; ergo &c. Confirmatur, qui decipit alium ultra medietatem iusti pretij, non solum tenetur restituere quod superat medietatem iusti pretij, sed etiam totum excessum a iusto pretio; ergo totus ille excessus, & quæuis eius pars, & quicquid intra illius latitudinem fuerat acceptum, inique acceptum erat, sicque decipere etiam citra dimidium, est iniquum, & peccatum, contra iustitiam ad restitutionem obligans.

Ad 1. vero respondetur cum Glossa ibidem, per licere naturaliter, intelligendum esse iure gentium permitti. Vel cum Covar. lib. 2. var. cap. 3. num. 2. per circumventionem intelligendam esse eam, quæ intra latitudinem iusti pretij potest fieri.

Ad 2. respondetur cum D. Th. quod lib. 2. art. 10. *Quod leges non loquuntur secundum forum conscientie, sed secundum forum contentiosum.* Et vt Syluester verbo *Emptio*, q. 7. dicit: Iura ciuilia permittunt contrahentes se decipere vsq; ad dimidium iusti pretij. Et subdit: *Procedere iure fori, non iure poli.*

ARTICVLVS I. 295

foli, & quoad Deum. Nam ius positivum in odium litium noluit dare actionem pro modica lesione, sed solum quando excessus est magnus, puta cum quis est deceptus ultra dimidium.

Ad 3. respondetur negando consequentiam. Differentia est, quia leges de praescriptione sunt directivæ, & præceptivæ, leges vero de deceptione citra dimidium solum sunt permissivæ.

ARTICVLVS II.

Vtrum venditio reddatur illicita propter defectum rei venditæ.

Conclusio est affirmans.

Dubium. An si res habens defectum non minus bona sit ac valeat, quam alia quæ communiter venduntur, possit eodem pretio quo alia vendi.

PArtem negantem tenent M. Ledesma 2. p. Sum. tract. 8. cap. 32. con. 7. diffic. 2. & alij. Probant 1. Etiam si aliquod triticum paleis mistum tam bonum sit, & tantum valeat quam aliud, quod alij vendunt, non potest licite ab eo qui illum habet, paleis misceri, & vendi

eodem pretio quo alij suum triticum vendunt; ergo &c. antecedens probatur, nam lex triticum taxat quale ex area adduci solet, non quale facit industria fraudulenta; ergo si tale triticum ex industria cum aliqua mistione venditur, minori pretio vendi debet, quam sit à taxa legis præscriptum, quo alij suum triticum vendunt, quale ex area detulerunt.

Secundo, etiam si vinum alicuius mistum aqua tantum valeat, quantum vinum purum, quod alij vendunt, non potest illud aqua diluere, & eodem pretio vendere; ergo, &c. Antecedens probatur, nam venderet pulsquam habeat, si enim habebat sex amphoras vini, vendit octo, ad has namque mensuras excrevit vinum ex aquæ permissione; ergo iniusta est eius venditio,

Dicendum tamen est 1. Per se, & regulariter loquendo propter defectum rei venditæ illicitam, ac iniustam reddi venditionem. Docet hoc D. Thom. hic ubi dicit, triplicem defectum considerari posse circa rem, quæ venditur. Primus est, secundum speciem, aut substantiam rei, ut si vendatur vinum mistum aqua pro puro, quod enim permistum est, patitur defectum quantum ad speciem. Secundus est, secundum quantitatem, quæ per mensuram cognoscitur, ut si vendatur res, cui debita mensura, pondus, aut numerus deest. Tertius est secundum qualitatem, ut si vendatur animal infirmum, quæ-

quasi sanum . Et ait, quemlibet defectum ex his reddere venditionem illicitam , ac iniustam : si sciatur quidem, iniustam formaliter : si vero ignoretur iniustam materialiter ; sicque qui rem cum quolibet horum defectuum vendit : ad restitutionem seu compensationem damni teneri , aut statim , aut cum ad eius notitiam peruenierit .

Dicendum est 2. In casu tamen quo res habens aliquem defectum ex istis non minus esset bona, ac valeret , quam ea , quæ ab alijs communiter venduntur , non esset condemnandus iniustitiæ : qui eam eodem pretio venderet . Docent hoc M. Soto lib. 6. de iustitia , qu. 3. art. 2. P. Lessius libro 2. cap. 21. dobit. 11. num. 83. & alij quos refert , & sequitur Diana 1. p. tract. 8. resol. 51.

Probatur 1. ex D. Thom. hic ad 1. dicente : *Si per alchimiam fieret aurum verum , non esset illicitum ipsum pro vero vendere .* Ergo similiter : si per admistionem vini optimi cum alio tenui , vel cum aqua fit vinum verè tam bonum , quam quod alij communiter vendunt , non erit illicitum illud eodem pretio vendere .

Secundo , quia licet quis vtatur , fraude , & dolo miscendo triticum paleis , tamen pretium vel attenditur ex eius valore : at triticum ab alijs collectum cum paleis ex area non est magis bonum , nec maioris valoris , quam triticum ab hoc mistum paleis ; cur ergo sic reductum ad sta-

298 **QVÆSTIO LXXVIII.**

tum in quo est triticum aliorum, non poterit vendere eodem pretio, quo alii suum triticum vendunt? Confirmatur, si quis triticum, quod purgauerat, ut ad molidinum deferret, vellet vendere, posset eisdem paleis, à quibus illud purgauerat, immiscere, & sic eodem pretio quo illud emerat vendere: ergo, & qui triticum, quod ex area mundum collegit, præsertim industria, & labore ad hoc adhibito, poterit miscere paleis quibus mistum est quod communiter venditur, & eodem pretio quo illud venditur, vendere.

II Tercio, qui prædicto modo miscuit vinum àqua, & triticum paleis, nullum damnum infert venditori, cum ei tradat vinum, aut triticum æqualis bonitatis, ac valoris, & æque utile ad usus humanos, ac quod ab aliis emeret: nec ei facit iniuriam, cum non teneatur rem valoris bonitatis, & integritatis maioris quam alij vendentes tradere, ergo licite potest illud eodem pretio quo alij suum triticum, aut vinum vendere.

Ad id autem oppositæ sententiæ respondetur negando antecedens. Ad probationem dico, falsum esse legem taxare triticum quale ex area adduci solet: nam alias nullus curaret, triticum in area mundare. Solum ergo taxat triticum, quod venditur, alias triticum prædicto modo mistum paleis, posset tempore necessitatis in maiori pretio quam taxæ vendi, quod non concedit M. Ledesma. Si lex taxans
 præ

ARTICVLVS II. 399

pretiū tritici, aut vini expressè diceret debere esse quale ex area, vel torculari adducitur, & non postea mistum, quod postea misceretur, non posset vendi pretio à lege taxato; vendi tamen posset pretio constituto communi à estimatione fori, aut conventionē inter emptorem, & venditorem, iuxta ea quæ diximus hīc art. 1. dubio 2.

Ad 2. respondetur negando etiam antecedens. Ad probationem dico, falsum esse, qui vinum mistum aqua prædicto modo vendit, plus vendere quam habeat: nam licet vini meri, ac puri solum habeat sex amphoras, vini tamen misti octo amphoras habet. Idem est de eo qui triticum miscuit paleis, & sic vendit: nam tritici, hoc modo misti tot modios habet, quot vendit: eodem prorsus modo, ac qui vendit triticum cum paleis ex area collectum.

ARTICVLVS III.

Utrum venditor teneatur dicere vitium rei vendita.

Conclusio est affirmans.



Dubium 1. An si venditor minuat de pretio quantum oportet, possit tacere vitium occultum rei, quam vendit.

PArtem negantem tenet Medina, Codice De rebus restituendis, quæst. 34. Probat 1. Quando vè ditor tacet defectum rei, quam vendit, contractus est dolosus: & dolus tollit liberum consensum in emptore; nam si venditor non occultasset talem defectum, emptor nullo modo rem illam emisset, aut saltem non pro tanto pretio; ergo in conscientia nullus est talis contractus.

Secundo, Venditor defectum rei tacens scit emptorem deceptum rem illam emere præsertim tali pretio, quia putat rem defectuosam non esse; ergo peccat sic vendendo. Sicut enim testis in ius vocatus ex officio tenetur veritatem, quam scit, dicere, alioquin peccat; ita venditor rem suam vendens tenetur ex officio defectum rei ementi dicere.

Tertio; Qui scienter vendit rem defectuosam, emptorem per defectus occultationem grauat; quia graue, & molestum est ementi retinere rem defectuosam, & graue est illi alium emptorem quærere, qui illam emat, vt eam à se rejiciat; ergo non caret culpa defectum occultando.

Di-

ARTICVLVS III. 301

Dicendum est tamen : si venditor minuatur de pretio quantum oportet , potest licite reticere vitium occultum rei , quam vendit , dum tamen res non sit perniciofa emptori , sed pro pretij ratione vtilis.

Probat^{ur} 1. ex D. Th. quodlib. 2. art. 10. vbi sic habet : *Est iniusta venditio, quando pretium acceptum ab habente aequatur rei venditæ : iniusta autem si non aequatur , sed plus accipiat. Si ergo vitium rei venditæ faciat rem minus valere, quam pretium impositum à venditore , iniusta erit venditio , unde peccat occultans vitium . Si autem non facit rem minus valere , quam pretium impositum , quia forte venditor minus pretium imponit propter vitium , tunc non peccat tacens vitium : quia venditio non est iniusta, & forte esset sibi damnosum , si vitium diceret , quia emptor vellet habere rem etiam pro minori pretio, quam valeret . Idem docet S. Doctor hic in fine corp. art. vbi duos casus ponit , in quibus venditor non tenetur dicere , sed potest tacere vitium rei venditæ . Primus . Si vitium sit manifestum , puta cum equus est monoculus . Secundus : Cum vsus rei , & si non competat venditori , potest tamen esse communis alijs , & si ipse propter huiusmodi vitium subtrahat quantum oportet de pretio .*

Secundo probatur ; quamvis voluntas expressa emptoris interrogantis venditorem , an res careat omni vitio , & dicentis se velle rem absque vilo vitio, faciat contractum , quo venditur res cum vitio occulto , inuoluntarium , sicque inualidum ,

&

& ex parte venditoris illicitum ; voluntas tamen quasi conditionalis , qua emptor nolle emere rem , si sciret talem defectum habere , non facit inualidum , & illicitum contractum , si alias iustus sit : sed in casu nostræ conclusionis id contingit ; ergo , &c. Maior probatur : tum quia validus est contractus , & licita venditio , qua quis iusto pretio vendit alteri rem , quæ fuit sui inimici , quamvis ei constet , quod alter eam non emeret , si sciret esse sui inimici . Tum etiam , quia si vitium rei esset manifestum , & emptor sua negligentia non adverteret , contractus esset validus , etiam si non esset empturus , si cognovisset illud vitium . Tum deinde , quia si emptor suo iudicio fidens rem aliquam ex multis deligat nihil interrogans præterquam de pretio , etiam si venditor occultum vitium non aperiat , dum tamen non vendat supra iustum , sed detrahat de pretio pro ratione vitij , non est contractus inualidus , nec illicitus , etiam si emptor non emisset , si tale vitium advertisset , sibi namque imputare debet , si deceptus est , eo quod non petita sententia venditoris , sed suo fisis iudicio rem emit . Tum denique , quia quando pater dat filio aliquam pecuniam , valida est donatio , etiam si non esset donaturus , si sciret malum finem , ad quem filius petit ; ergo idem erit hic de contractu venditionis .

Dixi , si non esset perniciofa emptori ; nam si emptori ex vicio non detecto dam-

num,

num, aut periculum euenire posset, illicita esset venditio, vt hic docet D. Th.

Dixi etiam, sed pro pretij ratione utilis: nam si omnino esset inutilis, etiam illicita esset venditio. Censetur autem satis utilis res futura, quando facile potest eodem pretio vendi ab emptore alijs, quibus etiam detecto vitio potest esse conueniens, vt D. Th. hic indicat.

Quod diximus de venditore, dicendum est etiam de emptore: huic enim non licet emere rem vitio carentem pro vitiosa, & pretiosam pro vili. Vnde si rusticus gemmam venderet ignorans eius virtutem, ac valorem; emptor harum rerum peritus teneretur venditori dicere virtutem, ac valorem rei; aut certe pretium augere, & iustum dare. Si tamen virtus rei tam occulta esset, vt peritos etiam in arte lateret, nec communiter quærere. tunc ob illam virtutem, qui hanc cognosceret notitia extraordinaria, non teneretur eam manifestare, nec augere pretium ob illam: quia iustum pretium rei attenditur ex eius utilitate in ordine ad vsus communes hominum; res autem illa ad vsum, quo vendi solet, non pluri æstimatur quàm communi pretio. Hac ratione qui scit thesaurum absconditum in agro, potest agrum communi pretio emere: qui scit etiam in fasce herbarum, quæ venduntur ad pabulum animalium: pretiosas herbas contineri, potest emere quo vulgo venditur. **Oppositum** **Sed**

Sed quod diximus docet L. Lessius lib. 2. cap. 21. dubit. 11. num. 85. & alij, quos refert, & sequitur Diana 1. parte tract. 8. resol. 79.

Ad 1. vero negantis sententiæ responde-
tur cum M. Soto loco proxime citato, ne-
gando antecedens, solum enim est dolo-
sus contractus, quando venditor celat de-
fectum rei, quam vendit: nam tunc illum
aperire tenetur. *Quo circa, ut Diogenes a-
pud Ciceronem lib. 3. Officiorum aiebat, aliud
est celare, aliud tacere. Celas dum, quod par-
dere teneris, non prodis: taces, dum loqui iure
non cogaris.* Iure autem non cogitur ven-
ditor loqui, & dicere vitium rei venditæ,
nisi quando emptor rogat venditorem, an
res careat vitio, aut quando ex vitio non
detecto damnum, aut periculum emptor
potest incurrere. Si autem non interro-
gat, neque damnum accipit, sibi impu-
tet, si rem sibi ingratam emit: venditor
enim nullam ei iniuriam fecit, nec vlllo
dolo utitur, sed iure suo.

Ad 2. respondetur, ibi non esse proprie
deceptionem ex parte venditoris: nam ut
ait D. Thom. quodlib. 2. art. 10. ad 2. in
contrarium: *Deceptio non est, si id quod
tacetur de re vendita, non facit rem minus va-
lere, quam pretium, quod pro ea accipitur.*
Si vero emptor ipse decipitur, huius cau-
sa non est venditor, quando non interro-
gatus tacet vitium rei: quia solum tene-
tur illud indicare ex iustitia, & officio,
quando emptor petit, ac proinde non
peccat.

Ad

ARTICVLVS III. 305

Ad 3. Respondetur, illud grauamen,
& molestiam emptoris non facere cōtra-
ctum venditionis illicitum, ac inualidum,
si alias celebretur secundum leges iustitiæ.
& venditor non tenetur defectum rei ma-
nifestare.

*Dubium 2. An venditor qui scit
pretium rei, quam vendit, max
minuendum ob copiam mercium
superuenturam, teneatur hoc
emptoribus exponere, vel de
pretio minuere, & non vendere
pretio currente.*

PArtem affirmantem tenent Medina
Codice De rebus restituendis, quaest.
39. Probat 1. Merces in tali casu decre-
scunt in valore ob similitudinem mercium
abundantiam de proximo venturam, ergo
non possunt pretio currente vendi. Ante-
cedens probatur, nam quamuis illa abun-
dantia non sit actu in loco illo, parum
tamen distat, & quod parum distat, nihil
distare videtur: ergo sicut merces decre-
scunt in valore, & pretio, quando in locis
huic propinquis similes merces vendun-
tur, ita & quando de proximo sunt ven-
turæ.

Secundò; si emptores scirent illarum
mercium superuentum, non emerent mer-

ces illas pro tanto pretio ; ergo non libere consentiunt in pretij quantitate , quam dant, & per consequens peccat mortaliter pretium accipiens.

Tertio, aestimatio , per quam rerum valor mensuratur, debet esse prudens, & non ex errore, seu ignorantia procedere: sed aestimatio mercium in casu posito non est prudens, & procedit ex ignorantia; ergo pretium tunc currens non est iustum illarum mercium, sed putatum.

Quarto, venditor sciens rem in bonitate, aut valore naturali breui diminuendam, aut tollendam, vt equum proximè moriturum, tenetur id emptori intimare, vel in pretio descendere ; ergo idem erit de rei valore accidentali breui diminuenda.

Quinto, Mercator, qui solus scit obsidionem ciuitatis, in qua suas merces venales habet, breui euenturam, non potest illas pretio currenti vendere. Item qui scit curiam breui recessuram à loco, vbi residebat, populo ignorante, non potest domum locare pretio currente. Item qui tritici abundantiam tempore caritatis, & famis habet, aut qui habet monetæ copiam, & certo solus ipse scit ex decreto Principis cito moderandum esse pretium tritici, & valorem monetæ minuendum, non potest totum suum triticum vendere pretio magno tunc currente, vel totam monetam permutare ; ergo idem erit in nostro casu.

Dicendum tamen est: Venditorem, qui scit pretium rei, quam vendit, mox minuendum ob copiam mercium superuenturam, non teneri hoc emptoribus exponere, nec de pretio minuere, sed posse absque iniustitia, & licite res suas vendere pretio currente. Idem dicendum est proportionabiliter de emptor sciente pretia rerum mox esse augenda, posse scilicet pretio currente emere nulli indicando, quod scit:

Probatur 1. ex D. Thom. hic ad 4. ubi sic habet: *Vitium rei facit rem in presenti esse minoris valoris. Sed in casu praemisso infuturum res expectatur esse minoris valoris per superuentum negotiatorum, qui ab ementibus ignoratur. Vnde venditor, qui vendit rem secundum pretium, quod inuenit, non videtur contra iustitiam facere, si quod futurum est non exponat: si tamen exponeret, vel de pretio subtraheret, abundantioris esset virtutis quamuis ad hoc non videatur teneri ex iustitia debito.*

Secundò, probat Mag. Soto lib. 6. de iustitia quæst. 3. artic. 2. ad 3. tribus exemplis. Præcipuum est, Ioseph, qui sciens inopiam superuenturam, frumentum tempore abundantiae emit, vt tunc valebat Gen. 41.

Tertiò probatur cum Mag. Bañes hic dubio 4. Iustum pretium est, quod taxatur secundum communem æstimationem fori: sed iste vendit suas merces pretio currente communi æstimatione: ergo, non est

308 **QVÆSTIO LXXVII.**

est iniustus. Confirmatur 1. quia alias sequeretur, quod qui haberet in animo post triduum vendere magnam copiam frumenti; quod non possit hodie vendere triticum pretio corrente, scit enim ex venditione sua cras triticum minus valiturum: sed hoc non est admittendum; ergo, &c. Confirmatur 2. quia consequeretur, quod venditor ignorans illam copiam futuram, & vendens pretio corrente tenetur restituere; obligatio enim restituendi oritur non solum ex iniusta acceptione, sed etiam ratione rei acceptæ: sed hoc est inconueniens; ergo &c.

Ad 1. vero respondetur negando antecedens. Ad probationem dico, abundantiam presentem, vel imminentem facere pretium decrescere, si communiter sciatur, secus si ignoretur. Vnde siue merces similes sint in locis propinquis, siue in portu, siue in oppido, si id vulgo ignoretur, non decrescit pretium, & potest quisque suas merces pretio antiquo eatenus vsitato vendere.

Ad 2. patet ex dictis dubio præcedente. Si quæras, an si venditor interrogaretur, sit ne futura magna copia mercium, & responderet se nescire, vel diceret non esse futuram, peccaret contra iustitiam vendendo suas merces pretio corrente? Respondetur cum Mag. Bañes hic dubio 4. con. 2. non peccare contra iustitiam: quia iusto pretio tunc corrente suas merces venderet; Et quamuis mentiretur, illud men-

ARTICVLVS III. 309

mendacium non esset formaliter perniciosum, sed officiosum: quia mentiendo non induceret emptorem ad contractum iniustum, sed iustum, pretio currente, & mendacium ordinaret ad fugiendum damnum, quod ipse incurreret in proprijs facultatibus, si diceret veritatem, quod damnum non tenetur subire venditor. Quod vero emptor ex tali mendacio damnificetur, per accidens est. Et non est eadem ratio de alio assistente eodem modo mentiri: nam alius perniciosè mentiretur, cum ex tali mendacio, nec bonum compararet, nec malum effugeret: venditor vero prædictus, qui ex manifestatione detrimentum incurrit, solum officiosè mentiretur. Sicut si pauper expectans eleemosynam diceret alteri pauperi accedenti, dominum non adesse, vel eleemosynam esse datam, officiosè mentiretur, & non teneretur restituere; diues vero, cuius nihil interest, si idem diceret, perniciosè mentiretur, & ad restitutionem teneretur. Hanc sententiam tenent alij, quos refert, & sequitur Diana 1. p. tract. 8. resol. 45. ubi addit, iustum equiuoce, & amphibologicè respondere posse, cum veritatem detegere non teneatur.

Ad 3. respondetur negando minorem: ut sit enim prudens æstimatio in casu illo, sufficit, ut sit facta ex circumstantijs, quæ communiter sciri possunt: euentus autem furti non possunt vulgo cognosci, sicque ex illis non debet sumi æstimatio rei. Priuata

310 QVAESTIO LXXVII.

uata etiam scientia venditoris non mutat communem sensum, & æstimationem, sicut nec priuata scientia emptoris, vt ostendunt exempla adducta à Magistro Soto.

Ad 4. respondetur negando consequentiam: nam diminutio valoris naturalis, de qua est sermo in antecedente, prouenit ex vitio, aut mala dispositione rei presentis, ob hocque res etiam in præsentis minoris valoris est; sicque vendens talem rem tenetur in pretio descendere. At diminutio valoris accidentalis, de qua est sermo in consequenti, non prouenit ex vitio, aut dispositione aliqua rei præsentis, sed ex euentu futuro; sicque cum nunc nihil sit, quod valorem rei diminuat, nec est, quod obliget emptorem, vt in pretio descendat.

Ad 5. respondetur negando antecedens quo ad omnes eius partes. Aduertendū est tamen cum M. Bañes hic dubio 4. con. 4. aliquādo in alijs casibus peccare posse venditorem contra charitatem, sicut, & in casu nostræ conclusionis: vt si ex eius venditione emptor pauperiem incideret, quā venditor vitare posset, vendendo suas merces alijs diuisim: si enim vitare non posset, quia ipse in similem pauperiem incideret, non teneretur à tali venditione abstinere: quia potest quis rebus suis consulere, etiam si inde per damnum proximo obueniat.

Potest igitur, qui scit obsidionem futuram,

ARTICVLVS III. 311

ram, vendere celeriter merces quas habet in ciuitate pretio corrente non admonitis emptoribus de periculo impendente. Item qui scit curiam breui recessuram à loco in quo residebat, locare potest pretio solito domum, aut eam pretio corrente vendere, etiam si ob curiæ recessum pretia mox sint minuenda. Item qui scit pretium tritici cito minuendum ex decreto Principis, aut Magistratus iam condito, sed nondum publicato potest triticum suum vendere pretio corrente. Denique qui scit valorem monetæ minuendum ex eodem decreto, potest illam permutare, illa emere domos, agros, merces, & illam mutuare alteri, & postea recipere valorem quem habebat. Et quauis hoc limitet Syluester verbo *Vsura* l. quæst. 15. *Si recipiens mox vult eam expendere tempore quo tantum valet.* Alijs limitatio non placet: quia per mutuum transfertur dominium, & res domino perit, sicut & commodum ei cedit. Vnde sicut qui petit mutuo 20. aureos, etiam si valor eorum augeatur, non tenetur valorem auctum reddere: ita qui mutuatur totidem aureos, etiam si valor eorum minuatur, non tenetur illum perdere. Hæc omnia docent multi, quos refert, & sequitur Diana l. p. tract. 8. resol. 45.

Si quæras, an Consiliarij Regis, quorum consilio Rex decretum condidit de minuendo pretio tritici, liceat etiam triticum suum pretio corrente vendere, antequam

quam decretum publicetur? Respondent quidam, non posse eo pretio plus frumenti vendere, quam alias essent vendituri: quia ratione officij tenentur consulere aliorum vtilitati: & ideo non possunt vti munere suo in damnum cæterorum. Alij tamen, quos refert, & sequitur Diana 1. part. tract. 8. resolut. 42. dicunt, posse prædictos consiliarios vendere omne triticum suum pretio corrente, etiam si alias non essent vendituri; si tamen libere, & sine fraude exponant illud venditioni: quia & vendunt pretio iusto, quale est communiter currens, & ipsi ratione sui officij non obligantur ad non vendendum eo tempore pretio communi, nec tenentur manifestare futuram promulgationem decreti ante tempus à Rege, vel à Senatu assignatum. Non possunt tamen differre promulgationem solum eo fine, vt ipsi prius vendant omne triticum suum; nam tunc abuterentur munere suo in damnum aliorum. Non possunt etiam decretum conditum amicis reuelare, vt ij suum triticum vendant pretio corrente antequam promulgetur: quia tenentur ex officio secretum seruare, & sic vitare damnum aliorum, cum quo non possunt amicorum vtilitati prospicere reuelando eis, quod filere ex officio tenentur.

ARTICVLVS IV. 313.

*Utrum liceat negotiando aliquid
carius vendere quam
emere.*

Conclusio est affirmans.

**Dubium I. An cambiorum lucra
sint licita negotiatoribus.**

C Ambium ita diffiniri potest: Con-
tractus, quo commutatur pecunia
pro pecunia lucri gratia. Con-
tractus, in hac diffinitione ponitur, vt ge-
nus: nam vt diximus hic ar. i. dub. i. cam-
bium vna est ex speciebus in, quas diuidi-
tur contractus.

Per secundam particulam nempe. Quo
commutatur, differt cambium ab illis spe-
ciebus contractus, per quas non transfer-
tur dominium rei: quia per illas non com-
mutatur res aliqua, nisi sorte vsus rei per
commodationem permutatam, in qua
vsus vnius rei transfertur pro vsu rei al-
terius, vt patet ex dictis articulo i. du-
bio i.

Per tertiam particulam nempe, Pecunia
pro pecunia, distinguitur cambium ab
emptione, & venditione: nam vt ait D.
Thom. Opus. 73. vel Auctor illius Opuscu-
li

li de cambio loquens: *Nec habet propriam rationem commutationis, quae dicitur venditio, & emptio, quia hoc genus fit in rebus appretiables, quarum pretia determinantur, & mensurantur numismate: sed hoc genus est in sola commutatione numismatum diuersorum generum.* Ex quo patet ar. 1. dubio 1. diximus, cambium non reduci ad emptiorem, sed speciem contractus ab ea distinctam esse: est enim emptio commutatio rei pro pretio: cambium vero est commutatio pecuniae, pro pecunia, non quidem ut habet rationem pretij, sed ut habet rationem rei. Et quamuis commutatione rei cuiuscunque pro re quacunque sit cambium: specialiter tamen hic est sermo de cambio, quod est commutatio pecuniae pro pecunia.

Per quartam particulam nempe, *Lucrigratia*, differt cambium à mutatione: nam ut ait D. Thom. Opus. & cap. citatis ad 2. *Actus campforius non debet fieri gratis ex natura sua, sicut actus mutui.*

Ex his sequitur cambium pertinere ad eam commutationis speciem, de qua D. Th. hic ait: *Alia commutationis species est, vel denariorum ad denarios, vel quaruncunque rerum ad denarios, non propter res necessarias vitae, sed propter lucrum quarendum.*

Diffidetur autem cambium in reale, & fictum. Cambium fictum est cambium fictitium, quo quis fingit permutare pecuniam pro pecunia, reuera tamen non per-

permutat, sed mutuat, mutuumq. nomine cambij palliat. Quod accidit, quando commutatur pecunia præsens pro ea quæ fingitur alibi esse ibique reddenda, cum reuera ibi non sit, nec reddi debeat, sed in eodem loco, quo recipitur, restitui debeat cum lucro ob spectatam solutionem ad certum temporis terminum. Cambium reale est, quo vere, & realiter permutatur vna pecunia pro alia.

Subdiuiditur reale in minutum, & locale. Minutum est, quo permutantur numismata diuersæ rationis, vt aurea cum argenteis, & argentea cum æreis. Et quia hoc frequenter fit de manu in manum absq; litteris, appellari etiam solet manuale cambium. Locale cambium est, quo permutatur pecunia existens in vno loco pro pecunia existente in alio loco. Quod quia per litteras fit, vocatur etiam cambium per litteras, fierique solet dupliciter. Aliquando enim campsor, hoc est is, à quo cambium petitur, accipit pecuniam, vt eam det in alio loco campfario, hoc est illi, qui petit cambium. Aliquando vero campsor dat pecuniam, vt eam accipiat in alio loco. His suppositis.

Dicendum est 1. Cambia, & eorum lucra secundum se considerata quandam turpitudinem, & speciem mali habere, esseque de male sonantibus: posse tamen iustis causis honestari, & esse licita. Probatur ex D. Thom. hic, vbi de commutatione denariorum ad denarios propter lu-

crum quærendum, quæ propriè ad negotiatores pertinet, ait: *Iuste vituperatur, quia quantum est de se deseruit cupiditati lucri, quæ terminum nescit, sed in infinitum tendit, & ideo negotiatio secundum se considerata, quandam turpitudinem habet, in quantum non importat de sui ratione finem honestum, vel necessarium. Lucrum tamen, quod est negotiationis finis, etsi in sui ratione non importet aliquid honestum, vel necessarium, nihil tamen importat in sui ratione vitiosum, vel virtuti contrarium. Vnde nihil prohibet, lucrum ordinari ad aliquem finem necessarium, vel etià honestum, & sic negotiatio licita redditur. Ergo & commutatio denariorum ad denarios propter lucrum, quæ cambium est. Vide etiam Opusc. 73. cap. 13.*

Secundò probatur, pecuniæ sunt valde in Republica necessariae multo magis quàm plures aliæ merces; ergo si vtile, & necessarium, ac proinde licitum, esse in Republica mercatores, qui alias merces, in ciuitatem adducunt, aut ex eadem ciuitate collectas in vnum conferunt locum, vt facile inueniri queant, multo magis id erit afferendum de pecunia, quam campsores habent congregatam, vt in Republica facile inueniatur ad negotia, quæ passim occurrunt. Confirmatur, necessarium est in Republica esse aliquos, qui maiores pecunias pro minoribus commutent, aut e contra, & pecunias expendibiles pro non expendibilibus: item aliquos, per quos pecuniæ possint secure in alia loca transmitti

abs.

ARTICVLVS VI. 317

absque earum extractione: item aliquos, qui ciuibus dent pecunias presentes pro absentibus; ergo his iustis causis honestari, & licita esse possunt cambia, & eorum lucra, etiam si secundum se considerata quandam turpitudinem, & speciem mali habeant.

Dicendum est 2. Cambia sicca eorumque lucra non esse licita. Probat 1. ex Bulla Pij V. circa cambia, vbi sic dicitur: *Primum igitur damnamus ea omnia cambia, qua sicca nominantur.* Refert hanc Bullam Nauarrus cap. 17. ad finem.

Secundo probatur ex nomine ipso cambij sicci: vt enim ait M. Soto lib. 7. de iustitia, quæst. 1. art. 2. con. 4. *Dicitur siccum, id est sterile, & humore carens ad fructificandum.*

Tertiò probatur: nam vt diximus, cambium siccum est omnino fictitium, & reuera est mutuum palliatum nomine cambij: sed lucrum ex mutuo est illicitum; ergo & ex cambio sicco. Nisi forte ob illud, sicut & ob mutuum, campfori cessaret lucrum, aut damnum emerget. Vnde Caiet. Tom. 2. Opusc. tract. 7. qui est de cambis cap. 1. De cambio sicco cum lucro, aut spe lucri ait: *Nec potest excusari, nisi in casu in quo Petrus egeret illis centum ducatis & campfor haberet in promptu verum cambium agendum cum illis centum pro Venerijs, illo modo, & ad instantiam Petri illos sibi eo pacto daret.*

Dicendum est tertio. Licitum esse
o † 3
lu.

lucrum moderatum ex cambio reali minuto. In hoc omnes conveniunt, dum tamen lucrum moderatum sit secundum usum Reipublicæ. Tota difficultas est de causis, & titulis, ob quos licitum est lucrum exigere.

Caietanus Tom. 2. Opusc. tract. 7. cap. 1. ad tres omnes reducit. Primus est. Propter mercedem servitiij non in numerando pecuniam, ut quidam putant, sed in arte campforia Reipublicæ ministrando. Campforibus propter obligationem cambiendi, quam includit eorum officium, & obsequia, quæ in aliorum commodum, & gratiam præstant sua industria, ac labore, conquirendo numos, quales campfarij expetunt, eosque assidua cum sollicitudine custodiendo, debitam esse mercedem ad stipendium, manifestum est. Hoc enim (ait Caiet.) continet naturalem aequitatem, ex eo quod industria, & opera campforis ratio habenda est. Vnde si campfor aliud stipendium non habet, potest à singulis aliquid exigere propter mercedem servitiij in ministrando Reipublicæ.

Inter servitia autem, quibus campfor meretur stipendium, non vult Caietanus, ut connumeretur, pecuniam numerare. Quoniam contingit minus numerare campforem, quam accipientem, & actus numerandi non est propriè mercenarius, sed solitus gratis concedi, ut usus libri, & numerationi campforis respondet numeratio dantis aliam monetam. Alij tamen docent, posse campforem, etiam ob hunc laborem, aliquid exigere: quia hic labor est

ARTICVLVS IV. 319

est pretio æstimabilis, etsi interdum gratis præstari soleat. Quare cum fiat ad petitionem alterius, poterit pro eo exigi compensatio. Nec numeratio vnius compensatur per numerationem alterius: quia vtraque fit in gratiam eius, qui cambium petit. Et quamuis hic laborem numerandi pro vtroque assumeret, adhuc campsor deberet subire laborem, & fastidium, attendendo an benè, vel malè numeret, & in hoc occupari.

Secundus titulus est: *Propter incommodum, quod quis incurreret ablatione talis generis pecunie à se.* Potest, qui cambit, exigere supra valorem pecuniæ, quam permutat, interesse lucri cessantis, & damni emergentis: vt si constitueret numos aureos alio deferre, vbi plus valent, vel alibi merces emere, vbi sine damno alia moneta emere nequit; dummodo moneat campsarium de incommodo, quod sustinere compellitur propter cambium.

Tertium titulum, ait Caietanus, esse: *Qualitatem numismatum*: Ad quam spectat bonitas monetæ, eiusque materiæ puritas, commoditas ad portandum, seu transferendum, vtilitas ad cõficiendum vasa, vel ad expendendũ secundum locum, & tempus, vel ad alios vsus, raritas; & antiquitas, ac demum securitas, ne reprobetur, aut in alio valore legitimo minuatur. Ob quas qualitates communi omnium iudicio vna moneta pluris æstimari solet, quam alia, aurea scilicet, quam argentea, hæc, quam,

o t 4 ærea:

area : vnde instar mercis potest pluris vendi, & qui cambio minuto, seu manuali illam permutat, potest lucri aliquid exigere, vt explicant Caiet. Opusc. citato cap. 6. Syluester verbo *Vsura* 4. q. 2. & 3. & M. Soto lib. 7. q. 2. art. 1.

Oppositum huius tenet Medina Codice de rebus per vsuram acquisitis, q. 2. Cuius præcipuum argumentum est: Princeps, qui certum valorem ipsi pecuniæ instituit, omnes ipsius pecuniæ vsus, commoditates, & qualitates attendit, ac æstimat: ergo sicut non licet pluris frumentum vendere, quam pretio à lege Principis constituto, ita nec numismata. Respondetur tamen negando antecedens: solum namque statuit Princeps legitimum valorem pecuniæ, vt pecunia est formaliter, qua ratione est mensura rerum venalium; non tamen materialiter, seu ratione qualitatum, quas habet: nam vt sic eius valor non est lege taxatus, sed habet vulgarem æstimationem, quæ non consistit in indiuisibili, sicut legitima, vnde permutari potest cū aliquo lucro. Campsoria enim pecunia, vt ait D. Thom. lib. 2. de regimine principum, cap. 14. *Non propriè ordinatur, vt sit mensura rerum venalium, sed magis ad permutationem numismatis.* Et quamuis in solutione debitorum nullus pecuniam acceptare teneatur nisi secundum æstimationem legalem, quam habet mensura rerum venaliū: non tamen potest creditor obligare debitorem, vt in pecunia habente prædictas
 quas;

qualitates soluat.

Ex quo fit, famulum, cui herus tradit pecuniam auream, vt satisfaciat suo creditori, posse talem pecuniam pro area cum lucro commutare, & sibi retento lucro, vt fructu suæ industriæ, debitum soluere in area pecunia.

Dicendum est 4. Licitum esse lucrum ex cambio locali: siue campsor recipiat pecuniam, vt alio loco eam det: siue det, vt alibi recipiat. In hoc etiam omnes conueniunt, & tota difficultas est de causis, & titulis, ob quos licitum est lucrum, ex tali cambio locali.

Primus titulus est translatio pecuniæ: vnde Caiet. Opusc. citato cap. 1. ait: Cambium iustificatum esse, & lucrum iustum: *Cum campsor modèratiè lucratur, ex eo quod Petrus habens certam summam pecunie Mediolani dat eam campfiori, qui faciat æqualem summam Romæ dari sibi, vel alteri. Si enim ex hoc campsor mercedem exigit, iusta est exactio: campsor enim translatoris in hac parte locum tenet, nec est æquum, vt merces suo seruitio subtrahatur.* Translatio pecuniæ, quam præstat campsor, non est realis, sed virtualis, & æquiualens. tantum enim commodi præstat, quantum si re ipsa transferret. Vnde merito potest campsor pro illa pretium exigere, licet non tantum, quantum pro reali translatione baiulus quis exigeret.

In secundo casu nostræ cōclusionis, quando scilicet campsor dat pecuniam, vt alibi
o t s reci.

recipiat, quidam existimant, non posse
exigi à campfore vllum pretium pro trans-
latione, cum nec realiter, nec virtualiter
transferat pecuniam campfarij, sed hic po-
rius pecuniam campforis traiciat. Sed sal-
luntur: illius enim pecuniâ transfertur, qui
operant implorat, qualis est campfarius.
qui petit cambium. Vnde campfor, qui
dat pecuniam Valentia, exigere potest
pretium pro translatione; nõ quidem hu-
ius pecuniæ, quam dat Valentia, sed illius
quam recepturus est Romæ: hanc enim
transferendi in domum suam onus suscipit
campfor, pro quo pretium exigere po-
test.

Nec obstat, campforem aliquando in
loco, in quo recipit pecuniam, tam in pri-
mo, quam in secundo casu nostræ conclu-
sionis, plus ea egere, quam in loco, in quo
eam dat, debereque suis sumptibus pecu-
niam, quam habet Valentia, transferre Ro-
mam, aut, quam habet Romæ, transferre
Valentiam: hæc enim omnia per accidens
se habent, vt ait Caietanus Opusc. citato,
cap. 6. satisque est, vt campfor faciat opus
ex natura sua dignum pretio ad hoc, vt
possit exigere mercedem, quamuis nisi ro-
gatus fecisset, ipse rogasset, & soluisset, sicut
in equis conductitijs quotidie experimur:
qui enim quæsiturus erat alium, vt acce-
pto ab eo pretio reduceret equum, si roga-
tur ab alio id nesciente, vt equum ei con-
ferat, potest ab eo pretium exigere.

Sub hoc primo titulo comprehenditur
alius

alius, nempe affecturatio pecuniæ: nam campfor non solum pecuniam traiecit, sed etiam omne periculum traiectionis in se suscipit. Sed non est in usu, ut seorsim pro affecturatione paciscantur campfores: quia, dū suscipiunt talem traiectionem, simul securitatem præbent, & spondent.

Secundus titulus est, maior æstimatio valor, & pretium pecuniæ in loco in quem campfor eam transfert. Vnde Caietan. Opusc. de cambijs cap. 1. ait, cambium iustificatum esse: *Quando campfor lucratur ex eo, quod monetam alicubi minus valentem congregatam transfert in locum, ubi plus valet.*

An vero præter hoc lucretur etiam campfor pretium translationis, dubitant nonnulli, immo M. Soto lib. 7. de iustitia, q. 5. art. 2. circa finem corp. ait: *Iniquissimū est ad lucrum huiusmodi cambiij pretium aliud insuper adhibere ratione translationis de loco ad locum, sed alterum abigendum est.* Alij, quos P. Lessius lib. 2. cap. 23. dubit. 4. num. 41. sequitur, oppositum docent. Tum quia sunt diuersi tituli pretio æstimabiles. Tum etiam, quia si pecunia utrobique haberet valorem æqualem, nihilominus posset aliquid lucrari campfor ratione traiectionis; ergo, & quando valor est inæqualis. Si campfor transferret realiter pecuniam, sicut baiulus, mulio, auriga, vel nauta, non posset nisi pretium translationis, & affecturationis exigere: nam pecunia non efficitur, sicque nec incrementum valoris.

At non sic transfert campfor, sed solum virtualiter, & æquivalenter, dando tantundem de suo, sicque debet ei æquivalens reddi, & pretium translationis.

Tertius titulus est, pecunia præsens, quam campfor dat pro absente localiter; pecunia enim præsens pluris estimatur, quam pecunia absens, & loco distans: nam quæ loco distat multis est subiecta periculis, & expensis, & vilior est se ipsa præsentem; ait namque Caietan. Opusc. de cambijs, cap. 7. *Numisma in hac commutatione materialiter, & ut res quædam accipitur: commutatur enim, ut res tanti pretij præsens cum re equali distante, habita utriusque ratione loci. Constat autem, quod res distans à Mediolano vilior est Mediolanensibus se ipsa Mediolani sita propter expensas, & pericula, & cætera ad vendendum ipsam requisita. Unde quemadmodum emitur pecunia in navi fluctuante constituta minus, quam absolute valeat, quia non emitur in quantum pecunia, sed in quantum res tanti pretij sub tali periculo constituta: & sicut pecunia debita Ioanni à malo debitore emitur à Petro minus, quam valeat, quia est res sub tali labore constituta: sic pecunia absens in quantum res subiiciens periculo; & expensis delationis emitur minus, quam absolute in se valeat. Idem docet Sylvester verbo *Vsura* 4. q. 4. Nec est eadem ratio de pecunia absente secundum tempus, ait Caiet. ubi supra cap. 6. *Quia non subiaceret periculis, & expensis, industria, aut ministris, ut præsens secundum tempus fiat, sicut secundum locum.**

Hic

Hic titulus non placet M. Soto, contra argumentatur lib. 7. de iustitia, q. 5. art. 2. *Et quidem si reuera hæc existerent pericula, inficias non irem, &c. Attamen inter mercatores nulla sunt, aut vix vlla huiusmodi pericula. Nam illi, qui Mutinæ recipit apud Flandriam soluturo, tanta habetur fides, quam si pecuniâ haberet in Hispania, &c. Adde, quod si hæc esset horum cambiorum basis, tunc ille, qui modo Mutina pecuniam numerat recepturus in Flandria, minoris deberet illam Flandrensem emere, hoc est auctior illi deberet in Flandria restitui; cum tamen multo minus illic recipiat.*

Ad hæc tamen responderi potest. Ad 1. ex eodem M. Soto lib. 7. de iustitia, quest. 3. art. 1. corolario 1. *Labores, & reliqua omnia esse accidentia, quæ rei naturam, quantum ad usura labem, non variant. Accidentarium inquam est, quod cum labore, aut sine labore, aut cum meo commodo, aut incommodo vicibus meis fungar: siue pecuniam alibi numeratam habeam, siue tantum fidem apud aliquem, qui pro me respondeat: dum tamen id pro te faciam, quod est æstimabile pecunia. Nam in his industria plurimum valet. Vnde nihil refert, nulla, aut vix vlla esse inter mercatores pericula: cum id eorum industriæ assignandū sit. Vide quæ diximus circa primum titulum, Syluestrum etiam verbo Usura 4. q. 8. n. 2. ad finem.*

Ad 2. respondetur, campforem semper dare pecuniam præsentem pro absente, seu distante localiter. Sicut enim campfor

psor semper virtualiter transfert pecuniam à loco, in quo eam recipit à campfario, in locum, in quo eam dat campfario, ut diximus circa primum titulum: ita campfor semper dat pecuniam præsentem pro absente, & distante localiter: nam pecunia censenda est præsens, quæ est ubi campfarius ea opus habet, & vult sibi dari. Vnde licet campfarius Mutinæ numeret pecuniã recepturus in Flandria, campfor tamen dans illam in Flandria, ibi præsentem ubi ea opus habet campfarius pro absente, dat; sicque non mirum si ibi campfarius minus recipiat, quam Mutinæ dederat campfori.

Quartus titulus est damnum emergens, & lucrum cessans: nam ut ait Nauarrus, cap. 17. ad finem §. in n. 34. Sum. Coment. cap. fin. de vsur. *Licetum est cambium, quo campfor recipit aliquid ultra sortem veri interasse damni emergentis, vel lucri cessantis, quod interrit campfor cessando ab alio iusto cambio, vel mercimonio, ut proximi necessitati cambiando succurrat.*

Quintum titulum proprium cambio, quo campfor dat, ut alibi recipiat, addunt P. Lessius lib. 2. cap. 23. dubit. 4. n. 43. & alij, nempe carentiam pecuniæ suæ, & quod huic carentiæ est coniunctum, scilicet periculum, ne restituatur, & privatio commoditatis ea pecunia negotiandi. Hunc tamen titulum nõ admittit Caiet. ait enim Opusc. de cambijs cap. 6. *Hæc pericula pro nihilo in commutabilibus reputari, &c. Quia ex*

mutuis, & alijs commutationibus experientia teste patet, huiusmodi pericula non considerata esse: non enim, qui mutuat, aut vendit licite aliquid plus exigit propter huiusmodi pericula, quae in temporis dilatione possunt accidere vendendo ad tempus, aut mutuando, &c. Ex hac vero, quod pecunia diutius occupata sunt tenenda in hac commutatione, res commutanda, nec pretiosior, nec vilior communi pretio redditur, ut S. Thom. expresse dicit in 2. 2. q. 78. art. 2. ad 1. asserens, quod mercator, vendens rem aliquam ad tempus, non potest vendere plus communi pretio, ex hoc quod pecunias suas mortuas tanto tempore tenebit.

Dicendum est 5. Probabile est, licitum esse cambium, quod dirigitur ad locum, ubi campfarius nec ullam pecuniam, nec fidem, nec respondentem, aut procuratorem habet, sed campfor exhibet campfario suum factorem, qui pro illo respondeat, & soluat ex pecunijs ipsiusmet campforis, & postea eandem pecuniam per aliud cambium remittat, ut ita fiat solutio vtriusque cambij, & interesse in loco ubi primo fuit accepta pecunia. Mag. Soto lib. 7. de iustitia, q. 3. art. 1. in fine, & q. 6. art. 1. con. 3. huiusmodi cambium siccum, & omnino fictitium esse censet, ac proinde lucrum ex illo illicitum. Cuius sententiam tenent multi, quos refert Diana 1. p. tract. 8. resol. 1. ipseque hanc opinionem probabiliorem; & consulendam esse dicit.

Nostram tamen conclusionem docent multi alij, quos refert, & sequitur idem

Dia-

Diana ibidem, præsertim M. Salon supra post q. 78 disp. de cambijs, q. 4. art. 2. controversia 18. Vbi pro ea refert decisionem quandam Congregationis Cardinalium, tempore Greg. XIII. cui Diana addit verba cuiusdam Bullæ Pij V. ad Bononienſes. Probatur: quia ut huiusmodi cambium fit verum, & reale, non ſiccum, & fictitiũ, nequaquam requiritur, ut campſarius ipſo tempore contractus habeat in actu, & re ipſa pecuniam in loco, vbi faciendã eſt ſolutio, ad quem dirigitur cambium Mentinæ verbi gratia, ſed ſufficit, ut illam vbi habeat in ſpe & virtualiter: alias enim nec vendi, nec permutari poſſent pagæ acerbæ, ſeu debita ſoluenda in poſterum, quod falſum eſſe patet ex dictis hic art. 1. dubio 5. Vnde ut Nauarrus cap. 17. num. 189, ait: *Sufficit quod habeat eam ſub credito, ita quod certo ſciat, vel ſaltem probabiliter credat, quod tradet eam is, ad quem deſtinantur litteræ. Nec refert, an is tradat eam gratis, aut cum lucro, mutuando eam illi, pro quo dat, aut ad cambium dando: nam quamvis aliqui dixerint, uſuram palliatã eſſe nomine cambii, quando campſor dat ad cambium ei, qui nec alibi habet, nec habiturum ſperat ſine ſimili intereſſe tempore reſtitutionis: pecuniam, qua cambium ſoluat, quia fit in fraudem uſurarum, ſicut cum à pauperibus emuntur boues, quos non habeat: hanc tamen ſententiam non eſſe veram docet Sylueſter verbo. *uſura* q. 9. nu. 6. *Quia emptor & permutanti ſufficit emere, vel permutare in-**

Re,

ste, id est secundum aequalitatem absolutam iustitia ab eo, vel cum eo, qui poterat licite vendere, aut permutare: nec tenetur querere, utrum habeat rem venditam, vel permutatam sine interesse, modo licite habeat. Nec est simile de emente boues à paupere, quia ille nec habet, nec est habiturus boues, iste autem est habiturus pecunias, quas vendit aut permutat.

Non requiritur etiam, ut campfarius habeat in loco, ubi pecunia est restituenda respondentem, sed campfor campfario petente, aut libere, & sine vlla coactione volente, poterit ei exhibere suum correspondentem, seu factorem, qui illo in loco pro eo satisfaciat: nam ad cambium verum & reale solum requiritur, ut pecunia accepta, verbi gratia Valentiae, re ipsa soluatur in loco ad quem dirigitur cambium ubi est restituenda, verbi gratia Metinae. Hoc autem nomine campfarij vere, & re ipsa factor campforis praestare potest, soluendo ut gerit personam campfarii sibi ipsi, ut gerit personam campforis; ita ut contractus cambij Valentiae celebratus, & obligatio campfarij, ibi finiatur, & ex vi praedicti contractus ad nihil ampliusteneatur campfarius, non secus, ac si ipsemet campfarius Metinae existeret, & ibi pecunia numerata campfori, ibi etiam inuento, satisfaceret. Potest deinde campfor efficere, ut eius factor ex eiusdem campforis pecunia cambium soluat; quia, si potest campfor dare litteras ad proprium factorem. quibus factor ille ex pecunia sua, vel alterius cambium ab ipso

fo campfore collatum persoluat, debito illo per litteras ad eundem remisso, ut plerique fatentur, cum non licebit eidem campfori efficere, ut ex sua propria pecunia illud similiter persoluator? Quod enim per alios præstare possumus in contractibus civilibus, per nos ipsos similiter possumus præstare, Et non repugnat naturæ cambii, ut idem factor duplicem gerat personam, nempe creditoris recipientis solutionem cambii, & campfarii soluentis illud, cum duplicem etiam agat personam, quando sit cambium per litteras subscriptas à mercatore, cuius factor campforis quoque factor & responsalis est. Et similiter quando campfor per litteras indicit illi, ut soluat cambium ex suis pecuniis, eidem scilicet factori proprijs. Et sicut in mutuo ipse mutuans potest esse fideiussor & affecurator, cur in cambio idem factor non poterit agere personam campforis, & campfarii? Nec repugnat naturæ cambij, ut pecunia, qua soluitur cambium, sit collata campfario à campfore per aliud cambium: nam, sicut idem campfor potest pecuniam æream, quam ad cambiū dedit campfario, permutare pro argentea, vel aurea cambio minuto: ita potest idem campfor pecuniā, quam ad cambium daturus est campfario Metinæ, permutare pro ea, quam eidem dat ad cambium locale Valentiniæ. Vnde non est verum, quod auctores oppositæ sententiæ dicunt; in prædictis cambijs non esse diuersam pecuniā eius; nam non dicitur

ARTICVLVS IV. 331

tur, soluere cambium factor ex pecuniis campforis, quia, quando soluit, pecunia fit campforis, sed quia campfor illam dat; eo autem ipso ac dat, transfert eius dominium in campfarium, tuncque huius nomine factor eius soluit. Et quamuis campfor nolit dare pecuniam campfario indigenti, nisi cum lucro, non propterea nominæ permutationis pecuniæ mutuum palliat, vt lucretur, vt explicat Caiet. Opusculo de cambiis, cap. 7. ad 1. rationem in 3. cap. propositam: *Quia non tenetur ad mutuum, & in his commutationibus vacat.* Nec quia campfarius quoadmodum inuoluntariè cambium accipit, quia mallet alia ratione, nempe mutuo, pecuniâ consequi propterea contractus cambii est irritus ac, fictus: sicut nec est inualida, & ficta venditio eius, qui nollet res suas vendere, necessitate tamen cogente eas vendit: quia vterque absolute, & voluntariè contrahit, & per iniuriam a nemine compellitur ad talem modum contrahendi. Igitur cum hæc omnia satis probabiliter ostendant prædictum cambium verum, & reale esse, non sic cum, & fictitiū, probabile erit, tale cambium licitum esse. Quod & confirmat illius communis vsus Episcopis non prohibentibus, prædicatoribus tacentibus, & confessoris omnes absoluentibus.

Dicendum est 6. Recambia eodem modo licita esse. P Lessius lib. 2. capit. 23. dubit. 9. num. 82. & alij putant recambia solum esse licita ratione damni emergentis

ris, vel lucri cessantis. Sed nostram conclusionem tenet Diana 1. p. tract. 8. resolut. 5. cum alijs, quos refert. Probatur, recambium nihil aliud est, quam iteratum cambium procedens ab antecedente, cum eodem debitore, aucta sorte ex lucro precedentis, virtute nouarum litterarum pretio, seu lucro simili factum; ergo eodem modo, quo primum cambium erat licitum, sunt etiam licita reliqua ab ipso procedentia, quæ recambia appellantur.

Dicendum est 7. Licitum esse in foro conscientie campfori danti prius pecuniã ad cambium, exigere pignora, vel fideiussorem, aut aliam securitatem à campforio. Oppositum huius tenent aliqui, quos refert M. Salon supra post q. 78. disput. de cambijs, q. 4. art. 2. controuersia 22. con. 3. Quorum opinionem sequuti Regij consiliarij in hoc Valentino Regno in quadam Pragmatica regia publicata Valentie die 31. Maij 1619 de cambijs, quæ tunc erant in vsu, & nunc etiam sunt, qualia sunt con. 5. explicata, dixerunt: *Son los mas illicitos y reprouados; pues los mas que dan se aseguran con sotascritas, o prendas.* Et paulo post: *Item declaramos por illicitos, usurarios, y reprouados todos aquellos cambios, en los quales el dador se asegurar de del tomador con prendas por si, o por interpuestas personas, siendo como es, requisito necessario para la iustificacion del cambio, el riesgo que corre el dador.*

Nostram tamen conclusionem doceat
M. So.

ARTICVLVS IV. 333

M.Salon loco citato P. Lessius lib. 2. ca. 23. dubit. 8. num. 77. cum Boninfigaio cap. 7. num. 23. Bonacina disp. 3. quæst. 5. puncto vnico, num. 19. & communiter Doctores, & ex Valentinis, qui post illam Pragmaticam scripserunt, D. Ioannes Ægydins Trullench tom. 2. Decalogi lib. 7. c. 22. dubio 6. n. 8.

Probatum cum M.Salon. Quod in venditione, & commutationibus mercium, illarumue rerum non est iniquum, neque in cambio pecuniarum censendum est iniquum: sed in illis licitum est securitatem exigere; ergo & in cambio, Maior patet, nam cambium eisdem legibus tenetur, quibus contractus venditionis, ad quem multi existimant reduci, vt vidimus supra art. 1. dubio 1. aut certè eisdem, quibus aliarum mercium, ac rerum commutationes. Minor probatur: nam, qui vendit triticum credito, potest in securitatem solutionis postulare pignora, vel fideiussorem: & idem est de eo, qui commutat triticum, quod habet Valentia cū eo, quod alius habet Cæsaraugusta. Confirmatur, nam à ratione videtur esse maxime alienum, vt campfarius accipiat astra, & sine periculo pecuniam Valentie, & campfor non sit securus de illius solutione faciendā Metinæ, sicut & à ratione alienū esset, campforem esse in tuto, & campfarium in periculo; ergo, &c.

Ad Pragmaticam citatam respondetur, ibi nullum extare præceptum prohibens,
exi.

exigi prædictam securitatem, sed in ea solum esse declarationem, qua declaratur, illicita esse cambia, in quibus exiguntur pignora, & fideiussores ad illorum securitatem. Quæ declaratio, cum non innitatur doctrinæ certæ, ac infallibili, sed quorundam opinioni, non præiudicat nostræ conclusioni, ac communi Doctorum sententiæ: & si quam vim habet, ea est in foro exteriori, ad quod spectant poenæ ibi statutæ, non in foro conscientiæ, de quo est sermo in nostra conclusione. Falsum verò est, quod in ea declaratione dicitur, ad iustificationem cambij necessario requiri, ut, qui illud dat, exponat se periculo amittendi pecuniam: hoc enim solum requiritur ad iustificationem contractus societatis, ut dicemus dubio sequente. Videatur etiam Pragmaticam illam, quantum ad hoc, non fuisse usu receptam, nec modo servari videntibus iudicibus ipsis: nam qui dat cambium, fideiussorem exigat, aut pignora: vel ille, cuius est pecunia, nomine alterius dat eam ad cambium, ipseque illi fideiubet, *haze sota escrita*, & propter securitatem pignora exigit ab eo, qui cambium petit.



Dubium secundum . An in contracta societatis mercatoria sit licitum, lucrum certum exigere, salua sorte.

PArtem negantem tenet M. Soto lib. 6. de iustitia, quæst. 6. art. 2. & probat : Eo ipso quod alter periculum tuæ pecuniæ ludit, efficitur pecuniæ dominus, nam ille est verè dominus, cui res perit, si perdat : ergo non accipit eam ad societatem, sed mutuo . At in mutuo non licet, exigere lucrum ; ergo nec in societate salua sorte capitali . Confirmatur, qui subit periculū pecuniæ acceptæ in societatem, potest disponere de ea tanquam de re sua, puta predia emere, dotare filiam, &c. ergo, qui eam dedit, iam nihil habet in societate, ac per consequens ex pecunia, quam dedit, non potest lucrum vllum exigere .

Dicendum tamen est 1. Ex pecunia data in societatem non esse licitum exigere lucrum certum, salua ipsa pecunia, vel sorte ex vi contractus societatis . Probatur ex conditionibus ad iustam, & licitam societatem mercatoriam requisitis . Prima est, vt pecunia verè, & realiter ponatur ad negotiationem aliquam, quæ nata sit ferre lucrum ; alias enim non esset societas mercatoria, sed mutuum, sicque
exi-

exigentes lucrum vsurarij essent; quales sunt, qui pecuniam his, qui peritia negotiandi carent, & verè non negotiantur, ea lege tradunt, vt. post aliquod tempus eadem restituant cum lucro, quod probabiliter tulisset negotiationi exposita.

Secunda est, vt negotiatio, cui exponitur, sit licita. Ita Syluester verbo *Societas*, q. 1. & colligitur ex Cap. *Per vestras*, De don. inter vir. & vxor. Vnde societas cum vsurario, qui illicitè, & vsurarie negotiatur, iniusta, & licita non est.

Tertia est, vt pecunia stet periculo ponentis. Quæ colligitur ex D. Thom. infra q. 78. a. 2. ad 5. dicente, *Qui committit pecuniã suã. vel mercatori, vel artifice per modũ societatis cuiusdam, non transfert dominium pecunie sue in illũ, sed remanet eius: ita quod cum periculo ipsius mercator de ea negotiatur*, Ex quo inferunt Caiet. in Sum. verbo *Societas*, & Nauarrus cap. 17. num. 252. pecuniam, si pereat in societate, soli conferenti perire, siue pereat in principio, siue in medio, siue in fine negotiationis: cum res perit, domino suo perit; dominus autem pecuniæ datæ in societatem, est, qui eam dedit.

Quarta est, vt æquitas seruetur in omnibus, ita vt damna, & lucra sint communia. Quo colligitur ex L. *Si fuerint*, ff. Pro socio, vbi sic dicitur: *Aristo refert Casium respondisse, societatem talem coiri non posse, vt aliter lucrum tantum, alter damnum sentiat; & hanc societatem leoninam solitam*

appellare. Quomodo autem fieri debeat distributio lucri, quando vnus ponit pecuniam, alter operas, explicat Mag. Soto vbi supra art. 1.

Ex his ergo probatur conclusio: nam si exigeretur lucrum certum salua sorte, non staret pecunia periculo ponentis, & qui eā poneret nullum sentiret damnum, sed solū lucrum: sed hoc est contra prædictas condiciones tertiam, & quartam; ergo ex vi contractus societatis, non licet exigere.

Dicendum est 2. Si contra ctui societatis superaddantur contractus affecurationis capitalis, & venditionis lucri incerti pro lucro certo, ex vi horum licitum est exigere lucrum certum salua sorte. Docent hoc Syluester verbo *Societas*, quæst. 2. Fumas eodem verbo, nu. 6. Angelus eodem verbo §. 7. Maior in 4. d. 15. qu. 27. & 28. & 29. Gabriel ibidem, q. 11. dub. 10. Caietan. tom. 2. Opusc. tract. 31. resp. 11. Nauar. cap. 17. nu. 255. Couarruías lib. 3. var. resol. cap. 2. numer. 3. & communiter receptiores.

Probatur, Inita cum Paulo mercatore societate, & tradita ei a Petro pecunia, vt negotietur, potest Paulus mercator Petro sortem affecurare, & emere ab eo lucrum incertum pro certo, sicque lucrum certificare; ergo Petrus a Paulo mercatore potest licite exigere lucrum certum salua sorte ex vi contractuum superuenientium societati: ex vi quidem affecurationis, vt reddat integrum capitale, vel sortem; ex

vi autem venditionis lucri incerti pro lucro certo, vt lucrum certum soluat, & singulis annis respondeat. Antecedens probatur, id possunt facere alij, Ioannes quidem assecurare sortem, Marcus vero emere lucrum certum pro incerto; ergo, & ipsemet Paulus mercator, cum quo est inita, societas, & cui est tradita pecunia; non est enim ipse deterioris conditionis quam alij.

Aduertendum tamen est, non esse necessarium pro assecuratione sortis, & certificatione lucri dare mercatori aliquid aliud a pecunia ei tradita, & lucro ex illa sperato: nam sufficit, vt pro assecuratione detur ei pars lucri incerti, & pro certificatione lucri reliquum lucri incerti. Verbi gratia, si speratur lucrandum esse singulis annis 12. pro 100. negotiationi expositis, & in societatem traditis, possunt assignari in pretium assecurationis tria ex his duodecim, reliquum vero lucri concedi potest pro certificatione, sicque si nouem reliqua incerta emit pro sex certis, ipse lucrabitur alia sex, scilicet tria per contractum assecurationis, & tria alia per contractum certificationis emendo lucrum incertum pro certo.

Quantum vero lucri certi salua sorte exigi possit, pendet ex praxi probata, & communi aestimatione, sicut & de pretio reliquarum rerum diximus supra. Antiquius, vt ex Maiore, & Caietano locis citatis colligitur, quinque pro centum exigebant.

bantur, nunc etiam octo exiguntur, nec propterea mercatores deficiunt, qui illa singulis annis soluere offerant, vtpote multo plura lucrantes.

Dicendum est 3. si prædictos contractus affecurationis, & certificationis lucri non esse superaddendos contractui societatis ex pacto, quo obligetur mercator recipiens pecuniam affecurare sortem, & certificare lucrum. Oppositum huius tenet Malderus tract. 5. cap. 2. dub. 9. Nostram tamen conclusionem docet Caietanus vbi supra.

Probat 1. ex Bulla Sixti V. 45. quæ incipit *De restabilis*, edita anno 1586. vbi huiusmodi pactum damnatur, & reprobat, statuiturque: *Non licere ijs, qui pecunias, vel animalia, aut alias res in societatem tradunt, de certo lucro ut præfertur percipiendo inter se pacisci, & concordare. Neque etiam socios qui ea receperint ad sortem, seu capitale saluū, & integrum reddendum quouis pacto aut promissione sibi obligare.* Respondet Malderus vbi supra ad 6. hanc constitutionem nunquam fuisse receptam. Vel intelligi quando ex vi contractus societatis exigitur affecuratio. Vel solum velle contractus illos esse censendos vsurarios, & illicitos in posterum, vnde Pontifex dicit se damnare posthac ineundos, & in posterum non licere. Sed nulla harum solutionum est sufficiens. Prima quidem, nam cum teste Cherubino tom. 2. Compendij Bullarij, scholio 1. in hanc Bullam, declaratum sit in quadam Decissione Rotæ die 3. Iunii

1602. haec Bullam solum comprehendere casus usurarios iure communi, non est cur recepta non fuerit; & quamvis recepta non esset, ius commune maneret, quo casus in ea comprehensi usurarij sunt, quorum praecipuus est, quem pre manibus habemus. Secunda etiam, quia pacto, aut promissione obligare socios sibi non sit ad exigendam affectionem ex vi contractus societatis, sed ex vi pacti affecurandi. Tertia denique, nam saltem nunc contractus initi usurarij essent, & non licerent. Praeterea usurarios esse, natura sua, aut de iure communi, idque Pontificem declarasse, indicant quae praemisera: *Sicut nuper cum magno dolore arduimus hoc malum in quasdam Prouincias peruasisse. Nam multi speciosum, & honestum societatis nomen suis feneratoricis contractibus praeextendo, &c.* Censet ergo ante eius constitutionem, iam contractus illos usurarios fuisse, declaratque in posterum, ut tales esse habendos.

Secundo probatur cum Caietano: *Quoniam contracta societate habente suam aequalitatem non debet secundum iustitiam rationem superadiungi Paulo hoc grauen, scilicet quod teneatur affecurare capitale, & certificare lucrum illo pretio, quo alius faceret: quoniam constat quod ex aequalitate societatis ad hoc non tenetur, licet gratiose possit hoc facere, sicut non est licitum ex pacto obligare accipientem mutuae ut teneatur remutuare, quamuis hoc gratiose possit, & debeat facere. Vnde sicut, licet nolle mutuare nisi ei qui mutuare solet; usu.*

ARTICVLVS IV. 341

vsurarium tamen est illum ex pacto ad remutuandum obligare, vt docet D. Tho. infra quæstion. 78. articuli. 2. ad 4. ita licitum est nolle inire contractum societatis nisi cum mercatore, qui solet affecurare capitale, & certificare lucrum; vsura tamē est illum ad hoc ex pacto obligare.

Dicendum est 4. Non esse necessarium prædictos contractus affecurationis capitalis, & certificationis lucri super addi contractui societatis successiue, sed posse tres omnes simul iniri, ac celebrari. Docet hoc Maior vbi supra q. 29. con. 1. dicens: *Nec refert siue successiue, siue simul omnes hos contractus ineamus: verisimile tamen est, quod isti contractus successiue primo erant introducti, nunc præsupponuntur a communi consuetudine.*

Probat, & explicatur, si quis sciret mercatorem paratum esse ad accipiendam pecuniam in societatem, & affecurandam sortem, & certificandum lucrum, hosque tres contractus solere gratiose celebrare, cum omnibus, qui ei pecuniam volunt tradere; posset optime cum illo hos simul tres contractus inire conferendo illi pecuniam, & omne lucrum speratum, sicque nunc communiter fit; ergo non est necessarium prædictos contractus superaddi successiue.

Neque huius oppositum docet Caietanus vbi supra: nam licet dicat debere seorsum, ac disparate superaddi, hoc tamen solum denotat, debere superaddi absque vlla dependentia vnius ab altero ex vi alicuius pacti; quo non obstante possunt si-

mul iniri : sicut , & cum quis simul accipit 100. scilicet 50. mutuo , & alia 50. in pretium alicuius rei , contractus venditionis seorsum , & disparate superadditur contractui mutui , quamuis simul cum illo celebretur , si absque vlllo pacto , & obligatione fiat .

Ad argumentum autem M. Soto factum in principio respondetur negando antecedens : asscuratio enim , qua quis periculum pecuniæ alterius subit , non transfert dominiũ in asscuratorem , quamuis huic pereat , si perditur ; sicque societati non aduersatur .

Ad confirmationem ; negando antecedens respondetur , cum enim pecunia non sit illi concessa nisi ad negotiandum , non potest eam in alios vsus expendere , nisi id faciat cũ animo mox aliam eius loco substituendi , quo modo etiam deposito vti licet , cuius tamen dominium non habet depositarius .

Dubium 3. An liciti sint contractus asscurationis , fideiussionis , & locationis .

DE iustitia horum trium contractuum , quos sæpe negotiatores celebrare solent , hic simul inquirimus : quia licet asscurationem ad cõtractum innominatum , do vt facias , aut facio vt des , communius reducant Doctores cum Syluestro verbo :

Nego ;

Negotium, q. 5. nonnulli tamen eam ad fideiussionem, alij ad locationem reduci affirmant.

Dicendum est ergo 1. Licitum esse contractum assecurationis. Docent hoc S. Antonius 3. p. tit. 8. cap. 3. § 1. Syluester verbo *Negotium*, q. 4. M. Soto lib. 6. de iustitia, q. 7. art. vnico, & communiter DD. patetque ex L. 1. ff. & C. De nautico scenore.

Probatur etiam: assecuratio enim est contractus, quo alienæ rei periculum pro certo pretio in se suscipit alter contrahentium, alter vero suæ rei periculum pretio redimit: sed hoc licitum est; ergo, & contractus assecurationis est licitus. Minor probatur cum M. Soto, pro quacunque re pretio æstimabili potest licite quisque pretium accipere: sed periculum rei alienæ in se suscipere est pretio æstimabile, cum quisque periculum rei suæ pretio redimere cupiat; ergo pro illo potest licite pretium accipi.

De assecuratione mercium, & pecuniarum, si fiat, quia deferuntur cum periculo, licitam esse dicit S. Antoninus, cum hominum vtilitati deseruiat, & non inueniatur prohibita etiam in Cap. *Nauiganti*; De usuris; nam ibi est sermo de percipientium lucrum ratione mutui, non periculi. Si vero fiat assecuratio de redditione pecuniarum, quas quis mutuo petit, distinguit: nam si qui mutuum petit, non est omnino securus satisfactor, licita est assecuratio: si vero sit omnino securus, non videtur tutum

lucrum, maxime si a securatio fiat a mutante, sed vicia manifesta. Sylvester tamen ubi supra licitum esse posse dicit: *Quod nullus potest esse ita securus, quin possit aliquod interuenire periculum, vel saltem aliqua difficultas, & labor in re habendo.* Quod autem alius a securare potest, etiam potest, & ipse mutuans; dum tamen non mutuet cum hoc pacto: ut alius cum ipso contractum a securationis ineat: nam non est peioris conditionis, quam alij.

De a securatione autem personarum inquit idem S. Antoninus ubi supra: si fiat per saluum conductum, ut à periculo mortis, aut captiuitatis personæ liberentur, licitam esse; si vero fiat per modum vadiationis, hoc est depositionis (Hispanice *apuesta*) ut contingit quando quis contendens cum alio de vita, aut morte alicuius, eius vitam a securat obligans se ad dandum decem, si non fuerit viuus, illicitam esse docet. Sed M. Soto ubi supra licitam esse asserit, posseque sic a securantem, seu deponentem licite aliquid lucrati, sicut, & licitum est lucrari ludentem ludo honesto.

Conditiones autem ad iustitiam a securationis requisitæ hæc solent assignari. Prima, ut merces, vel res quæ a securantur existant: aliàs enim contractus esset fictitiuus, & fictus. Si obijcias, potest navis vacua tanquam mercibus onusta a securari; ergo, & merces quæ non existunt. Respondetur negando consequentiã; cū enim navis

VACUA

vacua tanquã mercibus onusta aſſecuratur
 nõ aſſecuratur talem nauem eſſe onuſtam,
 ſed talem nauem, quæ onuſta dicitur, quã
 exiſtere conſtat peruenturam ad portum,
 quo ſi peruenerit, aſſecuratori dabitur pre-
 tium aſſecurationis ; ſi vero perierit, aſſe-
 curator ſoluet pretium mercium , quæ in
 ea eſſe dicantur . An vero hoc ſit licitum,
 & contractus validus explicat M. Soto, vbi
 ſupra dicens : *Si nauigator alterum decipit ,*
&c. Contractus non valeret : qui alter ſi rem
ſciret, non illum iniret , timens non fore tanta
cura nauigatori ſeruare nauem . Quin vero ti-
menſa eſſet fraus, ne ſcilicet conſulto ſubmer-
gi eam ſineret, ut lucraretur viginti millia .
ſi autem aſſecurator faciens, & prudens id fa-
ceret, nullam patietur iniuriam : eſſet enim
tunc genus vadiationis, ſeu diſpoſitionis : ſi ſalua
euaserit nauis, dabis mihi tantũ, ſi minus dabo
tibi tantum. Ex quo inferit M. Salon diſp. de
 contractu aſſecurationis , art. 2. conditio-
 ne 2. ad finem , quando aſſecurator dece-
 ptus talem nauem aſſecurat , nec ipſum
 poſſe pretium aſſecurationis retinere : quia
 quod recipitur per contractum nullum ,
 & inualidum, cum primum illud conſtat,
 reſtituendum eſt . Alij dicunt decipientem
 non poſſe recipere pretium mercium , ſi
 nauis pereat , aſſecuratorem tamen dece-
 ptum poſſe pretium aſſecurationis recipe-
 re, ac retinere , ſi nauis ſalua perueniat ad
 portum ; non ſecus ac ludens ſincere cum
 alio ludente falſis chartis poteſt retinere ,
 quod lucratũ , quamuis alius nihil licite

lucreretur . Sed M. Bañes infra , q. 78. ar. 4. post dubium vltimum de censibus agens de contractu assecurationis , con. vltima dicit , etiam tunc , quando assecurator deceptus nauem vacuam tanquam onustam assecurat , esse validum contractum , si tamen adhibeatur tanta diligentia in seruanda vacua naui , atque si esset onusta mercibus , ficque etiam decipientem posse recipere , & retinere pretium mercium constitutum si naus pereat : quia tunc nulla fit iniuria assecuratori , neque exponitur maiori periculo , sed omnino est contractus de positionis siue vadiationis . Sententia tamen M. Soto communior est .

Secunda conditio est , vt qui assecurat , habeat , vel probabiliter speret se in proximo habiturum bona sufficientia vnde soluat valorem mercium , quas suo periculo suscipit , si perierint . Vnde M. Soto vbi supra ait : *Si qui nihil in bonis habet , & pericula se nauis suscipere ait : ea nimirum spe , quod si salva fuerit , habebit mercedem , si vero perierit , abdet se , aut bonis cederet , iniustissimus est , postquam reuera nulli se exponit periculo : atque adeo mercedem contra iustitiam poseat .* Si assecurator haberet in bonis 500. aureos v.g. sunt qui asserant posse assecurare mille , si in multis nauigijs essent per mare deferendi : quia non est verisimile omnia illa nauigia esse naufragium passura , & 500. sufficiunt iacturæ vero similiter possibili reparandæ . M. Bañes , & Salon vbi supra , cōd. 5. oppositum docent , quia si petens assecura-

curationem sciret impotentiam assecuratoris, non iniret contractum cum eo.

Tertia conditio est, vt euentui incerto & periculis res subiecta bonafide existimetur a contrahentibus. Vnde si qui petit assecurationem sciret merces iam esse naufragio deperditas, vel a piratis captas, aut si assecurator sciret merces iam peruenisse ad portum, ad quem illas assecurat, nullus esset contractus, & hic non posset pretium assecurationis exigere, nec ille restitutionem æstimationis mercium. Idem dicendum esse ait Mag. Salon vbi supra cond. 1. etiam si hæc non certo, sed per rumores, indicia, & coniecturas sciret, & vnus alteri non indicaret. Oppositum docet P. Lessius lib. 2. cap. 28. dubit. 4. numer. 26. qui num. 27. addit, quamuis assecrator præsciat ex Astrologia vel aliunde, non fore tempestatem; aut ex litteris amici, non fore piratas, aut fore securum comitatum posse nihilominus pretium ordinarium assecurationis accipere: quia occultæ illæ causæ soli assecratori notæ non minuunt communem æstimationem. Id non videtur verum Bonacina, disp. 3. de contract. q. 9. puncto 3. nu. 3, nam hic contractus est sortis quo quis se exponit periculo lucri: qui autem nouit nullum fore periculum, quacunque ratione hoc sciat, nulli se periculo exponit. Mihi vtrumque probabile videtur.

Quarta conditio est, vt in contractu exprimantur omnia ex quibus periculum

pendet, & fideliter seruentur. Vnde M. Soto vbi supra ait: *Si dominus navis ad aliū minus fidum portum rostrum dirigeret, quam ad illum, qui fuerat in contractu expressus, alter non teneretur: hæc enim omnia debent in contractum liquere.*

Quinta est, vt pretium sit iustum pro ratione periculi, cui affecurator se exponit.

Dicendum est 2. Licitum etiam esse contractum fideiussionis.

Probatum nam nihil aliud est, quā contractus, in quo aliquis pro pretio alterius obligationem in se suscipit, sub fide sua illius adimplerionem promittens, atque in illius defectum se astringens: sed hoc est licitū; ergo, &c. Maior explicatur: Potest quidem fideiussio fieri gratis, hæc tamen, vt ait M. Soto libro 6. de iustitia, quæst. 2. art. 1. con. 2. Quamuis sit robur contractus inter debitorem, & creditorem; non tamen est per se contractus inter fideiussorem, & eum pro quo fideiubetur; Quoniam solum nascitur obligatio ex parte fideiuentis: alter enim nihil ei debet, si amicus gratis fideiussit. Vnde vt sit contractus, pro pretio fieri debet, ad quod soluendum obligetur ille pro quo fideiubetur. Minor, quæ hoc licitum esse asserit, probatur; nam vt ait M. Soto lib. 6. de iustitia, quæst. 7. art. unico, conclusionē vnica, ratione 3. *Licitum est fideiuenti pro alio, quem non est adeo tutum soluendum fore, aliquid pro illo vicinio suscipere, cui se exponit soluendi.*

Hoc

ARTICVLVS IV. 349

Hoc enim est pretio æstimabile, non minus quam aſſecuratorem periculum rei alienæ in ſe ſuſcipere. Immo etiam ſi fideiūſſor nullum ſit paſſurus periculum, moleſtias, vel laborem, ait M. Salon vbi ſupra controuerſia vltima de fideiūſſione, poſſe pretium accipere pro obligatione, cum hæc ſit pretio æſtimabilis, pignora etiam, vel aliam ſecuritatem, qua ſe indemnem ſeruet.

Dicendum eſt 3. Licitum quoque eſſe contractum locationis, & conductionis. Probatur, nam locatio, & conductio (que non ſunt duo contractus, ſed due partes eiſdem contractus, ſicut, & emptio, & venditio) ſic diſſiniri poſſunt cum Sylueſtro verbo *Locatio*, in principio: locatio eſt, perſonæ, vel rei ad vſum facta conſeſſio pro pretio; conductio vero eſt, perſone, vel rei ad vſum acceptio pro pretio: ſed vtraque hæc licita eſt; ergo & contractus prædictus. Minor probatur, nam conſeſſio perſonæ, vel rei ad vſum pretio æſtimabilis eſt; ergo licitum eſt locanti pro ea pretium accipere, & conducenti pretium dare.

Si conductor non poteſt perſonæ, aut re conductæ vti ob impedimentum proueniens ex parte locatoris, aut rei locatæ abſque culpa conductoris, non poteſt locator pretium recipere, vt docet Nauarrus cap. 17. nu. 187. Si vero impedimentum proueniat ex parte conductoris, quia ſcilicet ob ſua crimina miſſus eſt in carcerem,

rem, aut in exilium, sicque non potest habitare domum, aut quia non vult proprio arbitratu ea vti, pretium, & pensionem integram potest locator ab eo exigere.

Quodnam autem sit iustum pretium rerum, quæ locantur, ex dictis supra, art. 1. dubio 1. cognosci poterit; eodem enim modo constitui potest premium iustum rerum quæ locantur, ac rerum venalium.

Stipendium iustum personarum, quæ sua opera, aut obsequia locant, illud censendum est, quod communiter dari solet. Et quamvis nulla facta sit conventio de certo stipendio, & res tota relicta sit arbitrio conductoris: hic tamen saltem ad minimum mercedis iustæ soluendam tenetur; nisi forte non egeat opera alterius, sed solum ex misericordia ad preces ipsius illam conducat: tunc enim satis est ei alimenta dare. At si inde conductor maximam caperet utilitatem, teneretur illam compensare saltem infimum dando pretium iustum, quia ille non intendit operam suam donare, sed locare. Non desunt tamen, qui dicant posse aliquid detrahi ab infimo pretio communi ratione spontaneæ oblationis.



Dubium 4. An sit licita emptio, & venditio censuum.

Pars negans probatur i. qui emit censum, pecuniam emit ultra sortem sibi augendam; qui enim dat mille aureos, ut singulis annis recipiat quinquaginta, nihil aliud emit quam pecuniam hanc, quæ sibi ultra sortem accrescit: sed emptio pecuniæ non est licita, cum pecunia non sit vendibilis, sed solum mutabilis, & qui usum eius seorsum vendit, usurarius fit; ergo, &c. Si dicas, qui emit censum, non emere pecuniam, sed ius ad pecuniam exigendam. Contra hoc est, qui emit ius alicuius possessionis, principaliter censetur emere possessionem; ergo qui emit ius exigendi pecuniam, principaliter emit pecuniam, cum propter hanc emit ius.

Secundo, emere censum præsertim novum, perinde est ac sub fœnore mutuari: sed hoc non est licitum; ergo neque illud. Maior probatur, perinde enim est, ac dare alicui mille aureos ea lege, ut quotannis pro usu persoluat quinquaginta: sed hoc est sub fœnore mutuari; ergo, &c. Nec refert censum in re aliqua fructifera constitui: nam hæc non emitur, sed solum se habet permodum hypothece.

Ter-

352 QVÆSTIO LXXVII.

Tertio, qui emit boues ab eo, qui eos non habet, & pro eis, quos eidem fingit locare, pretium locationis exigit, usurarius est: sed eodem modo se habet, qui emit censum nouum, cum enim nemo super re sua dicatur censum habere, emere ab eo censum, est emere, quod non habet, & rursus ab eo, pro hoc quod non habet, pensionem exigere; ergo est usurarius.

Dicendū tamen est 1. Licitā esse emptio-
nem, & venditionem censuum realium.

Pro huius, & sequentium conclusio-
num explicatione, & intelligentia ad-
uertendum est 1. censum ita diffiniri pos-
se: Census est ius exigendi annuam pen-
sionem ex re, vel persona alterius utili,
vel fructifera, Ius dicitur: quia licet va-
riæ sint huius nominis, census, acceptionis,
quas referunt M. Soto lib. 6. de iustitia,
qu. 5. art. 1. Covarruias lib. 3. var. resol.
cap. 7. hum. 1. & alij: tamen in præsen-
tiarum census nomine nihil aliud censetur,
quam ius exigendi pensionem ab alio,
cui iuri respondet in altero obligatio sol-
uendi. Pensio est id, quod soluitur, & ex
vi prædicti iuris, & obligationis exigitur.
Dicitur vero annua, quia quotannis sol-
uitur. Exigitur autem ex re, vel perso-
na alterius: quia super re propria nemo
censum habet; hoc enim census differt ab
emphyteusi: quia in emphyteutico con-
tractu manet res in dominio directo prio-
ris domini; in constitutione autem cen-
sus

ARTICVLVS IV. 353

sus dominium, si non erat alterius, transfertur in alium ab emptore. Denique res alterius debet esse fructifera: quia ex re sterili, & infructifera non potest constitui census.

Secundo aduertendum est, censum varie diuidi. Primo diuiditur, vt vbi supra, ait M. Soto, in reservatium, quo quis rem suam alteri confert reservato sibi iure quotannis recipiendi pensionem aliquā: & consignatiuū, quo quis retentis suis bonis consignat alteri certam pensionem annuam. Deinde census consignatiuus diuiditur: ex parte quidem fundamenti in quo constituitur, in realem, qui super re aliqua fundatur, & personalem, qui super personam constituitur, & mixtum ex reali, & personali. Ex parte vero rei, quæ recipitur, seu pensionis, diuiditur in censum fructuarium, cuius scilicet pensio est in fructibus: puta frumento, vino, oleo, &c. & pecuniarium, cuius pensio est in pecunia. Item in censum certum, cuius pensionis quantitas est determinata, puta 10. aurei, aut 10. modij, & incertum, cuius pensionis quantitas est indeterminata, puta tertia pars, aut quinta fructuum. Denique ratione temporis diuiditur in temporalem, & perpetuum. Temporalis alius est pro certo tempore, vt pro 10. annis, alius est pro tota vita, qui propterea vitalitius dicitur. Perpetuus, alius est redimibilis, alius irredimibilis.

Præsens ergo conclusio de censibus lo-
qui-

quitur realibus super re aliqua fundatis, ac constitutis. Probant illam M. Soto ubi supra, con. 1. & 2. & 3. & Syluester verbo *usura*, 2. quæst. 12. Et quidem si census fuerint antiqui, nempe qui iam fuerant constituti, fatentur omnes emi, & vendi posse. De nouis vero, quando scilicet constituantur, emi, & vendi posse negant Henricus, & alij relati à M. Soto, & Syluestro. Cuius rationem reddunt: quia in emptione debet distingui pretium & merx: quando autem iam census est constitutus, ipse habet rationem mercis; si vero non est constitutus, nulla est merx, neque licet possit constitui, & denuo dari alteri, non tamen emi, quia non merx, sed nummi nummis emerentur.

Sed tam de antiquis, quam de nouis censibus probatur conclusio 1. Census nihil aliud est quam ius exigendi annuam pensionem, vt patet ex definitione eius adducta: sed hoc ius potest licite vendi, & emi etiam quando nouiter constituitur census; ergo &c. Minor probatur, etiam quando nouiter constituitur census, potest ius exigendi annuam pensionem siue in fructibus, siue in pecunia donodari: ergo, & pro pretio dari, sicque vendi: hoc enim ius non est minus pretio estimabile, quando de nouo constituitur, quam postea quando iam est constitutum, & gratis datum alteri. Vnde optime Syluester ubi supra ait: *Non video differentiam inter affectum antiquum, & nouum quo ad hoc: cum quia non directe, & immédia-*

ARTICVLVS IV. 355

te emitur affectus siue redditus, sed ius exigendi & percipiendi illum: tum quia si affectus antiquus, quem secundum omnes emere dicet, fuit licite institutus, quare non potest nunc alius institui, & vendi?

Secundò probatur ex duabus extrauagantibus Martini V. & Calisti III. quæ habentur inter communes tit. De emptione, & venditione; in quibus interrogati ij Pōtiffices, an contractus emptionis, & venditionis censuum sint liciti (estque ibi sermo de emptione, & venditione censuum quando nouiter constituuntur, ut patet ex illis verbis: *Princeps, Baro, Ciuis, &c. super bonis suis, dominijs, &c. vendere consuevit, & vendidit annuos census, &c.* Censuum enim iam constituti non pertinent ad eos super quorum bonis, dominijs, &c. constituti sunt, sed ad alios.) licitos esse his verbis declarauit: *Præfatos contractus licitos, & iuri communi conformes, ac ipsorum censuum venditores ad illorum solutiones remoto contradictionis obstaculo obligari, auctoritate Apostolica renouere præsentium ex certa scientia declaramus.* Licitam etiam esse horum censuum emptionem, & venditionem indicat aperte Pius V. in sua extrauaganti, dummodo seruentur condiciones, quas ibi apponit.

Dicendum est 2. Licitam etiam esse emptionem, & venditionem censuum personalium, quos scilicet venditor super suâ constituit personam. Docet hoc M Soto ubi supra con. 4. cum Conrado, & probat 1. quia potest persona carens bonis

356 QVABSTIO LXXVII.

temporalibus gratis se obligare ad annuā pecuniæ solutionem gratuito ius alteri conferens petendi; ergo poterit ius idem alteri vendere tanquam mercem, cuius pretium propterea non mutat emptor, unde non potest illud repetere.

Secundò, quia potest quisque se astringere ad persolvendam quotannis pecuniā mercenario pro suis operibus; cur ergo non poterit eandem obligationem vendere.

Tertiò, quia potest census personalis Principis lege constitui, ut patet 2. Esdræ 10. v. 32. ubi Hebræi, statuerunt super se tertiam partem fisci, seu annum censum personalem, quæ ratione in more nunc est aliquarum ecclesiarum decimas personales exigere, ut patet Cap. *Apostolica*, & Cap. *Pastoralis*, De decimis; ergo etiam poterit constitui voluntate ipsius personæ.

Quarto, quia potest quilibet obligationem suarum operarum vendere, sicut & ius in fructus super qualibet alia re fructifera; ergo, & censum personalem.

Quinto, quia quicumque realis census annexam habet personalem obligationem, quæ manet alijs rebus perennantibus, cur ergo non poterit constitui census personalis?

Denique id probat M. Salon disp. de censibus artic. 3. controu. 5. con. 1. ex quadam extrauaganti Nicolai V. in qua agens Pontifex de rebus in quibus potest constitui

cen-

ARTICVLVS IV. 357

census, in personis constitui posse. his verbis indicat: *Cū oportuna contrahentiū securitate, tuitione, & indemnitate, ac potestate vendentis personas, earumque proprietates, redditus, iura, iurisdictiones, census, & omnia, & singula mobilia, & immobilia bona obligandi, & obligare faciendi, &c.*

Doctrina hæc non placet Nauarro Commentario de vsuris, num. 81. & ait, hos census personales damnaſſe Martinum V. & Calixtum III. & Pium V. in ſuis extrauagantibus. Sed hæc non obſtante, noſtram concluſionem docent communiter recentiores, & ex antiquioribus. Maior in 4. diſt. 15. q. 44. & Gabriel ibidem q. 12. art. 2. con. 1.

Ad extrauagantem Martini V. & Calixti III. reſpondet M. Soto: *Illic tantum ſit mentio de realibus cenſibus, quos Bulla approbat: nulla tamen ſit de perſonalibus, quos non ſubinde reprobat.* Ad extrauagantem Pij V. reſpondet M. Salōn vbi ſupra con. 2. & 3. & ad 7. vbi recepta eſt, non licere conſtituere cenſum in nuda perſona: illam tamen, in Regnis Hiſpaniæ, & in alijs non fuiſſe iuridice, ac ſufficienter promulgatam, nec receptam, ſed ab eæ ad eundem Pium V. reſcriptam, & appellatam, & eo conſentiente, vel non reclamante, non eſſe in vſu.

Dicendum eſt 3. Licitam quoque eſſe emptionem, & venditionem cenſuum tam perpetuorum, quam temporalium. Docet hoc M. Soto vbi ſupra art. 2. con. 1.

& 2. ubi ait, in perpetuis minorem esse usuræ suspicionem: quam in temporalibus: quia in illis pretium nunquam est emptori redimendum: de vtrisque tamen notam esse conclusionem: *Quia distinguitur à pretio merx, quæ est ius petendi pensionem. Quare nisi in pretio iniquitas sit, nulla macula talis contractus inficitur.*

De pretio census realis perpetui, & irredimibilis conveniunt omnes, posse esse minus, quam sint pensiones speratæ: cum enim res ipsa, in qua census fundatur, minoris sit pretij, quam fructus ex ea sperati, nam fructus qui successu temporis percipiuntur ex agro, multo pluris valent, quam communiter ager æstimetur, etiam census minoris erit pretij, quam pensiones, sicque minori pretio emi poterit, quam sint pensiones speratæ. Idem est de censu personali irredimibili.

De censibus temporalibus refert M. Soto loco proxime citato ad 3. sententiam, Richardi asserentis posse emi temporalem pecuniariumque censum certi temporis minori pretio, quam sit pensionum summa, nempe 9. aureis 10. in censum usque ad decennium. Ipse vero M. Soto id concedit de censibus incerti temporis, puta ad vitam, qui vitalitij dicuntur: de censibus etiam certi temporis fructuarijs, quia in dubio est, an fructus: vel pensiones excedant pretium. At de pecuniarijs inquit *Absque formidine approbare non auderem, ut possint huiusmodi pecuniarj census certi temporis,*

poris emi, nisi tanto pretio prorsus, quanta est omnium pensionum summa, ut sit omnino forma mutui. Alij tamen sententiam Richardi approbant: quia ius semper æstimatur minoris, quam emolumentum speratum.

Quod nam autem sit iustum pretium, censuum ex his quæ diximus supra artic. i. dubio 2. de pretio rerum venalium colligi poterit. Olim varia erant censuum pretia in Hispania: modo tamen, præsertim in hoc Valentino Regno, lege Regis statutum est, ut census vendantur, ac emanentur ad rationem solidi, vel dimidij regalis pro libra, seu quinque librarum pro centum libris.

Postquam tamen census iam constitutus est, minori pretio emi, & maiori vendi potest, quam fuerit ab initio creatus, iuxta communem fori æstimationem, & consideratis securitate, prompta solutione, abundantiaque, aut penuria emptorum, aut venditorum, & alijs quæ in venditione, & emptione aliarum rerum venalium considerari solent. Si venditor rogat emptorem, etiam si census nullo periculo subiaceat, potest illum minori pretio emere: quia merces ultroque vilescunt. De quo vide Dianam 1. p. tract. 8. resol. 36.

Dicendum est 4. Licitum esse censum emere cum pacto retrouendendi, quo scilicet obligatur emptor, ut eundem reuendat, si venditori libuerit censum redimere: non tamen cum pacto retro emendi,
quo

quo videlicet obligatur venditor, ut eundem redimat, quando emptor voluerit. Vtramque partem docet M. Soto lib. 6. de iustitia quæst. 5. art. 3. Prima certa apud omnes est: in huiusmodi enim contractu, & emptione nulla est prauitas, usuræ cum sibi nullum sit mutuum, sicut nec obligatio reddendi pecuniam acceptam, quod ad mutuum requiritur: mutuarius enim, qui recipit pecuniam, illam reddere obligatur, & à mutuantem cogi potest, ut sibi eam reddat. Nec est prauitas iniustitiæ, cum ibi nullum sit venditoris grauamen, & quod sibi emptor imponit, pretij atenuatione releuatur: ob illud enim grauamen minoris censum emit, quam si census esset perpetuus & irredimibilis, licitus est ergo talis contractus.

Quod & colligitur ex Martini V. & Calixti III. extrauagantibus, in quibus declarantur liciti contractus emptionis, & venditionis census ibi propositi: in illis autem pactum retrouendendi continebatur, ut patet ex illis verbis: *Et semper in ipsis contractibus expresse ipsis venditoribus data fuit facultas, atque gratia, quod ipsum annuum censum in toto, vel in parte pro eadem summa denariorum, quam ab ipsis emptoribus recuperarunt, quandoque vellent liberare absque alicuius requisitione, contradictione, vel assensu possent extinguere, & redimere, ac se ab ipsius census solutione ex tunc petitus liberare.* Ergo licitus est contractus emptionis census cum pacto retrouendendi.

ARTICVLVS IV. 361

Si quæras, an fit etiam licitus cum pacto, ita reuendendi, ut venditori sit quidem facultas redimendi censum, sed non per partes, sed totum, vel non ante constitutum tempus, quatuor annorum verbi gratia, vel ita ut si intra tale tempus non redemerit, maneat census perpetuus, & irredimibilis? Respondetur cum M. Soto, vbi supra, con. 3. & 4. licitum esse. Potest enim quis emere censum perpetuum, & irredimibilem, ita scilicet, ut non teneatur ad reuendendum illum villo vnquam tempore totum, aut per partes nec venditor possit illum redimere; ergo multo magis poterit emere censum; ita ut teneatur quidem ad reuendendum, sed non partes, sed totum, & non nisi intra, vel post tale tempus, & venditor non possit, nisi hoc modo redimere. Neque obstant verba extrauagantium Martini V. & Calixti III. citat: nam licet ex illis colligatur, licitum esse emere censum cum pacto, & conditione, ut venditor quoties voluerit, possit censum redimere in toto, vel in parte; ex hac tamen affirmatione, inquit M. Soto, negatiuam inferre non licet: nam quamuis id concedatur; tamen in concessione non excluditur aliud, nec ibi declaratur, necessarium esse tale pactum, & conditionem, alias enim liciti non essent census perpetui, & irredimibiles.

Secunda pars conclusionis explicatione eget: dupliciter enim in contractu emptionis census apponi potest pactum re-

troemendi. Primo ita vt obligetur venditor redimere censum, quando libuerit emptori; pretio, quo valebit, quando illum redimet. Et hoc modo appositum non vitare, aut illicitum reddere, contra, ctum existimo cum M. Bañes infra q. 78, art. 4. dubio 2 de censibus con. 2. dummodo pretium, quod datur pro censu, sit maius, quam esset sine tali pacto: hoc enim pactum est grauamen venditoris, sicque pretij augmento releuari debet, sicut grauamen emptoris, quando emit censum cum pacto retro vendendi, attenuatione pretij releuatur, vt diximus. Secundo ita vt obligetur venditor censum redimere pretio, quo illum vendidit, eandemque pecuniæ summam reddere, quam acceperat, etiam si quando illum redimit, minoris valeat secundum communem æstimationem. Et de pacto retro emendi hoc modo appositum est intelligenda 2. pars conclusionis.

Probatur 1. cum M. Soto vbi supra conclus. 1. ex extraneis Martini V. & Calixti III. vbi post verba proximè citata subiungitur: *Sed ad hoc huiusmodi census venditores inuiti nequaquam per emptores arctari, aut astringi valerent.* Nempe ad redimendos census eadem summa denariorum, quam ab emptoribus receperant.

Secundo, quia ubicunque traditur pecunia cum pacto eandem rursus recipiendi, & aliquid ultra sortem, illic usura, vel patet, vel latet; nam ibi est mutuum saltem

implicitum, non vera emptio, cum sit obligatio restituendi pecuniam acceptam, quæ nequit esse in venditore, quando verè ab eo aliquid emitur, in cuius pretium pecuniam accipit; alias enim pecuniam acceptam deberet, non ut alteri indebitam possideret: sed quando emitur census cum pacto retro emendi, traditur pecunia obligando venditorem, ut eam restituat, & ultra eam det fructus, aut pensionem census; ergo illic usura est venditione palliata. Nequit enim dici, emptorem census non dare pecuniam immediate pro pecunia refundenda in redemptione, sed pro censu, neque obligare alterum, ut reddat pecuniam pro pecunia accepta; sed ut recipiat rem, seu ius, quod vendidit, & reddat pretium iustum. Contra hoc enim est: nam si ad hoc ultimum dumtaxat obligaret, non obligaret, ut redderet pretium, quod acceperat; nam hoc, non quandocunque voluerit emptor, ut alter redimat censum, est pretium iustum talis census, cum possit hoc velle, quando census minoris valet; ergo non intendit obligare venditorem, ut recipiat censum quod vendiderat, & reddat iustum pretium, sed ut eandem pecuniæ summam, quam acceperat, restituat ipsi.

Dicendum est 5. Iure pontificio multas condiciones requiri, ut sit licita emptio, & venditio censuum. Patet hoc ex quadam extrauaganti Pij V. quæ incipit, *Cum onus*, edita anno 1568, ubi sequentes statuuntur.

Prima est : Statuimus censum, seu annuum redditum creari, constitutivè nullo modo posse, nisi in re immobili, aut quæ pro immobili habetur de sua natura fructifera, & quæ nominatim certis finibus designata sit. Quibus verbis omnes affirmant, excludi census personales, cum persona, super qua constituuntur, non sit res immobilis &c. Nonnulli etiam dicunt, numero singulari, quo vocitur Pontifex, excludi, ne census creentur in duobus, vel tribus prædijs alicuius ab invicem separatis, si quodlibet per se sufficiat ad solutionem annuæ pensionis census. Sed falluntur, numerus enim singularis, sicut sæpe accipitur pro plurali, ita non semper excludit pluralitatem rerum, ut patet Gen. i. v. 20. *Producant aqua reptile animæ viventis, & volatile.* In rebus immobilibus, præsertim, quæ non statim primo usu consumuntur, constitui posset census, solo iure naturæ spectato: pontificio tamen hoc prohibetur. An constitui possit in alio censu, sub lite est. Quidam negant: quia nequit census certis finibus designari. Alij melius affirmant: quia census verè est res fructifera, cum pariat annuam pensionem, & inter res immobiles numeretur in extravaganti; *Exini, §. Cumque*, De verb. signif. Vnde videmus supra census regios, & iura vectigalium alios constitui census. Verba autem illa Pij V. *Certis finibus designatam*; denotant, non debere constitui censum super omnes res immobiles præsentem, & futuras indefinitè, sicut posset constitui stādo

do in solo iure naturæ, vt ait M. Soto lib. 6. de iustitia, q. 5. art. 1. Res fructifera dicitur, non solum, quæ actu fructum reddit, sed etiam, quæ apta nata est illum ferre: vnde super aliquibus turribus, & palatijs, quæ locari non solent, posset census constitui: quia si locarentur fructificarent. Si verò fructus rei non sufficerent ad soluendam annuam pensionem census, ipsa non sufficeret ad constituendum censum, sed addenda esset alia, alias dominus rei venderet ius, quod non habet. Quod autem dicit M. Soto vbi supra: *Potest institui census super re, etiam cuius fructus non adæquant censum*: solum est verum, stando in iure naturæ, quo persona se potest obligare, & quod deest, supplere ex suis operis.

Secunda est, *Rursum nisi verè in pecunia numerata presentibus testibus, ac notario, & in actu celebrationis instrumenti, non autem prius recepto integro, & iusto pretio*. Ex natura rei census constitui potest datis in pretium illius aliquibus mercibus, aut alijs rebus, quæ pecunia æstimantur. Potest etiam institui ex debitis præcedentibus, immo, & ex pecunia credita: *Quid enim vetat, quominus veluti in cæteris contractibus, venditor census emptori valeat partem pretii credere?* ait M. Soto vbi supra circa finem articuli. Si non potest credere vsque ad tempus solutionis, ne pensionem soluat eius, quod non accepit: vno tamen, aut altero die nihil est, quod vetet iure naturæ. Pontificio tamen hæc omnia prohibentur. Simi-

366 **QVÆSTIO LXXVII.**

liter, ut pecunia numeretur præsentibus
 testibus, & notario, solo hoc pontificio iu-
 re requiritur. Aduertunt autem Nauarrus
 Coment. De usuris, num. 88. & alij, legem
 hanc Pij V. fundari in præsumptione frau-
 dum, quæ hic solent accidere: *Et ita non*
videtur includere quoad forum conscientia il-
los, qui bona fide utilius, aut aequè utiliter an-
tipauerunt soluti omnimodius, vel partis census,
ac si in ipsa constitutione soluerent. Sicque
 si venditor cupiat debitum, quod debet
 emptori, computari in partem sortis, vel
 etiam totam sortem, ne cogatur sua ven-
 dere minoris, ut soluat tale debitum, pos-
 se ex illo censum constitui in foro con-
 scientiæ, quamuis in foro exteriori id non
 permittatur ob suspicionem fraudis usura-
 riæ.

Tertia est, *Solutiones, quas vulgo anticipa-*
tas fieri, aut in pactum deduci, prohibemus. Ex
 quo patet, emptorem, dum pretium nu-
 merat, non posse ex eo detrahere pensio-
 nem primi anni per modum anticipatæ solu-
 tionis, aut elapsa parte temporis exigere
 amplius, quam pensionem illi responden-
 tem. Non enim debent fieri solutiones
 pensionum anticipatæ, nisi forte seclusa
 fraude censualis vellet sponte sua anticipa-
 to soluere: hoc enim non prohibet Ponti-
 fex, sed ne cogatur soluere pensionem, nisi
 pro rata temporis elapsi.

Quarta est, *Conventiones directè, aut indi-*
rectè obligantes ad casus fornicatos eum, qui alias
ex natura contractus non reuocatur, nullo modo

valere volumus. Quæ conditio in gratiam venditoris census posita est. Et requiritur non ex iure naturali, sed hoc pontificio: nam quamuis ex natura contractus non teneatur persona ad casus fortuitos; non tamen repugnat naturæ talis contractus, vt persona ad illos se obliget. Immo secus hoc iure pontificio semper realis census annexam habet personalem obligationem, quæ rebus pereuntibus manet in persona, vt docet M. Soto lib. 6. de iustitia q. 5. art. 1. coa. 4.

Quinta est, *Quemadmodum, nec pactum auferens, aut restringens facultatem alienandi rem censui suppositam, quia volumus rem ipsam semper, & liberè, aut sine solutione laudimij, seu quinquagesime, aut alterius quantitatis, vel rei, tam inter vivos, quam in ultima voluntate alienari.* Cum emptor census non habeat dominium rei censui suppositæ, non potest auferre, aut restringere facultatem eam alienandi, nec exigere laudimium, hoc enim proprium est domini directi. Hoc autem quod ex natura contractus non potest emptor census, vult Pontifex, vt nec possit ex pacto, tale pactum nullum esse statuens, quamuis tale non sit, aut iniquum iure naturæ, vt ait M. Soto lib. 6. de iustitia, q. 5. ar. 2. ad 2.

Sexta est, *Vbi autem vendenda sit, volumus, dominium census alijs omnibus præferri, eique denunciari condiciones, quibus vendenda sit, etiã per mensem expectari.* Hanc in fauorem domini census apposuit Pontifex, ne ipso in-

scio venderetur res alicui, à quo difficulter obtineretur solutio pensionum. Sed est propria emphyteusi, & in censibus, solā vim habet, vbi constitutio Pij V. recepta est.

Septima est, *Pacta continentia morosum census debitorem teneri ad interesse lucri cessantis, vel ad cambium, seu certas expensas, aut certa salaria, aut salaria, seu expensas medio iuramento creditoris liquidandas, aut rem censui subiectam, seu aliquam eius partem amittere, aut aliud ius ex eodem contractu, siue aliunde acquisitum perdere, aut in aliquam pœnā cadere, ex toto irrita sunt, & nulla.* Non vult Pontifex eximere debitorem à compensatione damnorum, quæ verè creditori inferret, ad quam ideò iure naturali tenetur, sed vt ait Nauarrus Coment. De vsuris, num. 95. solum prohibet conuentiones quasdam duras, quæ solebant imponi venditoribus censuum, nisi ad diem soluissent; nempe reddendi statim expensas, & salaria, & alia similia, & si creditor nihil adhuc damni passus esset præter solam debitoris moram. Vel (vt alij dicunt) tenetur quidem debitor iure naturæ ad damnum emergens, & lucrum cessans; sed non vult Pontifex hoc in pactum deduci ob fraudem vsurariam: potest tamen postea exigi tanquam debitum. M. Soto libro 6. de iusticia, q. 5. art. 2. ad 2. ait: *Quod qui uno, vel duobus annis non soluit eisdem obligatis possessionibus expolietur, non est prorsus genere suo iniquum: quoniam potest id quidem*

ARTICVLVS IV. 369

dem in pœnam imponi, & ex L. Tauri 63. approbatum. Hoc tamen constitutione Pij V. prohibetur.

Octaua est: Immo, & censum augeri, & nouum creari super eadem, vel alia re in fauorem eiusdem, aut personæ per eum suppositæ pro censibus temporis, vel præteriti, vel futuri omnino inhibemus. Iure naturali non inhibetur, vt expensionibus iam verè, & realiter debitis augeri, aut constitui possit: tamen id Pontifex hic prohibet.

Nona: Sicut etiam annullamus pacta continentia solutiones onerum ad eum spectare, ad quem alias de iure, & ex natura contractus non spectarent. Vnde si consuetudo sit, vt emptor aliquid soluat fisco, non potest obligari venditor, nec è contra.

Decima: Censuum omnes in futurum creandas, non solum re in totum, vel pro parte peremptas, aut infructuosas in totum, vel pro parte effectas, volumus ad ratam perire. Non dicit, si res fructum non reddat vno scilicet, aut pluribus annis propter grandinem, vel siccitatem, aut similia, sed si effecta fuerit infructifera, ita vt in perpetuum impotens facta sit ad fructus in futurum reddendos, vt si domus corruat, aut exusta sit, vel ager absque spe remedij à mari, vel à Turcis occupatus sit. Hæc conditio non seruatur in Regnis Hispaniæ: nam iudices quantumvis hypothecæ perierint, obligant venditores censuum, & hæredes eorum ad persoluedos annuos census.

Vndecima est: Sed etiam posse pro eodem

q t s pre

pretio extingui: non obstante etiam longissimi temporis, ac immemorabili, immo centum, & plurium annorum præscriptione: non obstantibus aliquibus pactis directè, vel indirectè talem facultatem auferentibus, quibuscunque verbis, aut clausulis concepta fuerit. Hæc continet pactum de retro vendendo: vnde confirmat primam partem nostræ 4. con. Excludit verò census irredimibiles; quod quidam cum Nauarro Coment. de vsuris, num. 98. intelligunt de eis, qui non emuntur multo pluris, quam redimibiles, ij enim sunt iniqui: non tamen est credibile (inquiunt) Pontificem voluisse tollere eos, qui iusto pretio emuntur, cum per totam orbem sint receptissimi. Alij omnem censum perpetuum, & irredimibilem hic prohiberi volunt.

Duodecima est: Cum vero traditione pretij redditus extinguendus erit, volumus per bimestre ante id denuntiari, cui pretium dandum erit, & post denuntiam, intra annum tamen etiam ab inuito pretium repeti posse. Si emptor censum alteri donet, vel testamento legat, vel cum alia re permutet, vel alio modo distrahat, & alienet, non est id venditori denuntiandum necessario, & hæc conditio solum est obseruanda, quando venditor censum extinguit reddito emptori pretio.

Tertiadecima est: Et ubi pretium, nec volens ante bimestre soluat, nec ab initio intra annum exigatur, volumus nihilominus, quandoque redditum extingui posse, prauia tamen
sem.

ARTICVLVS IV. 371

Semper denuntiatio, de qua supra, & non obstantibus his, de quibus supra, idq. observari mandamus, etiam quod pluries, ac pluries denuntiatum fuisset, nec unquam effectus secutus fuisset
Excludit hæc conditio, quod con. 4. diximus iure naturæ esse licitum, vt si venditor intra tale tempus non redemerit censum, maneat census perpetuus, & irredimibilis.

Quartadecima est: *Pacta etiam continentia pretium census extra casum prædictum ab initio, aut ob poenam, aut ob aliam causam repeti posse omnino prohibemus.* Excludit pactum de retro emendo; de quo vide, quæ diximus con. 4.

Hæ conditiones vbi Bulla Pij V. promulgata, & recepta est omnino seruandæ sunt. Vbi tamen, aut promulgata, aut recepta non est, non obligant: nam vt diximus i. 2. q. 90. art. 4. leges Pontificiæ, vt obligent, debent promulgari in Diocesium: & vt ibidem q. 97. a. 3. diximus, probabile est, non obligare, nisi vsu recipiantur, & posse ab eis supplicari, & supplicatione interposita vim, & effectum earum suspendi. Ex quibus sequitur in Regnis Hispaniæ non obligare conditiones has: nam in eis Bulla Pij V. aut non est sufficienter promulgata, aut non est vsu recepta, sed ab ea supplicatum est, & Summi Pontifex, nec instat, nec curat executioni mandari.

Miranda in Summa Conciliorum post Concil. Florent. sex conditiones colligit ex Martini V. & Calixti III. extravagantibus,

372 *QVÆSTIO LXXVII.*

& subdit : *Servatis prædictis conditionibus, ut cunque tollerandos esse iudico tales contractus; aliqua eorum omissa, nulla ratione puto tollerandos.* Sed M. Soto libro sexto de iustitia quæst. 5. ar. 1. & communiter Doctores asserunt, illas fuisse quidem à prædictis Pontificibus approbatas, & contractus cum illis initos declaratos licitos : non tamen fuisse ab eis decretum, omnino necessarias esse ad contractum census, ita ut aliqua earum omissa non sit licitus ; solum enim dicunt : *Præfatos contractus licitos &c. declaramus.* Quia vero illæ conditiones sub contentis in extranagante Pij V. comprehenduntur, non indigent peculiari explanatione.

Ad argumenta autem facta in principio respondetur. Ad 1. optimam esse solutionem ibi positam, ad impugnationem nego antecedens : qui enim litigiosum ius emit, constat, non emere possessionem, sed ius alterius. Deinde etiam, qui emit ius liquidum non emit possessionem : cum enim, qui habet ius ad possessionem, non ideo habeat possessionem, ius vendendo non propriè vendit possessionem, sicque nec alius illam emit. Nec obstat ius ad pecuniam enim propter pecuniam : nam etiam, qui emit agrum, illum propter fructus emit, & tamen non dicitur fructus emere.

Ad 2. respondetur negando maiorem. Ad probationem neganda est etiam maior : qui enim mille aureis emit censum, quam-

ARTICVLVS IV. 373

quamuis non emat rem fructiferam, in qua constituitur, emit tamen ius ad annuam pensionem ex tali re exigendam; non vero pecuniam, aut pensionem annuam, neque hanc exigit propter vsum pecuniæ, quam dedit, sed quia ad illam habet ius, quod à veniditore census emit.

Ad 3. respondetur negando minorem: quamuis enim, qui nouum censum emit, non emat, quod in alio nomen census haberet; emit tamen quod reuera alius habet, nempe ius percipiendi fructus, vel pensionem ex re sua; quod ius, sicut donare, ita & vendere alteri potest, & eo ipso, ac alteri venditur, census constituitur, & appellatur.

QVÆSTIO LXXVIII.

De peccato vsuræ, quod committitur in mutuis.

*Vtrum accipere usuram pro pecunia
mutuata sit peccatum.*

Conclusio est affirmans.

*Dubium primum. Quid, & quo-
tuplex sit usura, & quo iure sit
prohibita.*

Quamuis hoc nomen usura multa significet, ac multipliciter accipiat, ut latè explicat M. Soto lib. 6. de iustitia, quæst. 1. art. 1. & quandoque sumatur in bonam partem, ut constat ex D. Thom. hic ad 1. ubi ait Lucæ 19 vers. 23. accipi metaphorice pro superexerescèntia bonorum spiritualium: hic tamen nos de usura agimus, ut in malam partem cõmuniter accipitur pro peccato, quod in mutuis committitur.

Dicendum ergo est I. Usuram sic posse diffiniri: Est iniustitia, qua accipitur pretium pro usu rei mutuatae. Colligitur hæc definitio ex D. Thom. hic, in qua, Iniustitia ponitur, ut genus; sub ea enim tanquam sub genere continetur usura.

Secunda particula, Qua accipitur pretium, pactum designat in mutuacione, ut
ait

ait M. Soto vbi supra: *Quia vbi non subest pactum, nullum est pretium.* Ob quæ melius dicitur, quæ accipitur pretium, quam quæ accipitur lucrum: nam hoc absque pacto, & absque vitio vsuræ potest accipi ex mutuo, vt si quid mutuarius honestatis gratia redonat mutuanti.

Per tertiam particulam, Pro vsu, distinguitur vsura à contractu venditionis, vbi non pro vsu tantum, sed pro ipsa re accipitur pretium.

Denique per quartam particulam, Rei mutuatae, distinguitur vsura à contractu emphyteusis, & locationis, quibus res non mutuatur. Vnde si quis ob vsum pecuniæ concessæ ad ostentationem, vel ad ornatu, vel ad ponendum loco pignoris pretium acciperet, non committeret vsuram, nec peccaret, vt hic ad 6. dicit D. Thom. quia non acciperet pecuniam pro vsu rei mutuatae, sed locatae. Vsura autem non nisi in mutuo inuenitur. Ex quo colligit Mag. Soto vbi supra: *Et cum mutuatō non habeat locum nisi in rebus vsu consumptibilibus, in his dumtaxat versatur vsura.* Idem asserunt Nauarrus cap. 17. num. 106. M. Bañes hic in Coment. articuli, & alij. Potest quidem mutuari, aurum, argentum, & æs, vt colligitur ex Inst. Quod modis re contrahitur obligatio, hoc tamen ideo est, quia hæc, vt patet ex Arist. 5. Ethic. cap. 5. deseruire possunt ad cōmutationes, sicque vsu consumuntur, sicut & pecunia.

Dicendum est 2. Vsuram multipliciter posse

posse diuidi; primo diuiditur in realem, seu externam; & mentalem, seu internam. Realis, & externa est; quæ re ipsa exterius fit pacto interueniente collationis pretij pro vsu rei mutuatae. Quæ adhuc diuiditur in manifestam, & palliatam. Manifesta est, cum mutuum est manifestum, & pro illo pretium, vel lucrum ex pacto accipitur. Palliata vero est, cum mutuum, pro quo pretium accipitur, palliatur colore alicuius contractus, venditionis, aut emptionis v.g. vt cum credito, quis vendit aliquid pluris, quam valeat pecunia numerata summo pretio.

Vsura mentalis, & interna est mentis propositum recipiendi lucrum ex mutuo. Quæ adhuc diuiditur in pure mentalem, & interiorem, quæ in solo mentis desiderio, ac proposito mutuandi cum lucro consistit: & in mentalem effectum subsequuto, seu executioni mandatam, cū scilicet, quis mutuatur cum spe, & intentione accipiendi lucrum ex mutuo, illudque accipit, absq; vlllo tamen pacto explicito, aut implicito.

Dicendum est tertio, Vsuram esse peccatum, ac prohibitam iure canonico, diuino, & naturali. Primam partem negarunt olim Græci, & Albanenses, & post illos Carolus Molineus asserens, licitum esse vsuras moderatas accipere. Illam tamen diffiniuit Concil. Viennense his verbis relatis in Clementina vnica de vsuris: *Si quis in illum errorem incidere, ut pertinaciter affirma-*

se præsumat, exercere vsuras non esse peccatum: Decernimus eum velut hereticum puniendum.

Secunda pars patet ex Clementina citata, & Cap. *Super eo*, & Cap. *Consuluit*, De vsuris, & 14. q. 3. & 4. & ex aliis iuris canonici locis.

Tertia pars constat, *Cum vsurarium crimen utriusque testamenti pagina detestetur. ut ait Alex. III. Cap. Super eo. De vsuris. Ex veteri testamento adducitur 14. q. 4. can. Si quis, & can. Quoniam, illud Psalm. 14. ver. 5. Qui pecuniam suam non dedit ad usuram.* Adduci etiam potest illud Deuteron. 23. vers. 19. *Nec feneratoris fratri tuo ad usuram.* Nam ut hic ad 2. ait D. Thom. per hoc quod prohibitum fuit Iudeis accipere usuram à fratribus suis scilicet Iudæis, *Datur intelligi, quod accipere usuram à quocunque homine est simpliciter malum.* Nec obstat, quod ibidem subditur: *Sed alieno.* Hoc namque inquit D. Thom. *Non fuit eis concessum, quasi licitum, sed permissum ad maius, malum vitandum.* Vnde Psalm. 14. & Ezechielis 18. usuram absolutè prohibitam esse insinuat. Ex nouo testamento Urbanus III. Cap. *Consuluit*, De vsuris, adducit illud Lucæ 6. v. 33. *Mutuum date nihil inde sperantes.* Lucri scilicet vsurarij. Quod licet ponatur inter consilia, hoc tamen est ratione primi, scilicet, *Mutuum date*, Non ratione secundi, scilicet, *Nihil inde sperantes.* Nam licet consilium sit mutuare; si tamen datur mutuum, præceptum est illud

378 *QVÆSTIO LXXVIII.*

lud dare absque spe vsurarij lucri,

Quarta pars probatur 1. nam vt hic ad 3. ait D. Thom. *Philosophus naturali ratione ductus dicit in 1. Polit. quod vsuraria acquisitio pecuniarum est maxime praternaturam*. Sicq; iure naturali prohibita. Quod & ex aliorum Philosophorum, quos hic dub. 1. com. 2. refert M. Bañes, dictis colligitur.

Secundò probatur, ratione sumpta ex D. Thom. hic, & q. 13. de malo, artic. 4. & quodlib. 3. art. 19. Contra iustitiam, & ius naturale est, vendere idem bis, aut vendere, id quod non est: sed, qui accipit vsuram pro re mutuata, hoc præstat: ergo cõtra iustitiam, & ius naturæ peccat. Minor probatur. nam si vsura, vel lucrum est pretium rei mutuatae, hæc bis venderetur, nempe summa ipsi æquali, quæ restituenda est, & lucro vsurario. Si vero est pretium non quidem rei, sed vsus illius, vendit, quod non est: nam vsus rei mutuatae non est distinctus à re mutuata; in rebus enim, quorum vsus est ipsa rerum consumptio, quales sunt res mutuatae, non debet seorsum computari vsus rei, sed cuiusq; conceditur vsus, ex hoc ipso conceditur res, huiusque dominium in ipsum transfertur, vt patet in pane, & vino, ac etiam in pecunia, cuius vsus est ipsius cõsumptio, siue distractio, vt in commutationes expenditur; ergo qui harum rerum vsum, vt distinctum ab ipsis vendit, quod non est vendit. Vide aliam rationem apud D. Th. in 3. dist. 37. q. 1. art. 6.

Argu-

Argumenta quæ contra hanc conclusionem fieri possunt, facile ex dictis soluentur. Vide etiam M. Bañes hic dubio 1.

Dubium 2. *An sit licitum mutuanti sperare aliquid ultra sortem, illudque acceptum retinere.*

Pars negans probatur ex Cap. Consultuit. De usuris, ubi consultus Urbanus III. *An in iudicio animarum quasi usurarius debeat indicari, qui non alias mutuo traditurus, eo proposito mutuam pecuniam credit, ut licet omni conventionione cessante, plus tamen sorte recipiat.* Ad hunc, & alios duos casus, ibi sibi propositos respondet: Verum quia quid in his casibus tenendum sit, ex Evangelio Luca manifestè cognoscitur, in quo dicitur: *Date mutuum nihil inde sperantes: huiusmodi homines pro intentione lucri, quam habent (cum omnis usura, & superabundantia prohibeatur in lege) iudicandi sunt malè agere, & ad ea, quæ valiter sunt accepta, restituenda in animarum iudicio efficaciter inducendi.* Ergo non est licitum illis aliquid ultra sortem sperare, & acceptum retinere.

Dicendum tamen est 1. Licitum esse mutuanti sperare aliquid ultra sortem: non tamen quasi debitum ex quadam obligatione tacita, vel expressa, sed quasi gratuitum, & absque obligatione præstandum.

Docet hoc D. Thom. q. 13. de malo. art. 4.

ad

380 **QVÆSTIO LXXVIII.**

ad 13. his verbis : *Munus aliquod, vel à manu, vel à lingua, vel ab obsequio potest usurarius sperare ex mutuo, quod concedit dupliciter. Vno modo, quasi debitum ex quadam obligatione tacita, vel expressa : & sic quodcumque munus speret, illicitè sperat : Alio modo potest aliquod munus sperare, non quidem debitum, sed quasi gratuitum, & absque obligatione petendum : & sic licitè potest ille, qui mutuat, sperare aliquod munus ab eo, cui mutuat, sicut si facit seruitium alicui, confidit de eo, ut amicaliter suo tempore seruitium faciat. Idem docet Caiet. tom. 2. Opusc. tract. 8. q. 2. Hic verò circa solutionem quarti ait, hoc posteriori modo sperare, esse sperare aliquid ex mutuo secundario ; quia scilicet non speratur ex illo primo, & immediatè : sed mediante amicitia, & gratitudine.*

Aduertit autem idem Caietanus hic : Ne fallaris putans esse sufficiens signum usurariae mentis, quod non mutuet, si crederet illum futurum ingratum. Est enim signum fallax in foro conscientia, quamuis in foro iudiciali multum forte ponderaret : & Doctores tãquam nuntio peruersa mentis ipso quandoque utantur. Constat namque in arctiori materia, scilicet simonia scriptum esse ab Auctore in quodlibetis, quod qui vadit ad Ecclesiam propter distributiones, alias non iturus, tunc non est simoniacus. Et simile est in proposito : quia remuneratio sperata non est ratio, quod mutuet, sed conditio, quare magis mutuet huic, quam illi, quia iste est gratus, ille non. Et quoniam facere, & desiderare, ut dictum est, eiusdem sunt

sunt rationis, si quis non solum hac intus speret, sed extra etiam spem talem, hoc est sic moderatam, ut descripta est, demonstret, & sequatur effectus gratuita remunerationis, ut descripsi- mus, nullum est peccatum usurae. Hinc insert Diana i.p. tract.8. resolut.62 mutuantem, qui excitat mutuatarium ad mutui benefi- cium remunerandum, etiam si mutuata- rius sic excitatus mittat illi aliqua dona, hæcque ille accipiat, non esse usurarium, nec teneri restituere illa dona. Immo ad- dit cum P. Salas, licitum esse nõ mutuate, donec mutuatarius ab eo excitatus dicat, se daturum auctitium ex gratitudine, ac proinde ex veracitate, & fidelitate, licet non ex iustitia maneat obligatus.

Dicendum est 2. Qui animo usurario abs- que vlllo pacto aliquid accepit tanquam pretium mutui, illud restituere tenetur. Docet hoc Caiet. hic & Opusc. citato, q.3. Cum quo aduertendum est, tribus modis posse aliquid haberi tanquam pretium mutui: nempe, vel ex parte mutuantis tantum, vel parte accipientis mutuum tantum, vel ex parte vtriusq.

Si ex parte mutuantis tantum habeatur, ita vt solus ipse intendat accipere pretium mutui, qui accipit, solum tenetur restituere, dum ignorat non fuisse sibi donatum. Sed si post sciuerit donatum sibi esse, & vigore donationis cepit retinere (inquit Caiet. hic) non tenetur amplius restituere. Sicut, & qui accepit rem aliquam tanquam alienam, dum

dum ignorat esse suam, illam restituere tenetur: si tamen suam esse comperiat, illam retinere potest.

Si vero ex parte solius accipientis mutuum habeatur, ut pretium mutui, quia scilicet ipse solus intendit dare illud in pretium mutui, mutuans vero bona fide credit dari sibi gratis, tunc mutuans ait Caiet. *Accipiendo non peccat, sed tenetur restituere illud, quando postmodum hoc scit, si ex illo factus est locupletior.* Sicut & qui rem alienam à fure bona fide accepit, accipiendo non peccauit, sed quando scit esse alienam, eam restituere tenetur, si factus esset ditior: non tamen si illam bona fide consumpsisset, nec factus esset ditior.

Si autem ex parte vtriusque sic habeatur, ita ut mutuans velit aliquid ultra sortem accipere tanquam pretium mutui, debitum illi ex obligatione iustitiæ, & qui mutuum accipit, velit hoc modo dare, tunc accipiens, inquit Caiet. *Tenetur ad restitutionem: quia ex mutuo principaliter speratur, & datur non voluntarie.* Ei in hoc casu intelligendum est capitulum *Consultuit*, extra de usuris circa restitutionem *usura sine pacto.*

Ex quo patet solutio argumenti facti in principio, & quomodo intelligenda sint verba Pontificis in eo adducta, & quando usurarius mentalis teneatur ad restitutionem: nempe quando etiam absque vllò pacto aliquid accipit ultra sortem tanquam pretium mutui, sicque illud mutuarius dat:

ARTICVLVS II. 383

dat : in quo casu est intelligenda nostra conclusio .

ARTICVLVS II.

Vtrum liceat pro pecunia mutuata aliquam aliam commoditatem expetere.

Conclusio est negans.

Intelligenda est autem de commoditate, aut re, cuius pretium pecunia mensurari potest, & quæ exigitur ex pacto tacito, vel expresse : nam si solum exigatur sicut gratuitum donum, vel non sit pecunia mensurabilis, qualis est beneuolentia, & amor, licitum est, illam expetere, vt hic expresse asserit S. Doctor .



Dubium

Dubium 1. An qui mutuat possit absque peccato in pactum deducere amicitia signa, condonationem iniuria, remutationem, ut qui mutuum accipit, in eius molendino molat, ex eius officina emat, eius agrum colat iusto pretio, & alia huiusmodi.

PArtem affirmantem tenet. *Adrianus in 4. tract. de restitutione. Sed contra.* Illamque probabilem esse dicunt nonnulli ex recentioribus, quos refert *Diana 1. par. tract. 8. resol. 59.* Probant 1. Non est notabile onus, nec illicitum pro mutuo obligare aliquem civili obligatione ex pacto ad id, quod iam alio titulo erat obligatus: sed sæpè contingit, ut ob beneficium mutui sit aliquis obligatus naturali obligatione ex gratitudine ad præstandum prædictum; ergo ad hoc potest obligari civili obligatione ex pacto iustitiæ. Maior probatur, quando enim, quis tenetur ex charitate aliquid facere, licitum est mutuare illi cum pacto imponente obligationem civilem, verbi gratia, ut medicus mutuantem in necessitate constituto curationem iusto pretio adhibeat, & aduocatus patrocinium necessarium præstet; ergo idem erit in casibus nostri dubij.

Secundo, licitum est pecuniam mutua-
re ea lege, & pacto, vt statim alter mu-
tuet panem, aut vinum, vt colligitur ex
D. Thom. hic ad 4. ergo etiam erit licitū
pacisci, vt alter remutuet in posterum, cū
mutuans opus habuerit, ita vt ad id sit
obligatus ciuili obligatione. Probatur con-
sequentia, quia hæc obligatio non est gra-
uior, illamque multi mallent, quam mu-
tuare statim, quia incertum est an alter in-
digeat.

Tertiò, sicut mutuarius se obligat ci-
uilitè ad rependendum beneficium v. g.
ad molendum in mola mutuantis, ita vi-
cissim mutuans se obligat ad non repeten-
dum sortem vsque ad certum terminum;
ad quod non tenebatur; cur ergo illa obli-
gatio non poterit pro hac exigi?

Dicendum tamèn est: non esse licitum
mutuanti in pactum deducere prædicta.
Probatur, petere aliquid pecunia æstimabi-
le vltra sortem propter mutuum ex pacto
est illicitum, & usurarium: sed quando
prædicta deducuntur in pactum, hoc mo-
do petitur aliquid pecunia æstimabile, talis
est enim obligatio ad illa, ergo, &c.

Si obligatio esset de aliquo ad quod mu-
tuarius ex iustitia tenetur, licitum esset
illam ab eo exigere ex pacto: nam tunc
mutuans nihil lucraretur, sed solum redi-
meret suam vexationem. Vnde Caietanus
hic de mutuo facto persequutori, vt non
vexet mutuantem loquens ait: si persequu-

io est iniusta, manifeste patet, quod est redimere suam vexationem; nec aliquid lucri accedit, sed obligatio ad non nocendum, ad quam persequitur tenetur. Idem dicit Syluester verbo Usura l. q. 3. cum S. Antonino 2. p. tit. 1. cap. 7. quando quis mutuatur rustico cum pacto, ut exhibeat operis, quas ei antea soluerat. M. Soto etiam lib. 6. de iustitia, q. 1. art. 2. inquit: Si mutui variis alias mihi debitor est, possum illum pactione mutui distinctius devincere, ut cum mutuata pecunia aliam etiam mihi debitam soluat.

Quando vero obligatio est de aliquo ad quod mutuaturus alias non tenetur ex iustitia, qualia sunt praedicta, non licet mutuanti illam ex pacto exigere: nam aliquid pecunia aestimabile lucraretur, cum talem esse constet talem obligationem. Unde non potest absque peccato deducere in pactum signa amicitiae, condonationem iniuriae, remutationem, & alia in titulo dubij commemorata: quamvis licitum sit ei sine obligatione pacti taciti, vel expressi, illa omnia exigere ex benivolentia, sicut, & quodcumque munus, ut ex Diu. Th. hic ad 3. colligit Caietanus.

Non displicet tamen quod nonnulli, ut P. Lessius lib. 2. cap. 20. dubit. 7. & 9. afferunt, duplex esse pactum, iustitiae scilicet, & amicitiae. Pactum iustitiae est, quo quis intendit alteri injicere vinculum, & obligationem iustitiae: pactum vero amicitiae, quo solum intendit eam obligationem, quam

quam amicitia, vel gratitudine virtus inducit, quale videtur esse illud, quo factus in eunt aliqui, ut sint amici, nulla alia obligatione sibi ipsis imposita, quam ea, quam amicitia inducit.

Hoc autem supposito, non videtur improbabile asserere, conclusionem nostram non esse intelligendam de pacto amicitiae: nam hoc deduci posse amicitiae signa, & condonationem iniurię lęsionisque famę, vel honoris concedit M. Soto lib. 6. de iustitia; q. 1. art. 2. dum in solutione cuiusdam argumenti contra 3. con. ait: *Non modo intuitu amicitie contrahenda mutuari licet; verũ, & amicitia signa in pactum deducere*. Et inferius de condonatione iniurię, ob lęsionem honoris, vel famę: *Quod vero pacisci liceat, recte video mihi id quoque concedere. Nam etsi honor, & summa pecunia possit aestimari, tamen ex natura sua iure amicitia condonare solet. Quare illud pactum non est nisi amicitie fœdus*. Si autem hæc licet in pactu amicitiae deducere: cur non, & reliqua in titulo debij commemorata? Quia tunc illa non exigantur, ut pretium mutui, sed ut officia amicitiae præstanda, non ex obligatione iustitię, sed ex amicitia pro obsequio ex amicitia præstito, vel præstando. Si enim petis a me aliquod amicitiae officium, possum respondere, me esse paratũ tale officium præstare, si tu vicissim aliud præstare velis, quod etiam ex amicitia exhiberi solet iurimõ possum exigere, ut prior præstes.

388 QVAESTIO LXXVIII.

Qua propter, ut conclusio proposita communis sit inter Doctores, dempto Adriano, & alijs paucis, intelligenda est de pacto iustitiæ, in quod deduci non possunt prædicta a mutuante: nam obligatio iustitiæ, quam tale pactum inducit, est pretio æstimabilis, illamque proinde non licet mutuanti exigere ultra sortem. De hoc etiam pacto, & obligatione intelligi potest D. Thom. hic ad 4. dum ait, non esse licitum inutuant, mutuatarium obligare ad mutuum in posterum faciendum, sicque nec remunerationem in pactum deducere, iustitiæ scilicet; bene tamen amicitiz. Ita illum intelligunt, & limitant nonnulli cū Angelo verbo *Usura* 1. n. 4. Hic tamen eam potius limitationem insinuat, quam impugnatur Caiet. hic 9. *In responsione ad secundum*.

De hoc denique pacto intelligi potest S. Doctor, cum Opusculo ad Ducissam Brabantiz dicit de Balliuis, & alijs officialibus: *Si hoc pacto mutuum dant, ut officium accipiant, absque dubio pactum est usurarium*. Nam si de pacto amicitiz sit sermo, non solum hoc, & supradicta possunt in pactum deduci, sed etiam, ut ait P. Lessius ubi supra, collatio beneficii Ecclesiastici sine usura, vel symonia; quia utraque requirit obligationem iustitiæ.

Ad argumenta autem facta in principio responderetur. Ad 1. quando quis ex iustitia est obligatus ad aliquid, posse, quomodo

datur ei mutuum, obligari ex pacto obligatione civili, vt diximus cum Caietano, Syluestro, & Mag. Soto. At quando ex sola charitate est obligatus, non est id concedendum: quia quod debitum charitatis mutetur in debitum iustitiæ, est quid mihi in debitum, & accedens huiusmodi mutatio pretio est æstimabilis, mihi in emolumentum, mutuuario in onus. De debito præterea amicitie, ex quo tenetur aliquis ad recompensandum beneficium mutui ait D. Thom. hic ad 2. *Tali debito nõ competit civilis obligatio, per quam inducitur quedam necessitas, vt non spontanea recompensatio fiat.* Quod magis explicat q. 13. de malo art. 4. ad 5. Vnde quamuis vera esset sententia Medinæ C. De rebus per vsuram acquisitis q. 4. asserentis, non esse vsuram obligare aliquem per mutuum ex pacto, & civiliter ad id, ad quod ex charitate tenetur, vt medicum ad curandum ægrotum, modo non addatur gratis: non tamen esset concedendum, posse eodem modo per mutuum ex pacto obligari aliquem ad recompensandum beneficium mutui, ad quod tenetur naturali debito amicitie. Nam cum hæc recompensatio debeat fieri gratis, & liberaliter, cum oportunitas fuerit, non competit, immo repugnat illi obligatio civilis, per quam inducitur quedam necessitas, vt non spontanea recompensatio fiat; sicque licet obligatio charitatis possit deduci in obligationem

ciuem; non tamen obligatio naturalis, qua quis debet beneficium mutui recomperere ex debito amicitiae.

Ad 2. M. Bañes hic in speciali quadam difficultate circa Doctrinam D. Thom. in solutionibus 2. & 3. & 4. argumenti, duo dicit. Primum, si reciproca sit obligatio ex utraque parte, ita ut ad inuicem se obligent contrahentes ad mutuandū, nullam esse usuram: tum quia in huiusmodi contractu seruatur æqualitas ex utraque parte, tum etiam quia in hoc contractu nihil omnino accipitur ultra fortem ratione mutui, sed pro obligatione ad mutuandū recipit mutuator aliam similem obligationem. Secundum, verosimile esse, & valde probabile, licitum esse contractum, in quo obligatur mutuarius ad continuo remutuandum; etiam si ex parte alterius nō sit obligatio ad mutuandum: tum quia obligatio ad continuo remutuandum moraliter loquendo nō aestimatur pretio magis quam obligatio ad audiendam confessionem, qua quis alteram obligat, ut eā continuo audiat, si vult ut ipse eius confessionem audiat: tum etiam quia licitum est venditori nolle vendere rem suam; nisi emptor ipse sibi vendat aliam rem necessariam; ergo, & mutnanti nolle mutuare, nisi mutuarius, rem aliam sibi mutuet. Quo supposito, concesso antecedente, negat consequentiam argumenti, & differentia est: quia obligatio ad statim remutuandum

dum non est æstimabilis pecunia, aut pretio apud homines, & nullius momenti est: obligatio vero ad remutuandum in posterum est pecunia æstimabilis. Sed respondetur 2. negando antecedens, si de lege, & pacto iustitiæ inducente civilem obligationem sit sermo: nam sicut non est licitum, sed usurarium, mutuare alicui pecuniam cum pacto, & obligatione, vt statim a mutuante eruat merces sibi necessarias, & frumentum pecunia mutuata emptum molat in molendino mutuantis, & panem in furno mutuantis coquat, aut mutuare Principi cum pacto, & obligatione, vt statim officium aliquod det, aut vendat mutuanti: ita non licitum, sed usurarium est, mutuare alicui pecuniam cum pacto, & obligatione, vt statim mutuet panem, & vinum. Nec huius oppositum docet D. Thom. hic ad 4. solum enim ait: *Licet simul mutuanti vni aliquid, aliud mutuum recipere.* Et quamuis statim addat: *Non autem licet eum obligare ad mutuum in posterum faciendum.* Non inde inferitur, licitum esse eum obligare ad mutuum continuo, aut statim faciendum: immo sicut illud non licet, ita nec hoc. Licet quidem, vt colligitur ex solutione tertij, exigere remunerationem statim, aut in posterum faciendam, sicut, & quodcunque munus ex beneuolentia: non tamen licet pacisci, vt alter remutuet continuo, aut in posterum. Possum enim desillere a gratuito beneficio

quale est mutuare, nisi tu simile beneficium præstes, quale est remutare; sed non possum ex mutuo te ciuilitè obligare ad præstandum continuo aut in posterum, quia huiusmodi obligatio cederet in onus pretio æstimabile.

Ad 3. Respondetur, quamuis concedamus totum, nihil contra nos sequi, cum nihil accipiatur ratione mutui, sed vna obligatio pro alia. An vero hoc sit licitum, dicemus dub. 3. con. 2.

Dubium 2. An liceat mutuanti ratione damni emergentis, & lucri cessantis aliquid exigere ultra sortem.

Scotus in 4. d. 15. qu. 2. §. De tercio, partem negantem videtur tenere; de illo enim qui mutuatur, ait: Si non vult damnicari, pecuniam sibi necessariam reseruet: quia nullus eum necessitat ad faciendam misericordiam proximo. Sed si vult misericordiam facere, necessitatur ex lege diuina, ut non faciat eam vitiatam.

Mag. Soto lib. 6. de iustitia, quæst. 1. art. 3. con. 4. asserit, ratione damni emergentis posse aliquid exigi ultra sortem; non tamen ratione lucri cessantis. Probat 1. ex D. Thom. hic ad 1. dicente: *Recompensatio*

tionem damni, quod consideratur in hoc, quod de pecunia non lucratur, non potest in pactum deducere.

Secundo, qui negotiationi habens pecuniam expositam offert illam mutuo, non potest exigere lucrum cessans; ergo nec si alius ab eodem mutuum petat, cum etiam tunc voluntaria sit illi cessatio lucri.

Dicendum tamen est 1. Licitum esse mutuanti ratione damni emergentis aliquid exigere ultra sortem. Probat 1. nam D. Thom. hic ad 1. sic habet: *Ille, qui mutuum dat, potest absque peccato in pactum deducere cum eo, qui mutuum accipit re compensationem damni.* Idem docent communiter DD.

Secundo, nam Cap. *Peruenit*, De Fideiussoribus decernitur, recompensandum esse damnum, quod fideiussor incurrit ex fideiussione, *Ne dispendium patiatur, unde videtur premium meruisse.* Ergo idem erit de mutuatore; est enim fideiussio quodammodo mutuum, & nulla æquitas postulat, ut mutuator pro beneficio damnum patiatur.

Tertio, pecunia alicui necessaria ad aliquod damnum vitandum non solum illi valet, quanti ipsa nude considerata æstimatur, sed etiam quanti est carere tali damno; ergo cum in mutuo debeat sors integra redire, licitum erit de damno pacisci, & eius compensationem exigere:

† 5 nam

nam etsi hæc sit ultra sortem nude consideratam, non tamen sumptam, ut est causa certi mali vitandi.

Aduertendum tamen est cum D. Tho. qu. 13. de malo artic. 4. ad 14. *Quod ex pecunia mutuata potest ille, qui mutuat incur-
rere damnum rei tam habere dupliciter. Vno
modo ex quo non redditur sibi pecunia statim
eo termino: Et in tali casu ille, qui mutuum
accipit, tenetur ad interesse. Alio modo infra
tempus deputatum: Et tunc non tenetur ad in-
teresse ille, qui mutuum accipit. Debebat enim
ille, qui mutuauit, sibi causse, ne detrimen-
tum incurreret. Nec ille, qui mutuo accipit,
debet damnum incurrere de stultitia mutuan-
tis. Ex quo patet, non solum esse licitum
pacisci de damno, sed etiam stultitiam
esse, si timeatur damni periculum, illud
non deducere in pactum: quia si mutua-
tor non sit pactus de damno, censetur e-
ius periculum in se suscipere, & quamuis
postea eueniat, non potest ratione illius
quicquam exigere: nam non potest mu-
tuatarius, occulto illo onere compensandi
damnum, grauari. forte enim sine illo one-
re alibi mutuum inuenisset, aut sane om-
nino maluisset abstinere ab accipiendo mu-
tuo.*

Sunt tamen nonnullæ conditiones re-
quisitæ, ut mutans possit de damno proci-
sci, & ratione illius aliquid ultra sortem
exigere. Prima est, ut mutuum sit causa
damni, Secunda, ut mutans admoneatur

mutuatarium de damno, quod ratione
mutui incurrit. Tertia vt mutuans non
cogat mutuatarium pacisci de periculo
damni potius, quam de damno, sed relin-
quat eius arbitrio: nam si hic paratus sit
omne damnum, quod euenerit, compen-
sare, mutuator seruatur indemnis, si ve-
ro cogatur de certo pretio pacisci pro pe-
riculo grauetur mutuatarius.

Dicendum est 2. Licitum etiam esse
mutuanti, ratione lucri cessantis aliquid
vltra sortem exigere. Docent hoc S. Ray-
mundus in Sum. lib. 2. tit. De vsuris, &
pignoribus §. 7. ad finem, S. Anton. 2. p.
tit. 1. cap. 7. §. 15. Syluester verbo *Vsura*
1. qu. 19. Caiet. & alij discipuli D. Thom.
hic, & communiter recentiores.

Probat 1. nam Cap. *Nauiganti*, De
vsuris, excusatur vendens carius credito,
si merces erat seruaturus in aliud tempus,
in quo verisimiliter creditur ploris esse
valituras, nempe ob lucrum cessans; ergo
idem erit de mutuo, vendere enim cre-
dito, est implicite mutuare.

Secundo, nam in L. 3. §. fin. ff. De eo,
quod certo loco, &c. sic dicitur: *Quid si*
merces. solebat comparare, an & lucri ratio ha-
beat non solius damni? Puto & lucri haberi-
dam rationem. Ergo si qui mutat p. cu-
niam, illa solet mer. comparare ad hoc
destinatum habet, & lucri cessantis ratio
habenda erit, & propter illud aliquid vl-
tra sortem poterit exigere.

Tertio, nam D. Thom. supra quæst. 61. art. 4. de eo, qui damnificat aliquem impediendo, ne adipiscatur, quod erat in via habendi, dicit: *Tale damnum non oportet compensare ex æquo. Tenetur tamen aliquam recompensationem facere.* Sed, qui petit a mercatore, ut sibi mutuet pecuniam, quâ habet negotiationi expositam, illum damnificat. Impediendo, ne adipiscatur lucrum, quod erat in via habendi; ergo potest mercator, se indemnem servare, paciscendo cum eo, ut lucri cessantis aliquam recompensationem faciat.

Quarto, spes lucri non est minoris æstimanda, quam metus damni: sed dum metuitur damnum ex mutuo, licitum est de eo pacisci; ergo & dum speratur lucrum, nullus enim tenetur cum suo incommodo mutuare: tuncque licet exigatur aliquid ultra sortem nude considerata; non tamen, ut est causa boni consequendi.

Requiruntur tamen ad hoc nonnullæ conditiones. Prima est, ut lucrum cesset ex mutuo; quod contingit, quando quis mutuatur pecuniam, quam parauerat ad negotiandum. Si non habet aliam pecuniam, conveniunt omnes, posse de interesse lucri cessantis pacisci, & illud exigere. Idem est, si aliam haberet, illam tamen destinasset ad fortuitas necessitates, ut ait Navarrus cap. 17. num. 212. Si haberet tantam, ut magna pars eius superflua,

flua, & ocioſa eſſet, quidam dicunt, non poſſe tuta conſcientia; quærere lucrum ceſſans. Alij illud poſſe exigere affirmant: nam mutuatur, quam negotiationi deſtinata habet, & non tenetur illam extrahe-
re, nec ex alia mutuare.

Secunda eſt, vt mutuans non exigat totum, & integrum lucrum, quod ſperat. Colligitur hæc ex. D. Thom. hic ad 1. & ſupra quaſt. 62. artic. 4. in corp. & ad 2. Eiusque ratio eſt: quia illud lucrum eſt in potentia, & poteſt pluribus modis imperari; ergo non poteſt exigi totum, & ex æquo: nam quod eſt in potentia minus valet quam, quod eſt actu. Quantum vero exigi poſſit, arbitrio prudentis eſt relinquendum. Diana tamen 1. p. tract. 8. reſol. 64. hanc regulam ſtatuit: vt qui mutuatur tantum remittat de lucro ſperato, quantum ipſe daret alteri ob contractum aſſecurationis, id eſt quantum daret illi, cui ipſum ſecurum redderet de toto lucro ſperato, in ſe ipſum ſuſcipiens totum periculum. Intelligenda eſt autem hæc conditio, quando lucrum ita deducitur in pactum, vt pro eo aliquid determinatum ſit accipiendum, nam ſi pactum ſit, vt mutuaturarius teneatur ſolvere pro intereſſe, quantum euentus declarauerit lucrum eſſe futurum, expectato euentu aliorum negotiorum in eodem genere negotiationis, eodem tempore, & loco, totum lucrum, deductis deducendis, poterit mutuans exigere.

Ter.

Tertia est, ut lucri cessantis compensatio non exigatur statim dato mutuo, sed conuenienti intervallo. Cuius ratio est: nam si compensatio lucri cessantis ex mutuo 100. ducatorum sint 10. ducati, mutuans, qui statim 10. exigit, reuera non mutuatur nisi 90. pro lucro autem cessante ex 90. exigere 10. sicut ex lucio cessante ex 100. iniquum est. Si lucrum cessans non esset soluendum ex pecunia mutuata cum interesse lucri cessantis, sed vel ex alia mutuo accepta sine interesse, vel ex frumento, aut vino, quod habet mutuarius, ait Diana 1. p. tract. 4. miscel. resol. 50. cum alijs, posse mutuante statim eius compensationem exigere: nam tunc prædicta ratio non procederet.

Ad argumenta autem M. Soto contra hanc 2. con. Respondetur. Ad 1. D. Th. eodem modo loqui de lucro hic, quo loquitur supra qu. 62. art. 4. Vnde quod hic ait, non posse deduci in pactum recompensationem lucri cessantis, intelligendum est ex æquo. Vel ut verbo *Vsura*, 1. qu. 19. ait Syluester: *Loquitur de lucro non vendibili, cuiusmodi est, quod est possibile tantum, non autem de probabili; quod secundum iura vendi potest.*

Ad 2. Nauarrus cap. 17. num. 212. & alij recentiores negant antecedens: Sed quia illud admittunt Syluester verbo *Vsura* 1. questione 19. & Caietanus hic, respondetur negando consequentiam: nam

et

ei, qui se sponte offert ad mutuandum, nullo modo est inuoluntaria cessatio lucri, sicque non potest re compensationem lucri exigere, sicut nec quis se sponte instrumenta suæ artis, quibus lucrabatur, confert; et tamen, qui rogatus ab alio pecuniam abstrahit à negatione, ut mutuet, quodammodo inuoluntaria est cessatio lucri: occurrens enim necessitas proximi sibi petitione mutui representata quandam moralem coactionem inducit sufficientem ad exigendum lucrum cessans, & de eius compensatione paciscendum.

Dubium 3. An aia ratione liceat mutuantialiquid exigere ultra sortem.

Dicendum est 1. Ratione periculi, vel molestiæ, vel difficultatis, vel expensatum, quæ timentur in recuperanda sorte, licitum esse mutuantialiquid supra sortem exigere, & de eo pacisci. Patet hoc ex dictis supra questione 77: artic. 1. dubio 4. conclus. 2. & præterea probatur: fideiussor, & asscurator potest licite aliquod exigere ratione periculi; ergo & mutuas. Si dicas non esse eandem rationem: nam fideiussor, & asscurator ciuilitè se obligat; mutuas vero nequaquam, & periculum huius non est quid separatum à mutuo.

Con.

Contra hoc est, fideiussor, & affecurator non ratione solius obligationis ciuilis potest aliquid exigere, sed etiam ratione periculi; alias enim, qui fideiubet, & affecurat, quando magnum est periculum, non posset plus exigere, quam quando nullum, aut non tantum est periculum; ergo etiam mutans, in se suscipiens mutui periculum, potest ratione illius, quantum fideiussor, & affecurator posset exigere, cum hoc sit pretio æstimabile. Nec est verum, periculum mutuantis non esse quid distinctum à mutuo; constat enim posse esse mutuum sine vlllo periculo. Si mutuarius pignus, aut fideiussorem daret, non posset mutans ei præscribere, vt secum super periculo pacisceretur: nam licet possit se indemnem seruare, non tamen cum grauamine mutuarij, quale esset hoc, de quo vide Dianā 1. p. tract. 8. resol. 37.

Dicendum 2. Licitum etiam esse mutuantem aliquid vltra sortem exigere, si se obligat ad non repetendam sortem vsque ad certum terminum. Huius oppositum tenent P. Lessius lib. 2. cap. 20. dubit. 14. & alij recentiores. Sed nostram conclusionem doceat Medina C. De restitutione quæst. 32. M. Ledesma 2. p. Sum. tract. 8. cap. 33. con. 4. disc. 2. & Diana 1. p. tract. 8. resol. 38.

Probatur, nam licet obligatio non repetendi sortem ante aliquod tempus sit de intrinseca ratione mutui, non tamen ante

ARTICVLVS II. 401

certum terminum longe distantem à traditione mutui; ergo si quis se obliget ad non repetendum sortem vsque ad talem terminum, annum completum v. g. poterit pro tali obligatione aliquid vltra sortem exigere, talis enim obligatio non est minus pretio æstimabilis, quam obligatio ad mutuum faciendum in posterum, de qua D. Thom. hic ad 4. ait: *Pecunia æstimari potest.*

Dicendum est 3. Licitum quoque esse mutuanti, vltra sortem exigere poenam, conuentionalem, quæ in contractu mutui fuerit apposita, si pecunia mutuata intra certum terminum non reddatur Docent hoc S. Raymundus lib. 2. suæ Sum. tit. de vsuris, & pignioribus §. 5. Syluester verbo *Vsura*, 1. quæst. 28. & alii communiter.

Probatur, talis poena conuentionalis posita conditione est debita ex pacto, & conuentione; ergo exigi potest. Et quamuis antequam illam exigit mutuans, non sit necessario soluenda, post exactionem, tamen illius in foro conscientiæ debita, & soluenda est, non expectata iudicis sententiam; nam ei se mutuataris subiecit, & pactum per se obligat.

Dicendum est 4. Ratione præsumptæ donationis posse mutuantem aliquid accipere vltra sortem. Probatur, nam id non recipitur tanquam ciuilitè, aut ex iustitia debitum ob mutuum, sed titulo liberalis dona-

donationis, cuius acceptandæ non fit incapax mutuator ob bonum opus mutuandi, quod præstat; ergo cessante scandalo licitum erit mutuanti illud recipere.

Aduertendum est tamen, hanc præsumptionem rarissime admittendam esse: nam, nisi exterius exprimatur dari aliquid liberaliter, præsumendum est dari tanquã prezium mutui, præsertim si nulla necessitudine contrahentes alias sint ad inuicem coniuncti; faciliusque præsumitur donare, qui mutuum accipit, vt negotietur, quam qui accipit necessitate coactus.

Si quæras, an quando mutuum petens scripto promittit se liberaliter aliquid additurum super sortem, sit licitum illud accipere? Respondet Medina C. De vsuris q. 3. §. *Tertia causa*, id non licere: nam non censetur liberalis donatio, quando ipsa, vel eius promissio sit ad obtinendum mutuum, seu metu carendi mutuo, vt fieri præsumitur in casu posito.

Dicendum est §. Quando non est nisi sola mutnatio, reddenda est res in eadem quantitate, & mensura similis in specie, & æqualis bonitatis, etiam si pendente mutuo valor rei mutetur: si vero mutuo admisceatur implicite emptio, & venditio, potest mutuans maiorem quantitatem, & mensuram exigere, quam dederit, si valor rei tempore redditionis minuendus sit, si autem sit augendus, potest mutuataris
mi.

minorem reddere.

Primam partem docet M. Soto lib. de iustitia, quæst. 1. artic. 2. §. *In calce* & probat: nam est conditio puri mutui, ut non obliget, nisi ad reddendam rem similem in specie, & parem in bonitate, & mensura. *Etenim ratio mutui non tibi debet pretium, sed corpora in eadem specie, & qualitate.* Quod & colligitur ex Instit. Quibus modis re contrahitur obligatio. Confirmatur, si darem mutuo certam auri quantitatem ad faciendam statutam, non possem exigere à mutuuario valorem auri, si forte tempore restitutionis fuerit maior, nec mutuarius satisfaceret restituendo valorem auri, si forte fuerit tunc minor, sed idem pondus auri paris in bonitate reddi debet; ergo &c.

Si quæras, an sit usura mutuare frumentum vetus, ut reddatur nouum? Respondet M. Soto ubi supra: *Usuraria mutuatio est: nam petis frumentum melioris qualitatis.* Sed Syluester verbo *Usura* 1. quæst. 17. ait: *Non est usura si hoc quis faciat, ne suum pereat, & recipienti gratiam faciat. Quod est dictum, quod si euitat suum damnum sine damno alterius, licet.*

Quærit etiam M. Soto ubi supra: si mutuo soluendo non sit designata dies, utrum fas sit tunc mutuatori non repetere, quando videt vilius venundari, sed expectare tempus, quo sit maximi pretij? Respondet. que, ex natura rei nullam esse iniustitiam.
nisi

nisi mutuator operam daret, ne alter antea solueret: At vero dum pactum interuenit, et solutio non fiat ante certum tempus, quando coniectura debet auctiori pretio estimandum. Usurarius contractus est.

Secunda pars conclusionis probatur: tunc enim mutuo admiscetur implicite emptio & venditio, quando in re, quæ datur mutuo, non solum expectatur bonitas naturalis, sed etiam pretium; ego potest exigere mutuans, ut sibi reddatur æquale in pretio. Tunc autem si valor rei minuendus sit tempore redditionis maior mensura, & quantitas requiritur, ut reddatur æquale in pretio: si vero valor augendus sit, minor quantitas, & mensura sufficit, ut reddatur æquale in pretio ergo &c.

Dicendum est 6. Quando pro pecunia mutuata accipit mutuator à mutuuario pignus in securitatem debiti, non potest talis pignoris fructus ultra sortem recipere, sed debet fructus perceptos in sortem computare. Docet hoc D. Thom. hic ad 6. Unde in Cap. Pulres. De usuris dicitur: Si quis alicuius possessionem data pecunia sub hac specie, vel conditione in pignus acceperit, si sortem suam deductis expensis de fructibus iam percepit, absolute possessionem restituat.

Hinc colligit Caiet. hic circa solutionem Sexti: Ciuitates quæ à Principibus egen-
tibus in pignus alijs principibus dantur, fructificare debent domino, qui impignorauit dedens.
etis

His expensis officialium, &c. Subdit vero :
Deberent autem principes, si volebant facere
fructus suos, non accipere in pignus ciuitates,
sed emere eas cum pacto de retrocendendo.
Sic enim facerent fructus suos.

De pignore dotali diuersam esse ratio-
nem, ait Caietanus : licet enim, creditor
fructus pignoris sibi pro securitate dati de-
beat computare in sortem : gener tamen
fructus pignoris dotalis suos præter sortem
facit vt, colligitur ex Cap. *Salubriter*, De
yluris : quia non est ei pignus datum so-
lum in securitatem dotis, sed etiam, vt
interim, dum ea non soluitur, inde su-
stentet onera matrimonij. Sicque etiam,
si pecunia dotalis non esset exponenda ne-
gotiationi, & ex dilatione dotis nullum
lucrum cessaret genero, posset fructus præ-
dictos sibi retinere, inquit Caiet. *Quoniam*
ratione onerum matrimonij, quæ omnem ma-
ritum, siue negotietur, siue non, siue emat,
siue non, constat sustinere, fructus dotis de-
putati sunt.

Si quæras, an idem sit dicendum de
uore mortuo viro ? Respondet Caiet. ne-
quaquam : *Quia fructus dotis deputati sunt*
propter onera matrimonij, & soluto matrimo-
nio, non restant onera eius : quoniam illius
quod non est, nullum est onus ; ideo errant vi-
duæ volentes fructus dotis suæ, ac si matrimo-
nium extaret. Mag. Soto lib. 6. de iustitia
quæst. 1. art. 2. circa finem, & M. Bañes
hic circa solutionem sexti, con. 4. viduæ
etiam

etiam concedunt, posse percipere fructus pignoris dotalis, quos maritus percipiebat, quando dos non soluitur: quia non solum sunt dicenda onera matrimonij ea, quae proueniunt durante matrimonio, sed etiā illa, quae reiecta sunt ex matrimonio, quorum multa habere viduam constat, nempe educare filios, si habet, & si non habet, familiam pro dignitate sua, & mariti sustentare.

Dubium 4. An mons pietatis, cui mutuatarij ultra capitale, aliquid reddunt pro stipendio ministrorum, & alijs, sit usurarius.

P Artem affirmantē tenent Caiet. to. 2. Opusc. tract. 6. M. Soto lib. 6. de iustitiā q. 1. ar. 6. Probant 1. Usurariū est exigere a mutuatario recompensationem damni, quod non propter mutui beneficium incurritur, aut mercedem alteri debitam, non ex seruitio impenso ad mutui beneficium, ut sic, sed hoc exigitur in monte pietatis, ergo usurarius est. Maior patet, usurarium enim est exigere ab accipiente mutuum, recompensationem damni, quod ab hostibus, aut latronibus mutuas est passus, & mercedem, quam debet operarijs vineae suae. Minor probatur, nam damnum, quod patitur mons pietatis ex impensis, quae

quæ in eo fiunt, non incurritur ob mutui beneficium, sed propter pecuniæ re habendæ securitatem, & merces debita ministris montis, non est debita ex seruitio impenso ad mutui beneficium vt sic, sed pro operibus, quæ fiunt in fauorem, non accipientis mutuum, sed mutuantis, qualia sunt custodia pecuniæ, vel pignoris, opus scribendi libros ratiocinij, & alia huiusmodi, quæ ad integritatem, & securitatem pecuniæ mutuantis fiunt; ergo, &c.

• Secundo, si quis diues, ac misericors homo decreuisset, cuicumque petenti à se mutuari, non tamen nisi suscepto pignore, & vsque ad certum tempus secundum iuramentis pietatis, non posset quidpiam ultra sortem recipere pro stipendio ministrorum, nam si illos ipse adhibeat, non facit in utilitatem mutuatariorum, sed in suam propriam, vt tutam sibi faciat solutionem pecuniæ suæ, ergo neque id licite potest montis pietatis communitas.

• Dicendum tamen est: Montem pietatis, cui mutuacarij ultra capitale aliquid reddunt pro stipendio ministrorum & alijs ad eius conseruationē necessarijs, non esse vitarium, sed verè pium, & iustum. Docent hoc Nauarrus cap. 17. num. 213. M. Bañes hic art. 4. in disp. de monte pietatis, & communiter recentiores.

Probatur 1. ex Concilio Lateran sub Leone X. Sess. 10. in cuius principio est consti-

08 QVAESTIO LXXVIII.

utio Leonis X. in qua sic dicitur : *Sacro approbante Concilio declaramus, & definimus montes pietatis ante dictos per Respublicas institutos, & auctoritate Sedis Apostolica hactenus approbatos, & confirmatos, in quibus pro eorum impensis & indemnitate aliquid moderatum ad solas ministrorum impensas, & aliarum rerum ad illorum conservationem, ut praefertur, pertinentium, pro eorum indemnitate dumtaxat ultra sortem absque lucro eorundem montium recipitur, neque speciem mali preferre, nec peccandi incentivum prestare, neque ullo pacto improbari, quinimo meritorium esse, ac laudari, & probari debere tale mutuum, & minime usurarium putari, licereque illorum pietatem, & misericordiam populis predicare, etiam cum indulgentijs à Sancta Sede Apostolica eam ob causam concessis : ac deinceps alios etiam similes montes cum Apostolica Sedis approbatione erigi posse.*

Secundo probatur : nam ut dictum est dub. 2. con. 1. licitum est mutuati damnum emergens cuius est causa mutuum, in pactum deducere, & ratione illius aliquid ultra sortem exigere : sed ex mutuo quod fit in monte pietatis, huic damnum emergit, diminutionis scilicet, & consumptionis illius ob stipendia ministrorum, & alias expensas ; ergo licitum est ratione illius aliquid ultra sortem exigere à mutuataris. Si dicas, damnum hoc emergere ex lucro occasionaliter, non tamen ex eo causari.

Contra hoc est, nam licet hoc damnum,
non

non causetur ex mutuo absolute sumpto, causetur tamen ex mutuo sic dato, cum expensis scilicet necessarijs ad conseruationem, & administrationem montis; ergo cum sic detur in gratiam, & commodum mutuatariorum, nam conseruatio montis solum in utilitatem eorum, qui petunt mutuum, cedit, vt scilicet habeant, vnde per mutuum ipsorum necessitatibus subueniri possit: ab eis exigí poterit damnum ex tali mutuo causatum.

Ad 1. vero oppositæ sententiæ respondeatur negando minorem. Ad probationem dico, pecuniæ rehabendæ securitatem, & omnes operas ministrorum, & conseruationem montis ordinari ad commodum, & utilitatem accipientium mutuum, & in fauorem eorum fieri, vt scilicet quoties opus habuerint mutuo, sit vnde possit illis dari, & non cogantur ad vsurarios accedere, qui non nisi cum magno interesse mutuum dabunt. Vnde cum, qui sentit commodum, sentire debeat, & onus, vt dicitur in regulis iuris in Sexto, & pauperes mutuatarij soli sentiant commodum montis, ad ipsos solos pertinet sentire onus, & soluere expensas, quæ ad eorum commodum fiunt, & æquum nõ est, vt qui eis mutuat, damnum aliquod patiatur.

Ad 2. respondet M. Bañes, primo negando consequentiam: quia dum homo particularis retinet, apud se dominium montis, ita vt possit illum in alios vsus conuertere cum voluerit, ad ipsum pertinet, mon-

410 QVÆSTIO LXXVIII.

tem conferuare de bonis proprijs. Si tamen dominium montis à se abdicet, & transferat in communis pauperum, ad hanc pertinet montem cōseruare, quod præstare non potest, nisi, qui petunt mutuum, præter sortem aliquid reddant ad ministrorum impensas. Secundo respondet negando antecedens: potest enim homo priuatus montem instituere, & pro impensis aliquid à mutuatarijs accipere; dum tamen hoc non excedat, quod necessariū est, vt se indemnem præstet. Idem asserunt P. Lessis lib. 2. cap. 20. dubit. 23. n. 194. & alij.

ARTICVLVS II.

*Verum quicquid de pecunia
usuraria, quis lucratus
fuerit, reddere
teneatur.*

Conclusio est negans.

**Dubium 1. An usurarius acquirat
dominium usurarium.**

P Artem affirmantem tenent Glossa in
Cap. Si quis usuram, 14. q. 4. Scotus in
4. d. 15. q. 2. art. 3. ad 2. Paludanus ibidem
art. 5. Nauarrus cap. 17. num. 265. & alij.

Pro-

ARTICVLVS III. 411

Probat 1. Scotus : Dans *vsuram* voluntariè dat, quia nullus cogit eum ad hec, sed voluntate sua accipit pecuniam, & reddit ultra sortem, & sic potest dominium transferre in alium. Si autem transfert dominium; ergo alius scilicet *vsurarius* non habet alienum.

Secundò probat Paludanus : Si enim traditio metu mortis facta transfert dominium, multo magis *vsura*, quæ magis voluntariè traditur, & minus contra legem recipitur hec enim duo solum videntur impedire translationem dominij.

Dicendum tamen est 1. Vsurarius non acquirere dominium vsurarum. Docent hoc communiter Doctores cum S. Thom. hic. Probatur 1. *vsurarius* simul cum *vsuris* tenetur restituere fructus earum, quos percepit; ergo non acquirit dominium vsurarum. Antecedens patet ex Cap. *Gratus*, De restit. spoliat. & fatentur omnes. Consequentia probatur, quia tales fructus tenetur restituere, vt hic ait D. Thom. Quia sunt fructus rerum, quarum alius est dominus. Si enim *vsurarius* esset illarum dominus, non teneretur fructus earum restituere, cum res domino suo fructificet.

Secundò, quando lucrum est prohibitum, qui lucratur, non acquirit eius dominium, vt patet ex dictis supra q. 62. art. 5. dub. 3. con. 1. & q. 66. art. 1. dubio 5. con. 3. Sed *usura* est lucrum ex mutuo lege diuina, & humana prohibitum; ergo illius non acquirit dominium *vsurarius*.

Dicendum est 1. Si *vsurarius* *vsuras* per-

miscet cum rebus suis, illatum dominus efficitur. Docet hoc Syluester verbo *Vsura* 6. q. 1. vbi D. Thom. in 4. dist. 15. q. 2. attic. 4. q. 2. afferentem in usura transferri dominium, explicat: *Loquitur secundum opinionem aliorum, ut ibi patet, & est verum, si res subrepta sit suo usu consumptibilis, & alijs commixta.*

Probat, res furtivæ, quando ita mixtæ sunt rebus furis, ut discerni nequeant, in eius transeunt dominium, ut constat ex L. *Si alieni*, ff. De solutionibus; ergo idem erit de usuris, quæ transeunt in dominium usurarij, non acceptione usuraria, sed mixtionis prædictæ, alias enim incerta essent rerum dominia.

Dicendum est 3. Usurarium fieri dominum eorum, quæ de usuris acquirit, tanquam fructus industriæ. Colligitur hoc ex D. Thom. hic, ideo enim negat, usurarium teneri reddere quicquid de pecunia usuraria lucratus fuerit, quia non tenetur reddere, quæ de usuris acquirit tanquam fructus industriæ.

Probat, 2. fructus eius sunt, cuius est id, quorum sunt fructus; ergo cum industria sit usurarij, quæ usurarius acquirit tanquam fructus industriæ suæ, illorum dominus est. Huiusmodi autem sunt, quæ de pecunia usuraria acquirit ludendo, negotiando, vel emendo: Unde hic ad 2. ait D. Thom. *Possessiones, quæ de usuris sunt comparatæ, non sunt eorum, quorum sunt usura, sed illorum, qui eas emunt.* Quod & colligitur ex Cap.

ARTICVLVS III. 413

Cum tu, De vsuris, & ex L. 1. & 8. C. Si quis alteri, &c. Nec obstat, vsurarium, cum non sit dominus pecuniæ vsurariæ, non posse eius dominium in venditorem transferre: nam licet non transferat, in illum tamen transfert venditor dominium rei venditæ, quia transferre potest tanquam eius dominus, & actu transferre vult, licet non vellet, si sciret pecuniam non esse vsurarij.

Ad argumenta autem facta in principio respondetur. Ad 1. cum Caietano hic, ad translationem dominij plus requiri, quam voluntariam rei traditionem: *Exigitur enim quod voluntariè tradat eam alteri ad hoc, vt sit sua; quod soluens vsuras non facit.* Nam licet voluntariè det vsuras, non tamen ratione amicitiae merè gratis, sed ratione mutui, nihil aliud intendens dare vsurario, vt sit suum, quam quod ei debetur ratione mutationis, quod cum nihil sit præter sortem, nihil vult dare ad hoc, vt sit vsurarij præter sortem; sicque vsuras voluntariè dat ei, non vt sint suæ, sed vt mutuum concedat, ipse vero vsurarius viderit, an sine suæ vsuræ.

Ad 2. eodem modo respondetur. Secundo respondet M. Soto lib. 6. de iustitia, q. 1. art. 4. ad 1. partis aduersæ negando, traditionem metu mortis factam transferre dominium: *Nam cum spontanea non sit, non est cur dominium in alterum transmittat.* Neque iura contrarium volunt: immo hoc planè ipsum docent, dum scilicet sanciunt, eiusmodi donationes esse, non irritandas, sed vt irritas decla-

randas . Sed quia hoc videtur esse contra ea, quæ diximus supra q 77. art. 1. dubio 1. prior solutio præferenda est.

Dubium 2. An omnia bona usurarij sint obnoxia, & obligata restitutioni.

D Vas de hac re opiniones refert Panor-
mitanus extra de vsuris Cap. Cum
tu, & Cap. Tua nos, vbi sic habet: Commu-
nis opinio antiquorum fuit illa, de qua in ista
Glossa, videlicet, quod omnia bona usurarij sunt
tacite obligata. Sed moderniores communiter
tenent oppositum, ut Hostien. & Ioan. And. di-
cendo, hanc hypothecam nullo iure probari.

Caietanus tomo 2. Opusc. tract. 8. q. 4.
de his opinionibus loquens ait. Tam anti-
quorum, quam modernorum opinio saluari po-
test, ut illorum sermo de personale, horum vero
de reali obligatione accipiat. Obligatio-
nem realem vocat: Quæ conuenit rei ex iure,
quod habetur super re illa particulari. Perso-
nalem verò: Quæ conuenit rei, non ratione
sui, sed ratione persone, cuius est. Inter quas
triplicem differentiam constituit Prima
est: Quia scilicet realis oritur ex ipsa re, quæ
alteri obnoxia est, ut patet de re furto ablata:
personalis vero redundat in rem ex persona do-
mini obligata ad satisfaciendum. Secunda est:
Quia realis semper comitatur rem ad quemcū-
que, & quomocunque res transire: ut patet
de re rapta: personalis, vero non semper comes
est

est rei. Tertia est: Quia res obligationem realem habens annexam, nec vendi, nec emi, aut quocunque alio modo alienari liberè potest: obligatio autem ratione personæ alienari liberè potest, quandiu apud personam illam remaneat, unde creditori satisfacere possit. Hoc supposito.

Dicendum est 1. Omnia bona vsurarij esse obnoxia, & obligata restitutioni obligatione personali. Probatur cum Caietano: *Non enim deterioris conditionis est, is cui vsura restituenda est, alijs creditoribus. Sed alij creditores actionem habent super omnibus bonis vsurarij, hæcque omnia obligata sunt illis obligatione personali; ergo, & illi, cui vsura restituenda est.*

Secundò, nam id colligitur ex D. Thom. ad 2. dicente: *Possessiones, quæ de usuris sunt comparata, sunt obligata illis, à quibus fuerunt vsura accepta: sicut & alia bona vsurarij.*

Dicendum est 2. Bona, quæ habet vsurarius per vsuram extorta, obligata esse eis, à quibus extorta sunt obligatione reali. Si sermo sit de bonis, quæ non consumuntur vsu, certa est conclusio: una quæque enim res occupata ab altero habet realem obligationem ad dominum suum, cui fructificat, & cui est necessario eadem numero restituenda: sed bona prædicta sunt huiusmodi, ergo &c.

Si verò sit sermo de bonis vsu consumptibilibus, conclusionem negat M. Bañes hic dubio 3. Illam tamen docet Caiet. ubi supra, & probat: *Vnaquæque res occupata ab altero habet realem obligationem ad dominum suum:*

416 QVAESTIO LXXVIII.

sum : sed res per usuram extorta occupantur ab usurario absque translatione dominij ; ergo sunt reali obligatione obnoxia eis ; à quibus extorta sunt .

Si dicas cum M. Bañes , ad obligationem realem non sufficere rei dominium , sed requiri etiā , ut res sint eodem numero restituendæ , quales non sunt res usu cōsumptibiles ; sufficit enim , ut aliæ similes eiusdem , speciei , valoris ac pretij restituantur . Cōtra hoc est : nam licet ex consensu domini saltem tacito , & præsumpto possit res furtiva , vel usuraria usu cōsumptibilis vendi , & alienari , & non eadem numero restitui , ut communiter contingit ; non enim curat dominus , nisi ut sibi reddatur pecunia , aut res eiusdem valoris , aut pretij : sine hoc tamen cōsensu eadem numero est restituenda , & si extat impermixta , ubicunque reperta fuerit , potest vindicari domino illius , non minus , quam res usu non cōsumptibilis , & fructifera ; ergo &c.

Dicendum est 3. Bona alia , quæ usurarius non extorsit per usuram , siue sint empta ex pecunia usuraria , siue sint omnino munda ab usuris , putā patrimonialia , non esse obligata , & obnoxia restitutioni obligatione reali , sed tantum personali . Docet hoc Caiet. ubi supra , & probat : Ad obligationem realem requiritur rei dominium , aut hypotheca : sed prædicta bona sunt in pleno dominio usurarij , & non sunt hypothecata pro usuris ; expressa enim hypotheca contrahitur , consensu partium : qualis

hic

hic non fuit: tacta vero hypotheca iure
positiue introducta est, quale hic nul-
lum reperitur; ergo non sunt reali obliga-
tione obligata.

Dicendum est 4. Qui accipit ab vsurario
bona obligata restitutioni obligatione rea-
li, tenetur ea restituere cum fructibus, si
sint fructifera, vero domino illorum: qui
vero accipit bona solum obligata personali
obligatione, non tenetur ea restituere, nisi
per talem acceptionem vsurarius fieret im-
potens ad restituendas vsuras.

Prima pars patet: quia, cum vsurarij ta-
lium bonorum non habeant dominium,
non possunt illud in alium transferre; ac
pro inde, qui eas dono accipiunt, vel emunt,
aut in ludo lucrantur ab vsurarijs, tanquam
aliena restituere tenentur. Quod P. Lessius
lib. 2. cap. 20. dubit. 19. n. 166. & alij intelli-
gendum esse dicunt, nisi ex consensu do-
mini, saltem tacto, vel præsumpto acci-
perentur. Propter quod excusant eos,
qui pignora, & alia, quæ vsurarij in oppi-
dis publicè vendunt, emunt: quia non
constat, an hæc sint aliena, & quia mutua-
tarij, postquam reliquerunt pro vsuris, non
solent curare, ad quos perveniant, & si ro-
garentur, libenter faderent potestatem
emendi.

Secundam partem docet Caiet. ubi su-
pra, ait namque ad obiecta respondens:
Loquendo de bonis non per vsurarium extortis
(quæ solum obligata sunt obligatione per-
sonali) sola temperis distinctio consideranda.

est, scilicet, quod aut tempore, quo res usurarij ad me deuenit, quocunque titulo, usurarius remanebat potens ad restituendum, aut non. Si remanebat potens, res transit, absque aliqua obligatione. Si remanebat impotens, transit cum obligatione. Limitant hoc, P. Lessius ubi supra num. 168. & alij, intelligendumque esse dicunt, quando ille, ad quem res usurarij deuenit, induxit usurarium ad donandum, vel alienandum illam, & impotentia est causa non soluendi. Si enim non induxit usurarium, sed hic sponte donat, vel vendit, aut alienat, non tenetur illam restituere, etiam si sciat usurarium per hoc fieri impotentem: quia talis res nemini est obstricta, & ipse usurarius est illius dominus, & nulla lege inhabilis ad transferendum eius dominium, sicque re ipsa transfert; & quamuis ipse peccet donando: non tamen, qui accipit, cum non sit causa, ut velit donare, sed solum suo iure utens acceptet, quod ille donare vult sponte: nec enim, vel iustitia, vel charitas postulat, ut negligat suum commodum, etiam si inde per accidens sequatur alteri tantumdem damni. Similiter si impotentia non sit causa cur non soluat usurarius: ut si ipse esset ea industria, ut facile posset tantumdem lucrifacere, aut si iam ante statuerat non soluere, non tenetur, qui rem accepit restituere. Alijs hæc limitatio non placet; de quo vide Dianam 3. p. tractat. 5. miscel. resol. 39.

Dubium tertium. An hæredes, vxor, filij, famuli, & cooperatores vsurarij teneantur ad restitutionem.

Dicendum est I. Hæredes vsurariorū ad restitutionem teneri. Probatur I. ex Cap. *Tua nos*, De vsuris, vbi Alexander III. de hoc interrogatus respondit: *Quod filij ad restituendas vsuras ea sunt distinctione cogendi, quia parentes sui, si viderent, congerentur. Id ipsum contra hæredes extraneos credimus exercendum.*

Secundo, hæredes loco defuncti, cuius hæreditatem acceperunt, succedunt, & bona defuncti cum oneribus, & obligationibus ad hæredes transeunt; ergo sicut vsurarius tenebatur ex suis bonis etiā iuste acquisitis, quando alia non suppetunt, restituere, ita hæredes.

Quærit autem Panormitanus in prædictum Cap. *Tua nos*, De vsuris: *Quod si bona defuncti non sufficiunt ad vsuras restituendas, nunquid hæredes tenentur de suo?* Et respondet: *Quod in nullo casu in foro animæ tenetur hæres ultra vires hæreditarias. Ratio, quia lex inducens oppositum (loquens de hærede, qui non fecit inuentarium) est fundata super presumptione, quia presumit plus fuisse in hæreditate. Sed in foro animæ de omnibus creditur confiteri, & ex qua cessat ratio.*

legis, debet cessare ipsa lex. Vide Dianā 1. p. tract. 10. resol. 27.

Quærit etiam Caietanus Tomo 2. Opusc. tract. 8. q. 5. An altero hærede vsurarij non potente restituere, alter teneatur in solidum? Respondent ipse, & M. Soto lib. 6. de iustitia, q. 1. ar. 4. ad 3. M. Bañes hic dubio 4. & alij, non teneri: nam obligatio ad vsuras restituendas ex bonis licite acquisitis, quorum vsurarius erat dominus, non transit tota ad quemlibet hæredem, sed diuiditur in hæredibus proportionaliter, sicut & ius exigendorum, & hæreditas ipsa: talis enim obligatio non est realis, sed personalis; sicque diuisa persona vsurarij in hæredes, diuisa quoque proportionaliter transit ad hæredes obligatio, ac per hoc nullus hæres tenetur in solidum ad restituendas vsuras, sed solum secundum suam portionem. Vnde sicut si vsurarius ex suis bonis patrimonialibus daret alicui partem, hæc pars, quæ dum erat vsurarij, obligata erat pro vsuris, alienata definiret esse obligata: ita pars hæreditatis, quæ, dum erat vsurarij, obligata erat pro omnibus vsurarijs, accepta ab vno hæredum definit esse obligata pro aliqua parte vsurarum, quia talis hæres solum partialiter succedit loco defuncti, eiusque personam gerit.

De legatarijs, & donatarijs asserendum est, non teneri ad restitutionem, etiam si omnes hæredes vsurarij nolint restituere, vel iam non sint soluendo debita vsuraria, quia omnia consumpserunt; si tamen illa,
quæ

quæ hæredibus relicta sunt ; sufficiunt ad soluendas vsuras . Onera enim debitorum defuncti , & obligationes eorum personales non transeunt ad legatarios , & donatarios , sed ad hæredes , qui solum substituuntur in locum defuncti ; illumque representant , & in vniuersum ius eius succedunt .

Dicendum est 2. Vxorem , filios , ac familiam vsurarij nihil præter bona per vsuram extorta habentes non posse ex illis victum accipere ; si tamen vsurario essent alia bona iusto aliquo titulo acquisita , ex his posse congruam sustentationem accipere . Vtramque partem conclusionis docent S. Raymundus lib. 2. sup. Sum. tit. De vsuris §. 18. & tit. De raptoribus §. 21. Syluester verbo *Vsura* 8. q. 2. & alii .

Primam partem probat Caiet. in Sum. verbo *Restitutio*, versus finem : *Quia alienas res consumunt* ; ergo ad restitutionem tenentur . Dicit tamen ibidem Caietanus : Si persona ista consumentes hæc bona induunt personas utiliter gerentes negotium creditorum , puta , quia dant operam , ut maritus , pater , dominus , &c. restituat ; vel si tantum operarum suarum impendunt ad beneficandum bona illa , & huiusmodi : aut si sunt in extrema necessitate , in qua omnia sunt communia non tenentur restituere .

Secunda pars manifesta est , si propter talem acceptionem sustentationis vsurarius nõ fieret impotens ad restituendas vsuras . Si tamen fieret impotens , adhuc
illam

illam absolute veram esse dicunt Auctores limitationis secundæ partis conclusionis 4. dubij præcedentis; quinimo etiam extraneis concedunt, vt de prædictis bonis accipiant ab vsurario, quæ illis sponte donat ad victum, vel quod libuerit, quantumvis vsurarius peccet reddendo se impotentem ad restitutionem. Alij verò distinguunt: si enim vxor comperentem attulit dotem, potest ex bonis licite acquisitis à viro necessaria alimenta pro se, & suis filijs accipere: nam ratione dotis acceptæ magis obligatur vsurarius ad alendū vxorem, & filios, quam ad soluendum vsuras. Si verò vxor dotem non attulit, non potest ex illis victum accipere pro se, & suis filijs: quia non sunt meliores conditionis vsurario ipso. Vide Nauarrum c. 17. num. 268.

Dicendum est 3. Cooperantes ad vsuras si agunt partes vsurarij, & sunt causa efficax cur vsuræ soluantur, vel solutæ non restituantur, ad restitutionem teneri: si vero agunt partes mutuatarij, vel non efficaciter concurrunt, non teneri ad restitutionem. Hæc secunda pars patet: nam sicut mutuatarij non tenentur restituere, ita nec qui illorum partes agunt.

Prima pars probatur, qui est causa efficax damni, ad eius reparationem tenetur: sed prædicto modo cooperantes ad vsuras sūt causa efficax damni, quod patitur mutuatarij, ergo, &c.

Hinc colligitur, Iudices, Aduocatos,
Pro.

ARTICVLVS III. 423

Procuratores, Notarios, Testes, Dominos temporales, quorum fauore, & patrocínio vsuræ in iudicio, vel extra iudiciū exiguntur, vel non restituuntur, cum repetuntur, teneri in solidum ad restitutionem earum vsurario nolente, aut non potente eas restituere. Est præterea in clementina vnica de vsuris excommunicatio lata contra communitatum potestates, & officiales, qui: *Aut quod soluantur vsuræ, vel quod soluantur, cum repetuntur, non restituuntur, plene, ac libere scienter indicare præsumpserint.* De qua vide Syluestrum verbo *Vsura* 9. q. 12. & Nauarrum lib. 5. consil. tit. De vsuris consil. 33. & 34.

De Notariis, seu Tabellionibus dici solet: si instrumentum efficiant fideliter explicando rem ipsam, vt est à parte rei, ad restitutionem non teneri, quia per tale instrumentum non potest compelli mutuarius ad soluendum vsuras. Si verò instrumentum efficiant palliando vsuras, & scribendo, mutuarium recipere 15, supra 100. cum reuera solum recipiat 100. ad restitutionem teneri; nisi forte id facerent volente, & rogante mutuuario; nam tunc licet peccarent contra religionem, ob iuramentum, quod præstant, & contra fidelitatem, quam tenentur seruare; non tamen contra iustitiam, cum scienti, & volenti non fiat iniuria. Idem est de testibus, cum quod notarius scribit, testentur. Vide Syluestrum verbo *Vsura* 7. q. 8. & 9.

De

De famulis, & factoribus vsurariorum, qui eorum nomine, & auctoritate faciunt contractus vsurarios, vel cogunt mutuatarios ad soluendum vsuras, communiter dicitur, teneri in solidum post vsurarios ad restitutionem: quia vt causæ cooperantur ad vsuram. Si post factum ab vsurario contractum solum petunt simpliciter lucrum, secus esse ait M. Soto lib. 6. de iustitia, q. 1. art. 4. Et idem est de illis, qui in libro scribunt mutuum, quod datur, vel pignora, aut qui numerant pecuniam indando, vel accipiendo mutuo, aut qui solum recipiunt vsuras, quas soluit mutuarius, vt docent etiam Sylvester verbo *Vsuræ* 7. & M. Bañes hic dubio 9. con. 1. Nahuarrus tamen capit. 17. num. 267. & alii hos quoque ad restitutionem teneri existimant.

De Proxenetis, seu internuntiis, quos *Corredores* vocamus, asserendum est; si quærant mutuatarios, vt ad vsuras mutuum accipiant, & pacta, & conventiones inter vsurarium, & mutuatarium firment, ad restitutionem teneri: quia verè cooperantur ad iniustum effectum. Si solum quærant eos, qui pecunia egent, & adducunt ad vsurarium, non obligari ad restituendum, cum potius beneficium præstent, quam iniuriam inferant; nisi forte id facerent ad instantiam vsurarii, & ex parte huius se haberent: nam tunc contractui vsurario cooperarentur.

De poenis contra vsurarios constitutis;
vide

ARTICVLVS IV. 425

vide Syluestrum verbo *Vsura* 9. quaestione 4. & Conarruuiam libro 3. var. capitulum 3.

ARTICVLVS IV.

Vtrum liceat pecuniam accipere mutuo sub usuris.

Conclusio est affirmans.

Non solum licet accipere, sed etiam petere mutuum sub usura: si tamen petens solum exponat quid sit facturum, nempe tollerare, ac pati damnum usurarum, sine quo scit non esse mutuum consequuturum: nam si induceret alium ad volendum usuras, non esset licitum; ait namque D. Thom. hic: *Nulla modo licet inducere aliquem ad mutuandum sub usuris.*

Nec est eadem ratio de petente à muliere parata ad fornicandum, ut secum fornicetur: nam hic petit aliquid, quod est intrinsecè malum; qui vero petit mutuum sub usura prædicto modo, non petit aliquid, quod sit intrinsecè malum, cum solum petat mutuum, quod bonum est; acceptionem vero usurarum, quæ mala est, non petit, sed damnum illius se tollerare, ac pati velle asserit, quia aliter mutuum consequi nequit.

Requiritur tamen ad accipiendum, & pe-

petendum prædicto modo mutuum sub
 usura aliqua necessitas: nam ut hic ait D.
 Thom. *Licet ab eo, qui hoc paratus est face-
 re, & usuras exercet, mutuum accipere sub
 usuris aliquod bonum, quod est subuenio sue
 necessitatis, vel alterius. Qui enim absque
 necessitate vlla mutuum sub usuris acci-
 pit, aut petit, caret debito fine, hocque
 sine causa rationabili facit, sicque pec-
 cat.*

Aduertit autem M. Soto lib. 6. de iustitia
 q. 1. ar. 5. necessitatem. *Non esse necessariam
 ita multum grauem, sed satis esse, ut occurrat
 decencia status, & ornatus personæ. Addit
 Caietan. hic; Non oportet potentes mutuum
 ab usurario parato nimis urgere in conscientia,
 quanta, aut quali necessitate ductus, hoc fece-
 rit: quoniam actum de genere suo non malum
 facit, nec per hoc, nisi ex fine sit mortale, aut nul-
 lum, aut veniale peccatum est. Nullum si ex ne-
 cessitate, aut pietate. Veniale autem, si sine
 rationabili causa.*

Si quæras, an qui absque necessitate,
 pro utilitate tamen sua, vel alterius petit
 mutuum usuris, peccet? Respondet Caie-
 tan. non peccare: quia uti peccato alterius
 ad bonum suum, vel alterius, non est pec-
 catum; bonum vero utile bonum quod-
 dam est, *Nec obstat (inquit) quod Auctor
 respondendo Lectori (mercatori ait M. Soto)
 Florentino dixerit, quod propter maiores nego-
 tiationes exercendas non exousatur qui a pec-
 cato petendo mutuum cum usuris: quoniam hec
 intelligendum de peccato veniali, quando ne-*

ARTICVLVS IV. 427

gationes tendunt ad utile nimis abundans.
Nam si tenderent ad utile necessarium domui
sua nullum peccatum esset.

Ex dictis sequitur, petere ab usurario pa-
rato mutuum sub vsura ad fornicandum;
esse quidem peccatum mortale ex fine:
non tamen esse duplex peccatum morta-
le, fornicationis scilicet, & scandalii: sed v-
num tantum, scilicet fornicationis: nam
non est inducere usurarium, nec dare ei
materiam peccandi: quamuis inde usura-
rius occasione peccandi sumat, sicut & ea
sumeret, si aliquis necessitate ductus ipsi
mutuum sub vsura peteret.

Circa quæst. 79. & 80. nihil se offert di-
cendum. Vide quæ diximus 1.2.q.71.a.5.
& 6. & q.72.art. 6.





I N D E X

R E R V M

NOTABILIVM.

A



ACCUSARE quando teneamur :

59. Non tenemur, si crimen probare non possumus . 63. Nec si crimen est emendatum, aut emendandum speratur correctione fraterna . 65. Nec si est proprium, aut complicitis 70. Nec si timemus grave damnum . 72. Quando, etsi non teneamur, possumus accusare . 75. & seq.

Accusatio uno solo teste existente, an sit iusta :
pag. 81

Aduocatus quando teneatur patrocinari pauperi . 172. Si imperitus sit, aut negligens, ob hocque causam perdat, ad restitutionem tenetur : 175. Item si defendat causam iniustam ; non tamen si defendendo iustam fraudibus utatur . 178. Potest defendere causam
du.

Index rerum notabilium.

- ambiam.** 179. Etiam minus probabilem. 180. An possit esse iudex in eadem causa. 176. Quodnam sit eius iustum stipendium. pag. 183
Appellatio licita est reo etiam regulari. 117. Quamvis sententia lata fuerit secundum opinionem probabiliores. 118
Asscuratio quid sit. 343. Quae ad eius iustitiam requirantur. 344
Audiens detractorem, quando peccet mortaliter. 216

C

- Cambium quid sit.** 313. Quotuplex. 314. Siccum est illicitum. 317. Reale minus licitum, & quibus titulis. ibid. Locale etiam, & quibus titulis. 321. Quamvis dirigatur ad locum ubi campfarius nihil habet, sed campfor ei dat omnia. 327
Campfor, si dat prius pecuniam, potest exigere pignora, vel aliam securitatem. 332
Census quid, & quotuplex sit. 352. Licita est emptio, & venditio census personalis. 355. Realis novi. 354. Tam perpetui, quam temporalis. 357. Cum pacto retrovendiendi, non tamen retro emendi. 359. Conditiones requisita. 363
Clerici nequeunt exemptioni à iudicio seculari renuntiare. 9. In causa sanguinis accusantes non praemissa protestatione, peccant, & irregulares fiunt. 74
Condemnatus, ut fame pereat, aut venenam sumat

Index rerum notabilium.

Sumat, an hoc sumere, & panem sibi oblatum comedere possit. 134

Confessarius quomodo se debent gerere cum reo, qui iuridice interrogatus in causa capitali negat veritatem. 86. *Et cum eo, qui semel negavit veritatem, quam tenebatur fateri.* pag. 100

Contractus quid sit. 237. *Metu factus quando sit irritus.* 239. *Quot modis perficiatur.* 342. *Quotuplex sit.* 243.

Contumelia quid sit. 185. *Peior est detractio-
ne.* 189 *Vnius est speciei atomæ.* *ibid.*

D

D *Annum emergens augeat pretium rei, quæ venditur.* 258. *Ratione illius potest mutans aliquid ultra sortem exigere.* 275

Denuntiatio iuridica quomodo differat ab accusatione, 62. *An sit necessario facienda, etiam si crimen probari non possit à denunciante.* 63.

Detractio est peccatum mortale, 193. *An tale sit dicere crimen occultum uni viro prudenti* *ibid.* *Aut multis non affective,* 201. *Aut publicum in uno loco, in alio ubi ignoratur,* 209 *Aut ad vitandum malum proximi,* 214 *Aut cuiuscunque, & solius peccati mortalis narratio,* 201.

Index rerum notabilium.

E

E Dicta superiorum quomodo sint intelligenda, 79. Quanto tempore duret eorum obligatio, 80.

Emprio quid sit, 245. Ob quas causas fieri possit minori pretio, quam communi, 254. An ob solutionem anticipatā, 272. An ob merces que communiter vendantur anticipato pretio, 277.

Excommunicatio quomodo invalida reddat alia iudicis, 7.

F

Fama quid sit, 126. Detractione aufertur, 192.

Famulus commutans pecuniam sibi traditam à domino, ut creditori satisfaciat, potest sibi retinere lucrum, 321. An filius accusare patrem hereticum teneatur, 71.

Fugere qui possint rei à carcere, 125. An liceat his consilium, 132.

G

Gemmarum iustum pretium, 254.

Gesta per tyrannum an valida sint, 5.

H

Hæres restituere tenetur omnia que tenebat testator. Non tamen ex proprijs, sed ex bo-

Index rerum notabilium.

bonis hereditatis, etiam si non fecerit inuentarium, *ibid.*

onor quid sit, **186.** *Quae bona usurarii sint hypothecata pro usuris, 810.*

Hypocritarum peccata occulta reuelare non **est** licitum, **214.**

Imperator non potest condemnare non concessa reo defensione, **29.** Solius illius testimonium ad quid sufficiat, **170.**

Indicia omnia sunt reo manifestanda, **47.**

Infamia requiritur ad inquisitionem specialem, **35.** Quomodo debeat esse nota iudici, **37.** In quibus casibus non requiratur, **38.** An sola ipsa sufficiat ad interrogandum reum, **45.** An requiratur ad interrogandum de complicibus **50.** Et ut testis contra reum testificetur, **139.**

Inquisitio triplex, **33.** Generalis inquisitionis praeceptum, quomodo sit intelligendum, **134.**

Ad specialem quid requiratur, **35.**

Irrisio est speciale peccatum, **222.** Potest esse mortale, **223.** An etiam si sit de re leui, **224.**

Index debet habere potestatem, **2.** Secundum allegata, & probata **iudicare, 14.** Quid debeat facere, ut liberet innocentem, **18.** Non potest ex priuata scientia reum condemnare, **27.** quae requirantur, ut recte procedat usque ad sententiam, **34.** Potest illam ferre secundum opinionem probabilem, **54.**

Index rerum notabilium.

L

Locatio quid sit, 349. Quodnam sit iustum pretium rerum, quae locantur, 350.

M

Maledicere qua ratione sit illicitum, 226. Peccatum mortale est, 230. Qui plures simul maledicit, an plura peccata committat, 231. Qui maledicendo plura mala optat, plura committit peccata, 233.

Mendacium in iudicio etiam Sacramenti Poenitentiae non semper est peccatum mortale, 102.

Merces ultronea vilescit pro tertia parte, & quandoque plus, 258.

Metus quando irritet contractum, 240.

Monopolium non constituit iustum pretium suis auctoribus, 256. An pretio per illud auctores possint aliae merces suas vendere, 263. Si solus sit ut nullus emat nisi pretio infimo, aut vendat nisi supremo iusto, non est contra iustitiam, 264.

Mons pietatis licitus est quamvis mutuatarii aliquid solvant ultra sortem, 407.

Mors quibus licite optari possit, 228. An nobis ipsis, aut alijs ob vitandam infirmitatem, paupertatem, &c. ibid.

Mutuatio est species contractus, 243. Debet fieri gratis, 374. Nihil mutuans quasi debitum sperare potest ultra sortem; bene tamen quasi gratuitum, 379. Non potest in pactum deducere

Index rerum notabilium.

cere amicitia signa, condonationem iniuria,
remutationem, **385**. Nisi fortè sermo sit
de pacto amicitia, **387**. Ratione damni emer-
gentis aliquid ultra sortem exigere potest,
393. Et etiam ratione lucri cessantis, **395**.
An, & ratione aliorum, **399**.

N

Navis vacua tanquam mercibus onusta, an
possit assecurari, **343**.

O

Obligatio quam ex contractu nascatur,
241.

P

Pactum **in iustitia**, & amicitia, **386**. Retro-
uendendi, & retroemendi, **359**.

Page acerba possunt minori pretio emi, **284**. An
si sint debita liquidissima, & sine **labore**
& expensis exigibilia. **285**.

Pecunia instar mercis potest vendi, & permutari
cum lucro. **320**. Locari etiam,
pag. **375**.

Pignus licet campori accipere. **332**. Fructus
pignoris domini illud dantis sunt, nisi sit pi-
gnus dotale, cuius fructus gener suos facit,
pag. **404**.

Pretium quibus modis constituitur. **247**. Lege
constitutum an tempore inopie sit seruandum
24. Constitutum communi affirmatione fori
aliud

Index rerum notabilium.

aliud rigidum, aliud pius, aliud moderatū.

251. Conuentione constitutum an possit esse quantum emptor dare voluerit, **253.** In subastacionibus quodnam sit iustum. **260.**

R

R Ecambia eodem modo, quo cambia licita sunt, **331.**

Religiosus quomodo possit appellare. **117.** Et esse testis quamuis non sit iuratus, **169.**

Reus iuridice interrogatus tenetur fateri veritatem, **87.** Qui semel negauit, an teneatur postea fateri, **97.** Licet ei delegere crimina testium ad infirmandum eorum testimonium.

104. Et ad vitanda tormenta confiteri crimen proprium, de quo non iuridice interrogatur,

109. Non tamen falsum sibi imponere, **111.**

Appellare potest etiā a sententia lata secundū opinionem probabiliorē, **118.** Non potest se per vim defendere, **121.** Potest tamen fugere, **125.** Vincula, & carcerem effringere.

128.

S

S Ecretum a quibus seruandum sit, etiam si a Iudice interrogentur, **147.**

Sententia ut a Iudice feratur contra aliquem; quid requiratur, **53.**

Societas est licitus contractus, & qua ad eius iustitiam condiciones requirantur, **335.** Si ei

superaddatur contractus affecurationis sortis, & certificationis lucri, exigi potest

Index rerum notabilium m.

crum certum, salva sorte, **337**. Non possunt
licite superaddi ex pacto, **339**. Bene tamensi-
mul, **341**.
Susurratio in quo differat a detractio, **219**. Quando ad dirimendam aliquorum
amicitiam sit licita, **220**.

T

Testis quando teneatur testimonium ferre,
interrogatus a iudice, **137**. An si non
praecessit infamia, **139**. An si sit unicus, **142**.
An non praemissa correctione fraterna, **145**.
An si crimen est sibi sub secreto commissum,
147. An si dubitas, iuridice ne interrogetur,
149. An si timet damnum sibi, aut suis,
151. Quando teneatur ferre testimonium a
iudice non vocatus, **152**. An ratione testi-
monij praestiti, vel omissi teneatur ad restitu-
tionem, **157**.

Tortura reum subijcere quando liceat, **48**.

Tributum. Vide Gabella.

V

Vadiatio licita est, **344**.

Vendere maiori pretio res quam commu-
niter valeant, in quibus casibus liceat, **258**.
Non licet obdilata solutionem, **267**. Nisi
damnum emergat aut lustrum cesserit, pericu-
lum, aut expensa timeantur, **268**. Aut si re-
pore solutionis res plus essent valitura, **272**.
Si res communiter solent vendi credito maio-
ri pretio vendi possunt, quam numerata,
pecu-

Index rerum notabilium .

pecunia , pagina 277.

Emptio quid sit , 245. **illicita** redditur ob defectum rei venditæ , 295. Si tamen hac non minus bona sit, quam qua communiter venduntur , potest eodem pretio vendi , 296.

Venditor tenetur vitium rei, quam vendit dicere , 299. Si tamen minuat de pretio quantum oportet , potest vitium reticere , 301. Quas res possit multis pretijs vendere , 262. Quis scit pretium mox minuendum , hoc non indicato potest res suas pretio currense vendere , 307. Qui vendendo decipit alium etiam citra dimidium iusti pretij ad restitutionem tenetur , 292.

Usura quid sit , 374. **Quotuplex**, 375. Est peccatum , 376. Vide **Murnatio** .

Usurarius non acquirit dominium usurarum , 411. Bene vero eorum quæ de usuris acquirit tanquam fructus industriæ , 412. Omnia eius bona sunt obligata restitutioni, quadam obligatione reali , alia solum personali , 415. & seq.

Vxor usurarij quando ex bonis illius possit sibi vitium accipere , 421.



ERRATA.

Pag. 233. lin. 22. maledicto, maledictio
Pag. 125. l. 16. carcere ex carcere

FINIS.











